

Bodo-10-V (1)



INSTITUTE OF DISTANCE AND OPEN LEARNING
GAUHATI UNIVERSITY

BODO

Paper V

FICTIONAL PROSE

Block 1

GOPINATH BORDOLOI NAGAR

GUWAHATI-781014 : ASSAM

**Institute of Distance and Open Learning
Gauhati University**

MA in Bodo

**सेथि बिलाइ V (Paper V)
सलमा**

**बाहागो - 1 (Block-1)
गिबिसिरिनि सलमा गिरिफोरनि सलमा**

आयदाफारि (Content)

बाहागोनि बेखेवनाय (Block Introduction)

खोन्दो 1 (Unit - 1)

बर' सलमानि उनफिन फाफिन

खोन्दो 2 (Unit - 2)

बिखाया गावो खुगाया मेवा

Contributor

Phanidhar Boro
Unit - 1 & 2

Lecturer,
Department of Bodo
Salbari College

Content Editing

Birlang Narzary

Department of Bodo
Gauhati University

Cover Page Design

After Ali

Rabindra Chapasal
R.G.B. Road, Guwahati-21

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise.

Published on behalf of the Institute of Distance and Open learning Gauhati University by Prof. Amit Choudhury, Director and Printed under the aegis of GU Press as per procedure laid down for the purpose.

Re Print : September, 2018

बाहागो - 1 (Block - 1)

बाहागोनि बेखेवनाय (Block introduction) :

बे बाहागोयाव गुवैयै गिबि सिरिनि सलमागिरिफोरनि सलमानि बागै सावरायनो लानाय जादों । सावरायनो मोजां जानायनि थाखाय बे खोन्दोखौं मोनब्रै खोन्दोयाव राननाय जादों ।

गिबि खोन्दोयाव बर' सलमानि उनफिन फाफिन मुं होनानै बर' सलमानि जोनोम बोहैथि दाहार बायदिनि सोमोन्दै मिथि होतो नाजानाय जादों ।

नैथि खोन्दोयाव चित्तरन्जन मुसाहारीनि 'बिखाया गावो खुगाया गेवा' सलमानि सायाव गुवारै सावरायनाय जादों ।

थामथि आरो ब्रैथि खोन्दोया फारियै 'मन'रन्जन लाहारी आरो बिथानि सौरजि' आरो 'खारलु' सलमानि सायाव लिरनायमोन । नाथाय बे मोननै खोन्दोखौं लिरगिरिफोरा लिरना हरिलाय मोननैल खोन्दोजोंनो बे आयदाखौं आबुं खालामनाय जाबाय । मोनफ्रोमबो खोन्दोयाव नांगी बादियै S.A.Q. आन्जाद लानाय आरो जानो हाथाव सॉलुफोर होफानाय जादों ।

बे बाहागोनि खोन्दोफोर :

खोन्दो - 1 (Unit - 1): बर' सलमानि उनफिन फाफिन ।

खोन्दो - 2 (Unit - 2): बिखाया गावो खुगाया गेवा ।

खोन्दो - 1 (Unit - 1)

बर' सलमानि उनफिन फाफिन (Background)

खोन्दोनि महर :

- 1.1 बेखेवनाय (Introduction):
- 1.2 धाँखि (Objectives) :
- 1.3 बर' सलमानि जोनोम आरो जौगाखांनाय :
 - 1.3.1 बर' सलमानि जोनोम :
 - 1.3.2 बर' सलमानि जौगानाय :
- 1.4 बर' सलमानि प्लट सोरजिनाय :
- 1.5 बर' सलमानि आखु सोरजिनाय :
- 1.6 बर' सलमानि बोहैथि दाहार :
- 1.7 सोदोब बाखि (Glossary) :
- 1.8 जानो हाथाव सौलुफोर (Probable Questions) :
- 1.9 फरायनो गोनां बिजाबफोर (References and Suggested Readings):

1.1 बेखेवनाय (Introduction) :

सलमाया गोदान शुनलायारि सोरजिफोरनि भोजेराव मखजाथाव सोरजि । सलमाया मानसिनि जिव जाथायफोरखौ लानानै रनसाय जायो । बबेखाति मानसिनि गोदै जिव बुब्लिखौ रमानसनि आबिर गाव होनायनि अनगायैबो सलमाया मानसिनि जिव जारिमिनखौ लानानै गेलेयो । सलमाखौ इराजि रावाव 'नभेल' होन्तानै बुंनय जायो । 'नभेल' सोदोब इताली 'नभेला' सोदोबनिफ्राय सोमजिदौ । नभेला सोदोबनि

ऑंधिया गोदान सल। सुबुं जिवनि गोलाव जारिमिनखौ लानानै लिरनाय थुनलाइनि बे आयदाया गुबुन गुबुन रावनि थुनलाइ-असमीया, बांला, हिन्दि, इंग्रजियाव माब्लावानो जौगाखांदौब्लाबो बर' थुनलायाव नैजिजौ जौथायावसो जोनोम मोनो। नोगोरारि सोदोमसि जौगानाय लोगोलोगो गेजेर थाखोनि सुबुंफोरनि गेजेराव खन्थाइ, सुंद सल आरो फावथायनि उनावनो बर' थुनलायाव सलमाया जायगा मोनो आरो अनसाय जायो। बे आयदायाव सुबुं समाजनि गेजेराव मोजां मोनजानाय बर' सलमानि बागै मिथिहोनायनि थाखाय खाबु खालामनाय जादौ।

1.2 थांखि (Objectives) :

बे आयदायाव बर' सलमानि उनफिन-फाफिननि बागै सावरायनो नाजानाय जागोन। बर' सलमानि सोमोन्दै सावरायनायाव गाहायाव फोरमायनाय थांखिफोरनि फारसे बंसिन नोजोर होनाय जागोन --

- बर' सलमानि जोनोम आरो जौगाखांनाय,
- बर' सलमानि प्लट सोरजिनाय,
- बर' सलमानि आखु सोरजिनाय आरो
- बर' सलमानि बोहैथि दाहार आरिनि बागै मिथिहोनाय।

1.3 बर' सलमानि जोनोम आरो जौगाखांनाय :

बर' सलमाया थुनलाइनि गुबुन गुबुन सोरजि जै-खन्थाइ, रायथाइ, सुंद सल, फावथाय आरिनि उनावसो थुनलाइनि फोथाराव सलमा मुंनि आबाद बेगरा खिलिजेनो खाबुलायो। बर' थुनलायाव सलमानि जोनोम आरो जौगाखांनायनि बागै सावरायनाय जाबाय --

1.3.1 बर' सलमानि जोनोम :

'सामन्त खान्थि' या सोलायनायनि उनाव 'बुजवा खान्थि सोमजिनाय लोगो लोगो थुनलाइनि फोथाराव सलमाया जोनोम मोनो। नोगोरारि सोदोमसि जौगाखांनाय शिल्प उद्योग जौगानाय, समाजखान्थि, रांखान्थि सोलायनाय, खौरां बिलाय गोसारनाय, बिगियानखौ लानानै सोलाय सल जानाय, सानसुमै बांनाय,

गोसो आरो सुबुं उदांछिनि खामफायावनो सलमाया जोनोम आरो देरगानो खाबु मोनो। बिदिनो इराज लिरगिरि मुंदांखा सलमागिरि डानियेल डिफ'नि 'रबिन्सन कुस-आ (1719) ई मायथायाव जोनोम मोनो। नाथाय बर' रावति सलमाया जिगु जौथाइसिमहालागैबो जोनोम मोनाखैमोन। बर' थुनलाइनि मोनसे गोखीं आरो अनसाय जाग्रा आयदा महरै सलमानि मासिया थुनलाइनि गुबुन गुबुन आयदाफोरनि बयनिबो उनाव। मुलुग थुनलाइनि जारिमिनखीं बोदलानानै नागोब्ला वे बाध्राखीं रोखा जानो हायोदि, सलमानि जोनोम आरो गेवलांसारनाया समाजाव गेजेर थाखोनि सुबुंनि जोनोम आरो गेवलांसारनायजो नागारलायनो हायै गोथो सोमोन्दो दं। बर' समाजाव गेजेर थाखोनि गेवलांसारनाया लेहेमैसो जाफुंदोमोन। बेनि थाखायनो बर' थुनलायाव बर' सलमानि जोनोमा लासैयैसो जादोमोन। दाखालि बावैसो, नैजिजौ जौथायनि बाजि जिथायाव बर' साहित्य सभाया जोनोम जानायनि उनाव बर' फोरनि गेजेराव हरियारि सांग्रांथिया बांबोनो हमो आरो गेजेर थाखोया जाखां बोनो हमो। गमामायैनो नैजिजौ जौथायनि दंजि जिथायावसो बर' सलमाया जोनोम मोनो। चित्तरन्जन मुसाहारियानो बर' सलमानि सिगांसिन सलमागिरि। मुसाहारिया सोरजिनाय 'जुजायनि अर' सलमायानो गिबि बर' सलमा। बे सलमा बिजाबा नुजायो 1962 ई मायथायाव। चित्तरन्जन मुसाहारिया गिबिसिन सलमा सोरजिनानै बयबो बर' फरायगिरिफोरनिफ्राय बाखनायनाय मोन्नानै, गोजोन मोन्नानै जिरायना थायाखै। बिथाइ बर' सलमायाव गां नैजिबानिखुइ बांसिन सलमा सोरजिनानै गावखींनो सासे गोखीं सलमागिरि महरै गायसन्नो हादो। मुसाहारिनि उनाव गुबुन गुबुन माखासे सलमा लिरगिरिफ्रा सलमा सोरजिनानै बर' थुनलायाव सलमानि बाखिखीं गोखीं खालामो मोनसेनि उनाव मोनसे।

SAQ.

सॉलु : बर' थुनलाइ मुलुगाव सलमाया माब्ला सोरजिजादो
आरो सोर सोरजिजेन्दो ? (10 से सोदोबजो फिन)

1.3.2 बर' सलमानि जौगानाय :

'जुजायनि अर' सलमाखौनो बर' फोरनि सलमा धुनलायनि जागायजेनाय होन्नाय जायो। बेनि उनाव गुबुन गुबुन लिरगिरिफोरनि आखायनिफ्राय गुबुन गुबुन सलमाया गांसेनि उनाव गांसे जोनोम मोनो फारि फारियै आधिखालसिम। जुजायनि अर सलमायाव मुसाहारिया बर' समाज जिवनि बायदिसिना जाथायखौ मिरु खालामनानै सलमाखौ सोरजिदों। बिथाड सलमायाव जरासे सेंग्रा सिखलानि गोसो-धोलायनायनि सलखौ जिवनां सावगारि एरखानाय जादों। बेवहाय गोसो धोलायनायनि दाहाखौ दोहो दोहो खामनाय जुजायनि अरनि मिजं सावगारिनि गेजेरजों फोरमायनो नाजादों। गिबि रनसायनायावनो प्लट, आखु सोरजिनाय आरो बरनायनाय बिधिं निप्राय राफेद जादों। मुसाहारिनि गुबुन गुबुन माखासे सलमाफोरा जाबाय-बिखाया गावो खुगाया गेवा, गोरोन्थिनि उनाव, गार्लस हस्तेल, बिलोगो, दावखानि बाहा, उनदाहा, फुलमुती, आं निलिमामोन, कल गार्ल, नौनि मेगनानो आंनि मेगन, सर्भिष्ठा, आं नेनानै थगोन, सुजाता, मोदै, जिडनि लामायाव, बरसे बिबार माथाम बांभ्लेमा, बिबारजों दा सुनाय, हाबानि आस्थाम, फानजारिनि दाव, नौनि थायसे मेगना आंनि, लेहायनाय बिबार, गलाप बिबारनि सु, थानाया बारा गोजान नड बायदि बायदि।

मन रन्जन लाहारियाबो सलमा सोरजिनानै बर' धुनलायखौ जौगाहोयो। लाहारिनि गिबि सलमाया जाबाय खारलुं (1976)। बे सलमायाव लाहारिया बर' हारिनि खारलुं आखुखौ रेखायै फोरमायदों। गाहायै आबादजों जिव खुग्रा बर हारिया रंखान्थियारि बाहायनाय बिधिद्वव गावखौ आर जाहोनो हायिनि जाहोनावनो उवाल-गाहेन लायै लायै, हाग्रा बंग्रा हादान सिफायना संसार जानाय आरो लोरवां थासारिखौ नुनानै खायसे देवानिफोराबो थगायनो खाबु लानायखौ बर'फोरनि गेजेराव रोखायै नुनो मोनो। बेफोर जाबाय मोगथां जिवनि रोखा मोनदांधि। बेफोर सावगारिखौनो मन रन्जन लाहारिया 'खारलुं' सलमायाव बरनायदों। हायनामुलिया लाहारिनि नैथि सलमा। ओंखारदोंमोन 1985 मायथायाव। बे सलमाखौ लाहारिनि साबसिन सलमा होन्नानै फोरमायजायो। समाजाव हायनामुलिनि गोहोम, हायनामुलिया मात्रै मानसिखौ आरो लोगोसे नखरखौ फोजोबसाडे बेखौ लाहारिया 'हायनामुलि सलमाजों मिथि होदों। लाहारिनि गुबुन गुबुन सलमाफोरा जाबाय-

रेबेका, आनारी आरो डन कुइसत (राव सोलायनाय)

धरनी धर औवारियाबो सासे गोख्रों सलमागिरि । बिथानि गांसेल मोरजि मैहुर सलमाया बाखनायथाव । बिथा, आखुदानाय फोरमायनाय आदबखौ आरो सलमानि मिजिं सावगारिखौ नायनानै गोजौ थाखोनि गांसे सलमा होन्नानै फोरमाय जायो । सलमायाव बिथाड बोखाव जायै बरपेटा जिलानि मानास हाग्रामा बोरसि दैमा नारंगुरि, खासिबारि, बारांगाबारि, थायलिर बारि बायदि गामिनि बर' सुवुफोरनि रायजो जानाय, रांखान्थि समाजखान्थि बायदि सावगारिखौ राखायै फोरमायदों ।

बुद्धदेव बसुमतारिनि दैथुन सलमाया 1980 मायथायाव नुजायो । बे सलमानि गेजेरजों बिथाड बर'फोरनि जिवनि थानानै थानाय मोकथानि रोखा सावगारि बोदों । सलमागिरिनि मोकथाडारि जाथाय आरो थासारिनि नोजोर बोनाय आरो गायसन्नाया मेहेर गोनां । नन्देश्वर दैमारिनि मन्जुबाला देबी (1980) या गांसे मखजाथाव सलमा । सलमानि प्लट आखु एरखानाय आरो थासारि सोरजिनाया गासोयाव नांथाव जादों । समजित कुमार ब्रह्मवाबो सासे जाखांफुनाय सलमागिरि । बिथानि 'मालति' सलमाया गांसे समाजारि सलमा । सलमायाव बिथाड सासे आयजोनि गोरबो इसिंनि सिनायथि होनायजों लोगोसे बर' समाजनि गेबें सावगारि एरखानो नाजादों बिथानि गुबुन दोंसे सलमाया जाबाय 'हिन्जाव गोदान' ।

1981 मायथायाव ओंखारनाय 'बिसनि लैथो सलमा' या गांसे संदानारि सलमा । लिरगारिया जाराफागला । सलमायाव दोंनै सलवा समानै दावगादों । गिबि सलवाव खारखोमानाय दायनिगिरिखौ संदानानै आरो गुबुन दोंसेया मनिराज आरो मनिमालानि गोसो थोलायनायखौ मिरू खालामनानै दावगादों । गांसे सलमायाव दोंनैबो सलवा हेंथा गैयाजासे सें सें समानै दावगानानै सलमाखौ जाफुंसारनायाव थुलुंगा होदों । 'आनरनि जिव दिड' सलमाया जाराफागलानि गुबुन सलमा । सलमागिरिया सलमानि जोहोलाव आनरनि जिवा बायदिमिना जेंना-जेथो सौग्रावलायनाय, गाबनाय, मिनिनायनि गोसोयाव नांथाव जाथाय फोरनि गेजेरजों बर' समाज जिवाव जाबाय थानाय जाथायफोरनि खोन्दो सावगारिखौ रोखायै एरखांदों ।

सुधीर कुमार ब्रह्मनि 'खाफाल' (1983), नबीन मल्लनि 'देवजित मलिना आरो - आं' (1983) हरेस्वर बसुमतारिनि 'थेजों बुंफबनाय उदां बोथोर'

(1984), कान्तेश्वर ब्रह्मनि 'फागुनी' (1984), और जेबोला (1984), फाखन फैसाली (1985), जि. आर. बसुमतारीनि 'गोरोन्धिया आदानि नोडा' (1985), बिष्णु ज्यतिनि 'बांग्रि' (1985) बायदि बायदि सलमाफोरा समाजारि सलमा। समाजनि बायदि रोखोमनि सावगारिफोरखौ बेफोर सलमानि गेजेरजों बेरखां होदों।

फुरजेया 'इन्दुमतीनि मोदै' (1987) सलमानि गेजेरजों बर' सलमा धुनलायाव जारिमिनारि सलमाखौ गायसनजेननो नाजायो। बिनि उनाव बिद्या सागर नाजोरियाबो बर' सलमायाव जारिमिनारि सलमा 'गब्लानि साव' आरो गुबुन गुबुन सलमाखौ सोरजियो। इन्दुमतीनि मोदै सलमायाव सरजाबनाय जाथायफोरा जारिमिनारि नडब्लाबो जारिमिनारि बिद्या हिसाबै लाना सलवाव जाथायफोरा सानबोलावारिबनाबो जारिमिनारि सुबुंफोरखौ थान्दै महरै बेरखांहोनाय जादों। बेखायनो जारिमिनारि सलमा सोरजिनाय बिथिडव 'इन्दुमतीनि मोदै' सलमाया गोखों आगान।

बर' सलमा जौगाहोनायाव कातिन्द्र सरगियारिखौबो रायखानो हायो। बिथाड 'जारौलि', 'खोमसिनिफ्राय सोरथिं' 'सानमोखाडरि लामाजों बायदि बायदि समाजारि सलमाखौ सोरजिदों। प्लट सोरजिनाय, आखु दानाय फोरमायनाय आदब आरो खन्थायारि राज्नायनायफोरनि गेजेरजों सरगियारिया मोखथां जिवनि सावगारिखौ सलमाफोरनि गेजेरजों एरखांदों रोखा रोखायै। 'सानमोखाडरि लामाजों बर' समाजनि मोनसे समनि थासारि आरो हारियारि दाड बाजिनि सावगारिखौ सलमागिरि कातिन्द्र सरगियारिया रोखा-रोखायै हमधाननै दोन्नो नाजादों। अनिपवन्द्र बसुमतारिनि 'ललिता' (1995) सलमायाबो गांसे समाजारि सलमा। बेवहाय सलमागिरिया बर' समाजनि हिन्जाव माहारिनि आखु आखलनि थान्दै महरै ललिताखौ फोरमायदों। बिथानि सलमाखौ मनरन्जन लाहारिनि 'रेबेका' सलमाजों से-सेंडे फसंनानै रुजुना बिजिरनो हायो।

गोजौवाव सावरायनायनिफ्राय रोखायै फोरमायनो हायोदि 1962 मायथायनिफ्राय आथिखालसिम बर' सलमा धुनलायाव समाजारि संदानाय, जारिमिनारि सलमाया जौगाखानो खाबु मोनो गुबुन गुबुन समाव गुबुन गुबुन सलमागिरि फोरनि आखायनिफ्राय। नाथाय गुबुन गुबुन सलमानिखुइ समाजारि

सलमाखी बांसिनै नुनो मोनो । राव सोलायनाय सलमाखी बर' सलमा थुनलायनि
 खमसिन बिबांनि नुनो मोनो । दाजिम नांनाय लेखायै मिरि जियरिखी 'मिरि सिखला'
 मुडै राव सोलायनाय, 'बापुकण' 'आजिर मानुह' बायदि बायदि असमोया
 सलमाफोर राव सोलायनाय आरो इराजि रावनिफ्राय 'डनकुइस्ट', बोराय मानसि
 आरो लैथो' सलमाफोरखी बर' रावाव सोलायनाय जाबाय । 'मिरि सिखला'
 सलमाखी उधिसार खुंगुर बसुमतारि बापुकण सलमाखी रेणु बर', डनकुइस्ट'
 सलमाखी मनरन्जन लाहारि आरो 'बोराय मानसि आरो लैथो सलमाखी डन
 अनिल बर' बिथांमोना राव सोलायदो । आधिखालाव बर' सलमा फोथाराव गुबुन
 गुबुन सलमाफोरनिफ्राय राव सोलायनाय खामानिफोर सोलिगासिनो । आसा खालामो
 राव सोलायनाय सलमाया मोनसे समाव बावैनो जीगाखांनो हागोन ।

S.A.Q.

सौलु : बर' सलमा थुनलायाव दावबायारि सलमा दं ना गैया ?
 (सारिसेजो फिन हो)

सौलु : बर' जारिमिनारि सलमानि सोमोन्दै लिंर ।
 (30 सो सोदोबजो फिन)

आन्जाद लानाय

सौलु : बर' सलमा जौगानायनि बागै सावनाय ।

सौलु : बर' सलमायाव जारिमिनारि आरो राव सोलाय सलमानि
 जौगानायनि मोनसे रनसायारि फोरमायथि लिंर ।

1.4 बर' सलमानि प्लट सोरजिनाय :

सलमानि गौनांथार आरो मखजाथाव धादेरसा (Element) आ जाबथ

प्लट । सलमायाव सलखौ मात्रै बुंफोरलांदों एबा बेखेवलादों बेखौनो प्लट होन्नानै बुंनाय जायो । थोंजोडै फोरमायनो हायोदि सलमायाव आखुफोरा जा हाबा मावो एबा मा जाथाय जायो सलमायाव बेनो प्लट । M.H. Abrams नि रावैब्ला, "The plot in a dramatic or narrative work is the structure of its actions, as those are ordered and rendered toward achieving particular emotional and artistic effects." (A Glossary of Literary Terms, P. 127) । प्लटनि दाथायफोरा जाबाय बेखेवजेनाय (expansion), जाथायनि दिंप्राय बिन्दो (perpetia), जाथाय, जाथायनि जाहोनखौ गाहाय आखुवा मिथिनाय (anagnorisis), जाथायनि दिंप्राइ (peripetia), जौगा एबा जाथाया दुंलोब गोनां जाथाय (climax) आरो जोबथारनाय फिथाय (denouement or catastrophe or fall of action) । सलमायाव गाहाय प्लटजों लोगोसे उफेरा (additional or sub plot) फोरबो थाफादेरो एबा थाफादेरनो हागौ । बे बिधिंफोरखौ नोजोर बोनानै बर' सलमानि प्लट सोरजिनायनि बागै गाहायाव फोरमायनाय जाबाय --

बर' सलमा थुनलायाव गिबिसिन लामा दिन्धि गिरिया चितरन्जन मुसाहारि । बिथाड 1962 मायथायनिफ्राय गांसेनि उनाव गांसे सलमा सोरजिगासिनो आधिखालसिम । नाथाय मुसाहारिनि सलमाफोरा, सलमानि बिथाफोरा एखे रोखोमनि जालांजोबो । बिथाड गोजाम आरो गोदाननि गेजेरनि आबहावायाव जोनोम मोन्नाय । बेनिखायनो बिथानि सलमाफोरनि प्लट आ गोजाम आरो गोदानजों सौग्रावलायनानै सोमजिनाय मोनसे जाथाय । मुसाहारिनि गिबि सलमा 'जजायनि अर' सलमानि आयदा सायखनाय, गायसन्नाय आरो आंगिक बिधिंखौ लोरबां जानाय बायदि मोनो । बिथानि प्लट सोरजिनायफोरा फ्राय एखे रोखोमनिफ्राम । दोसे सलमाखौनो सोलाय सोल खालामनानै लिरलांनाय बायदि मोनो । बिनि सलमायाव जोहोलाव जोहोलावजोफोरा गाव गावसोरनि मावफारियाव गोरोन्धि मावो ना मावा गावसोरनो सानसनानै दिहुन्नो हाया । बेखौ नायनानै मुसाहारिनि सलमाया anagnorisis बिधिंखव लोरबां जादों होन्नानै फोरमायनो हायो । नाथाय बिदि होन्नानै मुसाहारिनि सलमाफोरा बे बिधिंखव लोरबांजोब-बेखौ जों बुंजाया । बिथानि गोरोन्धिनि उनाव सलमायाव गोरोन्धिखौ गाहाय आखुवा मिथिनो हादों । बांसिन सलमानि प्लट आनो दुखुनां एबा दुखु गोनां । सलमायाव जोहोलावनि दुखु नडब्ला जोहोलावजोनि

दुखु माब्लाबा सलमानि जोहोलाव जोहोलावजोफोरनि जोबझानायखौ नुनो मोनो । बिदिन्धि बादियै 'उनदाहा' सलमायाव-स्यामल, बिखाया गावो खुगाव गेवा' सलमायाव सान्ति आरो 'नों आंनि आं नौनि सलमायाव रीता-बिजय, फुलमुग्ध सलमायाव-सनाराम, दैसारि दै सेराव सलमायाव बनश्री- बिजयनि जोबझानायखौ नुनो मोनो । माब्लाबा प्लट-आ दुलोब जादो जोहोलाव जोहोलावजोया फारिल जानानै । जेरै - 'जुजायनि अर सलमायाव आलायस्रिया फारिल जानानै, माब्लाबा मिथियै जायगायाव गोमालाडे, जेरै-सुजाता सलमायाव निलिमाया हारसिडे गोमालाडे । अदेबानि ट्रेजि-कमेदि प्लटखौबो चित्तरन्जन मुसाहारिनि सलमायाव नागिरनानै मोनो । ट्रेजि-कमेदि सलमाफोराव जोहोलाव-जोहोलावजोफोरखौ माखासे दुखु जारलानि गेजेरजौं सुखुयै रायजो जाहैनायखौ नुनो मोनो । जेरै - 'दावखानि बाहा' सलमायाव नीलेसर-जबाराणी, 'नोंखौ मोनाबा' सलमायाव देवेन-दीपा, 'गलाव बिबारनि सु' सलमायाव बिनय-पुर्निमा, 'खिधेर' सलमायाव मलय बोधिका, 'गोसोया मोनसे मनदिर' सलमायाव मलइ इभा मोननि आलो गोजोन रायजो जानायखौ नुनो मोनो । मुसाहारिनि गांफा-गांनै सलमायाव गाहाय प्लटखौ नागिरनानै मोनो थाइ । लेडइ प्लट (Sub plot) जौनो सलमाखौ फोजोवनाय नुनो मोनो । मुसाहारिनि 'गार्लस-हस्टेल' सलमायाव दौसे गाहाय प्लट गैया । लेडइय प्लट (Sub-plot) आरो जाथायारि सल (episode) जौं आबुं । मानेना सलमायाव बुंथिगिरि (narrator) सन्दना जेबो दैदेनथायारि मावफारि गैया । बिथानि बोसिन सलमानि प्लट-आनो मोजां मोनलायनायजोव । अब्लाबो मुसाहारिनि सोरजिनाय प्लट आरो प्लटनि दाथायखौ बर' सलमायाव बाखनायनो गौनां जायो ।

मन रन्जन लाहारीयाबो मखजाथाव सलमागिरि । बिथांखौ साबस्नि सलमागिरि होन्नानै बुंनो हायो । बिथानि सलमानि प्लट सोरजिनायाव गाव आरो मोगथांखौ नागिरनानै मोनो । 'खरलुं' सलमायाव बिथाड बर 'फोरनि थार सावगारि-आबाद मावनानै जाग्रा, पुजिबादि हाथायनि रांखन्धियायारि आरो बाहायारि राहाथाव थावरिनो हायै, न-बां फान्तानै हादान सिफायनाय, दुर्धा देवानिफोरनि धगायनाय आरिनि सायाव सलमानि बिथाखौ फसंदौं । बिदिनो 'हायनामुलि' सलमायावबो बर 'फोरनि गेजेराव सोलिनाय हायनामुलिन गोहोमखौ नुनो मोनो । नाथाय हायनामुलि सलमानि प्लट सोरजिनायाव एसेब्लाबो गौनो गोथो थानाय बाथदि मोनो । मन रन्जन


लाहारी बिधाड फोरमायदों - बे सलमायाव खारलुनिखुइ गोधीसिन जिव सानथीवाव हाबनो नाजानाय जादों। बेवहाय गरगराम, देवसि (माहाजोन) आरो फिसाजो मानासीनि जोबसां लांनायनि जाहोना रगेन दाहोना आरो बियो बाहायनाय हायनामुलि। बिजाबनि 1 (से) बिखडवनो आख फाखखौ नुनो मोनो-माहाजोननि बैसोया 35 बोसोर बिजिनि बैसोया 30 बोसोर आरो बे समावनो फिसाजोनि बैसोया 18 बोसोर। सान्तांगीया बेनोदि बिमाया 12 बोसोर बैसोयावनो जोनोम होदों। सलमायाव मानसि, दोहोन-दौलत आरिया हायना मुलि आरो दायना-दायनिनि रायनायनि खाधियाव मात्रै राहा गैजायै (helpless) आरो धानानै धानायनि जेबो निरापत्ता गैयै (unguarded) बे सावगरिया सलमायाव रोखायै बेरखादों। 'रेवेका' सलमायाव गेजेर थाखोनि सुबुनि आयजो एबा हिन्जावसाफोरनि जोबसांलांनायानो सलमानि प्लट। लाहारीनि सलमायाव खायसे लाजिरोडै सल (pornographic episode) फोर दं। सलमायाव जाथायफ्राबो पर्णग्राफिकखौ गारोब्ला लांदां-दां, आद्रा जालाडे सलमानि सलवा।

धरनीधर औवारीनि मैहुर सलमाया सल, थासारि, रायज्जायनाय आरो लिरनाय आदबा बाखायथाव। सलमानि बरनायनाय आदबा राफोद आरो सोमोन्दे गैयै नड। सलमानि प्लट-आ जथाय आरो खौसेथि दं। सलमायाव दैलाव-दैसाव आरो लरग-थरग बिधिं गैया। मैहुर सलमानि दुखुनांथाव जोबहैनाया सलमानि हांखाइथिखौ गोगेम खालामदों। मैहुरा गांसे मोगथाडारि समाजारि सलमा। जानो हागौ मैहुरानो 'बर' राबनि गिबि ओनसोलारि सलमा।

पानीराम दैमारीनि 'बोलो ना गियान' सलमानि प्लट-आ जेथे गोनां। फावथायारि बिफावजों, बिफाजों हिनजाव होजानो नागिरनानै आरो हिन्जाव लाय होन्नानै बिफाजों बुजायो। उनाव खुंखाया ननिफ्राय खारलानानै जलपाइगुरियाव अनारु मुं लानानै दाहोना थाहैयो। दाहोना थानानै रां खामायो भावै-दाडै माहाजोननि गोसोखौ गोजोन खालामो, बिबारि मोननि गोसोखौ जै खालामो, उनाव गावबो थार जाथायखौ मिथिजायो, नसिम लाबोजायो आरो उनाव बिबारिजों लोणोसे हाबा होजायो-जायखौ बियो गारे बोबिखाजों मोजां मोनो। मखनांगोनदि सलमानि प्लट-आ कमेदि।

दैमालु 'बर' नारजारीनि 'अलखत'-आ गांसे रमानटिक सलमा। बिजय

आरो पुरनिमानि मोजां मोनलायनाय नै लोको मोनलायबाय धानायानो प्लटनि जायगाखी आवग्रिदों। अलखत सलमायाव बिधां बर नि प्लटखी गाहायाव फोरमायनाय बायदि नुनो मोनो-



1. **सैथियाव बरनायनाय (Exposition)** : बरनायनाय बिधिडाव बिजय, पुरनिमा, बिमा-बिफा बिसोरनि बयनिबो सिनायथि आरो मोजां मोनलायनायनि सावगारि एरखांनाय।
2. **नैथियाव जौगानाय (Development)** : बिजय पुरनिमानि मोजां मोनलायनायनि सावगारिया राफोद महर मोन्नाय आरो बिजय बिमा बिफानि नायबिजिरनाय।
3. **धामथियाव दिंघ्राय बिन्दो (Turning point)** : साखियाव हावहैजेननो (जयेन जानो) धानायाव बिजया लामायाव लुथि जानाय।
4. **त्रैथियाव जौगा (Climax)** : बिजया थेला नारनानै जानाय, बिमा सपनामोनखी उदखारिनिफ्राय रैखा खालामनाय। बिजया सि. आय.दि. साखि मोन्नाय सपनाजों लोकोसे थानाय, सपनाखी गोसो थोनानै हावा जालायहां जालायहां सावगारि एरखांनाय।
5. **बाथियाव जोबथारनाय फिथाय (Fall of action)** : सलमानि बे दाथायनि बिधिडाव बिजया नवाव फैनानै पुर्णिमाखी सन्देह खालामनाय, मुगैनाय, रायनाय, होखारनाय, पुर्णिमाया गुवाहाटियाव धानानै लोकोमोनहैनाय, बिजया सपनाखी नुहरनाय। बिदाजों थानो थ्रांफानाय।

6. दथियाव जोहोलावा गोरोनथिखी सानखांना मोन्नाय (Anagnorisis): पुर्णिमाया रेलाव थैनो थांताय सपनाया रेखा खालामनो खारलांताय, बिजया पुर्णिमा आरो सपनाखी लोको मोनहेताय आरो गोरोनथिखी सानखांनाने मोन्नाय ।

7. सिन्धियाव केतासथ्रफ : पुर्णिमा आरो बिजयनि जुलि । सपनाया बिजयखी एराय खेलाडे ।

मनेसर नारजारिनि 'बराद' सलमायाव प्लट सोरजिनाया राफोद जादों । जायनि थाखाय सलमाखी जाफुसार सलमा होन्नाने फोरमायनो हायो । सलवाव जोहोलाव जोहोलावजोफोरनि हास्थायनाया पर्णग्राफि बायदि । नाथाय हास्थायनाया पर्णग्राफिकेलि सुफुनाय दिन्थियैलाय सलमानि समायनाया रेखा जादों । अब्नाबो सलमायाव मोन्नेसो लोरबां दिगफोर नुनो मोनो । जाय दिगफोरा सलमानि सलखी खहा खालामदों । बिदिन्थि बादियै- रम्बाथिया बिदा दंमोन, नाथाय सलवाव बिदाया एसेबो बाहागो थायाखेसै, रायखां जानाय जायासै । सान्ना थाडेब्ला सासे बिदाया बिनानावनि गोबां बिबान रुजुन्तो हायो । रम्बाथिया सासेनि उनाव सासे साथाम मानि हौवाजों सोमोन्दो खालामदों, जिवाव आंगो खालामदोंब्लाबो रम्बाथिनि गोसोयाव नाजाव नाय हौवानियाव बे बाध्राया जेबो सान्नाय लाबोयाखै । थेवबो उनाव रान्दि रम्बाथिया बालन्दा हौवाजों जुलि जाहेनाया सलखी ट्रेजि कमेदि खालामदों ।

बिष्टिराम औवारिनि सलमा अरगेड हितेस डेकानि भाराधर सलमाजों गोरोबफादों मुंफोराल गुबुन गुबुन । औवारीनि अरगे सलमायाव अनारू ब्रह्म आरो बिथरी नार्जारीनि मोजां मोनलायनाय, बोराबलायनाय, बिहामजो जानो नागिरनायनिफ्राय फ्रिसाप्लानि बेसेन लुबैनाय, बेफोरखी लानानै अनारू बिथरीनि गेजेराव गोरोन्थि बुजिनाय उनाव दाजाब-दानख खालामनानै गोरोवहेलायनाय सलमायाव प्लटनि दाथाया फावथायारि आरो सानबोलावरिजों आवुं ।

फुरजेनि 'इन्दुमुथिनि मोदै' सलमाखी सलमागिरिया जारिमिनारि सलमा बुडेब्लाबो गुबै ओथियाव बे सलमाखी जारिमिनारि सलमा होन्नाने बुंजाया । सलवाव दाजाबदेरनाय जाथाय फोरा जारिमिनारि नोड । जैफुरि रायजोनि राजा बिजारसिं

आरो राणी इन्दुमतीनि गेजेराव धानाय जि सोमोन्दो सलमायाव दिन्धियाय जादो बेनि जारिमिनारि बिथा गैया। 'जारिमिनखौ बिथा हिंसावै लाना सलमायाव सानबोलावारिब्लाबो जारिमिनारि सुबुं फोरखौ धान्दे महरै एरखानाय जादो। सलमायाव प्लट-आ सामलायजनाय आरो जथाय नड। अरन राजा नि 'हरै मारुवाव' आरो 'गोसोम फैसालि' गांनै सलमाया सिरियास (गोसो दुंखांहोनाय) आरो ट्रेजि कमेदि। हरै मारुवाव सलमायाव बिमा बाधुलानि उदखार खालामनायाव ननिफ्राय खारलानानै दीपालि आरो अनिल मीना सासे फरेष्ट रेन्जारनि फिसाज्ला राजखौ लोगो मोनो। राज-आ बिसोरखौ आस्रय होयो, लेखा फरायनो होयो। नाथाय राज-आ धैनायनि उनाव हरै मारुवाव गावनि अनजालि निप्राखौ लोगो मोनखोना मोनदिया, बेखौ फरायगिरि बिथांमोननो सान्नायनि खराग होयो। 'हरै मारुवाव सलमानि गुदिया राजसोब्लाबो दीपा आरो अतिलानि सलवा गोसो खामखांसिनाय। 'गोसोम फैसाली' सलमाया गोथो आरो गोरलै। गोरिब अनिला सेधि थाखोयाव मेट्रिक आनजादखौ उश्रिना गंसे प्रेसाव खामानि भावो। वेवहाव मेनेजारनि फिसाजो अनजिमाजो गोसो धोलायो। अनजिमाया उनाव प्रेस बिगोमानि फिसाज्लाजो बमब्रायजानो नागिरो नाथाय अजय बिनानाव रहिताया अजयखौ गेवं लामाजो लाबोनो हायो आरो अनजिमा अनिल जानखारलायनायखौ गोरोब होलायनो थांनानै अजया मटर बाइक-आव सौदावना हसपिटालाव थैहैयो। सलमानि सलानि जोबनाया नायजाबारि।

सलमानि प्लट-फोरखौ सावरायबोनायनिफ्राय रोखायै फोरमायनो हायेदि बर' सलमानि बांसिन प्लट-आनो समाजारि। बर' सलमागिरिफोरा गाव गावसोरनि लिंरनायनि गेजेरजो समाजारि सावगारिफोरखौ मोगथां महराव बेरखांहोनो नाजायो। साफा सानै सलमागिरिफोरा बर' सलमायाव जाफुंसार प्लट सोरजिनो हादो। नाथाय गुबैयै फोरमायोब्ला साबसिन प्लटनि बर' सलमानि अनजिमाया दिने ट्रेजिद बोसोर बैसोयावबो थोजासे नड। बर' सलमायाव बांसिन अनजिमायावबो सलमानि फैलाव सिमा, मिहि नोजोरथिनाय बयजोबो गनायथिजनाय, आजावजानाय, सुबुंधियारि हांखायनाय आरो नांगौ रोखोमनि धुनलायारि बेसेननि आंखाल। आधिखाल सलमानि जि रोखोमनि गोदान गोदान सान्नाय हनाय आरो आंगिक दिहुनजादो बेफोर बिथिनि फारसे बर' सलमागिरि बिथांमोनखौ नोजोर बोनायखौ

नुनो मोनाखै बायदि मोनो। गोदान बिधिनि सलमा लिरनायनि फारसे गोसो होयाब्लासिनो जौनि सलमा गिरि बिधांमोनखौ दोरोडारि (Traditional) सलमा लिरनायाव बिधांमोना मुखव जानाने थानांगोन। सलमा लिरनायनि गोदान इसारो आरो आनजाद नायनायजौ सिनायथि जानायाव गोब्राब जागोन आरो बर' सलमाया बहुम सलमाजौ समानै जिरायफानायाव बहुम सलमानि देवना गाग्रां हैनायाव आख-फाखजौ सौथु-सौथा जाहैगोन, बे खोधाखौ गनायनो गोब्राब मोनोब्लाबो, बेयो अराय शेखा। बेखायनो बर' सलमागिरिफोरा आधिखाल सलमानि गोदान गोदान सान्नाय हनायजौ आरो आंगिक दिहुन्नायजौ सांग्रां जानो नाजानायनि गोनाधि दं होन्नानै सान्नायनि सम जाथारबाय।

S.A.Q.

सौलु : जुजायनि अर' सलमानि प्लट सोरजिनायनि सोमोन्दै मोनसे सावरायथायारि सुजु लिर।
(50 सो सोदोबजौ लिर)

सौलु : बर' सलमायाव मा रोखोमनि प्लट सोरजिनायखौ बांसिनै नुनो मोनो बिजिर। (50 सो सोदोबजौ लिर)

1.5 बर' सलमानि आखु सोरजिनाय :

सलमायाव जायनि जिवनि दौलैजौ सलवा जागायो, जौगायो आरो जोबहैयो बेनो गुबै आखु। प्लट बायदिनो आखु सोरजिनायाबो सलमानि गोतांथार बाहागो। बर' सलमागिरिफोरा सलमायाव आखु सोरजिनायनि बागै गाहायाव फोरमायनाय जाबाय।

बर' सलमानि सिगांसिन सलमागिरि चित्तरञ्जन मुसाहारिनि सलमायाव बांसिन सलमानि आखुफोरा जोहोलाव (hero), जोहोलावजो (heroine), बिसोरनि मोजां मोनलायनाय आरो मोजां मोनलायनायाव बिसोरनि हेंथाफोरा बबेखानि बिमा-बिफा नडब्ला rival lover एबा गोरान्थि बुजिलायनाय एबा मानिबा जाहोननि थाखाय फेलें जानाय। बिधानि सलमाफोराव सिमबलिक आखु मोनो थाल। मुसाहारिनि सलमायाव आखुफोरा बांसिनानो बहुमनि गोमोथाव सोरजि, uncommon एबा individual रोखोमनि। जुदा रोखोमनि दंभ्लावो थि आखु गैया, सैथोधि आरो नायबिजिरनाय गैया। जायनि थाखाय मुसाहारिनि appeal आ लोरबां। हौवा आखुनिखुइ हिन्जाव आखुफोरा बांसिन जेंना जेंसियाव गोरलैनो गोनां जायो, आनि-धानि जानो गोनां जायो (बिखाया गावो खुगाया गेवा "सलमायाव-सान्ति, 'जुजायनि अर'" सलमायाव आलायसि।) मुसाहारिनि सलमाफोराव आखुफोरा बांसिनानो रमानटिक, एसे एनै नायजाबारि। बेराफासैधि नंगुवै Psychological approach निबो आंखाल, जेन आखुफोरा मुसुखाफोरबादिसो। सलमायाव समाजार्थि थासारिफोराबो सोमोनांथाव जायखौ जों सिनायजोबनो हायें। मखजाथावदि मुसाहारिनि सलमानि दुखुथिया जोहोलाव-जोहोलावजोफोरनि खाश्रियाव गोधारधि आरो आबुधिनि बेसेना गोजौवाव। माब्लाबा औरैबायदि मोनो मुसाहारिया जेनवा गावनि आखुफोरखौनो सिनायजोबनो हाया। मोनसे खोथाखौ सानो गोनांदि मुसाहारिया सलमाफोराव हिन्जाव आखुखौ मानोदि एसेबां दुखु जरला टोयो, सोगाबो, खैफोदाव खोख्लैयो, दुखु गोनाडै-फोजोबहैयो फोरमायस हाया। माब्लाबा फरायगिरि फोरा सलमानि आयजोफोरनि दुखुवाव दुखु जाफानो गोनां जायो आरो गावनायाव मोदै हुगारफानो गोनां जायो। अदेबानि बेवहायसो मुसाहारिया आखु सोरजिनायाव मोनसे गेदेर देरहासारनाय।

मन'रञ्जन लाहारियाबो सलमायाव हिन्जाव आखुखौ राय फोनाडे। बिदिन्थि बादिये 'हायनामुलि', 'रेबेका' खौ दिन्थिजायो। "हायनामुलि" याव उदालियानो बर' सलमाफोरनि गिथावसिन हिन्जाव आखु सेहेरा पाटिबो गिथाव, हायनामुलिबो रोंगौ, बिसमुलि, बानरायनाय आरो बीरा हुगारनोबो रोडे आरो हराव गोथे सालियाव तन्त्र-मन्त्रनि साधना खालामहैयो, तन्त्र मन्त्रजों मानसि बुथारो, मुलिजों बिजामादै बरायो आरो मालावनोबो हायना मुलि आरो सबखा बेरामनि

मुलि फान्ना नखर बेनायाव रां खामायनानै हेफाजाव खालामो। उदालिया comercial minded हिन्जाव। लाहारिनि नोजोराव हिन्जावफोरनि बिफावा मेगनाव नांथाव। “रेबेका” सलमायाव लाहारिया हिन्जाव हारिनि मोनसे बिथिखी नायबिजिरदों। हिन्जाव हारिया आश्रोनारि बिथिडव लोरबां। नाथाव “रेबेका” सलमायाव फोरमायनाय रेबेका बायदि गासै हिन्जावफ्रानो बाजारि (sexy) नोड। William Shakespeare नि Cleopatra आखुनि नडाब्लाबो सलमागिरिया रेबेकाखी Cleopatra बायदि जाहांनायखी फोरमायदों। रेबेकाया गेजेरथाखीनि नखरनि गात्रि आखुनि फिसाजो, बिमा-बिफानि सासेल नायल जाल फिसाजो रेबेकाया गावनि hustful amorous passion जों गावनो गाव जोबलाडे। सलमानि आखु मदन, किरारी, बिराज मोनहा आथिखालनि समाजनि हेंथा जिव आरो गिथाव-बथाव। रेबेका मोनबायदि गात्रि आखुनि मानसिफोरनि थाखावनो समाजाव मोजां मानसिफोराबो सात जारला सहायफानो गोनां जायो। लाहारिनि सलमाफोराव लाजिरोडै खायसे आखु फोरबो मोनो। जायफोर आखुनिफ्राय गात्रि खोनासंथावै राव बुंनाय खोनायो।

धरनीधर औवारीनि ‘मैहुर’ आव गहाय आखु गलनि जिव राहाया मैहुर। मानास हाग्रामायाव बियो मैहुर खालामो जाय हाग्रामाया prohibited ओनसोल। सानसे खासिबारिनि ददेरेयाबो prohibited ओनसोल मानास हाग्रामायाव ना गुरनो लोगोफोरजों थांफानायाव साफ्रासिफोरजों होसोजायो। ददेरेया गावनि इदजोदखी रेखा खालामनो थाखाय गलनि खाथियाव आसयलायो। जाय गलवा मैहुरारिब्लाबो ददेरेनि इदजोदनि सायाव जेबो हामला खालामखै। बवेखानि औवारिया जोहोलाव-जोहोलावजो (गल-ददेरे)नि आखुनि सायाव जेबो मैला दिन्धियाखै। सलमानि villain मोब्लावासो ददेरेखी गोसो थोनानैबो मोनो हायैनि इंगितखी मोन्नानै गलखी गावथारो। जाहोनाव ददेरेयाबो गलनि थैनाय खीरांखी मोन्नानै हरखावै हाथास जानानै देखरगुदियावनो जिव गारो।

“मन्जुबाला देवी सलमायाव नन्देसर दैमारीया मन्जुबाला देवीया बामोन, हासां आरो अभिया खुष्टान बर’। मानसि हारिनि गेजेराव आर्य-अनार्य, मोदाय-राक्षस आरो गोजी गहाय बासिलायनाय दंब्लाबो सलमानि आयजो आखु मन्जुवा गाव बामुननि फिसाजोब्लाबो बेयो आर्य, बैयो अनार्य, असुर दानव होन्नानै फोलेर

एबा जाथि रान्नायखौ मानिया । अभिया जेब्ला मन्जुखौ नवाव लानानै फेर्यो अक्ला मन्जुवा मिथिनानै मोनोदि गावसोर सानैबो सासे बिफानिनो फिसा । बेखायतो मन्जुवा गावनो फासि नांनानै धैयो । सलमायाव मन्जुवा सासे बिनानवाव म्हरै गावखौ रेखा खालामनाया आबुथि गोनां जादों ।

बर' सलमानि आखु सोरजिनाय बिधिंखौ नायबिजिरनायनिकाय रोखावै फोरमायनो हावोदि, बर' सलमायाव बांसिन आखुफोरानो रमानटिक । आयजोफोरखौ मिरू खालामनाय बिसोरनि दुखु-जारला, बिसोरनि खैफोद आरो जोबसांनाय सावगारि फोरखौ नुनो मोनो । सलमाफोराव बांसिन आखुवानो नुफ्लायवाय धानाय ।

S.A.Q.

सौलु : बर' सलमानि हिन्जाव आखु सोरजिनायनि बागै मोनसे सावरायथाय लिर । (50 सो सोदोबजों)

1.6 बर' सलमानि बोहैथि दाहार :

बर' थुनलायाव बर' जोनोस जानानै अधिखालसिम सलमानि दाहार थोजासे बाडखै । जाहोना-सलमा रनसायनायाव गोबां रग, नांगी फारसेधिं गोबां लिरगिरिया सलमा लिरदोब्लाबो फरायगिरिफोरनि गेजेरव नांसारथि होले हायाखै । बेखायतो जानो हागौ सलमानि बोहैथि दाहार लेहेम । गाहायाव बर'सलमानि बोहैथि दाहारनि सोमोन्दै सुंदवै बिजिरनाय जावाय ।

नैजि जीथायनि दजि जिथायाव बर' सलमाखौ 'जुजायनि अर' सलमानि अनगायै गुबुन सलमा नागिरतानै मोना । मिन्जि जिथायावसो रामचन्द्र वसुमतारी, कामाख्या चरन नारजागी बोरेस्वर वसुमतारी आरो राजेन्द्रनाथ ब्रह्म मोनानि

आखायनिफ्राय गाँसे सलमाया ऑखारो 1972 मायथायाव रामचन्द्र बसुमतारीनि 'खाफालनि ब्रांसोन' आ ऑखारो। वे सलमाया जाफुंसार सलमा होन्नानै बुनो हाया। बेनि प्लट दानाय आखु सोरजिनाय, धासारि आरो बरनायथि सावगारिया धुनलायारि बेसेनथिजों गोखों जानो हायाखै। कामाख्या चरन नारजारिनि हांमा (1976) याव बर 'फोरनि सामज जिवनि मोगथां सावगारि एरखांनयजों लोगोसे सलमागिरिया गोसो थोलायनायनि दुखुनांथाव जाथाय गोसोयाव नांथाव सावगारि एरखांदों। बबेखानि आखुधायफोरा गेवसारनायनि खाबु मोनाखिसै। 1977 मायथायाव ऑखारनाय "बैसोनि देंखी" सलमायाव सानै सेंग्रा सिख्लानि मोजां मोनलायनायनि दुखु दाहाखी गोसोयाव नांथाव दिन्थिनाय जादों। समाज जिवनि गुबुन गुबुन ऑथिगोनां बिथिड नारगार जादों। बीरेस्वर बसुमतारीनि "जौमोननि बर्सा" (1978) सलमायाव जौमोननि मोजां मोनलायनायनि हांमाखी मिरूखालामनानै सोमजिनाय नांज्लाय खमज्लाय सौग्रावलायनायनि सावगारिखी रोखायै बरनायदों। राजेन्द्र नाथ ब्रह्मनि फैमाल' (1979) सलमायाव समाज जिवनि सावगारि बेरखांदोंब्लाबो लिरगिरिया गोथी जिव मोनदांथिनि सिनायथि होनो हायाखै। बिदिनो रोखा जानो हायांदि, 1972 मायथायनिफ्राय 1979 मायथायसिम माखासे सलमागिरिफोरनिफ्राय गोबां सलमा ऑखारदोंब्लाबो जाफुंसार सलमा मोननो हायाखै। सलमायाव सलमागिरिया समाज जिवनि सिंबाहागोयाव हावनो हायाखै आरो गोथी जिव मोनदांथिनि सिनायथि होनो हायाखै। धेवबो मनरन्जन लाहारिनि 1976 मायथायाव नैजिजौ जौथायनि दाइनजि जिथायाव सलमानि हारा बांसिनो। माखासे जाफुंसार सलमागिरि फोरा जाबाय मनरन्जन लाहारि, धरनीधर औवारि आनगायै कान्तेस्वर ब्रह्म, नबीन मल्ल बर', विष्णुज्योति, सुधीर ब्रह्म मोनबायदि जाफुंसार सलमागिरिफोरा माखासे सलमा लिरनानै बर' धुनलाइखी दोहोनि खालामो। धरनिधर औवारीनि मैहुर (1980) सलमाया बर 'फोरनि समाजखान्थियारि राजखान्थियारि, दोहोराम फोथायनाय फोरबो फालिनाय, सानफ्रोमबोनि जिवनि हाबा उखाफोरनि सोमोन्दै फोरमायनाय गांसे मेहेर गोनां सलमा। मैहुरा गांसे Tragic ending सलमा। मनरन्जन लाहारिनि हायनामुलि (1985) आ बर' समाजनि खोमसि फोथायनाय, हायनामुलिनि गोहोम आरो हायनामुलिनि थाखायनो बर 'समाजनि नखरफोरा जौबसांनय सावगारिखी

रोखावै फोरमायदों। नन्देसर दैमारिनि 'मन्जुबाला देवि' (1980), समजित कुमार ब्रह्मनि 'मालती' (1980) आ समाजारि सलमा। 'मान्जुबाला देवी' आ प्लट सोरजिनाय आखु एरखांनाय आरो थासारि दानायाव मखजाथाव जादों। 'मालति' सलमायाव सासे आयजोनि गोरबोनि गोसो ईसिंनि सिनायथि होनायजों लोगोसे बर 'फोरनि समाज जिवनि गेवें सावगारि फोरमायनाव जादों।

1983 माइथायाव फोसावजानाय सलमाफोरा जावाय नवीन मल्ल बर नि 'देबजित मलिना आरो ... आं' रूधीर कुमार ब्रह्मनि 'खाफाल'। देबजित मलिना आरो ... आं' सलमायाव देबजित मलिना आरो सलमागिरि बिसोरनि लोगो मोनलायनाय लोगोनि सोमोन्दो आरो सौग्राव लायनायखी रोखावै फोरमायदों खाफाल सलमायाव लिरगिरिया सलमानि प्लट, थासारि आरो सावगारि बोनायाव माखासे विश्रिडव गुबै आखुथाय धानायनि सिनायथि होनो हादों।

1984 मायथायाव फोसावजानाय सलमाफोरा समजित कुमार ब्रह्मनि 'हिन्जाव गोदान' हरेस्वर बसुमतारिनि 'थैजों बुंफबनाय उदां बोथोर' कान्नेसर ब्रह्मनि 'फागुणी' आरो औरै जेबोला''। बेफोर सलमाफोराव प्लट आरो आखुथाय सोरजिनायाव बेले-बेजे आरो सौग्रावनाय नुयोब्लाबो बर' समाजनि सावगारि एरखांनाय नुनो मोनो। बर' समाजनि गेजेराव सोलिनाय थार आरो नंगुबै सावगारि एरखांनायाव सलमागिरिया जाफुसारनो हादों।

1985 मायथायाव फोसावजानाय सलमाफोरा जावाय हाबिला बसुमतारिनि 'फाखन फैसालि' जि. अर, बसुमतारिनि 'गोरोन्थिया आदानि नडा' बिष्णु ज्योतिनि 'बांग्रि'' बायदि बायदि। बे सलमाफोराव समाजनि मोगथां सावगारि बेरखांहीना आरो आखु, प्लट सोरजिनायाव सलमागिरिया जाफुसारदों होनानै फोरमायनो हायो। 1987 मायथायाव फोसावजानाय सलमाया जाबाव फुंरजनि 'इन्दुमुथिनि मोदै'। बे सलमाखी सलमागिरिया जारिमिनारि होनानै फोरमायदों। नाथाय जारिमिनारि सलमा होनानै बुंब्लाबो बे सलमायाव जारिमिनारि बिधा गैया। देवबो जारिमिनारि माखासे आखुथायफोरखी लानानै सलमाखी सोरजिदों। बेखायनो जारिमिनारि सलमा लिरनायनि बिथिडव 'इन्दुमुथिनि मोदै' आ मोनसे रोखें आगान। 1992 मायथायाव ओखारनाय सलमाया जाबाव निनि गणाल ब्रह्मनि 'कल्याणी नो आनि'। बे सलमाया सल गाहाय सलमा। सलमायाव रबिया सासे

सेंग्रा, गौसोथोनाय भावथिना खालामनानै कल्याणीखौ बिफानिक्राय 15 रोजा रां लाखोमाहोनानै दोनखारलांप्लानानै रबिया फकिराग्राम स्टेसनाव रांखौ लानानै खारखोमालाझे आरो नब मुनि सासे सेंग्राजों रांखौ रैखा खालामनो हाफिनो। बे सलमाया थ्रिलिं आरो सासपेनसननि सल।

1995 मायथायाव फोसाव जानाय सलमाफोरा जाबाय सिबेन्द्र ब्रह्मनि 'गुमै' आरो अनिप चन्द्र बसुमतारिनि 'ललिता' बायदि बायदि। ललिताया गांसे परन 'ग्राफिक सलमा। सलमायाव बसुमतारिया सलमानि आयजो गाहाय आखुथाय ललिताया गांजि आखुनि थाखायनो हाबा जायाब्लासिनो थानांनाय सावगारिखौ रोखायै फोरमायदों। 'गुमै' सलमानि गेजेरजों लिरगिरिया बर' समाजनि सावगारिखौ एरखानो बावाखै।

सिगांसिन आयजो सलमागिरि मिना खेरकारारिनि 'गोरबोनि रादाय' (1996) सलमाया आखु दानाय आरो जाथायक्रा गोखों जानो हायाखैब्लाबो मखनो नांगोनदि बे सलमाया समजों गोरुब होनानै लिरनाय दोंसे समाजारि सलमा। सलमायाव बर'नि गोजाम आसार खान्थिखौ बोस्रानानै गोदान बिथिनि इसारा फसंनो नागिरखौ नुनो मोनो। जैराव बिफाया मैनानि थाखाय सायखनाय अलंबारखौ नेवसिनानै गावनि जिवजुलि सायखनि जानानै मैनाया बिफाजों बाश्चा दानथेलायनाय सावगारिखौ नुनो मोनो।

गोजौवाव बर' सलमानि बोहैथि दाहारनि सोमोन्दै सावरायनायनिक्राय रोखायै फोरमायनो हायोदि, गुबुन गुबुन थुनलायनि सलमानि बोहैथि दाहारनिखुइ बर' सलमानि बोहैथि दाहारा जोबोर लेहेम। सलमानि जोनोम 1962 मायथायनि दाइन बोसोरसो उनावसो 1970 मायथायाव गुबुन सलमा जोनोम जाबावनाय नुनो मोनो। बेनि अनगार्ये गुबुन गुबुन समाव बर' सलमानि बोहैथि दाहारा थाबधादों आरो समाव लासैनो बोहैफिनदों, जोनोमनि गुदि गैयै दैसा बायदि। खायसे खायसे सलमागिरिनि रेबगननिक्राय सलमाया गोबां अनजिमायाव मोनसेनि उताव मोनसे सलमा ओंखार दोंब्ला जौगा मान दन्दनि सलमाफोरखौ खम अनजिमानि नुनो मोनो। जायफोर सलमानि बिथिं आरो इसाराफोरा common, नुफ्लायबाय थानाय। गोदान बिथिनि सलमाखौ खम बिबांसिसो नुनो मोनो। गुबुन थुनलायाव सलमाफोरा जेब्ला जारिमिनारि बिथाखौ लानानै सलमानि दाहारखौ गोबरै बोहैहोदोंमोन बे

समावसो बर' थुनलायाव समाजारि बिधाखौ लानानै सलमा सोरजिनाय नुनो मोनो। बबेखानि समाजारि सलमाब्लावो बीना बरुवानि 'जिवनर बाटल' बायदि आबुं समाजारि सलमा नागिरनानै मोनो धाड। जारिभिनारि सलमानि बिथिडवबो 'भानुमति', 'रहदै लिगिरि', बायदि रोखोमनि जारिभिनारि सलमानि जोबोर आंखाल। बेनि अनगायै माखासे रोखोमनि आंखालफोर दंबावो। जायखौ मखजोबने हाया। अदेबानि सलमा बिजाबनि बिबांखौल दौसेनि उनाव दौसे बांहोब्लानो सलमा थुनलाया जौगानाय जाया। सलमानि मानथाखोखौबो जौगाहोनायनि गोनांथि दं। सलमानि बिबांजो लोमोसे बर 'सलमानि मान थाखोखौ जौगाहोने हाब्लासो बर' सलमानि दाहारनि जौगानायखौ रोखायै फोरमायनो हागोन। अदेबानि बर 'सलमानि बोहैथि दाहारा आथिखालाव नांगौरोखोमै बोहैगासिनो दं। जायखौ नायनानै बर' सलमायाबो मोनसे समाव गुबुन गुबुन थुनलायनि सलमाफोरजो फेरफाथिनो हाहैगोनखौ गिजिं धिनो हायो।

S.A.Q.

सौलु : जुरिजेननाय समनि बर' सलमानि बोहैथि दाहारनि सोमोन्दै सावराय। (50 सो सोदोबजो)

1.7 सोदोब बाखि (Glossary) :

जाखारदो	-	सोमजिखांदो
परन 'ग्राफि	-	लाजिरोडै सावगारि एवा फोरमायनाय, निलाज सावगारि एवा बिजाव।
दोरोडारि	-	मोनसे आथालनिफ्राय गुबुन मोनसे आथालसिम बारस्लाय बीनाय (Traditional)

प्रदागनिष्ठ	-	सल एबा सलमानि गाहाय आखु। (Chief person in a story)
प्लट	-	सल एबा सलमानि बिथा।
केनभास	-	सावरायनाय सिमा।
symbolic	-	नेरसोनथियारि
Villain	-	हेंथा आखु।
Prohibited	-	थांजायै, थांनो मोनै, हाबनो मोनै।

1.8 जानो हाथाव सॉलुफोर (Probable Questions) :

1. बर' सलमानि उनफिन फाफिननि सोमोन्दै सावराय।
2. बर' सलमानि जोनोमा बबे समाव जादोंमोन? बेनि जौगानायखौ आथिखालसिम सावराय।
3. सलमायाव प्लट-आ मा? सलमायाव प्लट सोरजिनायनि गोनाथिनि बागै सावराय।
4. सलमायाव आखुवा (character) मा? सलमायाव आखु गैयाब्ला सलमाया जाफुंसारो ना सारा बिजिर।
5. बर' सलमानि बोहैथि दाहारा माबादि सावराय।
6. बर' सलमायाव हिन्जाव (आयजो) आखु सोरजिनायनि बागै मोनसे सावरायथाय लिर।
7. बर' सलमायाव गाभियारि सुबुं जिवनि सावगारिनि सोमोन्दै मोनसे रनसायारि बिजिरथि लिर।

1.9 फरायनो गोनां बिजाबफोर (References and Suggested Readings):

1. सुंद सल आरो सलमा - गुणेश्वर मुसाहारी लायथुन (Vol. 1)
2. गोदान बर' धुनलाय - ड० अनिल बर'
3. धुनलाइ बिजिरनाय - राखाब बसुमतारि
4. बर' सलमानि सायाव कनैसो - रामदास बर'

5. बर' सलमा : माखासे सावगारि आरो आखल आखुशाय - मन रेन्जन लाहारी।
('गंगा' - The Delhi Bodo Association Gh - 12/36 paschim Vihar, New Delhi-41)
6. धुनलाइ बिजिरनाय - गुणेश्वर मुसाहारी
7. आथिखाल बर' सलमानि बिथा आरो आखु सोरजिनाय - बिजय बागलारी
(लाइथुन Vol. xi)
8. A Glossary of Literary Terms - M. H. Abrams.
9. बर' धुनलाइनि जारिमिन - मन रेन्जन लाहारी।
10. Introduction to the study of Literature - William Henry Hudson.
11. History of English Literature -- William J. Long.
12. बर' धुनलायनि जारिमिन आरो धुनलाइ बिजिरनाय -- रिजु कुमार ब्रह्म
13. सावरायनाय धुनलाइ (Vol. I) -- आदाराम बसुमतारी।

ooooo

खोन्दो - 2 (Unit - 2)

बिखाया गावो खुगाया गेवा

खोन्दोनि महर :

- 2.1 बेखेवनाय (Introduction):
- 2.2 थांखि (Objectives) :
- 2.3 बर' सलमा आरो चित्तरन्जन मुसाहारि :
- 2.4 बिखाया गावो खुगाया गेवा सलमानि सल :
- 2.5 सलमायाव समाजारि सावगारि एरखांनाय :
- 2.6 आखु बिजिरनाय :
- 2.7 सार बाहागो (Summing Up):
- 2.8 सोदोब बाखि (Glossary) :
- 2.9 जानो हाथाव सॉलुफोर (Probable Questions):

2.1 बेखेवनाय (Introduction) :

चित्तरन्जन मुसाहारिया 1944 मायथायाव बेलगुरि गामियाव (ककराझार) जोनोम मोनो। बिथानि बिफानि मुडा लंकेसर मुसाहारि आरो बिमानि मुडा दुर्गाबति मुसाहारि। मुसाहारि बिथाडनो बर' सलमानि जोनोमगारि। "जुजायनि अर" आनो गिबिसिन बर' सलमा। बिथाड बे सलमाखौ जिस्नि बोसोर बैसोयाव लिरदोमोन। जुजायनि अर' (1962) सलमाखौ लिरजेननायनिफ्रायनो मुसाहारिया

आधिखालसिम गोबां सलमा लिखोगासिनो । बिथाइ सोरजिनाय गुबुन गुबुन सलमानि आन्दोयाव हाबसनाब्लासिनो 'बिखाया गावो खुगाया गेवा' सलमाखौसे नोजोर बोनाय जागोन बे आयदायाव । 'बिखाया गावो खुगाया गेवा' (1972) सलमाया मुसाहारिनिफ्राय ओंखारनाय बर' सलमा धुनलाइनि सना फिथर । राखाव बमुनतारि (जायखौ जों राफोद बिजिरगिरि आरो सावरायगिरि होननायै गनायो) नि बायदिब्ला, 'चित्तरन्जन मुसाहारिया बर' धुनलाइनि जरिमिताव दोसे सना फिथर आरो सावसिन बर' धुलाइनि बिबार (finest flower) । बे आयदायाव चित्तरन्जन मुसाहारिनि बिखाया गावो खुगाया गेवा सलमानि सल, आखुथाय, समाजारि सावगारि आरिनि बागै नोजोर बोनो नाजानाय जाबाय ।

2.2 धांखि (Objectives) :

बे फरायाव गाहायाव होनाय धांखिफोरनि फारसे नोजोर होनाय जागोन--

- बर' सलमा आरो चित्तरन्जन मुसाहारि
- बिखाया गावो खुगाया गेवा सलमानि सल
- सलमायाव समाजारि सावगारि एरखांनाय
- आखु बिजिरनायनि बागै सावरायनाय

2.3 बर' सलमा आरो चित्तरन्जन मुसाहारि :

बर' सलमा धुनलायाव चित्तरन्जन मुसाहारिखौ रायखाडोब्ला जों बुंनो हायोदि, मुसाहारियानो गिबिसिन सलमा सोरजिगिरि । बिथाइ गिबिसिन सलमा 'जुजायनि अरखौ सोरजिनायजों लोगोसे गोबां सलमा सोरजिनायै बर' सलमा धुनलायाव बिहोमा होनायै गावखौनो सासे गोखें आरो प्रताले सलमागिरि हिंसायै गायसनदों । सलमानि अनगायैबो बिथाइ जिवनिफ्राय ओंखारबोनाय गोसोनि हांमाहांसा आंगो सोरजि 'फैमाल मिजिक' 'गोमानाय डंडरि' 'फातै नारिखल बिफां' बायदि बायदि सुंद सलफोर बर' धुनलाइनि हिरा । बिदिनो बिथाइ - 'बराद', जौ जुवा आरो हिन्जाव' रादाय जालामा आरो 'सिफि खन'प्रा बिबोनां बायदि बायदि फावथायफोरबो सोरजिबाय ।

चित्ररन्जन मुसाहारिया सोरजिनाय सलमाफोरा जाबाय जुजायनि अर (1962), बिखाया गावो खुगाया नेवा, (1972), गोरोन्धिनि उनाव (1981), गार्लस हस्तेल (Vol-I, 1981), गार्लस हस्तेल (Vol-II, 1983), गार्लस हस्तेल (Vol-III, 1984), आं निलिमामोन (1982), फुलमुथि (1983), बनश्री, नॉनि मेगनानो आंनि मेगन, बारसे बिबार माथाम बांभ्लैमा, गोसोआ मोनसे मन्दिर, नोंखौ मोनाब्ला, हाबानि आस्थाम, आं नेनानै थागोन (1985), अन्याइनि मोदै (1987), कल गार्ल (1988), सुजाता (1988), बिलोगो (1988), मोदै (1988) उनदाहा (1988), जिउनि लामायाव (1988), दावखानि बाहा (1992), खिथेर (1993), लद्दायनाय बिबार (1993), गलाप बिबारनि सु, बारि खनानि बिबार (1994), नों आंनि आं नॉनि (1996), जेथो (1999) कामें दैया बोहैबाय थायो (1999), जॉनाय सेरेगानि गाहायाव (2000) फाखन एबा मोगथां जिउनि आन्दोयाव (2001), दाहा (2001), दुखुनि लैथो बारै (2002)।

क. सलमायाव मुसाहारिनि राव बाहायनाय :

चित्ररन्जन मुसाहारिनि थुनलाइ सोरजिनाय, थुनलायारि आखल दानाय बिथा दानायफोरावल नांथाबनानै थायाखै बिथाड रावनि फार्सेबो थि थि नोजोरबोदोमोन। बिथानि सलमाफोराव बर' मानथायगोनां राव बाहायदोमोन। बिथानि सलमाफोरनि गोबां आखुफोरानो गामियारि रावजों रायज्ताइदों। 'जुजायनि अर' सलमानि अजय आलाइन्नि मोननि रायज्तायनाया गामियारि आरो थाखोमाननि राव। सलमायाव आलाइश्रीया फाग्लि जानानै गावनि दुखु-हांमाफोरखौ गोदै, गोथाव रावजों गैवेहै फोरमायलांदों। बिदिनो मुसाहारिनि गोबां आखुफोरनि खुगायावनो गोदै-गोथाव बर गुबै रावफोर रायनाय खोनानो मोनो वे बिथिंखौ नायनानै फोरमाय जायोदि, मुसाहारि बिथाड बर' रावनि गोथौ आरो गुवार गियाल इं।

ख. सलमायाव फेस्ला बिदै बाहायनाय :

चित्ररन्जन मुसाहारिया फेस्ला राव बाहायनायफोरखौ सलमायाव नुनो मोनो। सलमानि theme आ गिलिर एबा रेजें जायार्थोमानो जेरावबो बिथाड

फेस्लाखौ दिन्थि दों। फरायलांताय समावनो माब्लाबा मिनिफलांतो नागिरो। बिथाड्ड फेस्ला बिदैखौ गांफ्रोमबो सलमा, दोंफ्रोमबो सुंद सल आरो फावथायफोरावबो थिसनफानानै फोधांता लाखिदों। रायप्लायनाय, सोरनिबा आखलनि सिनायथि होनाय आरो जायगाफोरनि बागै बरनायनायफोरावबो फेस्लाखौ हाबसननानै थानाय नुनो मोनो। जैरै -

- i. बिखाया गावो खुगाया गोवा (गिबि आयदा) -
 “मैगन बेतझां, सामफ्रोमबो मिनि सोरां, मोखां लावजित,
 गन्थं जंजित, रिबबु गांगुतगुत फाग गोतां नायनोबो राग
 गोनां कल्पना सिख्लाया।”
- ii. मोगथां जिडनि अन्दोयाव (गिबि आयदा)
 “खातिर वातिर गैया,
 उखैनायनि अनजिमा गैया।
 तेजपुर, राबी जेखौ फैयो बेखौ,
 हमथाया आं सालायखौ,
 हमगोन आं थवाथब
 मनगोन आं ग्लबा ग्लब।”
- iii. कल गार्ल (गुथि आयदा)
 जगन्नाथ चक्रवर्ति आरो अलकेश-
 “दरं जिल्ला उदालगुरिनि
 “उदला-उदलि गुरि। थैब्लाबो खोनायाखै आं
 बिदि जायगानि मुंखौ।”

ग. बर' सलमायाव मुसाहारिनि आखल दानांय :

सलमाफोरनि गेजेरजों सलमागिरि चित्तरन्जन मुसाहारीया गौदान आरो गोथां (fresh and living) आखल सोरजियो। मुसाहारिया हौवा आखलफोरखिइ हिन्जाव आखलफोरखौ जोबोरैनो दुखु जारला होनाय तुनो मोनो। बिधानि सलमाफोरनि गेजेराव देरसिन सोरजिजानाय आखलफोरा जादौ-अजय, सुसान्त

बिरेन, आलाइश्री, गलापो, इला, रीता, सान्धि, ममता, निलिमा, मनिलाल, बिनय, बिनाराम, बिरेन, मलय, समिर, गलापो, पुर्णिमा, कमलेसर आरो गोबां। मुसाहारिया सोरजिनाय आखलफोरखौ बिजिरनानै नायोब्ला गोसो फैसालियाव दा दा जाखांफैयो गाहायाव होनाय खायसे लरग थरग बिधिंफोरा -

ग (i) : लायमोन जिउ आरो सैथो मुलुगानि फासे रोंगथि गैवै, साखाफारा नडै। जैरे - 'जुजायनि अर' सलमायाव अजय आरो आलाइश्री, 'बिखाया गावो खुगाया गोवा' सलमायाव - सानै बिदा आरो बिनानावनि आखल 'सान्धि आरो सुसान्त; दुखुनि लैथो बारै - 'सलमानि आखु अलक, बिलोगो सलमानि आखलफोर जैरे - अलक, इला, प्रमिला आरो गिरिबाला।

ग (ii) : नांगौसेबांनिखुइ गियानि आरो अगियान आखु मुसाहारिनि सलमायाव खायसे औरै बायदि आखुफोर सोरजिनाय नुनो मोनो, जायफोरनि गोसो गोरबोया मालायनि मोजांखौ अरायबो हांखायनाय नुनो मोनो। बिसोरो औरै बायदि सानोदि, बिसोरनि सान्नाया जोबोर गुवार आरो गोथौ। जानो हागौ बिसोरो सानफ्रांगारो गावसोरनि जिवखौ अबंलावरियानो मालायनि मोजां खामानि मावनो थाखायनो सोरजिदो जैरे - ददिसि मुनि, सीता, साबेथि मोनबायदि। बेखायनो मुसाहारिनि सुसान्त आरो सान्धि (बिखाया गावो खुगाया गोवा), आलाइश्री (जुजायनि अर), सबिता, अलका, बिनाराम, मलय, रिता, कमलेसर, रत्नमाला बायदि बायदि आखलफोरा मालाइनि थाखाय साननानैनो गावसोरनि फारसे मालायनि सम मोनफ्रांवायाखैमोन।

नाथाय मुसाहारिनि सलमाफोराव औरै बादि आखलफोर नुनो मोनो, जायफोरनि सान्नाय-हनाय, मावफारिफोरा जगन्य मानसि होननाय सोदोबखौ रूजुनानै लानो समायो। बिसोरखौ नायनानै सानखांनाय फैफ्रांगारो गोसोयाव मानोबा-सि...!! सि...!!...!!! बिसोरो मानसिदा ? बिखाया गावो खुगाया गोवा सलमानि 'कल्पना', 'फाखन' सलमानि बिनाराम आं निलिमामोन' सलमानि गबिन माहाजोन, जेथो सलमानि-रमेन खिथिर सलमानि -समिरण बायदि आखल आखु फोरखौ नायनानै गोसोयाव मानोबा माब्लाबा रागाबो जाफ्लांगारो 'जुजायनि

अर' सलमानि अलका मोनबादि आखुनि थाखाय गोसोयाव दान्धि मोनो। बे रोखोमनि मानसिफोरखौ नायननै सानफ्राडे -थेथ थेरि बिसोर बादिखौ इसोरा जोनोम होयोलै ?

ग (iii). मुसाहारिनि सलमाफोराव गामियारि आरो सहर मोखाडरि आखु : जानोहागौ चित्तरन्जन मुसाहारीया गाव सासे गामियारि, अब्लाबो गामियारि आखल फोरखौ सोरजिनायजो लोकोसे सहर मोखाडरि आखुधायफोरखौ सोरजिनो बावगाराखै। 'जुजाइनि अर,' 'कामें दैया बोहैबाय थायो 'गां फुजानाय दाव', 'बारि खनानि बिबार', 'खिधर' बायदि सलमाफोरा गामियारि जाथाय आरो बारहावाखौ लानानै लिरनाय आरो आखलफोराबो गामियारि। फार्सेधि - 'बिखाया गावो खुगाया गेवा', दुखुनि लैथो बारै, 'फाखन' आरिफोरा नोगोरारि आरो सोरजिनाय आखलफोराबो नोगोरारि थासारिनि।

ग (iv) : मुसाहारिनि सलमायाव आथोनारि नोजोर : चित्तरन्जन मुसाहारिया सलमाफोरनि गेजेरजो खायसे खायसेयाव आथोननि सावगारिखौ लांदाडै फोरमायदो। फरायनानै माब्लाबा आसु- सु मोनपलांगारो। नाथाय बेनि सोलाय गोधौवै साननानै मोनो - मोकथां मुलुगाव जाफ्लेबाय धानाय आथोनारि जाथायफोरखौ बिधाड्ड नोजोर बोदो आरो बेफोरखौ सलमानि गेजेरजो महर होनानै सोंखारिदो। सोंखारिनायनि गेजेरजो बेफोरबादि आथोनारि जाथावै जाथायफोरखौ फोसाबनाथनि इसाराखौबो नुनो मोनो। 'आं-निलिमाभोन, जिउनि लामायाव, 'गां फुजानाय दाव' बायदि सलमाफोराव सलमागिरि मुसाहारीया आथोनारि जाथाया उदाडै महर मोनदो।

मुसाहारिनि सलमाफोरनि आखलफोरखौ नुजोबो सल खिन्थानायानो बिधानि गुबै थांखि। बेनिखायनो बिधानि सलमाफोरखौ बांसिनखौ सल गाहाय सलमा बुंजायो। आखलफोरखौ सिं-सा नायजोबालासिनो, सिं-सा सावरायालासिनो सलमाखौ सल खिन्थानायावसो बांसिनै गोसो होयो। आखल बिजिरनायनि अनगायैबो गोदै-गोथाव, मिनिथाव आरो खोनासंथाव सल बुंजाया बांसिन। बेनि गेजेरजो नो गोबां आखलफोरा जिवनां, मोगथांनि जाथायफोरजो भोगो मोगि जानो हादो।

आलाइमि सान्ति, सुसान्त बायदि आखलफोरनि गेजेरजों मोगथानि गोबों-गोसोखौ बुफायनाय बायदि मोनखाडे, फरायफुनाय समाव मेगननिफ्राय हरखाव मिथियाजासे मोदैया सारिसे ज़यनो बोहैफ्राडे। फाखननि बिनारामखौ गोसो खांनानै गिसे-मुगैसे मोनखांगारो गोसोयाव दहमै।

घ) सल खिन्थानाय :

मुसाहारि बिथाङ्ग बांसिन सलमाफोरावनो धाम्मि सुबुंसाय जानानै सलफोरखौ खिन्थालाडे। सल खिन्थालानायनि गेजेर गेजेर बिथाङ्ग गावनि गोसोनि सानमि, नोजोर आरो बिबुंधिखौ रगयै फोरमायलाडे। सल खिन्थानाया फरायग्राफोरनि गोसोखौ बोनो हायो। जायनि थाखाय सादा-बुसा गामिनि बयबो फरायगिरि बिथांमोना मुसाहारिनि सलमाफोरखौ मोजां मोनो आरो बयबो फरायनो गोसो जायो, फरायोबो। बेले-बेले खालामाब्लासिनो फारिफारियै सलफोरखौ फोरमायलाडे। गोदै-गोथाव, मुजिहाबथाव, फेस्ता आरो मिनिथाव जाधायजों बिथांनि सलमाफोराव suspense दं। बै suspense फोरानो फरायग्राफोरनि गोसोखौ एगथुखाडे, फरायनो धुलुंगा होयो। बिथांनि सलमाफोरा फिसा फिसा। घन्टानिफ्राय 2/3 घन्टा समनि गेजेराव गोसो खुसियै फरायजोबनो हायो। फरायनानै गोसोयाव थावनाय मोन्नो हायो।

ङ) मुसाहारीनि सलमानि आयदा :

मुसाहारीनि बांसिन सलमाफोरानो समाजारि। बर' माहारिनि समाजारि, रांखान्थियारि, राजखान्थियारि बायदि धामोनथाफोरखौ गोबां सलमाफोराव बेरखांहोदों। गांफा गांनै सलमाफोराव गोजौ थाखोनि आरो खायफा सलमाफोराव गेजेर थाखोनि सुबुं समाजनि सावगारिखौ। गां फुजानाय दाव, बेगे कल गार्ल आरि सलमाफोरा समाजनि सावगारिया रोखायै जायगा मोनदों।

मुसाहारिनि सलमाफोराव बर' समाजनि नखरफोरनि मोसौहाल नांगोल-जुंगालजों संसार जानाय, गय-खान्थाल ग्रोम-ग्रोम, बारि बागान सारि सारि सावगारिफोरखौ फोरमायनायनि अनगायैबो गेजेर साखि लानाय, फालांगिरि मावनाय राडै-रुफायै बर' फोरखौ ग्रोम ग्रोम नखर रायजो जानाय सावगारिफोरखौ नुनो

मोनसो। नाथाय मखजाथावदि सलमाफोरनि गेजेरजों बर समाजनि आबुं सावगारि एरखांनाय नुनो मोनो। बर 'फोरनि आसार-खान्थि, जानाय-लौनाय मोसानाय-मुसुरनाय, दोहोरोमारि नेम-खान्थि आरो समाजारि फोथायनायफोरा गांसे सलमायाव आबुडै बेरखाडाखै बायदि नुनो मोनो।

सलमानि बिथा दानाय आरिया एखे रोखोमनि। मोनसे सलखौनो सोलाय सल खालामनानै सलमाखौ सोरजिनायबादि नुखांगारो। सलमाफोराव-फोथायनाय आरो थगायनाय, सोबखनाय आरो साजामोननाय, सहायनाय आरो गोजोन्नाय फोरखौबो नुनो मोनो। जुजायनि अर, बिखाया गावो खुमाया गेवा, फाखन, आं-निलिमामोन, बिलोगो, नॉनि धायसे मेगना आंनि बायदि सलमाफोराव सलनि बेफोर आयदाया जायगा मोनदों।

आथोनारि नोजोरखौबो बिथाड सलमाफोरनि गेजेरजों बेरखांनाय नुनो मोनो। बिथानि सलमाफोराव गोबाडावनो देहानि लुबैनाय, गोरोबलायनाय, फालांगि खालामनायनि सावगारिफोरखौ आधिखालनि सलमाफोराव नुनो मोनो। खायसे सलमाफोराव आथोनारि जाथायफोरनि थाखाय सलमाफोराव जेंना-जेंसि सोमजिनाय नुनो मोनो। गां फुजानाय दाव, फाखन, कर्ल गाल्ल, आं निलिमामोन बायदि सलमाफोराव आथोनारि फालांगि आरो आथोनारि जेथोनि सावगारिफोरखौ नुनो मोनो।

चित्तरन्जन मुसाहारिनि सलमाफोरखौ नायबिजिरबोनायनिफ्राय बुंफोरनोहायोदि-बिथानि सलमायाव सैथोयारि अपिल दं । दं आरोबाव सैथोनि रादाव आरो universal thruth जाथाय। समाजारि सुखु (Social comedy), समाजारि दुखु (Social Tragedy) आरो सुखु-दुखु (Tragic Comedy) फोरखौ मुसाहारिनि सलमाफोराव नागिरनानै मोन्नो हायो। बिथानि सोरजिलु सान्त्रिनि सोरजिथाया गावनि राफोद हिउमेन ट्रेजेदि आरो जिवनि-दुखुखौ बरनाथनानै दिन्थिदें। बिथानि खन्थायारि हिउमार, खन्थायारि गहेना, गोसोयारि सान्त्रि आरो रावफोरा बाखनायथाव आरो सान्नानै नाय-थाव-थाव। मुसाहारिनि सर्ललिं (Plot) बेखेवनाय, गाहाय सल आखु एरखांनाय, आखल दानाय, सल दानाय, सलमानि महर, सलमानि आयदा आरो हाबाफोरा मखजाथाव। सलमानि फ्टाइलफोरा गामियारि, रावफोरा गामियाव बाहायग्रा-सुंधाव सुंधाव। ववे आखुनो भा रोखोम

रायप्लाइनाय नांगी बेफोरखी खाबजाहोनो हासोगारो । सानसि फोरमायनायाव राफोद । मखजाथावदि मुसाहारिनि सलमा लिरनायफोरा stereo type नि जाजोबबाय । सलमानि प्लट आरो आखुफोरा रमानटिक आरो खायसेया नायजाबारि । गोसो थोलायनाया बिथांनि जोहोलाव जोहोलावजोफोरनि गाहाय आयदा । सलमायाव हेंधा आखु (villain) थायो । बे हेंधा आखुफोरा जोहोलाव जोहोलावजोफोरनि बिमा-बिफा एबा गोरान्धि सानलायनाय एबा माबाफोर जाहोननि उदखारि । सलमाफोरख symbolic character (प्रतिक आखु) नागिरनानै मोनो थाड, सलमानि प्लट दानायफोरखी एखे रोखोमनि बायदि मोनो । मुसाहारिनि सलमाफोरखी बांसिनखीनो समाजारि सलमानि सारियाव दोनो हायो । बबेखानि समाजारि मोखथां सावगारि एरखांनायाव मुसाहारि बिथाड मिहि नोजोर सानसि धानाय गोहो आरो इयुन नोजोर धानायनि सिनायथि होनायाव जाफुंसारनो हायाखै । जायनि धाखाय सलमानि आखुफोरा जिवनां जासेयावबो आद्रा जाहैनो गोनां जायो । बांसिन सलमाफोरानो महराव फिसा फिसा आरो बेखायनो सलमानि सल आखुवा नांगी बायदि गेवसारनो हायाखै । सलमानि बेकप्राउण्ड, गोसो सानसि बिजिरनाय, बायदि बायदि बिथिछाव दोरोदनाय बादि जादों । थेवबो, जायखि जादोया बर' सलमागिरिफोरनि मादाव चित्तरन्जन मुसाहारियानो गिबिसिन । बिथाड गांसे सलमानि उनाव गांसे सलमा सोरजिना बर' धुनलायाव बिहोमा होनानै बर' सलमा धुनलाइखी गेरिमसा खालामदों ।

चित्तरन्जन मुसाहारिनि सलमा जौगानायनि दाहारखी जिगु जौथाइनि दाइनजि जिथायाव गोखोंहाराव दावगानाय नुनो मोनो । उनाव गुजि जिथाय आरो नैजिजौ मायथायाव सलमा जौगानायनि बोहैथि दाहारखी बांनयनिफ्राय बांसिननाय नुनो मोनो । जायनि थाखाय गुबुन गुबुन सलमा लिरगिरि मन'रन्जन लाहारि, धरनीधर बारि, नन्देसर दैमारि, अनिप बसुमतारि कातिन्द्र सरगियारि बायदि बायदि सलमागिरिफोरनि सलमानि बिसाननिखुइ बांसिन अनजिमानि । चित्तरन्जला जौनि, बर' सलमानि जोनोमगिरि, सासे गिदिर सलमागिरि, सासे बाखनायथाव फेरस्तामि, सासे गिदिर सलमानि सललिन आरो आखु सोरजिगिरि, बिथाड जौनि सासे फुजिनां-सुबुं ।

S.A.Q.

सॉलु : बर' सलमा शुनलायाव चित्तरन्जन मुसाहारिनि
बिहोमाखौ सावराय
(मोन 30 सोदोबनि गेजेराव) ।

सॉलु : बर' सलमायाव चित्तरन्जन मुसाहारिनि सलमानि
आयदानि बागै मोनसे सावरायथाय लिर ।
(मोन 30 सोदोबनि गेजेराव) ।

2.4. 'बिखाया गावो खुगाया गेवा' सलमानि सल :

चित्तरन्जन मुसाहारिया 'बिखाया गावो खुगाया गेवा' सलमायाव सलखौ जेथो गोनां सुबुं समाजनिफ्राय खनखांना लादों । सलमायाव रमानटिक धासारिया सलमानि जायगाखौ गुवारैनो आवग्रिदों । सलमाया रमानटिक धासारिजों जागायदों, जौगादों आरो जोबहैदों । प्रेमधर, सुसान्त आरो सान्ति मोनहा गोसो थोनायनि दुहाव अरगेडाव गोरबोया खामग्लिनानै हांगार जालांनाय आरो आलट्टा मदारन सुबुं समाजनि गोजौ धाखोनि आयजो कल्पना मोनबादि सुबुंफोरा गोसो थोलायनायनि मुडाव गाव गावनि गोसो बादियै अनसेमा फोरखौ प्रेमधर, अजित मोनबादि सेंग्राफोरखौ खोमायाव हमलाय, गन्धडाव हमलाय हमनानै सोर सोर धावखि फिदिदों, बाजाराव बायना मोननाय ब्लावसफोर बादि गाञ्जि जाब्लानो-जामब्लानोगोसो जायोब्लानो खुनानै जाव गारहरनाय बादि सोलायदों गोसोनिफ्राय गारहरदों बिसोर बादि सेंग्राखौ सासेनि उनाव सासे । बिसोरखौ खालामबायदों लामानि सैमा ।

कल्पनाया मोजां मोन्नाय मुंनि गोसो इसिंनि दरजाखौ बेखेवजेनग्रोयो प्रेमधर मुंनि सासे सेंग्राजों, प्रेमधर मुंनि सासे जोहोलावनि थाखाय । सानसे कल्पनाया गोसो जाधारनानै, दसाथिं नायफ्तानानै नुयै जाना प्रेमधरजों सौग्रावो आरो बै साननिफ्रायनो प्रेमधर-कल्पना, सानै सेंग्रा-सिख्लानि गेजेराव मोजां मोनलायनाया खिलिजेनग्रोयो, दैप्लानि हासार बहरा हाब्रुवाव माय बिफाड खिलिनाय बादि । प्रेमधरा कल्पनानि खावलायनाय लेखायै कल्पना मोननि नवाव बेरायहैयो । नाथाय दुखुनांथाव बाध्याया जाबाय-अजितखौ नुनानै मोजां मोनो आरो प्रेमधर मुंनि सेंग्राजों गावदि सासे आंगोमोन, बेखौ बावगारनानै बिनो खेवनानै होनाय गोसो इसिंनि दरजानि हुकखौ खेत मारिथेबाय आरो अजितनो खेवनानै होबाय । प्रेमधरखौ गारना अजितखौ मोजां मोनबाय । जाहोनाव अजिता कल्पनानि दाहायावनो जाया लोड धानानै गोसोखौ दुफायना लायो । प्रेमधरा सान्नायमोन गोसोयाव कल्पनाया गावनि मोजानि थाखाय बंगप लैथोखौ सानमिनानै बारनो थिनोब्ला बियो बारगौमोन । जेन बियो कल्पनाखौल मोनर्थों ।

अजित आरो कल्पनानिमोननि मोजां मोनलायनाया गेरेमसा महर मोनो समनि फाखनाव । सानैबो सुसान्त मोननि लेबरेटरियावनो practical खालामो कल्पनामोननि parlour आव जिरायो आरो गोसोनि खोथाखौ रूजुलायो । सुखुवा । नाथाय सोरबा सासेनि जिव दैमानि गाधोनावल गोजोमनानै धाया । सानो मानसिया मोनसे नाथाय गसाया खालामोन मुसे । कल्पनाया अजितखौ लाना लुनाय सिमानि देराया धुबनो गुब्रुगारो । सानसे लेबरेटरियाव practical खालामनाय समावनो हरखाबै बेफ्रुनानै अजितनि थायनै मेगनाबो खाना जायो आरो लोगो लोगो कल्पनानि खरवाव सारअन्धाइ गोग्लैनाय बादि जायो । जाथायखौ मिथिनाय लोगो लोगो कल्पनाया अजितखौ फिन लोगो हर्मफिनो । मोजां मोनलायनायनि निजोराखौ गोदानै फिन गासे बोहैहोफिनो प्रेमधराबो सानसे समाव गोमाजानांनाय कल्पनाखौ मोनफिननानै अखांनि हाथरखिखौ हायाव फैनानै दांजानाय बादि मोनो आरो इनायनो गोजोनो । गावनि गोमालांनाय गोसो आरो गावनि देहाखौ जोथोन खालामफिनो, संसाराव थानानै धानायनि आसाखौ फोथांफिनो ।

सिबाय, दुखुधिया अजित । गाव मोजां मोन्नाय कल्पनाजों नागारजायो ।

नाथाय बरादा मोजां, धोबसेबो मैला गैयै सान्तिया कल्पना जानानै अजितखौं जोथोन लायो। जोथोनल नड्ड, बियो गावसोरनि नवावनो लाखिनानै नांगौसेबां जोथोन खालामनायजों लोगोसे डाक्टरनो दिन्थियो। नाथाय फेलें उनाव सान्तिया गावनि देरसिन दौलद फारनै मेगनखौंबो अजितनो दान होनातै गाव अराय समति धाखाय खानि जानानै थानांगौ जायो।

सान्तिनि अन्नायाव अजिता मोजां जाफिनो आरो आवगायनि बादिनो सोलिनो हाफिनो। फारसेथिं कल्पनाया अजितखौं मोजां जाफिन्याय खौरां मोन्नातै अजितखौं लोगो हमफिनो। जेनबा अजिता खाना जानानै थानाय समाव गावसो जोथोन खालामो डाक्टरनो खिन्थायो अजितनि मोजांनि धाखाय। गमामायैनो कल्पनानि मिजिं सिमाड्ड जाफुंमारहैयो। अजिता बिलाताव थानानै Doctorate जानानै ड० वाम्बल बार्गनि सिड्डव नुरेनबार्ग-आव सांखि मावनाय समाव कल्पना मोनहानि नवावनो कल्पनाखौं हाबा खालामो।

प्रेमधर, सिबाय! खनसे नड्ड खनै कल्पनाजों जोगार जायो कल्पनाखौं मोजां मोननायनि अरा बे खेबाव बारानिफ्रायबारासिन जोंखाडे। खामग्लिजोबो बिनि गोसो गोरबोया मानोना मोनोनिखुइ मोन्नातै गोमाजानांनायनि दुखुवा रासिन। जानो हागौ सलमानि प्रेमधरनि जिवावबो बेनो जादोंमोन। कल्पना आरो अजितनि हाबानि बेण्डपार्तिया बिनि बिखाखौं सोमावग्लुंदोंमोन, हाबानि बेण्डपार्तिनि मिलौदो सोदोबा बिनिखोभायाव सेहा गुदुं आवलिनाया हावनानै खामब्लावनाय बादि खामब्लावदोंमोन, जायखौं बियो सहायनो हायाखैमोन। जायनि धाखाय खोमा फारनैखौं थुलाजों होथेनानै लायो। कल्पनाखौं बावनो धाखाय हाजारे नाजायो। नाथाय फेलें। कल्पनानि महर मुस्रि, रायज्जलायनाय, मिनिग्ल्लावनाय आरो बिनि बोराबप्लानाया प्रेमधरनि गोसो फैसालियाव जाखाडे रिफ्रिखाडे गले गले। मोजां मोन्नाय अरगेंजों खामग्लिजायो गोरबो बिखाया।

सलमायाव सुसान्त आरो सान्तिनि जिव सलवा सान्ते गोनां। सुसान्तवा इरामुथिखौं गावनि जिवनिखुइ रासिन मोजां मोनो। नाथाय इरामुथिखौं मोजां मोन्नाय खोधाखौं खुगाजों फोरभायनो हाया। जेब्ला इरामुथिया गुबुनजों हाबा जायो अब्ला बियो गावनि Professor खामानिखौं गारनानै गारनानै नवावनो थायो

आरो रावखौबो हाबा लायाजासे हासिडैनो थायो। उनाव बिनानावनि जारलायावनो सुइसाद जिव गारो। फार्सेधिं सान्तियाबो गावदि अजितखौ मोजां मोनो बे खोथाखौ खुगाजों फोरमायनो हाया। उनाव बिबो गावनि मेगनखौ अजितनो दान होयो आरो बिदा थैनायनि उनाव गासै दोहोन दौलदफोरखौ अजितनि थाखाय बावनानै कल्पनानि मुडै 'उइल' खालामना होनानै गाव बिदा सुसान्तनि लोगो शंकर मोननि नवाव थाहैयो।

सलमानि सलखौ फरायनानै रोखायै बुंफोरनो हायोदि, सलमागिरिया गाहाय सलजों लोगोसे गुबुन गुबुन लेडइ सल फोरखौ बेले बेजे गैयाजासे सें-सेंढे बरनायलांदों। सलमानि लेडइ सल फोराबो सलमाखौ खहाब गोनां खालामदों आरो जाफुंसारहोदों। सान्तिनि जिव सलबा गुवार गोसोनि मानसिनि जाय सान्तिया गाव मोजां मोनाय अजिता - "सान्तिखौ आं मोबायजोंबो सैया होन्नानै बुंनाय खोनासेयावबो अजितखौ मोजां मोनायखौ गाराखै। मानोना मोजां मोनाया खुगायाव नड, बिखायावसो थायो। सान्तिया अजितखौ मोजां मोनो गोरबो बिखाजों। बेखायनो बियो गावनि धायनै मेगनखौबो होजोबनायनि उनाव गावनि थाग्रा बिधाखौबो बिदा थैनायनि उनाव उइल खालामनानै होलाडे। सान्तिनि जिव सलखौ सोनारनानैनो सलमागिरिया सलमानि मुंखौ - "बिखाया गावो खुगाया गेवा" बिमुं होदों। जेराव सलमानि सल आरो जाथायजों गोरबफ्लेथारदों, मुजिहाबथावथाव जादों।

सलमानि सलनि मोनसे बिधिंखौ नायब्ला मखनो हायोदि, 'बिखाया गावो खुगाया गेवा' सलमानि सलवा निरासाबादि सल। जेरावहाय, गावसानाय, गोमा जानाय, एंगारलायनाय आरो थैनाय सावगारिया रोखा जादों। सलवाव कल्पनाया प्रेमधरखौ नागारनाय सान्तिया अजितखौ खोमानानाय, इरामुधिखौ खोमाना उनाव बिनानावनि जारलायाव गावनो थैनाय सलखौ तुनो मोनो। सल फोरमायनाय आदब :

"बिखाया गावो खुगाया गेवा' सलमायाव मुसाहारिया थामथि सुबुंसाय जानानै सलफोरखौ फोरमायलांदों। सल फोरमायलानायनि गेजेर गेजेर सलमागिरिया गवनि नोजोर आरो बिबुंधिखौ फोरमायलांदों। बिथानि सलफोरमायनाय आदबा फरायग्राफोरनि गोसोखौ मुजिहोनो हादों। बेनिखायनो सादा-बुसा गामिनि

मानसिफोराबो मुसाहारिनि सलमाफोरखौ मोजां मोनो, बयबो फरायो। सलमानि सुसान्त आरो सान्तिनि सलवा माब्लाबा बबेबा हन्थायाव सोरवा फरायगिरिनि गोसोखी सौदावफ्रांगारगोन आरो दुखुनि लैथो फरसेसो नारलांनानै थायनै मेगननिफ्राय मोदैखी फसरगारगोन। जलमायाव फोरमायनाय सलवाव suspense दं। बेनिधाखायनो बिखाया गावो खुगाया गेवा सलमाया फरायग्राफोरनि गोसोखी थुलुंगा होयो फरायलांनो। फेस्ता, गोदै गोधाव आरो मुजिहाबथाव जाधायनि सलफोरखौ सलमागिरिया बेरखांहोदों - 'बिखाया गावो खुगाया गेवा' सलमायाव।

S.A.Q.

सॉलु : 'बिखाया गावो खुगाया गेवा' सलमानि सलखौ बिजिर।
(मोन 30 सोदोबनि गेजेराव)।

2. 'बिखाया गावो खुगाया गेवा' सलमानि सल
फोरमायनाय आदबनि बागै बिजिर।
(मोन 30 सोदोबनि गेजेराव)।

2.5 सलमायाव समाजारि सावगारि एरखांनाय :

चित्तरन्जन मुसाहारिया गाव सासे गामियारिब्लाबो गावनि सलमायाव गामियारि-मोसौ हाल नांगोल-जुंगालजों ग्रोम-ग्रोम संसार जानाय बर 'फोरनि

सावगारि आरो गिदिर साखि मावनाय, फालांगिरि, राडै-रुफायै ग्रोम-ग्रोम रायजो जानाय सैखाद सहरारि समाजनि सावगारि एरखांनायाव आखा फाखा । सावरायनो लानाय जॉनि सलमा बिखाया गावो खुगाया गेवा सलमायाव मुसाहारिया फालांगियारि आरो गिदिर साखि मावनाय 'बर' समाजनि सावगारि एर दों । समाजारि सावगारिया सलमायाव बेरखांदों दोहोन-दौलतजों रोहो-रोहो रायजो जानाय गोजौ थाखोनि नोगोरारि सुबुं समाजनि । सलमायाव गोदान मुगानि सुबुं समाजनि गोसोनि मोनै सावगारि-गावनिखौल सानग्रा, सेल्फफिस थाखोनि सुबुं आरो खायसे थाखोनि सुबुंफोर नुनो मोनो जायफोरा गावनि गासैखौ नागारनानै गुबुननि थाखाय सान्नाय, मावनाय आरो गुबुननि थाखायनो दुलाराय मुलुगखौ गुवारै नायग्रा सुबुं समाजनि सावगारिखौ नुनो मोनो ।

i. सलमायाव गावनिखौल सानग्रा सुबुं समाजनि सावगारि : सावरायनो लानाय सलमायाव औरैबादि समाजारि सावगारि नुनो मोनोदि, जायफोरनि गोसोया बेसादमोखाडारि (Materialistic) । जायफोरा गावनि मुलामफा नुहरोब्लासो खामानि मावो सलमायाव जैरे टिम्बार मार्चेन्ट स' मिलनि बिगोमा कैलास मोनहा फिसाजोनि नांगौ समावल अजित जायखौ सासे जेनियास गोरों होन्तानै सानो बिखौ लोगो हमो, बिजों रायज्लायो । नाथाय जेब्ला practical खालामनायाव बिनि मेगना खाना जायो अब्ला बिजों लोगो हमलायनायखौ नागारो । बिसोरनि गोसोयाव सान्नाय सोमजि खांदोंमोन-खाना मासिजों मा जावावनो । थामहिनबा बिनो फिसाजोखौ हरनायनि थाखाय आसानि लामाखौ गाथेयो । मोजां खौल बरायो, अनसायो, आजावो आरो मोजांजौल खामानि जागोनखौ बिसोरो सानो ।

कल्पनायावो बिमा-बिफा बादिनो । अजितनि मोजां दिनफोरावल लोगो हमदों, practical खालामफादों parlour आव जिरायज्लायदों गोसो थोनाय, मोजां मोनलायनि खोथा रूजुलायदों, हांमा-हांसानि खोथाखौ होलाय-लालाय खालामदों । जेब्ला अजितनि मेगना practical खालामनायाव खाना जायो, कल्पनाया अजितनि गोजानजों एरायखेयो, मोजां मोननायनि सिमांनि देराखौ गावनि आखायजोंनो बोफायो । जै मोजां जाफिनो फिन अजितखौ लोगो हमफिनो आरो बिजों हाबा जाफिनो ।

ii) गावखौ नागारसारनो हानाय सुबुं समाजनि सावगारि : बिखाया गावो खुगाया गेवा सलमायाव जै सुबुं समाजनि सावगारि नुयो, थिक बिदिनो बे रोखोमनि सावगारिनि अनगायै गावखौ नागारसारनाय सुबुं समाजनि सावगारिबो नुनो मोनो। बेनि रोखा सावगारिया जाबाय सान्ति। सान्तिया गावनि मुंसेबो नोजोरखी फोथांनानै लाखियाब्लासिनो गावनि जिवखौ मालायनि थाखायनो हगारसारनानै होयो-गावनि थायनै मेगन आरो गासै दोहोन दौलतखौबो गुबुननो उइल खालामनानै होयो। बेफोर सावगारिया सादा-बुसा, थोंजों गोसोनि सुबुं समाजनि सावगारि। जायफोर समाजाव-फोलानाय, फोथाय खेबस खालामनाय, मुगैलायनाय, गादबलायनाय आरो सौबखलायनाय गैया।

थोंजोडै बुनो हायोदि जोंनि सावरायनो लानाय सलमायाव मबेबा मोनसे माहारिनि आबुं सावगारि नुनो मोना। सलमायाव नुनो मोनो सरा सनझ सुबुं माहारिनि जेधो गोनां गोसोनि सावगारिखौसो सलमायाव बरनायदों। बेफोर सावगारिया बबेबा मोनसे हारि एबा जाथिनिल सावगारि नझ। बेफोर सावगारिया जाबाय दुलाराय सुबुंनि सावगारि। सलमागिरिया मोगथां मुलुगनि मुलुगनि गोथां आरो थार (Living and Real) सावगारिखौनो सलमानि गेजेरजों महर होदों। मानसि माहारिनि साननाया जेब्ला जाफुडो अब्ला गोसोया रंजाखाडे-सलमायाव कैलाश, दाबाश्री आरो कल्पना मोननि सान्नाया जाफुनायजों रंजा य सावगारि आरो जाफुडैनि थाखाय अराय दुखु अराय हांमा सुरनाय सुबुंनि गोसोनि सावगारि-जोंनि सावरायनो लानाय सलमायाव प्रेमधर, सुसान्त आरो सान्ति मोनहा फेलेंजों बुसोमजानानै अराय दाहानि अरजों दोहो दोहो खामगिलजायो, जोबझालानायफोरखौ फोरमायो।

सलमायाव सलमागिरिया सुबुं समाजनि निरासाबाद सावगारिखौ एरखंदों। संसाराव लायनो सानसेबा दुखु आरो सानसेब्ला सुखु जायो। नाथाय सलमागिरिया दुखुधियाफोरनि जिवाव अराय दुखु, दुखुजोंनो जागायदों, गेवसारहोदों आरो फोजोबहैदों-जै : प्रेमधर, सुसान्त आरो सान्तिनि जिवा जोबनायसिमहालागै दुखुजों दिन थांहोदों। सलमायाव बेनो सुबुं समाजनि निरासाबाद सावगारि।

S.A.Q.

सॉलु : 'बिखाया गावो खुगाया गेवा' सलमायाव बेरखांनाय
समाजारि सावगारिनि बागै बिजिर। (30 सो सोदोबजो)

2.6 आखु बिजिरनाय :

सलमागिरि चित्तरन्जन मुसाहारिया 'बिखाया गावो खुगाया गेवा' सलमायाव गोधां जिव गोनां आखुथाय (Lively and Living Character) सोरजिदो। जोनि सावरायनो लानाय सलमायाव मुसाहारिया मखजाथाव गेदेमा आखुथाय सोरजिदो - सुसान्त, सान्ति, प्रेमधर, आरो कल्पना मोनखौ। सलमायाव सोरजिनाय आखल माखासेखौ मोजाडै बिजिरनायै नायब्ला जो मोनो -

i) आयजो आखलखौ साजा होनाय :

मुसाहारि बिथांनि बांसिन सलमायावनो मानोबा आयजो आखुथायखौ खासि बिसि साजा होनाय, दुखु दाहायाव खोख्लैनाय गोमाजानांनाय बायदि आखल सोरजिनायखौ नुनो मोनो। बिखाया गावो खुगाया गेवा सलमायावबो मुसाहारिया सान्तिखौ खासि बिसि साजा होदो दुखु दाहायाव खोख्लैदो जायनि थाखाय फरायगिरि बिथांमोना सान्तिनि दुखुवाव दुखु जाफानो गोनां जायो, सान्तिनि गाबनायाव गाबफानो गोनां जायो आरो बे रोखोमनि आखुथाय सोरजिनो हानाया बेवहायनो देरहासारनाय।

ii) लायमोन आरो मोकथां मुलगनि फारसे रोंगथि गैयै : चित्तरन्जन मुसाहारिनि सलमाफोरनि आखुवा मोगथां मुलुग आरो लायमोन बैसोनि फारसे रोंगथि गैयै बादि नुनो मोनो। प्रेमधरा जिवनि लायमोन समाव कल्पनाजो खनसे नड खनै, गासे नड गानै थगाय जायो, खोमायाव हमनानै सोर सोर थावखि फिदिं जायो।

जायनि थाखाय बिनि गोसो गोर्बोयाव, बिखायाव ब्लाव ब्लाव अर जोडो। कल्पनाखौ बावगारनो नाजाब्लाबो बावगारनो हाया। बिनि गोर्बोयाव अरा बारानिफ्राय बारानिनसो जोडो।

फार्सेथिं प्रेमधरालाय। प्रेमधरा गाव मोजां मोलाय इरामुथिखौ मोजां मोनोब्लाबो खुगाजो फोरमायहायाखै। सानसे इरामुथिया गुबुनजो हाबा जानायाव बियो गावनि Professor खामानिखौ मुगैनाय मोतो आरो नवावतो औरैनो थायो। बिनि गोसोया बायफ्लेनानै बिनानावनि जालायावतो गावतो सुइसाइद जायो। बेनिफ्राय वुनो हायो सुसान्तिनि आखुवा लोरबां, मोकधां मुलुग आरो लायमोन जिवनि फारसे रोंगधि गैयै बादि नुयो।

सलमानि आयजो आखुथाय सान्तिनि आखुखौ नायोब्ला औरै बादि मोनदाडोदि बियो मोगथां मुलुगाव थायाब्लासिनो सानबोलावरि रायजोयावसो थानानै थादो। लाइमोननि जिवनि थार मिजिंखौ गारनानै गुबुन सानथावै मिजिंखौ फिसिना दोन्नानै आसखान्दा जाहैदो। जेराव बियो गावतो गाव मोजां मोनाय अजितनि खुगानिफ्राय खोनायो - " आं सान्तिखौ मोबायजोबो सैया। थेवबो बियो अजितखौ मोजां मोनो, बिनि थाखायनो थायनै मेगन आरो गासै सम्पत्तिखौ कल्पनानि मुडै अजितनो 'उइल' खालामनानै होयो। बिदा जेरै बिनानाव एरै आखु सोरजिदो सलमागिरि चित्तरन्जन मुसाहारिया।

iii) बांद्राय गियानि एबा अगियान आखु :

सलमायाव मुसाहारिया बांद्राय गियानि एबा अगियान आखु सोरजिनाय नुनो मोनो। 'बिखाया गावो खुगाया गेवा' सलमायाव बिथाड बांद्राय गियानि आखु सोरजिदो। सान्तियानो जोनि बांद्राय गियानि आखु। गावखौ मोजां मोनाब्लाबो सान्तिया अजितखौ खैफोदनि समाव हेफाजाव खालामो। जेव्हा अजिता practical खालामनायाव बिनि थायनैबो मेगना खाना जायो अब्ला कल्पनाया नागारो। बे समाव सान्तिया गावतो कल्पना जानानै अजितखौ जोथोन खालामो आरो गासैखौबो नागारनानै अजितखौ मोजां-खालामो सान्तिखौ राजा हरिचन्द्र आखलजो रुजु जायो। हरिचन्द्रवा गावनि बिसि फिसाखौ फानजोबनानै गावबो सासे चण्डाल जादोमोन, बिदिनो सान्तियाबो गावनि गासैखौबो नागारनानै गावबो मालायनि नवाव

थाहैयो। सलमायाव सुसान्त आरो सान्तिमोननि आखल आखु आरो साननाय हनायफोर गोधौ, गोथार आरो गावखौ बावसोपनाय। बिसोरखौ नुयोब्ला गोसोयाव साननाय फैयो जेनबा मानसिया गुबुनखौ हेफाजाव खालामनोसो जोनोम मोनो।

सलमायाव बांद्राय अगियान आखुवा कल्पना आरो बिसोरनि नखर। कल्पना टिम्बार मार्सेन कैलाशनि फिसाजो। जाय कल्पनाया गावनि गोसो बादिदै प्रेमधर आरो नांगौ समाव अजितखौ लोगो हमो। नोगोरारि मानसिफोर गावसोरनिखौल साननाय बादिदै कल्पनायाबो गावनिखौल सानो गावनि अनसोमाफोरखौ ब्लावसफोरबादि जामब्लानो, गात्रि जाब्लानो सोलायनायबादि सोलायो। गिबियाव बियो प्रेमधरनो गोसोखौ होयो उनाव बियो गोसोवाव अजितखौ सावसिन मोन्नानै अजितनो गोसोखौ होयो। नाथाय जेब्ला अजिता practical खालामनायाव मेगन खाना जायोब्ला बियो प्रेमधरखौ लोगो हमफिनो। दुखुनांथावा बेनो अजिता मोजां जाफिन्नायाव प्रेमधरखौ नागारो आरो अजितजों हाबा जाहैयो। कल्पनानि आखुखौ फरायनानै माब्लाबो गोसोयाव रागा जोंखानाय फैफ्राडो। बेवहायनो दं सहरारि आखुधाइ सोरजिनायाव सलमागिरिनि देरहासारनाय।

'बिखाया गावो खुगाया गेवा' सलमानि आखुधायफोरखौ बिजिरनायनिफ्राय रोखायै फोरमायनो हायोदि, मुसाहारिया गुबैयै सल खिन्थानायावसो बासिन गोसो होदों। आखलफोरनि सिं-सा सिनायधिखौ नुबाडखै। बिथानि सलमाफोराव आखल बिजिरनायनि अनगायै गोदै, मिनिथाव आरो मुजिहाबलायनाय रावजों सल बुंनाय बासिन आरो सिगांग्रो जायगा मोनदों। बेनि गेजेरजोंबो माखासे आखलफोरा जिव गोनां, मोगथानि जाथायफोरजों फेर भारिनो हानाय। सलमानि सान्ति, सुसान्त मोनखौ गोसोवाव साननाय फैयो। कल्पनाखौ समाजाव रागाजोंसे-सोखारिसे मोनो।

आन्जाद लानाय

सौलु : 'बिखाया गावो खुगाया गेवा' सलमायाव लिरगिरिया गुबैयै गामियारि समाजनि आखु सोरजिदों होन्नानै सानो नामा ?

सौलु : 'बिखाया गावो खुगाया गेवा' सलमायाव सलमागिरिया सोरखौ साबसिन आखु महरै सोरजिदों ?

सौलु : 'बिखाया गावो खुगाया गेवा' सलमायाव चित्तरन्जन मुसाहारिया सहारि आखुधाव सोरजिनायाव बेसेबां जाफुंसारदों लिर।

2.7 सार बाहागो (Summing Up) :

बिखाया गावो खुगाया गेवा सलमाखौ नायबिजिरनानै रोखायै फोरमायनो हाथोदि, सलमायाव मुसाहारिया हिन्जाव माहारिनि आखुथायनि फारसे चांसिन नोजोर बोनाय जादों। सलमायाव बर' माहारिनि गुबै सावगारि एरखा डाब्लासिनो लिरगिरिया गोजी थाखोनि सुबुं समाजनि सावगारिखौ रोखायै फोरमायदों। थार आरो गोधों मानसिनि आखल आखुनि अनगायैबो सलमागिरिया जेथो गोनां मानसिनि सुबुं समाजनि सावगारिखौ रोखायै फोरमायदों। सलमानि आयजो आखुथाय कल्पनाया जाबाय गावखौल सानग्रा गावनि थाखायल मावग्रा जेथो गोनां सुबुं समाजनि थान्दै। कल्पनाया गावनि गोसो बादियै हीवा आखुथायफोरखौ गोसोयारि साजा होदों आरो फाग्ला खालामदों।

सान्तिया सलमायाव गावखौ बावसोमनाय सुबुंनि थान्दै महरै बेरखादों। गावनि गासैखौबो नागारनानै सोलिनो हानायनि थाखायनो 'बिखाया गावो खुगाया गेवा' सलमायाव सान्तिया best heroine जानो हादों। सान्तिया गावनि गासैखौ नागारसारनानै गावबो गुबुननि नवाव थाहैयो जायनि थाखाय सान्तिया सलमायाव साबसिन आयजो आखुथाय महरै जायगा आवग्रिनो हादों।

2.8 सोदोब बाखि (Glossary) :

Prolific	-	मुलामफा गोनां
Theme	-	आयदा
साखा-फारा	-	थाग थियारि
जगन्य	-	गाजिथार
Prototype	-	आंगो महर।
Suspense	-	सन्देह, गोना-गोधो
आमेज	-	मोजां मोनाय, खहाबनाय
थामोनथा	-	थासारि
हिउमेन	-	सुबुंधि
हिउमार	-	फेस्ला
आलटा मदान	-	गोदानद्राय
हुक	-	खिला
निरासाबाद	-	आसाबादि नडै।

2.9 जानो हाथाव सॉलुफेर (Probable Questions) :

1. बर' सलमायाव चित्तरन्जन मुसाहारिनि बिहोमाखौ सावराय।
2. 'बिखाया गावो खुगाया गेवा' सलमायाव लिरगिरिया सोरनि बिखा गावनाय आरो सोरनि खुगा गेवैनि/गेविनि खोथा बुंदों बिजिरनानै लिर।
3. प्रेमधर कल्पनानि मोजां मोनलायनायाव हेंथाया माबोरै नुजाफैखो बिजिरनानै लिर।
4. 'बिखाया गावो खुगाया गेवा' सलमानि सलखौ सलमानि हेफाजावै बिजिर।
5. 'बिखाया गावो खुगाया गेवा' सलमायाव सोरखौ साबसिन आखु होन्नानै नों सानो, सलमानि हेफाजावै बिजिर।

6. 'बिखाया गावो खुगाया गेवा' सलमायाव आखु सोरजिनायनि सोमोन्दै बिजिरनाँ लिर।
7. 'बिखाया गावो खुगाया गेवा' सलमायाव बेरखांनाय समाजारि सावगारिखौ बिजिरनाँ लिर।
8. 'बिखाया गावो खुगाया गेवा' सलमायाव बेरखांनाय गोजौ थाखोनि सुवुनि सावगारिनि सोमोन्दै सावराय।
9. मुसाहारिनि सलमाफोराव बबेवा मोनसे सुबुं समाजनि आबुं सभ्वगारि मोनो होनाँ नौं सानो नामा ?
10. चित्तरन्जन सलमानि सल फोरमायनाय आदबनि फार्से नोजोर बोनाँ मोनसे सावरायथाय लिर।
11. फेस्तलामि महरै चित्तरन्जन मुसाहारिखौ सलमा फोरखौ बिदिन्थिनि हेफाजाबै बिजिर।
12. बिखाया गावो खुगाया गेवा' सलमानि सलखौ गुबुन सोरनिबा सलमानि सलजौं गोरोबनाय नुयो नामा ?
13. 'बिखाया गावो खुगाया गेवा' सलमायाव सोरनि सलखौ नौं सलमानि गाहाय सल होनाँ सानो।

GUIDOL also offers the following programmes :

Master Degree Programme:

M.A. in Assamese, English, Political Science, History, Philosophy, Bodo, Nepali, Bengali, Sanskrit, Education, Communication & Journalism
M.A./M.Sc. in Economics, Mathematics
M.Com

PG Diploma Programme:

Sales & Marketing Management (PGDSMM)
Human Resource Management (PGDHRM)
Journalism & Mass Communication (PGDJMC)
Business Management (PGDBM)
Finance Management (PGDFM)
Banking & Financial Services (PGDBFS)
Insurance & Risk Management (PGDIM)

IT Programme:

M.Sc.-IT, PGDCA

Under Graduate Programme:

B.A(General), B.Com (General), BCA, B.Sc.-IT



GAUHATI UNIVERSITY
Institute of Distance and Open Learning
Gopinath Bardoloi Nagar, Guwahati - 781014
www.idolgu.in

Bodo-10-V (2)



INSTITUTE OF DISTANCE AND OPEN LEARNING
GAUHATI UNIVERSITY

BODO

Paper V

FICTIONAL PROSE

Block 2

GOPINATH BORDOLOI NAGAR
GUWAHATI-781014 : ASSAM

**Institute of Distance and Open Learning
Gauhati University**

MA in Bodo

बिलाइ V (Paper V)

सलमा

बाहागो - 2 (Block-2)

गेजेर सिरिनि सलमा गिरिफोरनि सलमा

आयदाफारि (Content)

बाहागोनि बेखेवनाय (Block Introduction)

खोन्दो 1 (Unit - 1)

मन्जुबाला देबी

खोन्दो 2 (Unit - 2)

फागुनि

Contributor

Bhaumik Boro
Unit - 1 & 2

Lecturer,
Department of Bodo
G.U. Kokrajhar Campus

Content Editing

Birlang Narzary

Department of Bodo
Gauhati University

Cover Page Design

After Ali

Rabindra Chapasal
R.G.B. Road, Guwahati-21

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise.

Published on behalf of the Institute of Distance and Open learning Gauhati University by Prof. Amit Choudhury, Director and Printed under the aegis of GU Press as per procedure laid down for the purpose.

Re Print : September, 2018

बाहागो - 2 (Block - 2)

बाहागोनि बेखेवनाय (Block introduction) :

बे बाहागोयाव गुबैयै गेजेर सिरिनि सलमागिरिफोरनि सलमानि सोमोन्दै सावरायनो लानाय जादों। बाहागोखौ आबुडै आरो गेबेडै सावरायनो थाखाय मोनबै खोन्दोयाव बाहागो राननानै सावरायनो लानाय जादों।

गिबि खोन्दोयाव 'मन्जुबाला देबी' सलमानि सलमागिरिनि सिनायथि आरो सलमानि सायाव गुवारै सावरायनाय जादों।

नैथि खोन्दोयाव 'फागुनि' सलमानि सायाव गुवारै सावरायनाय जादों।

धामथि आरो ब्रैथि खोन्दोयाव फारियै 'धरणीधर औवारिनि जिव आरो सोरजि' आरो 'मैहुर' नि सोमोन्दै सावरायनो लानाय जादोंमोन। नाथाय बे मोननै खोन्दोखौ लिरगिरिया लिरना हरिलाय बे आयदाखौ मोननै खोन्दोजॉनो दिहुननाय जाबाय।

मोनफ्रोमबो खोन्दोयाव नांगौबादियै S.A.Q. आन्जाद लानाय आरो जानो हाथाव सॉलुफोर होफानाय जादों।

बे बाहागोनि खोन्दोफोरा जाबाय :

खोन्दो - 1 (Unit - 1): मन्जुबाला देबी

खोन्दो - 2 (Unit - 2): फागुनि

खोन्दो-1 (Unit - 1)

मन्जु बाला देवी

खोन्दोनि महर :

- 1.1 बेखेवनाय (Introduction):
- 1.2 थांखि (Objectives) :
- 1.3 नन्देश्वर दैमारि आरो बिनि सोरजि :
- 1.4 मन्जुबाला देवी सलमानि सल :
- 1.5 मन्जुबाला देवी सलमानि आखु दानाय :
- 1.6 मन्जुबाला देवी सलमायाव वेरखांनय सलमागिरिनि जिव सानसि :
- 1.7 सार बाहागो (Summing Up) :
- 1.8 जानो हाथाव सोंलुफोर (Probable Questions) :
- 1.9 फरायनो गोनं बिजाबफोर (References and Suggested Readings):

1.1 बेखेवनाय (Introduction) :

'मन्जुबाला देवी' सलमाया नन्देश्वर दैमारिनि सुजुनायाव ओंखारो 1980 माइथाव । बर' थुनलाइनि फोथाराव बर' सलमानि जोनोमा बेसेबा उनावसो जादों ।

1962 मायथायाव ओंखारनाय चित्तरन्जन मोंसाहारिनि 'जुजायनि अरखौनो मिथि बर' सलमा होनना हानाय जायो । 'जुजायनि अर' सलमानि बेगरखौ बर' सलमानि फोथाराव फोजेननायनिफ्रायनो बर' सलमानि अनजिमायावो बांबोनो हमो । बर' सलमाया बिन्दिनो रायजो राजा फरायगिरिफोरजों अनसाय जाबोनो हमो । फरायगिरिफोरनि अनसायनाय आरो सलमानि दोहौखौ नोजोर होनानैनो नन्देश्वर दैमारिनि आखायाववो 'मन्जु बाला देबी' सलमाया जोनोम मोन्दों । सलमानि सल, दाथायारि गुन, सलमानि आखुथायफोरा बर' सलमा आरो मन्जुबाला देबी सलमायाववो नुनो मोनो । बर' सलमाफोराव बेफोर गासैवो बिथिंफोरा आबुं महर मोन्नायनि थाखाय दिने साहित्य एकादेमि बान्थावो मोननो हानाय जावाय । मन्जु बाला देबी सलमाया गांसेनिफ्राय 49 बिलाइनिल गुसुं सलमा । ओंखायनो खायसेया मन्जुबाला देबी सलमाखौ आबुं सलमा होन्ना बुंझलावा सुंद गुसुं सलमा एवा Novellete होननानैसो बुंदों । अब्लावो मन्जु बाला देबी सलमाखौ सलमा होन्ना बुंनायनि गुदियावनो दं- आरिमु, लिरनाय आदव, सल बुंनायनि ष्टाइल बे सलमायाव नुनो मोनो । मानोना बेफोर थायाल्वा सल बुंनायलखौ सलमा होन्ना बुंनो गोत्राव मोनो । मन्जु बाला देबी सलमाखौ खायसेया बुंदों सुंद सलमा आरो खायसेया सलमा होन्ना बुंनो नाजानायनि गुदि गाहाय जाहोना मा बेखौ बिजिरना नायनांगौ दं । बे सलमायाव बेरखांनाय मोनफ्रोमवो बिथिं जैरे - सल, आखु, सल बुंनाय आदव आरो जागायनायनिफ्राय जोबहैनायथिं सलमा बादियै जौगालादों बेफोर गासैखौवो थि थियै सावराय नांगौ दं । बे बिथिंखौ नोजोर होनानैनो मन्जु बाला देबी सलमाखौ गासैवो दिगाखै बिजिरना नायनो नाजानाय जादों ।

1.2. थांखि (Objectives) :

बे आवदायाव 'मन्जु बाला देबी' सलमानि गोनां गोनां बिथिंफोरखौ रोखायै सावरायनाय जादों । आवदाखौ फरायनायाव नोंथांमोनहा मिथिनो हागोन

1. नन्देश्वर दैमारि आरो बिनि सोरजिनि सोमोन्दै मिथिनो मोनगोन
2. मन्जु बाला देबी सलमानि सलनि सोमोन्दै मिथिगोन

3. मन्जु बाला देवी सलमानि आखुफोरनि सोमोन्दे मिथिगोन
4. बे सलमायाव बेरखानाय समाज जिवनि सावगारिखौ बरनायनो सुबिदा मोनगोन।
5. बे सलमायाव बेरखानाय सलमागिरिनि जिव सानसिखौ मिथिना मोनगोन।
6. मन्जु बाला देवी सलमानि गासैबो बिथिंखौ रोखा रोखायै हमदानो हागोन।

आन्जाद लानाय:

सौलु : बे सलमाखौ फरायहोनायनि थांखिफोरखौ लिर।

1.3 नदेश्वर आरो बिनि सोरजि -

नदेश्वर दैमारिया सलमा आरो सुंदसलनि फोथाराव मुंखथाव मुं। बिथाइ उदालगुरि जिलानि सिडव थानाय गाखाराव (आम्बा गाव) होनाय गाभियाव 1955 माइथायनि मे दाननि 25 खालाराव जोनोम जायो। बिथानि बिफानि मुड्ड रंसारि गाबस्त्राव दैमारि आरो बिमानि मुड्ड रंसारि हाहिनि दैमारि।

नदेश्वर दैमारिनि सोलौंथाय जिवा जागायो बरिगाव गुदि फरायसालिनिफ्राय 1961 माइथायनिफ्राय। 1969 माइथायाव गेजेर फरायसालिनि सोलौंथायखौ बरिगाव एम.इ. फरायसालिनिफ्राय लाखानायनि उनाव 1970 माइथायाव हरिसिइ गोजौ फरायसालियाव मुं थिसनहैयो। बे फरायसालिनिफ्रायनो 1973 माइथायाव मैट्रिक आन्जादखौ उन्धियो। बिथाडा 1974 माइथायाव तेजपुरनि दर कलेजाव पि.इउ.एस.सि थाखोयाव मुं थिसनहैदोमोन नाथास सोरगिदिं रमान हांखोनि सोमावसारनायनि दुं-दुं हाव-हाव थासारिनि थाखुअ फरायनायखौ फोजोबालाबानो थाम दाननि उनाव नवाव गिदिंफिननांगौ जायो। उनाव 1976 माइथायाव टला कलेजनिफ्राय Private ये पि. इउ. (Arts) आन्जादखौ उन्धिनो हायो। बि.ए. आन्जादखौबो बे कलेजनिफ्रायनो होनाये 1980 माइथायाव उन्धियो।

1975 माइथायनिफ्राय नन्देश्वर दैमारिया आम्बागाव एम.इ. फरायसालियाव लोगो फोरोंगिरि महरै साखि मावनो जागायो। बि.ए. खौ लाखांनायनि उनाव नन्देश्वर दैमारिया 1983 माइथायाव आम्बागाव बर 'गोजौ फरायसालिनि गाहाय फोरोंगिरिनि मासियाव सायखजायो आरो बिबान लानानै सालायो।

गेजेर फरायसालियाव फरायनाय समनिफ्रायनो नन्देश्वर दैमारिया फरायसालिनि खुगा लाइसिनि सुजुगिरि बिबानखौ लानानै मावबोदोमोन। बिदिनो 1968 माइथायाव फरायसालिनि खुगा लाइसि 'कल्यानी'नि सुजुगिरि बिबान लाना सुजुदोमोन। आरोबाब गोजौ फरायसालियाव फरायनाय समाव 1971 माइथायाव फरायसालिनि खुगा लाइसि 'किनहिपात' लाइसिनि सुजुगिरि बिबान लानानै सुजुदोमोन। फरायसालियाव फरायनाय समनिफ्रायनो बिथडा लाइसिफोर सुजुनायनि सुजुग मोनबोदो आरो लोगोसे थुनलाइ सिबिनो एबा सरी खालामनो खराग मोनबोदो होन्ना सानजायो। बिथाडा थाखो चायाव फरायनाय सम 1967 माइथायावनो असमीयाजो लिरनाय खन्थाय 'म'र मन जाय' खन्थाया दैनिक असमनि गेजेरजो फोसाव जादोमोन। बे एखे माइथायावनो 'कल्यानी' खुगा लाइसियाव बिथानि गिबि सुंद सल 'एखन चिडि' (असमीयाजो लिरनाय) आ ओंखारो। मुंख जाथाबदि बिथाडा 1971 माइथायाव असमीयाजो लिरनाय सुंद सल 'संग्राम' सलनि थाखाय दैनिक असमनिफ्राय बान्थाबो मोन्नो हादोमोन।

नन्देश्वर दैमारिनि सुजुनायाव ओंखारो गावनिनो लिरनाय सलमा 'मन्नु बाला देबो'या 1980 माइथायाव। बिथानि लिरनायाव सलमाया दिनैसिम बे गांसेलयानो। नाथाय बिथाडा दिनैसिम सुंद सलखौ गांधामसिम सुजुना हिन्दुननाय। बेफोरनि गेजेराव गिबि सुंद सल 'थानायनि दावहा' सल बिजाबा ओंखारो 1985 माइथायाव। नैथि सुदुं सल बिजाब 'बक्सि' आ ओंखारो 1993 माइथायाव आरो थामथि सुदुं सल बिजाब 'अवे नेनाय दालाडा बायप्रेबनायसो' आ ओंखारो 2001 माइथायाव। बिथाडा दिनैसिम बिदिनो थुनलाइ सिबिनाय लिरनाय आरो सुजुगिरि बायदि खामानियाव नांथाबनानै दं।

S.A.Q.

सॉलु 1 : नन्देश्वर दैमारिखौ सलमागिरि महरै सुंदर्यै लिर (30 सो सोदोबनि गेजेराव)

.....

.....

.....

.....

सॉलु 2 : सुदुं सलमागिरि महरै नन्देश्वर दैमारिखौ सिनायथि हो । (30 सो सोदोबनि गेजेराव)

.....

.....

.....

.....

1.4 मन्जु बाला देवी सलमानि सल-

नन्देश्वर दैमारिया 'मन्जुबाला देवी' सलमाखौ रनसायन दिहुनी 1980 माइथायाव । बे सलमानि गेजेरजो साननायफोराबोदि गांसे आबुं सनायना सलमा जानो हागौ बे सलमायानो मिथि होयो । सलमायाव एरखांदो सासे सेंग्रा आरो सिख्लानि अनलायनाय आरो दुखुनांथाव जिवनि सावंगारि । बे सलनि गेजेरजोनी लिरगिरिया दिन्थिनो नाजादो वर' आरो असमीया समाजनि सुखु दुखु, साननाय मिजिं, आबुधि गैयै साननाय, खोमसि फोथायनाय, गोजां गाग्रि, ननाय नटैगासैयो बिथिखौ ।

मन्जुबाला देवी सलमानि सलवा मोनसेयानो । बेवहाय जेबो लेखड सल

दाजाबनाय नूनो मोन। बे सलमानि जाथायथिलिया जादों मासख 'वा गुवाहाटी आरो उदालगुरि। सलमानि जाथाया एरैहाय- बै सानखालि सनिबारमोन। अभिया कटन कलेजाव जायगा मोननायनि उनाव क्लास लानायाव मुखुबमोन। बिदिनो Chemistry क्लासखौ फोजोबखानायनि उनाव Physics हलसिम होना हाखु दाखु धानायावनो सोरबा सासेनि भेनिटि बेगाव आगदा आखाया हाबनानै बेगखौ गोलै होयो। बे जाथायखौ गोसो खाडै खाडैनो बियो क्लास लाब्लाबो गोसोया बिजाबाव जथाखिसै क्लास जोबनायनि उनाव हिन्जावसाया गावनो उननिप्रय राव होयो। जालानाय जाथायनि सायाव राय लायो। सिनाय लायनायनि उनाव मिथिना मोनोदि हिन्जावसाया समा मानसिनि फिसाजो मुखा मन्जु बाला देबी आरो हीवासाया उदालगुरिनि अभि सासे बर' सेंग्रा। बिदिनो मन्जुवा अभिनि रुमाव दिने एसे गाबोन एसे फैग्राबो जाबाय। सानैजों लोगोसेनो बेरायग्राबो जाबाय। बे वेरायनाय लोगो हमलायनायानो मोनसे समाव अनलायनायसिम गुस्तायो। मन्जुया अभिखौ जुलि लानायनि लामा दिहुननो गले गले बुंबायल धायोमोन। बिदिनो अनलायनायनि जोबथा मिजिं आरो सिमांखौ जाफुंहोनो थाखाय अभिया मन्जुखौ गावसोरनि नसिम लाना फैनो आरो बिमानो गासैबो बाध्राखौ बुंन होयो। बे हर खालिनो जाखां लोंखां जेब्ला बयबो उन्दुनो लायो अब्ला मन्जुवा अभिमोननि रुवाथिजों उन्दुनो लानायाव फट' एलबामनि सायाव नोजोर गोलैयो। एलबामखौ बोदलाना नायनायाव मोनसे फट'नि सायाव नोजोरा दोम धायो। बेवहाय अभि बिमाजों सासे मानसिनि सावगारिखौ लोगोसेयै नुनायाव गोमोहाबना नायबाय थायो।

'मन्जुबाला देबी' सलमानि सलखौ दानाय जादों मन्जु आरो अभिनि मोजां मोनलायनाय आरो जोबनायाव मन्जुनि दुखुनांथाव जाथायखौ बिथा खालामनानै। बे सलमायाव मन्जुखौ गेजेर खालामनानैनो सलमागिरिया सलखौ दालांदों। बे बिधिनिफ्राय नोजोर होयोब्ला मन्जुयानो सलमानि गेजेर आखु। सलमाखौ जागायनायनिफ्राय जोबहैनायसिम मन्जुयानो दैदेनलांदों आरो उनाव दुखुनांथावै थैहैनांगौ जायो।

'मन्जुबाला देबी' सलमायाव सासे उदां, आरो गोथों सानग्रा हग्रा असमोया आयजो महरै गायसनदों। बे सलमायाव मोननै हारिनि समाजनि सावगारिखौ मोननो

हायो। मोनसेया बर' समाज आरो गुबुन मोनसेया असमीया समाज। असमीया बामोन समाजनि मानसिफोरा गोदोनिफ्रायनो बर' हारिखौ उन्दे हारि होन्ना नायबादो आरो बर' मानसिखौबो गात्रि बेवहार खालामबोदो। नाथाय बे बाश्रानि सायाव साननाय आरो मोन्दांशिया मन्जुनि बेलायाव जुदामोन। मानसिया जोनोमनिफ्राय जात आरो दोहोरोमखौ लानानै फैखाया। बेखौ जोनोम जाखानायनि उनावसो गावबा गाव हारिनि आबहावा मोननानै सासे मानसिया असमीया बर' मानसि होन्ना देरलाडे। जायखि जाया मानसिया मानसियानो बेनो गुबै दोहोरोम। गावबा गाव जाति आरो दोहोरोमनि गात्रि सान्नाय हनायजो मानसिया नो बर' आ असमीया होन्ना मुगैलायो आरो नेवसिलायो। नाथाय मन्जुवा बेफोरखौ फोथाया। ओंखायनो अभिखौ बर' बोन्ना मिथिब्लाबो मोजां मोन्दोमोन आरो हारि समाजनि हेंधाखौ नेवसिनानैब्लाबो गोरोबहैनो नाजादोमोन। मन्जुवा सासे सहज सरल आरो गोथो सानग्रा। अब्लाबो नाथाय गावनि साननाय मोन्दांनायाव गर्सथानो आरो दावगालांनो एसेबो फासयामोन। अभिजो मोजां मोनलायनायनि जागायनायावो मन्जुनि गोसो दाद खालाम होयोमोन। बेनि फोरमानखौ मोनो जेब्ला अभिया समी आरो बर' मानसिनि गेजेराव जा फाराग बैखौ नायोब्ला बिसोरनि सिमाड मोगथां जानाय नड आरो गावखौ माब्लाबाबो गोरोखौ हमथानो हायनि मन्जुवा रवाथि नालेनियाव सोडे- बि सोर होन्ना। बिफानि बाश्राखौ अभिया लाखौमादोमोनब्लाबो नाथाय नालेया सिखोमलो रोडाखिसै। नालेया थब्लहैनो बुंदोमोनदि अभिनि बिफाया गुन्दामोन, जौ फाग्लामोन, कानि, भां बायदिसिना गात्रि बेसादनि फालांशि खालामोमोन। मन्जुनि खोमायाव अखा खोरोमनाय बायादि खोरोमदोमोन आरो बमा बादि बेरफुदोमोन। मन्जुवा खोमा होथेनानै लानो सान्दोमोन आरो बिफानि बे गात्रि लांसुनिया आखलाव दिखार फेदोमोन। गावखौनो मुगैनाय फेदोमोन आरो निमाह। होनो गोसो गैलामोन। गावनि बिफानि खोथाखौ साने साने फोजोबनो हायाखैमोन, आगोर मोनाखैमोन आरो बिफानि बाश्रावा मन्जुखौ सुफ्लेबाय थादोमोन जायखौ मन्जुवा सहायनो हाथै जाबोदोमोन। जोबनायाव मन्जुवा बेफोर दुखु जारलानि धाखाय जिवखौ फोजोबना लादोमोन बेनो बे सलमानि गुबै सल बिथाया।

सिगाडबनो मुख खाबोनाय जादोदि सलमानि सलवा मोनसेल। बेवहाय

गोनां गैर्यै एवा लेड्डइ सलफोर दाजाबदेरनाय जायाखै। सलवा गुवाहाटी मासखवानिफ्राय जागयानानै उदालगुरि अम्बागामिसिम जोबहैदों। सलमायाव थानांगौ सलमानि आदब खायदा आरो दुखु नांथाव जिवनि खोथाया बयनिबो गोसोयाव रेगा बोनो हादों। सलखौ बरनायनानै बुंनायावबो लिरगिरिया जाफुंदों होन्ना सानजायो।

धामहिनबा नन्देश्वर दैमारिनि 'मन्जु बाला देवी' सलमा होनोब्ला सलमाया फरायगिरिफोरनि गुदि गोनांथिखौ सुफुंनो हादों होन्ना सानजायो। 'मन्जु बाला देवी' सलमानि गोसो बोनो हानाय एवा जाफुंनायाव बेबो मोनसे खोथा बुंजायो। बेवहाय सलमाखौ हिन्जाव आखु मनजुवानो दैदेन लांदों जागयानायनिफ्राय जोबजासिम।

S.A.Q.

सौलु 1 : मन्जु बाला देवीनि सुंद सिनायथिखौ लिर (30 सो सोदोबनि गेजेराव)

.....

.....

.....

.....

सौलु 2 : मन्जु बाला देवीया अभिखौ बबेयाव आरो माबोरै लोगो मोनजेननाय लिर। (20 सो सोदोबनि गेजेराव)

.....

.....

.....

1.5. मन्जु बाला देवी सलमानि आखु दानाय :-

मन्जु बाला देवी सलमाया आयजों आखु गाहाय सलमा । सलमा जागायनायनिफ्राय जोबहैनायसिम सासे आखुवानो दैदेनलांदों । आखु हिस्सलै मन्जु बाला देवी सलमायाव बांद्राय नुनो मोना । बेफोरनि गेजेराव सलमायाव एरखानाय आखुफोरा जादों- मन्जु, अभि, मुकुट शर्मा, अभि बिमा आरो नाले । बेनि गेजेराव गाहाय आखुवा गनायना लानाय नड । बेफोरखौ बुडोव्ला मन्जुवा अभिखौ गोसोनि बोलो होयोमोन आरो समाजनि बेफोररखौ नेवसिनाने सानेनिबो सिमांखौ जाफुहोने नाजादोंमोन ।

अभिया नाथाय बे सलमायाव गोसो दाद नडै बादि गायसन जादों । अभिया गोबां बाध्रायावनो गोने गोथो, मावगोन मावा, गावखौनो उन्दै सान्नायाव जायखि जाया खामानियाव फासयनाने थानाय नुदों । गुवाहाटीयाव फरायनी थानाने मुन्जुखौ लोगो मोनाय आरो मोनसे जाथायनि गेजेरजों मन्जुजों जिबादि अन्नाय मोजां मोनलायनायसिम सोलायदोंमोन, बेफोर अभिनि थाखाय मिथिस्तावे आरो हमस्ताबनो हायैबादिसो । मानोना बे सलमायाव अभिया मन्जुनि दैदेन्नयजोंनो दावगालांदों । बियो मिथिगौ गाव सासे बर' मानसि जानाने सरमा हिन्नावसाजों मोजां मोनलायनाया सिसानिसो बाध्रा बेवहाय मोगथां गैया । नाथाय बेफोर सन्नायखौ मन्जुवा गोबां बानबुंधायनि गेजेरजों दानगार जुबदोंमोन । बेवहायनो अभियाको मन्जुनि बुंनाय बाध्राफोरखौ अजद होनो हायाखैमोन आरो मन्जुनि बाध्राजों दावगालांदोंमोन ।

आन्जाद लानाय :

सोलु 1. अभिति आखुखौ नों लोरबां होनता सानो नाम ?

सोलु 2 . अभिया मन्जुजों दैवथिं जादों नाम ?

अभिया मन्जुखौ जुलि लानो गोनां जानायाव गोबां बाध्राखौ सान्दोंमोन । मोनसेया गावनि बिफानि सायाव गिलाय आरो गुबुन मोनसेया समाजनि खन्धिनि

सोमोन्दै गिनाय । गावसोर सानैनि गेजेराव जानाय बाध्राखौ बिमानो गिसोमै गासैबो खोन्थाजुबदोंमोन । अब्ला बिमाया गावखौ निमाहा होदोंमोनब्लाबो नाथाय समाजनि नेमखान्त्रिखौ नेवसिना मावफुनो हाया । बेखौ बियो बिमानिफ्रायनो मिथिदों । समाजनि नेमखान्त्रि बादियेनो अभि आरो मन्जुनि जुलिखौ होनो सान्दोंमोन नाथाय बि हरावनो मन्जुवा गुदि बाध्राखौ मिथिनानै गावनो जिव फोजोबना लायो । बेफोर बाध्राफोरखौ आरो जाथायफोरखौ अभिया सिमां बादि मोनजोबदोंमोन । बेनिफ्राय मिथियो मन्जुनि दैदेनायावनो गासै सलनि जौगानाय आरो जोबहैनायसिम दावगा लांदोंमोन ।

बेवहाय अभि बिमानि आखुबो मोनाय जायो । बे आखुनि गेजेरजों मन्जुनि बिफाया बेफार खालामनाय मडै अभि बिमाखौ जुलि खालामदोंमोन गुबुन मुं लाफलानानै । नाथाय बेखौ अभि बिमाया एसेबो मिथिथारामोन । बिसोरनि जुलनि गेजेरजोंनो अभिनि जोनोम जादोंमोन । बेफोर बाध्राखौ बिमाया माब्लाबाबो अभिनो खिन्थायाखैमोन मानोना खोन्थानायनि लामाखौ नागिरना मोनाखैमोन । अभिखौ गेदेर गोलाव खालामनानै जिव दैदेनलांनायखौनो साननानै अभि बिमाया गुबै खामानि सान्दोंमोन ।

गुबुन फारसे मन्जुनि बिफा मुकुट समानि आखुखौबो गायसननाय जादों । नाथाय मुकुटनि गुबै मुडा महेन्द्र समसोमोन । बेखौ मन्जुनि बुंलांनाय बाध्रानिफ्रायनो मिथि मोन्दोंमोन । फालांगि मावनो फैनानै गावखौनो मुकुट सर्मा होना सिनायथि होनानै अभिनि बिमाखौ जुलि खालामदोंमोन आरो उनाव अभि जोनोम होखांनायनि उनाव बबावबा थांखोमायो । बिनि उदिसखौ दिनैसिम मोनाखै । अभि मोननि स्वाथि नालेनि बादिब्ला मुकुट सर्माया सासे गुन्दामोन, जौ फाग्लामोन, कानि, भां बायदिसिना गात्रि फालांगियाव गिदिङ्गेंमोन ।

नालेयाबो मन्जु बाला देबी सलमानि मोनसे आखु । लालेया अभिमोननि स्वाथि । नाथाय मन्जुवा जेब्ला बिफानि फट 'खौ नुनानै गोनो गोथो जानाय समाव नालेयासो बाध्राखौ रोखा रोखायै मिथि होयो । नालेयानो मन्जुनि जिवाव फट 'नि गेजेरजों दैग्राय बिन्दोखौ लाबोहोयो ।

S.A.Q. :

सौलु 1: मुकुट सर्माया सोर सुंदर्य लिर। (30 सो सोदोबजों फिन)

.....

.....

.....

.....

सौलु 2: मन्जु बाला देबीया मानो गाबखौनो फोथैना लादोंमोन ? (30 सो सोदोबजों फिन)

.....

.....

.....

.....

1.6. मन्जु बाला देबी सलमायाव बेरखांनाय सलमागिरिनि जिव सानसि :

मन्जु बाला देबी सलमायाव मोनै समाजनि बाध्राखौ रोखा भिंधि मोने। मोनसे समाजा जादों बर' आरो गुबुन मोनसे समाजा असमीया। असमीया समाजनि मानसिफोरा गोदोनिफ्रायनो बर' समाजनि मानसिफोरखौ हिन सानबोदों, उन्दै हारि होन्ना मुगै बोदों। जायखि जाया खामानियाव नेवसिबोदों, आखायजों आखाय मुवा आजाव होया आरो बिसोरनि नवाव खामानि मावनानै ओंखाम जायोब्लाबो जानाय थोरनि लथाखौ सुनानै होबोनांगौ आरो जानाय जायगाखौ लिरबोनांगौ। बेफोर साननाया सोलिबोदोंमोन आरो हारि मोननैनि गेजेराव अनलायनाय ब्रान्दोया रुयलांबोदोंमोन। बुहुमनि मानसि हारिया गसायजों सोरजि जानायनि दान। राव रायज्जायनाया जोनोमनि उनावसो देरखांनानै बि हारिनि रावखौ सोलोंबोयो। अब्ला

रायज्जायनाय राव हारिखौ लानानै मानसिया फिसा गेदेर मुडै मुंथिबोदों आरो मुगैलायबोदों। नाथाय हारिखौ लानानै उन्दै गेदेर साननायखौ मन्जुवा एसेबो फोथायामोन। बियो सर्मानि नखराव जोनोम मोन्दोंमोन ब्लाबो बिनि साननाय हनाया गोथों आरो गोरलैमोन हारिखौ लानानै दुगानाय गैयामोन। अभिखौ बर' होन्ना मिथिब्लाबो नेवसियाखैमोन आरो हारिखौ लाना दाडा बाजियाव गोखों सेलेन्ज होदोंमोन। बिनि गेजेरजों मानसि हिसाबै मानसिया बयबो गासाइन सोरजिजानाय जिबि हिसाबै बयबो समान बेवहाय गेदेर उन्दै जेबो गैया बेयो मानसियासो सानना लानाय जिराद। बे बाधाय सलमागिरिनि सानथौनि गेजेरजों बेरखांदों।

मन्जुवा हिन्जावब्लाबो बिनि सुबुंथियारि मोन्दाथिया गोखों। जायनि थाखाय अभिखौ बर' होन्ना मिथिब्लाबो नेवसियालाबा मानसि महरै बयबो समान नोजोरजों नायदौमोन। आरोबाव बियो गावनि बिफानि जा गात्रि आखु बेनि सायावबो मुगैनाय फेदोंमोन। हिन्जावब्लाबो हारिनि मोन्दाथि, गोथों साननाय हनाया मानसि हिसाबै सिबिनाय आरो नंखाय हारि एबा जातिखौ लानानै देरगानाय आखुखौ एसेबो मोजां मोनामोन। बेनि गेजेरजों मानसिनि आबुथिया मोजाडै बेरखांदों। हारि जाति बासिलायै आदर्सयाबो नुजादों। बेफोर बादि आखुनि गेजेरजों खौसेथिनि बान्दोया गौरा जानायखौनो सान्ना हायो। नाथाय असमीया हारिया गावसोरल देरसिन हारि होन्नाय गरामीयानो दिने हारिया दावगानो हायिखौ नुनो मोनो।

आन्जाद लानाय:

सौलु : 'मन्जु बाला देबी सलमानि आखु मन्जुवा असमीया समाजखौ बर' समाजजों खौसेथि लाबोनो हानायनि मोनसे नेरसोनथि'- बे बाधानि सायाव मोनैसो जुक्ति होनानै सावराय। (60 सोदोबनि गेजेराव फिनाय लिटर)

1.7 सार बाहागो (Summing Up):

'मन्जु बाला देबी' सलमानि फारफ्रोमबो बिथिखौ सावरायनायनि उनाव नुनो

मोनबायदि, सल बिथा, आखु दानाय, आवहावा सोरजिनाय, समाजारि सावगारि बायदि बेरखांनायखौ नोजोर होयौब्ला 'मन्जु बाला देवी' सलमाया जाफुंदों होनजायो। मानसिनि सानफ्रोमबो जिवाव सोलिनया फिसा गेंदेर जाथायफोरनि सायावबोदि गांसे जाफुंसार सलमा लिरनो हागौं बेखौं फोरमान होयो। बे सलमायाव मन्जु बादि आयजोनि दुखुनांथावै जोबहैनाय, बर' समाजजों लोगोसे असमीया समाजनिबो सावगारि, साननाय लुबैनाय, सुखु दुखु, बायदिया सलमायाव बेरखांनाय नुनो मोनो। गोथौं जिव सानसि, सुबुंधियारि मोन्दांथि आरो ट्रेजिक जोबहैनाया 'मन्जु बाला देवी' सलमाखौं आबुं सलमा महरै दिन्धि होदों। 'मन्जु बाला देवी' सलमाया मन्जु आरो अभिनि फरायनाय समाव जानाय जाथायफोरखौंनो बरनायदोंब्लाबो नाथाय बे सलमा मासख'वानिफ्राय जागायनानै उदालगुरि थामहिनबा अभिमोननि नसिमाव जोबहैदों। मन्जुनि गोखोंगोसोजों थारिखायव सौहैनो गोबां दुखु-दाहा हेंथा हेंथिनि उनाव जाफुंनोसै समावसो गुदि जाथायखौं नालेनिफ्राय मिथिनानै अनथाव बाथाव जिव फोजोबना लानांगौं जानाया थारै सुबुं समाजनि गोसोयाव दुखु होयो। बेनो सलमागिरिनि जाफुंनाय आरो सोरजिथायनि आन्देयाव धानाय सलमागिरिनि गोखों दाथाय।

1.8 जानो हाथाव सॉलुफोर (Probable Questions) :

1. 'मन्जु बाला देवी' सलमायाव बाद्राय आखु नुनो मोना बेनि गेजेराव ब्रवे आखुवा सलमाखौं दैदनदों बिजिरना लिर।
2. 'मन्जु बाला देवी' सलमायाव मोनैबो समाजनि जिवनि मा सावगारि बेरखानाय नुनो मोनो ? बाथाखौं बिजिरना लिर।
3. सल, आखु दानाय लिरनाय आदव बे बिथिनिफ्राय नायोबना सलमाया बेसेबां जाफुंदों बिजिरनानै लिर।
4. मन्जु बाला देवीया दुखुगोनाहै जिव जोबनांथायनि थात्ताव नों सोरखौं दायनिगिरि होनना सानो बिजिर।
5. मन्जु बाला देवी सलमाया मा बाहागोनि सलमा बिजिरनानै लिर।

S.A.Q.

सॉलु 1 : मन्जु बाला देबीया दुखुगोनाडै जिव जोबनांनायनि थाखाय नों सोरखौं दायनिगिरि होनना सानो बिजिर । (25 सो सोदोबजों)

.....

.....

.....

1.9. फरायनो गोनां बिजाबफोर (References and Suggested Readings):

1. लाहारि, मनरन्जन : बर' धुनलाइनि जारिमिन
2. बर, मधु राम : बर' धुनलाइनि जारिमिन
3. बाग्लारि, बिजय : सुंदयै धुनलाइ सावरायनाय
4. मोसाहारि, गुनेस्वर : धुनलाइ बिजिरनाय

खोन्दो-2 (Unit - 2)

फागुनि

खोन्दोनि महर :

- 2.1 बेखेवनाय (Introduction):
- 2.2 थांखि (Objectives) :
- 2.3 समाजारि सलमा महरै फागुनि :
- 2.4 फागुनि सलमानि सल :
- 2.5 फागुनि सलमानि आखु दानाय :
- 2.6 फागुनि सलमानि बाध्रा :
- 2.7 फागुनि सलमानि सानथौ :
- 2.8 सार बाहागो (Summing Up):
- 2.9 जानो हाथाव सौलुफोर (Probable Questions):
- 2.10 फरायनो गोनां बिजाबफोर (References and Suggested Readings):

2.1 बेखेवनाय (Introduction) :

फागुनि सलमाया कान्तेस्वर ब्रह्मनि सुजुनायाव ओंखारनाय गांसे सलमा ।
बेयो ओंखारो 1984 माइथायाव । फागुनि सलमाया कान्तेस्वर ब्रह्मनि गिबि

सलमा । बेनि उनाव दिहुनो औरै जेबोला आरो निजिरा सलमाखौ । गुबुन गुबुन सलमाफोरबादि फागुनि सलमामायाबो सल बिथा, दाथायारि गुन, आखुफोर दाफुनानै साजायना लिरनाय तुनो मोनो । फागुनि सलमायावबो गासैबो बिथिंफोरखौ रोखायै मोन्नेहायो । फागुनि सलमाया 1 निफ्राय 90 बिलाइसिस लिरनाय देरद्राया सुंद्राया गासे सलमा । फागुनि सलमा गांसे समाजारि सलमा हिसाबै सलमानि आरिमु, लिरनाय आदब, सल बुंनायनि ष्टाइल, आखु दानाय, रायज्लायनाय बादिफोरखौ बाहायनाया जागाय नायनिफ्राय जोबनायथिं माबादि जौगालांदों बेफोर गासैखौबो थियै सावरायनांगौ दं । सलमाया सिगांथिं निखुइ उनथिंजाय सिरियास महर लाबोदों । मानोना बेवहाय बाहायनाय रमान्सनि मोन्दांथिया उनाव गोख्रोंसिन जादों आरो बेयो मोनफ्रोम जिवनि आगानाव मोननाय मोजां गात्रि रोंगथिया जौगाहोदों बिसेरनि गोथौ अनलायनाय । बे बिथिंखौ नोजोर होनानैनो फागुनि सलमाखौ गासैबो दिगखौ बिजिरना नायनो नाजानाय जादों ।

2.2 थारिख (Objectives) :

बे आयदायाव फागुनि सलमानि गोनां गोनां बिथिंफोरखौ रोखायै सावरायनाय जादों । आयदाखौ फरायनानै नोंथांमोनहा मिथिनो हागोन-

- 1) फागुनि सलमाखौ गांसे समाजारि सलमा महरै मिथिनो मोनगोन ।
- 2) फागुनि सलमानि सलनि सोमोन्दै मिथिगोन ।
- 3) फागुनि सलमानि आखुफोरनि सोमोन्दै मिथिगोन ।
- 4) फागुनि सलमानि बाथा रायज्लयनाय सोमोन्दै मिथिगोन ।
- 5) बे सलमायाव बेरखांनाय सानथौखौ मिथिगोन ।
- 6) फागुनि सलमानि गासैबो बिथिंखौ रोखा रोखायै मिथिनो हागोन ।

2.3 समाजारि सलमा महरै फागुनि :

फागुनि सलमाया गांसे समाजारि सलमा । सलमानि गेजेरजों बर' माहारिनि थार सावगारि, खना खनला, फिस्ता-फिस्तौ सोलिनाय जाथायफोरनि सायाव एरखांनाय आबुं सावगारिनि सलमा । फागुनि मुडबो बर 'नि रैसुमै गुबै मुं । बेनि गेजेरजों बर'

हारिनि आयजोनि मुंखौनो मिधि मोनो । बैलारि दैसानि फारलसे खावसे गोजानाव
 बिनन्द मोननि न । फागुनि मोननि नखराबो गंसे गामियावनो । नाथाय फारागा
 बेनोल फागुनि मोनहा दोहोनि आरो बिनन्दमोनहा दुखिया नखर । फागुनि सलमानि
 गेजेरजों सलमागिरिया गामियारि समाजनि आबु सावगारि एरखानायखौ रोखा नुदों
 होन्ना बुंलाबो बांद्राय बुंनाय जाया । बे सलमायाव बर' समाजनि हाबा हुखा,
 फोरबो फालिनाय, जोनोम-थैनाय, खोमसि फोथायनाय, गात्रि हुदाफोर, मोजां
 मोननाय, नायनो बानाय, गान्नाय जोमनाय, संनाय खावनाय, आसार-बिसार,
 आसारखान्धि बायदि बिथिंफोरा बेरखानाय नुयो ।

बैलारि दैसाया बार दै सिख्लानि अन्नायाव जियाइखां फिनना, दैसानि
 दुखुथिया रानज्रिनानै थानाय बालाबारिया थाजिम जाफिनो । बालाबारियाव थुबखा
 थुबखि खासि हाग्र, बेनफ्राय एसे गोजानाव बैग्रिबारि गामि । मिधिंगाया बैलारि
 दैसानि सायाव बेसेबा हायना सारफ्रावदों । बेफोरबादि सावगारि एरखानायनि गेजेरजों
 समाजारि गामिखौ बरनायदों । बैग्रिबारि गामिनि सौरगिदिं मिधिंगानि समायना नुनाय
 आरो बे गामियावनो सानै संग्र सिख्लाय जा नोम मोनो सासेया दोहोनि नखराव
 गुबुन सासेया दुखिया नखराव । हाबा हुखाखौ लानानैबो बर' समाजाव गोबां जेना
 जेथो नुजानाय नुयो । बिदिनो हिन्जावफ्रा ज ज साया सायखनुमफोराव जिरायब्ला
 मोजां बाथा रायज्लाया । मालायनि मोजां गात्रि बाथाफोरखौ सावरायो,
 बिजिरनो मोजां मोनो बिसोर । बिदिया हिन्जाव माहारिनि आखुखा । बिसोरखौ
 बिदि ज ज जथुमनानै बाथा सावराय होनो नाड । बारा मोजां बाथा रायज्लाया ।
 बेबादि लाय होयोब्ला गात्रि जालाडे । दसेयावनो गावजों गावबो नांज्नाय लायो,
 गालि गोथां बिमा बिफाबो फाफलांलाय लाडे । उनाव फिसा हिन्जाव बिलायनाय
 समाव गावजों गावबो एंन्ना एंन्नाबो खालाम लायो । आनिखौबा बिलायनो हायाखै
 नौनाबो दा लांजार्थों होन्नानै । नाथाय मोजां सान्नानै नायब्ला खाफालनिसो बाथा
 थायो । जायना बरादा मोजां बिनिया थाव थावनो फिसाजो बुरजाब्लाबो हाबा
 जाहैजोबो । हाबायानो हिन्जावफोरनि सिख्लाफोरनि गुदि जोबथा थांखि नाथाय ।

बैसागो फालिनायाबो बे फागुनि सलमायाव बेरखांदों । बैसागो बोधोर
 सफैनाय लोगो लोगो बयनिबो गोसोयाव रंजानाय सोमजिखाडे । मिथिस्ताबा जासे
 बयनिबो गोसोयाव मानिबा बोदोर जायो । सेंग्रा-सिख्ला, बोराइ-बेन्थ, गथ-गथाय

बयनिबो गोसोया दिदोमै जधिरना थानो हाया। बोसोरफा मानि थुब्रायनानै थानाय
 दाहा दिखारखौ बावगारहोनो फिधिरखा लोखे, रंजायो-भोसायो गोसो हगारनासारनानै।
 सैत्र दाननि दमासि सानाव दाव, अमा, बोरमा जायखौ मोन्दो खाजि-बुखि जायो।
 माइब्रानि माइब्रा फिसिनाय, माथानि माथा जौ लोखे। सेंप्रा-सिख्ला, बोराइ बेन्थ
 माइरं फैसा मागिनाय नुयो। उन्दै गथफ्राबो नखर नखर दावदै मागियो आरो मोननाय
 दावदैजो खाना लोबोनाय मैगं थाइगंखौ खाजि जायो बोखौनो बोसोरनि गोखा
 गोखै जानाय हौननानैबो बुझे। गथ माखासेफ्रा बायदि खेला गेलेगासिनो दंमोन।
 हौवा गथफ्रा मैसो जादो, खायफा हाल एवदो, गारि बोलायनायबो गेलेदो गावसोरजो
 गावसोरनो। हिन्जाव खुदियाफ्रा ओंखाम ओंखि संदो, हौवा खुदियाया बिफ्रा
 जादो, हिन्जाव खुदियाया बिमाबो जालायादो। जाय सियानसिन सि दादो आरो
 सोरबा फरायसा फोरोंगिरिबो जादो। बिब्दि नंखाय फाला गेलेनायनि थाखायनो
 माखासे हिन्जावफ्रा दावा बिगुर लामा दथखायाव दानखबाय थदोमोन। दावा
 बिगुरखौ सुनै फाथैजो जायोब्ला थै गोनां जायोनो। बे फागुनि सलमायाव होहोनि
 माहाजोनफोरा दाहोना, रुवाथि लानानै दुब्लिबारि सामलायनाय गायनाय-फुनाय
 सावगारिखौबो मोननो हायो। माहाजोनफोरनि नखराव गायनाय-फुनाय, संनाय-
 खावनाय मानसि सामलायनाय बायब्रुस खामानि बबेखौ मावधनो जायो। ओंखायनो
 मोनसेखौ मावखांजुबैयावनो गुबुन मोनसेखौ थिनजायो मावनांगौ जायो। दाहोना
 रुवाथिफोरा नवाव थांधारनांगौब्लाबो दसेखौनो हगार हरजाया, मावनो लादो जेब्ला
 जिरायनाय गैवै मावहोनांगौ होनना सानो। दाहोना रुवाथिजो दुब्लि बारियाव दैब्लां
 बोधोराव गोमसार लायो।

आरोबाव बर' हारिनि गेजेराव हिन्जाव नायनो थानायाव नेमखान्थि आरो
 बारायफोर नायनानै जागायजेननाय जायो। बिब्दिनो रबिबारखौ बर' बोरयनि
 नेमखान्थि बादिब्ला हिन्जाव नायजेननाय, सोजेननायनि मोजां बाराय होन्ना बुझे।
 बर' समाजनि गेजेराव मोनसे साननाय दंदि मावनाय-दांनाय हाब्रा-हुखा, एरनाय
 सुखांनाय, गायनाय फुनाय, संनाय-खावनाय, आलासि सामलायनाय बिथिंखौ बर'
 बिमाफ्रा रोंखा राखा बिहामजो मोननो लुबैयो। हिन्जावनि नवाव सहैब्ला मोजां
 जाथाय, नुथाय नुहैनांगौ। हिन्जाव गोदान जागोन सिख्लाखौ सौहैनानै माय लामनाय,
 मायरंफोर जावनाय, खुनाय नुहैनाया छाफाल गोनांनि बाध्रा आरो गुबुन फारसे

सोरखि दाडनाथाजों खुन्दु थुननाय, साल गान्दैजों सि दानाय नुहैब्ला मोजां बेबादि हिन्जावखौ हाबा गोरों हुखा गोरों होननाई बुजियो। बेफोरबादि गामियारि परिबेरखौ दिन्थिनो गोनां जानाय, नुथाय, फोथायनाय बादिफोरा बे फागुनि सलमायाव आबुडै बेरखांदों।

S.A.Q.

सौलु : बैसागोनि सावगारिया सलमायाव माबादियै बेरखांदों ? (30 सो सोदोबजों फिन)

.....

.....

.....

सौलु : हिन्जाव नाहैनायाव माबादि हाबा मावनाय नुक्ला आखल गोरों होनना सानो ? (25 सो सोदोबजों फिन)

.....

.....

.....

2.4 फागुनि सलमानि सल :

फागुनि सलमाया फागुनि आरो बिनन्दमोननि मोजां मोननायनि सल बिथाखौ लानानै दाजानाय सलमा। फागुनि सलमायाव फागुनिया सासे दोहोनि नखरनि फिसाजो आरो बिनन्दया गोरिब नखरनि फिसाज्ला। फागुनिमोननि नखर होननाई बुंनो बिफा पष्ट मास्टार जगेश बाबु, बिमा दैसि, फंबाय सुजित। बुंनो थांब्ला फिसा नखर, सुखि संसार। फागुनिया देरखोन सिख्ला जाबोयो। जान्जनि दखनाया माब्लाबानो समनि लोगो लोगो जेरबायाव बारखोयो। बिमा बिफानि अन्नायाव फागुनिया आलो गोजोनै देरबोदों जा नांगौ बेखौनो मोनबोदोंमोन। अँखायनो फागुनिया खर गेदेरमोन। मोननांगौखौ मोनथारनांगौ आरो जायखौ लुबैयो बेखौनो

मोननो नाजायो । मोनाब्ला बोदोर जायो । बिमा बिफायाबो जेबो खर साजायामोन
फिसा हिन्जाव सासेल होननानै जा लुबैयो बेखौनो हायो । रानिबो आंखाल गैयामोन
ओंखायनो गोसो बादि मोनोमोन ।

हरै नाथाय बिनन्दया फागुनिखौ हाबा लानो प्रस्ताब होयो लाइजामनि
गेजेरजौं । नाथाय लाइजामनि फिननाय बरायनायनि उलथायै सोंखारिसो जायो
गाज्रियै । जा गोसो लानानै फागुनिखौ हाबा लानो बुंदोंमोन बियो अमासि जायो ।
बिनन्दनि थाखाय जाय देवानिया रायथि हैदोंमोन बियो जगेश बाबुजों रायजासो
हरजादों । सोरनि बाध्रा मोन्नानै, सोरनि बाध्रा लानानै आंसिम सिगां बोदों होननानै ।
फिसाजो फागुनियाबो सेंग्राखौ सैखा थारानो, दा बिमा बिफानि हरनो गोसो गैयैजों
फिसाजोनि फसायैजों फारनैजोंबो बाध्राफ्रा गोरोब लायबाय । होमब्ला माथो बाध्रा
थानो हाबावगौ । मानोना नायलजाल फिसाजो सासेलखाय मोजां सेंग्रा, मोजां
नखराव फिसाजोखौ बिलाय हरनायखौ जगेशा सानबोगासिनो दंमोन । बिनन्दया
सानो मानसिया सैयाब्ला सैया एसेबां गाज्रि आखु बाहायनाड, दिन्थिनाड, होन्नानै ।
रां दिहुन्नायनि गुबुन राहा गैयैजों, सान्नायाबो जाफुडैजों बिनन्दाया जोबोर
दुखु मोनो । अब्लाबो गावनि फरायनाय थांखिखौ जाफुहोनो थाखाय बियो
कलेजसिम थांफिनो । बिनन्दमोननि नखर होन्नानै बुंनंगौब्ला बिफा, बिमा
आरो बिब सासे । गासिबोजों नखरनि सोद्रोमा साबै । बिफानि मुड जमदार,
बिमानि मुड बैसागि आरो बिबनि मुड आलारि बिबया नखरनि रांखाउरिनि आगोर
मोनैयाव आरो फंबायखौ मानसि खालामनो थाखाय एल.पि गखांनानै बिमा
बिफाखौ हेफाजाब होनाडे जाय जाहोननि थाखाय बिहा जिवाव लेखा सोलोंनाय
जायाखिसै ।

नाथाय फागुनिया समनि लोगो लोगोनो गोबां सोलायो । मेट्रिक आनजादखौ
खेबनै फेल जाखांनानयनि उनाव फागुनिनि सान्नाय हनायाव गुरस्लायनाय फैंयो ।
सिख्ला देरस्लोंगोदानाव जा बादि दुगि आरो देलायमांशिमोन बे सान्नाय हनाय
बैसो जाबोनाय लोगो लोगो सोलायो । फागुनिया बिनन्दखौ नायनो चानाया
दा-नाथाय लेमग्लायफिनबाय । बिनन्दखौ मोजां मोननो हमफिनबाय । सिंगा समाव
बिनन्दखौ बैसो गोरा होनना बासिनाय बिनन्दनि थाखायनो गोसोया बोदोर जासै ।
बे बाध्राखौ बिनन्दनो मिथि होनायाव गावनि मोजां मोननायखौ जासिफिननायाव

बिनन्दयाबो निमाहानि गोजोरजों आजवाफिनो । बिदिनो सानैनिबो गेजेराव मोजां
मोननाया आबुं महर मोनो । नाथाय फागुनि बिफा जगेश बाबुया बिनन्दखौ एसेबो
सैयामोन । मोनजारोडै होनना बासियोमोन । जगेश बाबुनि आखुयाबो सानसे एसे
सोलाय लाडे । सानफ्रोमबो जौ लोनानै नखराव दावराव हावसि खालामो फागुनिखौ
रायो आरो ननिफ्राय होखारो । गाबनि गाबि आखल आखुनि थाखायनो बिनि
नखरा सानसे एसे थेर बेथेर जालांनो हमो । दानिया जौ फागला जगेशा दुनदायग्रासो
जाबाय । सिगाडव जौ बांद्राय लौडैया बोराइ बैसोयावसो दावखा बोसोमग्रा
जाधारबाय । फष्ट माष्टारनि हाबाखौ गारनानै कसुगामि समवाय आफादनि नेहाथारि
जानाया बोसोरथामसोनि बारलांबाय । जगेशनि जिवाव बेसेबा गिटिर खैफ्रेड सौफियो
जाय जाथायफ्रा बिनि इउननि जिव लामाखौ खोमसि खालामदोंमोन । बाध्राया
ओरैबादि जालांबाय बोरेबा बोरेबा सोरकारनि रांखौ बियो मिसएप्र पिन्देद
खालामफलांबाय । बबेबा समाव सिनि थयलाफा गाहाम आरो माब्लाबा माइरं
बस्ता फानखोमानाय रांजो जाबदों थामजि हाजार खहा खालामबाय । बे रांखौ
सुखफिननांगौ जानायावनो बिनि रोहो रोहो नबां आरो हा दुखौ फाननानै सुंखनांगौ
जादों । फागुनिनि सुखि संसारजानांगौनि लामायाव बिफाया सु जानानै गसं थैयो
आरो सानफ्रोमबो रायनाय, माब्लाबा बुजानांगौ जादों । नखरखौ आरो फंबायनि
फरायनायाव दाहार जानांनाय रांखौ सुखनो फागुनिया रुवाथिबो बैनांगौ जादोंमोन ।
नाथाय फंबाय सुजिता बि.एस.सि पास जाखांनानै साखिमावनाय नखरा मोजांनि
लामायाव फैंफिनो । नाथाय दुखु नांथाव बाध्रादि गनैबो नखरा फागुनि आरो
बिनन्दमोननि जुलि जानायनि गोरोबथियाव फैनाय समावसो रमान हांखोनि
सोमावसारनायाव बाहागो लाहैनानै फागुनिया पुलिस, सियारपिनि गुलियाव जिव
गोमानांगौ जायो । फागुनिनि बे दुखु नांथाव जिवनि सावगारि आरो सल बिधरखौ
लानानैनो बे फागुनि सलमाया रनसाय जादों ।

आन्जाद लानाय :

सोंलु 1 : बिनन्दया मा थांखि लानानै फागुनिखौ हाबा खालामनो नागिरदोंमोन ?

सोंलु 2 : फागुनिनि नखरा गिबियाव मा बादिमोन ?

सोंलु 3 : फागुनि बिफाया उनथिंजाय माबादि जिव खुंदोंमोन त्तिर ।

2.5 फागुनि सलमानि आखु दानाय :

फागुनि सलमाया गाहायै आयजो गाहाय आखुनि सलमा। फागुनि सलमानि गेजेरजो फागुनिनि दुखुनांथाव जिरनि सावगारिखौनो एरखांनाय जादो। आखु होननानै बुडेब्ला फागुनि सलमायाव गाहायै फागुनि, जगेश, दैसि, सुजित, देबसि, बिनन्द जमदार, बैसागि, आलारि मोन बायदियानो। गासै साब्रै हौवा आखु आरो साबा हिन्जाव आखुफोरा दं। बिसोरनि गेजेराव मैखोम बिफाव लागिरीफोरा जादो फागुनि आरो बिनन्दमोननि मोजां मोनलायनाय आरो बेखौ लानानैनो नखराव दावराय दावसि बायदि जिव सावगारिखौ एरखांनाय नुनो मोन्दो।

फागुनिया बे सलमानि गाहाय बिफाव लागिरी आखु। फागुनिमोननि नखरा दोहोनि आरो बिफाया साखि मावनायलाय जेनिबो आंखाल गैया। बुंनो थंब्ला फागुनिया रां-रुफा गान्नाय-जोमनाय जेनिबो जैरेबो आंखालाव गोलैबोनाडाखै। जा नांगौ जायखौ लुबैदो बेखौ मोनबोदो। बिमा बिफानि अन्नायाव फागुनिया आलो गोजोनैनो देरबोदो लावबोदो। फिसा सानैलखाय जगेश बाबुया जोबोर अनसोगारो आरो सासे मोजां नखर, सेंग्रा नायनानै फिसाजोखौ बिलायहरनो सानो। बिदिनो फागुनिया जानजिनि गान्नाया जेरबासिम दावखोबाय। जौमोननि लांगोनायाव सौफेनाय लोगो लोगोनो गोसोनि दुं-दुं हाव-हाव बारा बारबोयो। गोसोयाव बायदिसिना सान्नाया फागुनिखौबो नारसिननो हमबायसै। दानिया बिबो गोसोखौ बोरैबा बोरैबा मेनसै। नाथाय गावनि महर आरो नखरखौ लानानै बिहाबो दुगानाय दं। फागुनिनि गोसोयाव बे सान्नाया जोबबोयो समनि लोगो लोगो। मेट्रिक आन्जादखौ खेबनै फेल जाखांनायनि उनाव फागुनिनि गोसोया गुरस्लायो। गावखौ लानानै दुगा साननायाबो सरजाबो। बिनन्दया गावखौ हावानि प्रस्ताव होनायखौ नेवसिदोमोन, बोराय होनना बासिदोमोन। बेफोर गौरोन्थि सान्नाय मोन्दानाया दा नाथाय जोबबाय।

मानसि हारियानो जादो समनि बान्दा। समजो लोगोसे मानसिति गासैबो साननाय हनाया सोलायो। फागुनिनि बेलायावबो बेनो जाबाय। सिख्ला समाव जाबादि आलो गोजोनै थाग्रा फागुनिया दिनै गावनो गावनि आधिडाव गसनो रोबाय। गावनि गाननाय हनाय जानाय लोनाय, नखर सामलायनाय गासैबो खामानियाव

फागुनिया गुबुननि हेफाजाबनि गोनां गैलिया । गावनो हारसिं मावनो हासै । उसाव बादाव गोसोया दिदोम गोमजोर जाबाय । सिगां रुवाथिनि सायाव जाग्राया दिनै गावनो नखरनि दायखौ सुंखनो, फंबाय फरायनायाव दाहार नांनाय रॉनि बदलै रुवाथि बैहैनांगौ जाबाय । बेफोर बिबानखौ सिरियै मावफुंलांदों फागुनिया । मोनफ्रोम बिधिंखौ फागुनिया सिरियै बिबान बानदों । बिनन्दखौ गोरबोजों अनदों दायनि निमाहा बिफिनदों । बिनन्दखौ मोजां मोननायनि धाखायनो बिफाजों हाजासे रायजादों आरो माब्लाबा लावथिनि मान्जाबो मोननांदों । नाथाय बेखौ फागुनिया जेबो सानाखै बेखौ लानानै बिनन्दखौ दाय दस होयाखै । गावनि गोरबोनि अन्नायखौबो आद्रि आरो खम खालामाखै । हाजार बारहुंखानि गेजेरावबो गसंधानो सोलिलानो नाजायो फागुनिया । हाजार बारहुंखा, हाजार खैफोदाबो फागुनिनि दाद गोसो, सहायसुलि गोखों गोसोनि सेराव जेननांगौ जायो । फागुनिनि नाजानाय, फंबायनि साखि मोननायनि उनाव फागुनिमोननि नखरा मोजांनि लामायाव फैफिनो । बिफा जगेश बाबुनि गोरॉन्थ साननायाबो गैलिया । दा फागुनि आरो बिनन्दमोननि मोजां मोननाय, जुलि जानायाव जेबो हेंथा गैलिया । बिदि सुखुनि समावसो रमान हांखोनि सोमावसारनायाव बाहागो लानायाव पुलिस , सियारपिनि दब थायलु आखुनि गुलि गावगुंलायाव फागुनिया जिव गोमानांगौ जायो ।

गोजौनि बाश्चानिफ्राय बेखौनो सानो हायोदि फागुनिनि आखुयाव सोलेंथाव गियान मोननो हायो । मानसिनि आखल आखुया समनि गेजेरजों गुस्तायनो हानायावसो जाफुडे । जिवनि घात-प्रतिघात, जेना जेथो आरो खैफोदनि समावबो माबादि गोसो हमथानांगौ बेखौ सोलेंनो हायो । सासे हिन्जाव जानानैबो नखरनि दायखौ बुजिनानै बिबान लानो हानाया सासे गियानि एबा मायनाव आखुनि हिन्जाव आखुखौनो मिथि हायो । बिनन्दनि सायाव बिनि अन्नाया रेंगथिनि गेजेरजों मोननाय नख । मोनब्ला बिसोरनि अनलायनायाव देबोर नांगौमोन आरो बारहुंखाया बुखारना थेर बेथेर खालामगौमोन । बेखौ गोखों दिदोम गोसो आरो गुवार गोथों सानो रेंनायनि धाखायसो दावगानो हादोंमोन । फागुनिनि सेराव मोनफ्रोम जेना, दुखु दाहा आरो खैफोद-आफोद-फोराबो हेठ मानिनांगौ जादोंमोन । ओंखायनो हिन्जाव आखुब्लाबो फागुनिया सलमायाव जागायनायनिफ्राय जोवनायसिम बिफाव लानो हादोंमोन । फागुनि मुडाबो थार गुबै बरनि मुं । मुड थारैनो सलमायाव समायफ्तेदों ।

S.A.Q.

सौलु : फागुनिनि आखुया माबादिमोन ? (30 सो सोदोबजों फिन)

.....

.....

.....

सौलु : फागुनिया मानो बिनन्दखौ मोजां मोनफिनखो ? (25 सो सोदोबजों फिन)

.....

.....

.....

बिनन्द : बिनन्द आखुयाबो सलमायाव सलखौ जौगा होलांनायाव बिफाव लादों। बिनन्द आखुया सोलेंथाव । मानोना बिनन्दनि गोसोयावबो निमाहा होनाय, सहायनाय आखुया गोखोडैनुजासारदों। नखरनि रांखान्थि हालौदा गाज्जिनि थाखाय बिनन्दया फरायनायाव रांनि हेफाजाब मोनगोन खोमा सान्नानै फागुनिखौ हाबा लानो प्रस्ताव हादोंमोन। नाथाय फागुनिनि फसायै आरो जगेश बाबुनि गोसो गैयैयाव बिनन्दनि सान्नाया फेलें जायो। सान्नाया फेलें जानानै बिनन्दया गिबि गिबि दुखु मोन्दोंमोन आरो खुद्रिनायाबो फेदोंमोन। सान्दोंमोन मानसिया गोसो गैयाब्लाबो, फसायाब्लाबो एसेबां गाज्जियै सोंखारिनो नाड। अब्लाबो गावनि फरायनाय थांखियाव फासयाखैमोन। नाथाय जेब्ला फागुनिया निमाहा बिनानै गावनि मोजां मोननायखौ जासिहरफिनो अब्ला बिनन्दया मुगैया मजुया गनायनानै लाफिनो। बेनि गेजेरजों बिनन्दनि गोथों आरो अनसुला गोसोनि सान्नाया रोखा बेरखांहीं। बिनन्द आरो फागुनिनि अनलायनायाव देहानि लुबैलायनाय एबा गाज्जि साननायनि फोरमान मोना। गोथार आरो गोरबौजों अनलायनायखौनो सलनि गेजेरजों

मोननो हायो । बिनन्दनि आखुयाव हारि माहारि आरो गावनि हरिमुनि फारसे मोजां मोननायाबो रोखा बेरखांदों ।

S.A.Q.

सौलु : बिनन्दनि आखुखौ बिजिर । (30 सो सोदोबजों फिन)

.....

.....

.....

सौलु : बिनन्दमोननि नखरा माबादिमोन ? (25 सो सोदोबजों फिन)

.....

.....

.....

जगेश बाबु : जगेश बाबुया फागुनिनि बिफा । बियो पष्ट मास्टरनि साखि मोवनायखाय बिखी गांमिनि मानसिफोरा बाबु होननागेनो गावजियामोन । जगेश बाबुनि नखरा जैरेबो जै जै मै मैमोन । मायनि दुब्लि बारि, गय-खा-थाल थायजौ बारिनि ग्रोम ग्रोममोन जगेशनि नखरा । जेनिबो आंखाल गैयामोन बिह । नवाबो सोरगिदिं टिननि मोन । नखराव गावखौ लानानै बिंस, फिसा साने आरो बिफा बोराय । गासैबो बिमा बिफायानो गावनि फिसाखौ मोजां जाजानो लुबैयो । थिय बिदिनो जगेश बाबुयाबो गावनि फिसाजो फागुनिखौ गोरों गोरा खालामनानै मोजां नखराव मोजां सैग्रानो बिलायनो गोसो । नाथाय जेब्ला फागुनिय बिनन्दखौ मोजां मोननाय बाथाखौ मिथियो अब्ला फिसाजोखौ रागा जोडे । मानेना जगेश बाबुया बिनन्दखौ बिजामादै खालामनो एसेबो गोसो गैया । आंखायनो फिसाजोखौ ननांय नडे एसे दाय मोनब्लानो रायग्रा जाबाय । समनि लोगो लोगो जगेश बाबुनि आखुयाबो सोलायो । सानफ्रोमबो जौ लौना फेनानै नखराव दावरव दावसि खालामग्रा

जाबाय । गावनि गात्रि आखल आखुनि थाखायनो बिनि नखरा सानसे एसे थेर बेथेर जालांनो हमो । दानिया जौ फागला जगेशनि आखुवा दुनथायग्रासो जाबाय । सिगाडव जौ बांद्राय लोडैया बोराय बैसोयावसो दाबखा बोसोमग्रा जाथारबाय । पष्ट माष्टरनि हाबाखौ गारतानै कसुगामि समबाय आफादनि नेहाथारि जानाया बोसोर थामसेनि बारलांबाय । जगेशनि जिवाव बेसेबा गिदिर खैफोद सौफैयो । सोरखारनि रांखौ बियो मिसएप्रोपियेद खालामफलांबाय । बबेबा समाव सिनि फानखोमानाय आरो माइरं बस्ता फानखोमानाय रांजों जाबजों थामजि हाजार खहा खालामबाय । बे रांखौ सुंखफिननांगौ जानायावनो ननि थिन न आरो हा-हुखौ फानानै सुंखनांगौ जायो । न-बां, हा हुफोर फाननांगौ जानायाव दुखु दाहाजों जौ लौना फैनानै नखराव दुम दाखाल खालामफैयो । गावनि बिसिखौबो माब्लाबा बुयो, रायो आरो फागुनिखौबो गात्रि गात्रियै रायो आरो नखरनिफ्राय ओंखार लांनो थिनो । बिदिनो नखराव सुखु सान्थि गैयै जायो । गावनि आखल आखु गात्रिनि थाखाय नो गाव सोरजि नाय न-बां, दोहोन सम्पतिफोरा थेर बेथेर जालांदोंमोन । नाथाय फिसाजो फागुनि आरो फिसाज्ला सुजितनि नाजानायाव उनाव नखरा मोर्जानि लामायाव फैफिनो । जगेश बाबुनि आखलाबो सोलायनाय फैयो ।

दैसिया जगेश बाबुनि बिसि आरो फागुनिनि बिमा । दैसिनि आखल आखुया मोजां । बिहाबो फिसाजोनि इउननि थाखाय साननाय दंमोन । बिसाया जेब्ला जौ लौना नवाव दावराव दावसि खालामफैयो अब्ला जोबोर दुखु मोन्दोंमोन आरो बेनि दुखु दाहायावनो दै खुन्दायाव बारसोमना थैयो । दैसिया बिमा महरै अनसुलि आरो मोजाई बिहाव बिखुनजो समलायनानै नखरखौ सामलायदोंमोन । गुबुन आखुफोरखौबो सलखौ जौगाहोनो थाखाय गायसानाय जादों ।

2.6 फागुनि सलमायावबो बाध्रा रायज्जायनाय नुनो मोनो

फागुनि सलमायावबो बाध्रा रायज्जायनाय नुनो मोनो । नाथाय बांद्राय रायज्जायनायखौ बाहायनाय नुनो मोनो । बे सलमायाव सलमागिरियानो गोबां बोथोर, सम आरो थासारिखौ नायनानै बरनायनाय नुयो । आरोबाव सलमागिरिया बायदिसिना बाध्रा भाव आरो बाध्रा फान्दाय फोरबो बाहायनाय नुनो मोनो ।

कलेज खुलिफिनब्ला बिनन्दया रांनि आंखालाव हष्टेलाव थांफिननो हायाखैमोन । रांनि भदद मोनबायबायोखोमा सान्नानै बिनन्दया फागुनिखौ हाबा खालामनो होन्नानै प्रस्ताब होदोंमोन । नाथाय फागुनिया बिनन्दखौ एसेबो सैयामोन । गावनि बिबधि सोमोन्दो जानायखाय बिफानि बैसोनि समान बोराय हौवा होन्ना सानोमोन । फागुनिया बिनन्दि लाइजामनि फिन्नायखौ दानमोनसेनि उनाव हरदोंमोन । लाइजामाव बुंहरदोंमोन- आंथ नोंखौ मोजां मोन्नो थिनाखैमोन । होमब्ला आंहा व्यवहाय मा दाय दं । बिदि गाजि रोखोमै बाहायनाय आरो बुंनायखौ मोन्नानै बिनन्दया जोबोर गाजि मोनो । फिन लाइजामाव बिनन्दया बुंहरदोंमोन- नों आंखौ जोबोर गाजि मोनबाय जानो हागौ । मानोना आंबो बेसेबा गिदिद गोरोन्थि हाबा मावफ्लांबाय । आरोबाव बादा होन्नानै लिरदोंमोन- माब्लाबाफोर लाइजाम हरफिननो नों आंनि मुडैदानाजासै । आंनि जिव जारिमिना हा फिसाहौवा दावनिबादि दिखार गोनां जालांबाय । बिनन्दया बुंहरदोंमोन- नों गुबुनखौ मुगैब्ला नोंबो मुगैजाफिनगोन । बे बाध्रा बुंनायानो फागुनिनि बेलायाव जाफैयो । खेबनै मेट्रिक फेल जानायनि उनाव फागुनिनि गोसोया सोलायो । दुगि सान्नाय आरो गुबुनखौ मुगैनाय बेफोर सान्नाया फागुनिनि गोसोनिफ्राय जोबो ।

बर' समाजनि रायजो राजाफोरा आबाद मावनानै जाग्रा आबादारि । गामिनि माहाजोनफोरा गोबां हा हु थानायखायनो दैज्लां मेसें दाहोना रुवाथि लाखिनानै सोलियो । दैज्लां बोथोराव माय गायनाय समाव हाल गोबांफोरा बिदिनो सानै साधाम गाहाम दाहोना लायो । आंखायनो माहाजोनफोरा सानो मोजां दाहोना रुवाथि मोनब्लासो मोजाडै सोलिनो हायो । दाहोना रुवाथिफोराबो मोजां माहाजोन मोनब्लासो थानायाव सान्ति जायो नडाब्ला ननाय नडै खे खे जाबाय थाब्ला सान्ति गैयै जायो । सासे माहाजोननियाव थानायनि उनाव बिदिनो गोसो गोरोबनायफोरजों गलानाय समाव दोनखारलायनायबो, जायो । माब्लाबा सेरजोंबा थगायजानानै गोसो बायनायबो नुयो । बेखौं अलेनि बाध्रा बुंनायनिफ्रायनो मिथियो । जेरै- बे ठजियाव फिसाइ होन्नायखौनो आंनो नाड होन्नानै ।

अब्ला दरलेया बुडे- होमब्ला आंरिनो थानोसै..... ? बिदिनो गावजों गाव रायज्लायनो मोनोब्ला दाहोना रुवाथिफोरा रायज्लायनायनि दारि कमा थाया बेखौं बे गोजौनि बाध्रानिफ्रायनो मिथिना मोनो ।

दानिया बिनन्द आरो फागुनिमोना अराय लोंगो हमलायग्रा जाबाय । सुजुग-सुबिदा मोनब्लानो रायज्जायग्रा जाबाय । फागुनियाल बिदि नइ गोसो थोज्जायनाय सेंग्रा-सिख्लाफोरमानि गासिबो बोरैहायबा नुज्जायगोन बाध्रा फंसे रायज्जायनो मोनगोन बेनि थाखाय सेरफाखायलायो । नाहा थांब्ला, गुमा हमनो थांब्ला बिनन्दखौ नुगौबा नुगौबा धाल लाबाय थायो । ना गुरनानै सानजौनायखाय नाखौ सुझानानै न फारसे फागुनिया आगान सुरो थिग बि समावनो बिनन्दया फागुनिखौ बुंहरो- दुगै थाव थाव गाथोनाव फैफिन होन्नानै । फागुनियाबो माबा गोनां बाध्रा दंधारो खोमा सानानै हाखु-दाखु दखना, साबोन लानानै बैलारि गाथोनाव फैफिनाया हांखुर जालायबोयो । नाथाय मानो होन्नानै सोंफैब्ला ओरैनो नोंखौ खेबसे नाथनो लुबैबावदों होन्नानै फिनो । फागुनिया अन्नायजों मेगन मोहेरलायनानै बोराबफ्लानाय बादिये गुबुनथिं जान्जियाव आखाय होनानै फेदयै नायहरो । बिनन्दया बुंफिया- नोंजों आंजों भुमसुनि फोरमान होयो समान समान । बेनि ओंथियानो जादों गावसोरनि मोजां मोनलायनाय एखेयैनो दं ।

जगेश बाबुया दानिया जौ लोंखुबग्रा जाधारबाय । हाथाय बाजाराव जौ बायखुबनानै लोंग्रा जाबाय आरो माब्लाबा बुजाग्राबो जालांबाय । दिने जगेश बाबुनि मुझ गोमाबोनो हमबाय, मानसिफोरजों, समाजजों मुर्गैजाग्रासो जाबाय बियो । मोनायाव जौ फेनानै फैब्लाथाय बिसि फिसा मोजाडै उन्दुनो मोनैसो जाबाय । फिसाइनि गात्रि आखलावनो बिसि दैस्रिया एखतबा एखनबा बुजानांगौ जाबाय । बिदिखायनो गामिनि मानसिफ्राबो दानिया बारा हाबबॉलिया फागुनिमोननाव । हर थौहाबना फेनानै बिसिखौ थिनलाय, फागुनिखौ थिनलाय, जौ जोबनानैबो अफ्रि गोसाय बिबाय धाफेयो । जाब जाब गासिबो आं थासान्दियावनो आइ आफानि होलांनाय रांखावरिखौ जाजोबलांगोन होन्नानै ननि इनजुरखौ दाबनैसो जोफ्लडे । सालगान्दैनि सोंगोदान खानानै दोन्नाय खुन्दुंखौ जोसयो । फागुनिया बिफाखौ फनैसो सोंखारिदों, रायदोंमोन- मानसि- नि आखुवा लोंब्ला जाब्ला बिदि जानांगौ नामा..... ? ननि इन्जुरा मा दाय जाखो ? जिसानहा मा दाय जाखो होन्नानै ? बिबिद फनैसो बुंनायावनो फागुनिखौ बुनो होन्ना बि उन्दुग्रा रुमसिम होसो लाडे । बेनिफ्राय मिथियो बिफा जगेशा गावनि गात्रि आखलावनो

गाछि जालादों। फागुनिया सिखलाब्लाबो बिनि सान्नाय हनायाव सुखुयै हनायाव सुखुयै आरो गियाननि बाध्राया रोखा बेरखादों।

बैसागो बोधोर सफैयोब्ला बोराय-बुरै, सेंग्रा-सिखला, गथ-गथाय बयनिबो गोसोयाव रंजानाय फैयो। बे बाध्राखौ नै बे बाध्रानिफ्राय मिथियो। सिखला हान्जाणि सासेया बुडो-

दोत जाम्बिफोर दिनैनि रंजानायनि बोधोराव दावाबिगुर जायो। दावा बिगुरनिखुइ साबसिन हामसिन दिनै जोबनो थाड। थां दावसा दावदेंफोर मागिनानै लाय थां। बिनिफ्राय जोंजों लोगो लाफै होन्नानै। बैसागो बोधोराव बोराय बुरै हान्जाया बोराय बुरैजों सेंग्रा सिखलानि हान्जाया सेंग्रा-सिखलाजों आरो गथ खुदियाफोरनि हान्जया गथ-गथायजों मायरं, दावदें, मैगं थाइगं मागि हैयो। बिदिनो बैसागो बोधोराव ग्राम ग्राम रंजा-बाजा, जानाय लोंनाय सोलियो बर' गामिफ्राव। बैसागो जोबनानै बिनन्दया कलेजसिम थांखिन्नानै फैफिन्नायाव फागुनिया गोसोयाव बेसेबा रंजानाय मोनो। लोगो मोन्ननै फागुनिया सेंनायाव बिनन्दया फिन्नाय होयो जोंबादि गामिखौ मोजां मोनग्राया, गामि गफानि सेंग्राया टाउननि बारहावाजों माबौरै गोरोबनो हानो..... ? आं बर' सिखला, बर' सेंग्राजों आंगो खाथि सोमोन्दो दं बेखौ आंसो मिथिसिगौ। आं गुवाहाटीयाव लेखा फरायहैनानै गोसो आरो मेगनखौ गोबां खस्त मोनधारनाय मोनबाय। हासां जायगा, सारि, मेखला गान्नाय असमोया, बाडलोफोरबादि बायदि गुबुन गुबुन हारिनि सिखलाफोरसो गोबां दं।

आन्जाद लानाय :

सोंलु 1 : फागुनि सलमायाव बाहायनाय रायज्जायनायनि बिदिभिं हो।

अब्ला फागुनिया बुडो- होनब्ला बर दखनाखौ आदैया नुबाय थानो लुबैयोब्ला आनि आगर गुबै दखना गांसेखौ, गानाब्लानो खरफुर होनानै दोन्नाय दखना गोथारखौ बिसना सादोर खालामनो लांफादो। बिनिफ्राय बर' सिखलाफोरखौ गोसो खांब्ला खांब्ला नायबाय थादो आरमा। ना माबै..... ?

बे गोजीनि बाथ्रानिफ्राय बिनन्दमोन बर' रायजो, हारिखी थार मोजा मोनग्रा आखला बेरखादों। ओंखायनो फागुनियाबो गान्नाय जुमनाय हारिमुनि गेजेरजों गावनि हारि हारामुदखौ लानानै गोसोखौ सांग्रां लाखिनायनि बाथ्राखौ मुंखदों। बे सलमायाव बांद्राय बाध्रा रायज्जायनाय नुनो मोनो। बांसिनो बाध्रा रायज्जायनायानो फागुनि आरो बिनन्दनि अन्नाय मोजां मोननायनि बाध्रायानो बेरखांसिनदों।

2.7 फागुनि सलमानि सानथौ :

फागुनि सलमानि सानथौ होननानै बुडोब्ला बे सलमायाव फागुनि आरो बिनन्दनि गोथौ मोजां मोननाया रोखा नुजादों। फागुनिनि जिववा समजों लोगोसे गोबां सोलायदों। जाय फागुनिया उन्दैनिक्रायनो आलो गोजोनै देरबोदोंमोन, सासेल फिसाजो होनना अनजादोंमोन बि फागुनिया बिफानि गाञ्जि आखलाव माबादि आलायसिलाय रुवाथि बैहैनांगौ जादों बेखौ दिन्धिदों। गोबां दुखु जारला सहायनायनि उनाव जेब्ला बिफानि अखलाव सोलायनाय फैयो, बिनन्दजों जुलि जाब्लाबो अजद गैयै मोजां समावसो फागुनिनि जिवा रमान हांखोनि सोमाव सारनायाव पुलिस, सि.आर.पि.नि गुलियाव जोबदोंमोन। बे सलमानि गेजेरजों फागुनिनि जिवा मोजांनिक्राय गाञ्जिसिम माबादि Srious दावगालांदों बेखौ मिथियो। बेजोंलोगोसे थार मोजां मोननाय अनलायनायाव हजार बारहंखा, दुखु-जारला सफैब्लाबो सिफायनो आरो गोसोखौ फिदिनो हाया बेखौ मिथि मोनो। थिग बेनो फागुनिनि जिवाव नुजादों। बिफाया बिनन्दखौ दुखिया गैजा रोडैहोना वासिदोंमोन। फिसाजोखौ हरब्ला सुख सान्तिवै मोनजानाय नड्ड सान्नानै बिफा जगेशा गोसो गैथ्रामोन। फागुनियाबो सिगां समाव बिनन्दखौ मोबायजोंबो नायनो हायामोन। नाधाय मेटिक आनजादखौ खेबनै फेल जानानै फागुनिनि गोसोया थारलायै सोलायदों। बैसो राबोनाय लोगो लोगो फागुनिनि मोन्दांथि, सान्नाया सोलायो। बैसोनि लोगो लोगो सासे मानसिया माबोरै सोलायो बेखौ मिथि होयो। लोगोसे थासारि आरो अबस्थाया मानसिनि मोनफ्रोमबो बिथिंखौ माबादि गुरस्तायनाय फैयो बेखौबो मिथि होयो। फागुनिनि बेलायाव बेनो जादों। जाय फागुनिया आलो गोजोनै देरदोंमोन खामानि दामानि मावनांगौ जाया मोन अदेबानि दाहोना रुवाथिनि सायावसो जाबोदोंमोन बि फागुनिया दिनै मालायनियाव फंबायखौ फ्राय होनायाव दाहार नांनायखौ सुखनांगौ जानायाव रुवाथि बैनांगौ जायो। नाथाय फागुनि या बेफोरखौ खर गंस्तायनानै

गासैबो दुखु खस्थ आरो सान्दुं अखा गासिखौबो सहायनाई मोजां आखल आखुनिफोरमान होयो । दिनै फागुनिनि आखलाव आदर्सन बाध्रा मोननो हायो । बेल नड फागुनिनि आखला गोखौं सहायसुलि, अनसुलि आरो फोथायथाव आखु । फागुनिनि अन्नाय मोजां मोन्नाय रौंगथिनि आरो समनि गेजेरजौं रोफुंबोनाय । बिनि मोजां मोन्नाया love at first sight नड । गोबां घात-प्रतिघात आरो जाथायनि गेजेरजौं जौंगाबोनाय ओंखायनो गुबुन नायफैदौब्लाबो धाडखै आरो बिफानि अजद थासेयावबो गावनि अन्नाय मोजां मोन्नायखौं हमथाना लाखिबोदोंमोन । जोबनायाव फागुनियानो देरहादोंमोन । नाथाय गासैनिबो गोसोखौं जै खालामखानायनि उनावसो फागुनिया जिव जोबदोंमोन ।

गोजौनि बाध्रानिफ्राय बे सानसिखौनो मिथियोदि, सहायनाय, फोथायनाय आरो मोजां हाबा मावोब्ला बिनि फिथाया गेसेव जाया । बेखौं फागुनि आरो बिनन्दनि आखलनिफ्राय मिथिना मोनो । फागुनिया बिनन्दखौं मोजां मोननायनि थाखाय बिफा जगेश बाबुया हाजासे बिखौं रायदोंमोन, थैहैनो थिनजादोंमोन आरो माल्लाबा बुजानो गोनांबो जादोंमोन । बेफोर सात जारलाखौं सहायनाईबो फागुनिया बिनन्दनिसिम गावनि अन्नायखौं थिखैनो लाखिबोदोंमोन । फागुनिया जेब्लाबो गावसोरनि अन्नाय मोजां मोन्नायाव जाहाथे गुनजेर अरा वेखौं नोजोर होबोदों । नखरनि मोजांनि थाखाय गावनो रुवाथि बैहैनै रां दाहारखौं सुखदोंमोन । बिनन्दनि बेराम गोब्राब जानायावबो रुवाथि थानाईबो जोधोन लाफैबावदोंमोन । सानफा थोलो माहाजोननियाव मावनायनि उनावबो सानजौफु जिरायनाय समाव आरो मोनासि समाव सानफ्रोमबो बिनन्दनि लोमजानायखौं आबोद खालामोमोन । अब्लाबो फागुनिनि गोसोया मेंनाय गैया, बानाय गैया आरो जेन्नाय गैया जासे मावलांबाय धादोंमोन । जायफोर हाबाखौं उन्दैयाव मावफेराखैमोन नाथाय देरनाई गुबुन माहाजोननि नवाव मावनांगौं जादोंमोन । गावनि खाफालनि लिरनाय सान्नाई फागुनिया सहायलांदोंमोन । थिरा बिदिनो बिनन्दयाबो गिबि गिबि फागुनिजौं नेवसि जादोंमोनब्लाबो गोसोया बायाखैमोन । अखाफोर दानबासोनि उनाव जेब्ला फागुनिनिफ्राय गनायथिनाय लाइजाम मोन्दोंमोन अब्ला दुखुमोन्नाय, रगाखौं फारसेथिं दोनधनानैबो फागुनिखौं गनायना लाफिनदोंमोन । बेयो सहायनाय आरो गोथों गोसोनि सान्ना हानाय आखलखौंनो मिथि होयो । ओंखायनो सानैबो नखरनि गासै मानसिनि

गोसोखीं जै खालामनो हादोंमोन बिसोर। लोगोसे बैसागो बोधोर रंजानाय फालिनाय आरो ब्रेजों लोब्बा लाखिनानै मायरं, मैंग-थायगं, दावदै मागिनाय, बायदिसिना गेलेनाय उन्दै उन्दै गथ गथायफोरा, लोंनाय जानाय बायदिफोरा बर' गामियाव माबादियै ग्रोम ग्रोम सोलिबोंदोंमोन बेखीं मिथि होयो। बर' गामिनि हारिमुयारि आरो समाजारि आबहावाखीं रोखायै नुनो मोन्नाय जायो।

2.9. सार बाहागो (Summing Up) :

फागुनि सलमाया गांसे मोजां मोनलायनाय सलमा। फागुनि आरो बिनन्दनि गोथार मोजां मोन्नाय अनलायनायखींनो सलमायाव दिन्धिदों। बेनि लोगोसे बर' समाजनि जिव खुंनाय आरो समाजिक आबहाखींनो सलमायाव सावगारि एरखांदों। फागुनिया बिनन्दखीं गिबि गिबि मोब्रायजोंबो नायनो हायामोन। बिनन्दया फागुनिखीं हाबा खालामनो होन्ना प्रस्ताब होदोंमोन। प्रस्ताब होनायनि गुदियाव दंमोन फरायफुंनायनि राहा जायोखोमा सान्नानै। बिनन्दमोनहा रांनि आंखालाव कलेज खुलिफिनब्लाबो हस्तोलसिम थांफिननो हायाखैमोन। ओंखायनो रांनि हेफाजाब मोनगोनखोमा सान्नानै प्रस्ताबखीं हरदोंमोन। हजों फागुनिमोना रांनि रां, मायनि माय ग्रोम ग्रोम दोहोनि। जगेश बाबुया साखिबो मावो बुंनो थांब्ला नखरा जेनिबो जैरेबो आंखाल गैया। फागुनिया बिमा बिफानि अन्नायाव आलो गोजोनै देरबोदों। फागुनियाबो सिगां समाव दुगि मोन। नाथाय मेट्रिक आनजादखीं खेबनै गांजि जानायनि उनाव फागुनिनि सान्नायाव गोबां सोलायनाय फैयो। फागुनिया बिनन्दखीं मोजां मोन्नाया लाइमोन बैसोनि बोदोर गोसोजों नझ नाथाय बैसो राबोनानै गोबां रोंगथिनि गेजेरजोंसो। बिफा जगेश बाबुयाबो फिसाजो फागुनिखीं बिनन्दजों हाबा होनो गोसो गैधामोन। ओंखायनो फागुनिखीं जोबोर रायदोंमोन आरो ब्रा-ब्रायै गुबुननो हरनो नाजादोंमोन। नाथाय फागुनिनि दाद गोसोखीं एसेबो लरायनो हायाखैमोन। बिफाजों हाजासे रायजादोंब्लाबो, बुजादोंब्लाबो गावनि अन्नायखीं बिनन्दनो खम खालामाखैमोन। सानसे समाव बिफा जगेश बाबुया बांद्राय जौ लोंग्रा जाबाय। जौ लोंना फैनानै फागुनिखीं रायो आरो बिसिखीं बुफैयो। बिदिनो सनानि संसाराव एसे एसे गुन अरनो हमो। फागुनिया जिवनि बेफोरबादि सादजारला, खैफोद आरो दुखु दाहाखीं नेवसिनानैब्लाबो गावनि गोसोजों बिनन्दखीं अनबोदोंमोन।

बिफानि गात्रि आखलाव प्रीम प्रीम टिन न आरो हा हुवा सिलिखार जाजोबदोंमोन । फंवायनि फरायनायाव दाहार नांनाय रांखौ सुखनो थाखायबो फागुनिया रुवाधि बैहैनो गोनां जादोंमोन । बिफोर दुखु दाहा आरो अलखतरखौ सहायना थानायनि उनाव फागुनिया बिफा आरो बरादिनि लिरनायखौ जै खालामनो हादोंमोन । मानोना बिफाया जोबधारनायाव बिनन्दजों हावा जाब्लाबो अजद मैयै जाबयमोन । नाथाव रमान हांखोनि सोमावसारनायाव फागुनि बिनन्दमोनाबो बाहागो लादोंमोन । बे सोमावसारनायाव दबथायलु आखुनि गुलि गावनायाव फागुनिया जिव जोबनागो जादोंमोन ।

2.9 हानो हाथाव सौलुफोर (Probable Questions) :

1. फागुनि सलमायाव फागुनि मुडा सलजों बेसेबां आबुडैगोरोबदों सावरायना लिर ।
2. फागुनि सलमानि सल आरो आखु दानाया माबादियै जौगलांदों सावरायना लिर ।
3. कान्तेस्वर ब्राह्मनि फागुनि सलमायाव हिन्जाव आखुफोरनि बिफाव लानाय सोमोन्दै मोनसे सावरायनाय लिर ।
4. फागुनि सलमानि नायिका मोननि नखर जोबसांनायनि जाहोनखौ बिजिरनाय सावराय ।
5. फागुनि सलमाखौ गांसे मोजां मोनलायनाय सलमा (Romantic Novel) बुंनो थांनायाव मा मा जुक्तिफोर दं सावराय ।
6. फागुनि सलमायाव बैलारि दैसाखौ सलजों माबादि सोमोन्दो गायसन्ना नाजादों फोरमान होनाय सावराय ।
7. फागुनि सलमायाव 'बर' समाजनि सामाजिक जिव खानाय सावगारिया माबादि बेरखांदों सावराय ।

2.10. फरायनो गोनां बिजाबफोर (References and Suggested Readings):

1. 'बर' धुनलाइनि जारिमिन - मनरन्जन लाहारि
2. History of Boro Literature - मधु राम बर'
3. धुनलाइ बिजिरनाय - गुनेश्वर मसाहारि
4. सुंदयै धुनलाइ बिजिरनाय - बिजय बाग्लारि

GUIDOL also offers the following programmes

Master Degree Programme:

M.A. in Assamese, English, Political Science, History, Philosophy, Bodo, Nepali, Bengali, Sanskrit, Education, Communication & Journalism

M.A./M.Sc. in Economics, Mathematics

M.Com

PG Diploma Programme:

Sales & Marketing Management (**PGDSMM**)

Human Resource Management (**PGDHRM**)

Journalism & Mass Communication (**PGDJMC**)

Business Management (**PGDBM**)

Finance Management (**PGDFM**)

Banking & Financial Services (**PGDBFS**)

Insurance & Risk Management (**PGDIM**)

IT Programme:

M.Sc.-IT, PGDCA

Under Graduate Programme:

B.A(General), B.Com (General), BCA, B.Sc.-IT



GAUHATI UNIVERSITY
Institute of Distance and Open Learning
Gopinath Bardoloi Nagar, Guwahati - 781014
www.idolgu.in

Bodo-10-V (3)



INSTITUTE OF DISTANCE AND OPEN LEARNING
GAUHATI UNIVERSITY

BODO

Paper V

FICTIONAL PROSE

Block 3

GOPINATH BORDOLOI NAGAR

GUWAHATI-781014 : ASSAM

**Institute of Distance and Open Learning
Gauhati University**

MA in Bodo

सेथि बिलाइ V (Paper V)
सुंद सल

बाहागो - 3 (Block-3)
गिबिसिरिनि सुंदसलगिरिफोरनि सल

आयदाफारि (Content)

बाहागोनि बेखेवनाय (Block Introduction)

खोन्दो 1 (Unit - 1)

बर' सुंद सलनि सायाव सावरायथाय

खोन्दो 2 (Unit - 2)

श्रीमति दुर्लाई आरो नारखो

खोन्दो 3 (Unit - 3)

हंलानि सावरि आरो लाइनबास

खोन्दो 4 (Unit - 4)

सिलिंखार, उद्रायनाय आरो बुलि

खोन्दो 5 (Unit - 5)

सुनि आरो सानसेनि जारिमिन

Contributor

Pranab Jyoti Narzary Unit - 1 & 2	Lecturer, Department of Bodo Pandu College
Rairoob Brahma Basumatary Unit - 3	Lecturer, Department of Bodo Barama College
Jogen Boro Unit - 4 & 5	Guwahati

Content Editing

Dr. Bhupen Narzaree	Department of Bodo Gauhati University
---------------------	--

Cover Page Design

After Ali	Rabindra Chapasal R.C.B. Road, Guwahati-21
-----------	---

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise.

Published on behalf of the Institute of Distance and Open learning Gauhati University by Prof. Amit Choudhury, Director and Printed under the aegis of GU Press as per procedure laid down for the purpose.

Re-Print : September, 2018

बाहागो (Block) - 3

बाहागोनि बेखेवनाय (Block introduction) :

बे बाहागोयाव गुबैयै बर' सुंद सलनि सायाव सावरायनो लानाय जागोन। सावरायनो मोजां जानायनि थाखाय बर' सुंद सल लिरगिरिफोरखौ गिबि सिरिनि, गेजेर सिरिनि आरो उनसिरिनि सुंदसल लिरगिरि होननानै बाहागो राननाय जादों। बे आयदायाव गिबि सिरिनि सुंद सल लिरगिरिफोरनि सुंद सलफोरखौ जायगा होनाय जादों। लोगोसेनो बर' सुंद सलनि सायाव मोनसे सावरायथायबो होनाय जादों। बे बाहागोखी गुवारै आरो मोजाडै सावरायनो थाखाय मोनबा सोन्दोयाव बाहागो राननाय जादों।

गिबि खोन्दोयाव बर' सुंद सलनि सायाव सावरायथाय मुंहोनानै बर' सुंद सलवा माब्ला जोनोम जानाय, माबौरै गोसारखो आरो आथिखालाव माबादि गोसारदों बेफोरनि सोमोन्दै गुवारै सावरायनाय जादों।

नैथि खोन्दो थाम्थि खोन्दोयाव हरिभुषन ब्रह्मनि फरायनो गोनां सुंद सलफोरखौ दोंनै सलजों मोनफा खोन्दो खालामनानै गुवारै सावरायनो नाजानाय जादों।

बैथि आरो बाथि खोन्दोयाव नील कमल ब्रह्मनि फरायनो गोनां सलफोरखौ मोनसे खोन्दोयाव दोंथाम आरो मोनसे खोन्दोयाव दोंनै लानानै सावरायनाय जादों। मोनफ्रोमबो खोन्दोयावनो S.A.Q., आन्जाद लानाय, जानो हाथाव सौलुफोर आरो फरायनो गोनां बिजाबफोरनि फारिलाइ होफानाय जादों।

बे बाहागोनि खोन्दोफोरा जाबाय :

- | | |
|-------------------------|-------------------------------|
| खोन्दो - 1 (Unit - 1) : | बर' सुंद सलनि सायाव सावरायथाय |
| खोन्दो - 2 (Unit - 2) : | श्रीमति दुर्लाइ आरो नारखो |
| खोन्दो - 3 (Unit - 3) : | हंलानि सावरि आरो लाइनवास |
| खोन्दो - 4 (Unit - 4) : | सिलिंखार, उद्रायनाय आरो बुलि |
| खोन्दो - 5 (Unit - 5) : | सुनि आरो सानसेनि जारिमिन |

खोन्दो-1 (Unit - 1)

बर' सुंद सलनि सायाव सावायथाय

खोन्दोनि महर :

- 1.1 बेखेवनाय (Introduction):
- 1.2 थाखि (Objectives) :
- 1.3 बर' सुंद सलनि जोनोम :
- 1.4 लाइसियाव सेबखांजानाय सुंद सलफोर :
- 1.5 गिबि सुंद सल बिजाब आरो गिबि जि बोसोरनि सुंद सलफोर :
- 1.6 गेजेर खलबनि सुंद सलफोर (1980-90):
- 1.7 आथिखाल मुगानि सुंद सल (1990 दासिम):
- 1.8 बर' सुंद सलवाव आयजो लिरगिरिनि बिहोमा
- 1.9 फोजोबनाय :
- 1.10 जानो हाथाव सॉलुफोर (Probable Questions):
- 1.11 फरायनो गोनां बिजाबफोर (References and Suggested Readings):

1.1 बेखेवनाय (Introduction) :

सुंद सलवा गोदान थुन्लाइनि मोनसे ज़रखा आरो मखजाथाव बाहागो वेद गोदान मुगानि जिव सानसि, मोन्दाथि आरो गोदान आदवजे स्नसायजानाय । बिबानि

बेलायावल नड्ड बेनि गुन आरो विजिरथायनि बेलायावबो बेयो आधिखाल मुगानि थुनलाइनि गुबुन गुबुन बाहागोफोरनि गेजेराव गोजौसिन मासि आवांग्रनो हादो । समनि फारसेनिफ्राय नायोब्ला सुंद सलनि गोदान महरा जिगु जौथायनि नैथि आरो थामथि जिथायावसो जागायजेन्दो । नाथाय बेनि जोनोमनि गुदि जारिमिना जोबोद गोजाम । जारिमिननि सिगां समनिफ्रायनो बुहुमनि गुबुन गुबुन जायगायाव जोनोम मोननाय सल बाथा एबा खुगा सलफोरानो गोदान सुंद सलनि गुदि महर । सल बाथा खिन्थानाय एबा खोनासनाया सुबनि जारिमिनजो समान गोजाम । बे बेलायाव समारसेट ममनि बाध्याय मखजाथाव - "It is natural for men to tell tales, and I suppose the short story was created in the night of time when the hunter to beguile the leisure of his fellows, when they had eaten and drunk their fill, narrated by the cavern fire some fantastic incident he heard of." (सल खिन्थानाया सुबनि हुदा, आं सानो माब्लाबा मैहुरनिफ्राय फैनानै जाखां लोखां हराव अरनि खाथियाव जनानै फलाना जेब्ला लोगोफोरनो बानायखौ होखारनो गाव खोनानाय गोमोथाव जाथायफोरखौ बरनायदोमोन बै समावनो सुद सलवा जोनोम मोन्दोमोन।) जिगु जौथायाव जागायनाय रमान्टिसिजमनि दोहौनि गेजेरावनो सुंद सलनिबो जोनोम जायो । जिगु जौथायाव बुहुमनि दरबै हादर फ्रान्स, रासिया, जार्मानि आरो आमेरिकायाव समरा-समरिये सुंद सलवा जौगाखाडे । फ्रान्सआव प्रसार मेरीमो, बालजाक, थिअफिलमोना सुंद सल लिरनायाव गोखौ आखाय होदोमोन । रासियायाव गोदान सुंद सलवा जोनोम मोनो आलेकजेन्डार पुस्किननि आखायाव । बिश्थानि उनाव निकलाइ गगल, टुरोनिभ, टलष्टय आरो मपामोमोननि आखायाव सुंद सलवा उदां आरिमु महरै नुजाधियो । रासियायाव जिगु जौथाइनि सासेबाव मखजाथाव लिरगिरिया जाबाय मेक्सिम गर्की । जार्मानियाव गिबियै सुंद सलनि लामाखौ एवग्रानेनो ग्यते, प', सिलार आरो हफमैनमोना । जिगु जौथायाव हेनरिक हाइने, डब्लिउ फ्टर्म, चुडारमेनमोननि आखायाव जार्मान सलवा मोनसे थि महर मोनो । वासिंटन आयाधिड्ड दो थामजिब्रै सल सरजावनानै "दा स्केटस बुक" खौ फोसावनाय लोगो लोगो आमेरिकायावबो सुंद सलनि हान्थिनाया जागायजेनो । गोदान भारतारि सुंद सलवा सोनाबरि सुंद सलनि गोहोमावसो सोरजिजादो । हिन्दी थुनलायाव प्रेमचान्द आरो बाइली

धुनलायाव रबीन्द्र नाथ ठाकुरमोना गिबिसै सुंद सल लिरजेनो । उडिया धुनलायाव फकिर महन सेनापतिनि आखायाव सुंद सलवा जोनोम मोनो । असमोका धुनलायाव सुंद सलवा लक्ष्मीनाथ बेजबरुवानि आखायाव जोनोम मोनो । गिबिसिन वर सुंद सलवा ई 1940 मायथायाव दिहुनजानाय “ हाथखिं हाला ” बिजाबाव ओंखारदों । बे बिजाबाव ओंखारनाय दोंने सुंद सलवा जाबाय अलंबार मुगानि मुंदोखा खन्थाइगिरि इसान मोसाहारिनि “ आबारि ” आरो प्रमद चन्द्र ब्रह्मनि “ फारिल ” । फारिल सुंद सलखौ लिरगिरिया मपासानि साया लानानै लिरदों होनना गावनो सिमान जादों । जायखिं जाया “ आबारि ” खौनो वर नि गिबिसिन सुंद सल होनना गानवनाय जाबाय । गिबिसिनै बिजाव महराव सुंद सल फोसावो गागि सलमा लिरगिरि चित्तरन्जन मोसाहारिया । बिथानि सुंद सल बिजाबनि मुडा जाबाय “ पैमाल मिर्ज ” । आथिखालाव वर सुंद सलवावो गोजी जांखलायाव दावखोर्गसिनो द ।

1.2 थांखि (Objectives) :

बे आयदाखौ फरायहोनायनि थांखिफोरा जादों :

- ❖ जोनोमनिफ्राय आथिखालसिम वर सुंद सलनि जारिमिनखौ मिथिहोनाय ।
- ❖ वर सुंद सल लिरगिरिफोरनि सल आरो बिथामोननि बिहोमानि सोमोन्दै मिथिहोनाय ।
- ❖ वर सुंद सलनि आयदा, सानमि आरो आखुफोरनि सोमोन्दै मिथिहोनाय ।
- ❖ सुंदवै वर सुंद सलनि जारिमिननि सोमोन्दै अनुडै गियान होनो नाजागोन ।

1.3 वर सुंद सलनि जोनोम :

वर फोरनि गेजेरावबो जारिमिननि सिगां मुगानिफ्रायनो सल बाथा एबा खुग सलफोरा गोसारदलानानै दंमोनब्लावो गोदान सुंद सलवा नैज जौथायनि सिगां बाहागोयाव सोनाबारि धुनलाइ एबा नसुडव धानाय गुबुन गुबुन रावफोरनि धुनलाइनि गोहोमावसो जोनोम मोन्दों । गिवियावनो मखखानाय जादोंदि इसान मोसाहारिया वर नि गिबिसिन सुंद सल लिरगिरि । 1940 मायथायाव ओंखारनाय “ हाथखिं हाला ”- याव मोसाहारिनि गिबि सुंद सल “ आबारि ” या ओंखारदोंनो । बे

बिजाबावनो ओंखारबावनाय गुबुन दोसे सुंद सलवा जाबाय प्रमद चन्द्र ब्रह्मनि "फाग्लि"। बे 'फाग्लि' सुंद सलखौ लिरगिरिया मपासानि साया लानानै लिरदों होनना सिमान जादों। लोगोसे सलनि सललिं (plot) आरो सानाग्रियाबो रोखायै बेरखाडखै। बेनिखायनो 'आबारि' खौ बर'नि गिबिसिन सुंद सल होनना गनायनाय जाबाय। 'आबारि' सुंद सलवाव गोदोनि बर' माहारिनि गोजाम सावगारिखौ गोरोन्थि रैयाजासे एरखांदों। सलवाव हाबा खान्थिनि सावगारिजों लोगोसे बै समनि समाजारि सावगारिखौबो रोखायै मोनो।

सुंद सलफोरखौ जथायनानै बिजाब महरे गिबियै फोसावो बर' सलमानि जोनोम होगिरि चितरन्जन मोसाहारिया। 1970 मायथायाव ओंखारनाय बिथानि गिबि सुंद सल बिजाबा जाबाय "फैमाल मिजिं"। बे बिजाबाव सरजाबजानाय दोंधाम सुंद सलफोरा जाबाय "फैमाल मिजिं", "फानै नालेंखर बिफां" आरो "गोमानाय डायेरी"। बिथानि सलफोराव समाजारि सावगारिया रोखायै बेरखांदों।

1.4 लाइसियाव सेबखांजानाय सुंद सलफोर :

सुंद सलवा जोबोद गोख्रैयै फोसावजानायनि मोनसे मखजाथाव जाहोना जाबाय बुहुमनि गुबुन गुबुन हादरनिफ्राय फोसावजानाय रादाब बिलाइ आरो लायसिफोर। सलमाया गोलावद्राय जानायलाय लायसिफोराव फोसावनायाव जेंना सोमजियो। बेनिखायनो सम आरो लायसिनि जायगाखौ गोनांथि होनायाव सुंद सलफोरा गोबां बिबानि फोसावजादों। गाहायै आमैरिकानि ग्राहामस् मेगाजिन, हाथारस मेगाजिन, पुटनामस् मेगाजिन आरो आटलान्टिक मेगाजिनफोरा सुंद सलनि थाखायनो फोसावजादोंमोन। बेनिखायनो एडगार एलान प'वा आमैरिकानि सुंद सलफोरखौ लायसिनि फिसा होननानै मखदोंमोन।

गुबुन गुबुन हादर एबा रावनि सुंद सलफोरनि जोनोमनि गुदियाव जेरै खौरां बिलाइ एब लाइसिनि बिहोमाखौ मखग्रोनांगी जायो बेबादिनो बर' सुंद सलनि जोनोमनि गुदियावबो दं खौरां बिलाइ एबा लायसिनि बिहोमा। दिनेसिम बांसिनि बिबानि बर' सुंद सलवा खौरां बिलाइ आरो लायसियाव फोसावजादों।

1920 मायथायाव फोसावजानाय गिबिसिन बर' लायसि 'बिबार'नि गाहाइ सुजुगिरि सतीश चन्द्र बसुमतारिया रन्दासि फाग्लि (रंदिनि फाग्लि?) मुं लानानै

गिबियै सुंद सल लिरनो ताजानायखौ नुनो मोना । 'बिबार' लाइसियाव ओंखारनाय
 बिथानि 'दाव बायनाय' सलवाव ताथाय सुंद सलनि गुबै महर आरो आखुथायफोरखौ
 नुनो मोना । बर' सुंद सलनि जोनोम होंगिरि इसान मोसाहारिनि 'आवारि' सुंद
 सलवा प्रमद चन्द्र ब्रह्म सुजुनाय 'हाथखिं हाला' मुनि बिजावाव ओंखारदोंमोन ।
 इसान मोसाहारिनि गिबि सुंद सल 'आवारि' या ओंखारनायनि नैजि बांसोरसो (नै
 जिथायसो) समसिम सुंद सल ओंखारवावनायनि जेबो फोरमान मोननाय जायखें ।
 नैजि जौथायनि बा जिथायनि उनाव 'अखाफोर', 'आलारी', 'गुसि आरो सानसि',
 'नायक' लाइसिफोरा फोसावजायो । बेफोर लाइसिनि बिलायाव जितेन ब्रह्म, सतीश
 बसुमतारि, अजित नारायन ब्रह्म, जगदीश ब्रह्म, रथोकान्त ब्रह्ममोना सुंद सल
 लिरनानै फोसावो । लीला ब्रह्मनि 'गोसोनि दाहा' सलवा 1953 मायथायाव
 फोसावजानाय 'बड' लाइसियाव ओंखारो । सुंद सलनि महर आरो आखुथायफोरखौ
 एरखानायाव बिथां ब्रह्मवा जाफुंसारदों । बिथानिनी 'बुहुल जानाय' मुनि सलवावो
 'बड' लाइसियावनो ओंखारदोंमोन । बे लायसिनिनी 1956 मायथायाव फोसावजानाय
 बिसानाव गहीन बसुमतारिनि 'बारहुंखानि उनाव' मुनि सलवा ओंखारो । सलवाव
 बिथां बसुमतारिया गोसोथोनायनि जिव गोनां सावगारिखौ समायनायें एरखदों ।
 प्रसेनजित ब्रह्मवा लाइसियाव दोंथाम सुंद सल फोसावदोंमोन । बिथानि सुंद
 सलफोरा-- (क) बत्रि, (ख) डग्रि आरो (ग) गोसोथोनाय । बिथानि ब्रह्मनि सुंद
 सलनि अनजिमाया आसि बिजौवाव साननो हानायब्लाबो गावनि आदबजों धुनलायारि
 बेसेन सरजावनानै बर' धुनलाइनि अखाइव गोजों हाथरखिवादि गोजोर जायग
 लानानै दं । बेबादिनी नैजि जौथायनि बा आरो द जिथायाव गुबुन गुबुन लायमिफोरख
 गोबां सुंद सलफोरा फोसाव जायो । मखजाथावदि 1963 मायथायाव बर' बिजों
 धिसननायनि उनाव फरायगिरिफोरनि बिवाइबो लासैनी बाबोनी हमा । जोनामनिफाव
 स्नि जिथार्यासिम लाइसिनि बिखायाव जेसेबां सुंद सलफोर फोसावजादोंमोन बेनि
 बांसिन लिरगिरिफोरानो फ्टाइल आरो आदबनि बिथिलव सांघां नखनोन ।

आनजाद लानाय (CYP):

सोथि 1 : बर'नि गिबिसिन सुंद सलवा मा लाइसियाव ओंखारदोंमोन ?

सोथि 2 : प्रसेनजित ब्रह्मनि सुंद सलफोरनि मुझ मा ?

1.5 गिबि सुंद सल बिजाब आरो गिबि जि (10) बोसोरनि सुंद सलफोर :

सिगाइवको मखखानाय जादोंदि बर' सुंद सलफोरखौ जथायनानै 1970 मायथायाव चित्तरन्जन मोसाहारिया 'फैमाल मिजि' मुनि गांसे बिजाब दिहुनो आरो बेनो बर'नि गिबिसिन सुंद सल बिजाब । 'फैमाल मिजि' बिजाबाव दोंधाम सुंद सलफोर द, बेफोर जाबाय फैमाल मिजि, फानै नालेंखर बिफां आरो गोमानाय डायेरी । फैमाल मिजि सुंद सलवाव सासे माहाजोननावनो दाहोना आरो रुबाधि जयै थाजाबनानै गोसो धोलायदोंमोनब्लाबो फैमाल जानाय जाथायखौ फोरमायदों । फानै नालेंखर बिफां सुंद सलवाव गले- गले नायहैब्लाबो जाजायै रुपारामनि हिन्जाव नायनो थानायनि मिनिथावा बोराबथावा जाथायखौ फेस्ला आरो मिनिथाव रावजों गोरोन्धि गैयाजासे एरखानाय नूनो मोन्दों । चित्तरन्जन मोसाहारिनि गुबुन गांसेबाव सुंद सल बिजाबा जाबाय 1974 मायथायाव ओंखारनाय 'थालिम' । मोसाहारिया सासे जाफुंमार सुंद सल लिरगिरि । बिधानि सल लिरनाय आदब, प्लट सायखनाय आरो आखु एरनाया थारैनो बाखनायथाव ।

नील कमल ब्रह्मनि गिबि सुंद सल बिजाब 'हाग्रा गुदुनि मै'- आ ओंखारो 1972 मायथायाव । बर' सुंद सलवा बिथां ब्रह्मनि आखायाव गेवलांसार महर मोनो । बिधानि आखायजों बर' सुंद सलवा बुहुमनि जौगा धुनलाइफोरनि सुंद सलजोंबो फेर नांनो हानाय जादों । बर' धुनलाइनि बाखियाव बिथाडनो बांसिन सुंद सल बिहोमा होदों । " हाग्रा गुदुनि मै" बिजाबाव दों जि (10) सलफोर द । मुंदांखा बर' धुनलाइ बिजिरगिरि ड' अनिल बर'नि बायदिब्ला " बे बिजाबा (हाग्रा गुदुनि मैया) ब्रह्मनि गेदेमा सोरजि (masterpiece) । बे बिजाबा ब्रह्मखौ सासे जाफुंमार आरो गोख्रों बर' रावनि सलगिरि हिसाबै गायसनदों । बिधानि सलनि प्लट, आखु एरखानाय, बरनायनाय आदब आरो सोदोब सायखनाय आदबो बाखनायथाव । बिधानि अन्वुफोरा गोदान नोजोर सानस्रिनि सिनायथि होग्रा आरो गोदान समाजनि थान्दें । बेनि अन्गायैबो बिधानि सलवाव बर' समाजनि गोरोन्धि गेयै सावगारि बेरखाडें । " नीलकमल ब्रह्मनि गुबुन गुबुन सुंद सल बिजाबफोरा जाबाय सिलिंखार (1984), सिरिलय मन्दार (1985), साखन्त्रा (1987) आरो मेम दाबदै (1995) । गुबुन गुबुन रावनि सलफोरखौ राव सोलायनानै जथायनाय बिजाब " सोनाबनि सलवा ओंखारो 1975 मायथायाव । 1984 मायथायाव बिष्णु

प्रसाद राभानि "फुंखा" सलजों लोगोसे गागि बर' सुंद सल लिरगिरिफोरनि सलफोरखौ सुजुनानै दिहुननाय "सलनि फुंखा" बिजाबखौ बिथां ब्रह्मवानो सुजुदोंमोन। नील कमल ब्रह्मवा बिथांनि सुंद सलफोराव समाजनि गासैबो थाखोनि सुबुं जैरै -- गामिनिफ्राय नोगोरसिम, जाम्बानिफ्राय सियानसिम, हीवा-हिनजाव बयखौबो नोजोर होदोंमोन। बिथांनि "सिलिंखार" सुंद सल बिजाबनि सोमोन्दै मनरन्जन लाहारिया औरैबादि बुंदों -- "सिलिंखार" आ ब्रह्मखौ सासे जाफुंसार आरो गोखौ सलगिरि हिसाबै गायसननायल नडा, बर' सुंद सलवाव मोनसे गोदान trend आरो technique-बो बरायना लाबोदों।" बिथांनि गुबुन गांमेबाव सुंद सल बिजाब "सिरिनाय मान्दार"-आव लिरगिरिनि सल लिरनाय आदवा गोजों थाखोनि जादों। अदेबानि माखासे सलनि आखुफोरा जाफलेबाय थानाय आरो ष्टक आखुफोरबादि। आखा-फाखा सल फोरमायगिरि नीलकमल ब्रह्मनि सुंद सलफोराव गेजेर थाखोनि सुबुंफोरनि जैना जेथो आरो गांनाय उरैनाय लुबैनायफोरा गोरान्थि गैयाजासे एरखांजादों। बिथांनि सलफोराव फेस्ता बिदेखौबो थोजसे बिबांनि मोनो। इ' अनिल बर'नि बादिब्ला -- "ब्रह्मखौ बर' सुंद सलनि सासे साबसिन सलगिरि होतनानै बुनो हायो। बियो जैरैबादि सोलायसुला, नोगोर मोखाद्वारि गोदान बर' समाज जिघ आरो गोसोनि सावगारि एरखांदों, थिग बिदिनो अराय सिनायखानाय बर' गामियारि समाज जिवनि सावगारिखौ बयजोंबो आजवजाथव महरै दिन्थिदों।"

गेदेमा सलमा लिरगिरि, खन्थायगिरि, धुवफावथायगिरि, धुनलाइ बिजिरगिरि मनरन्जन लाहारिया बर' सुंद सलनि फोथारावबो मैखोम बिहोमा होदों। बिथांनि गिबि सुंद सल बिजाब "सल बिदां"-आ 1978 मायथायाव ओंखारो। गांसे फालि, बिमा, सांघेमा, बान्दी, हरनि कल, कलिं बेल बायदि बायदि सलफोरा बिथांनि बेसेनगोसा सोरजि। लाहारिया सासे सांग्रां सुंद सल लिरगिरि। बिथांनि सलफोराव बर' समाजनि भोगथां जिवनि सावगारिफोरा बेरखांनायजों लोगोसे गावारि जिवाव नुजाथिनाय जैना जैसिफोर, गामियारि जिवनि रांखाथियारि अलखद, समाजाव थानाय इनाय अनागार बायदिफोरा बिथांनि सलवाव रेखायै बेरखांदों। बिथांनि सुंद सलफोरनि प्लट, बरनायनाय आदब, सलनि बाधा गोसो सानसि बिजिरनाय बायदि बायदि बिधिंफोरा जोबोद गोजों थाखोनि आरो बाखनायथाव

जादों।

“मैहुर” सलमानि लिरगिरि धरनीधर औवारीयाबो गावखौनो सासे राफोद सलमा लिरगिरि महरै गायसननो हादों। अदेबानि बिथाछा गांसेल सुंद सलनि बिजाब फोसावदों। 1979 मायथायाव ओंखारनाय बिथानि आगोमा सुंद सल बिजाबनि मुझ जाबाय “गान्दु सिंनि लाइजाम गांसे”। बे बिजाबनि सुंद सलफोरा जाबाय गान्दु सिंनि लाइजाम गांसे, बांग्रा, खोलाहानि एल न’ बायदि बायदि। औवारीया गावनि सलफोराव समाजनि खोमसि फोथायनाय, सन्देह बायदिफोरखौ बोझांतो नाजानायनि नोजोरजों सलनि सावगारि एरखांदोंमोन। समाजनि गाग्रि आखुफोरखौ गोखोडै सोंखारिनायजों लोगोसे बेफोरखौ बोझांनयनि राहा होनायखौबो बिथानि सलफोराव नुनो मोनो। सुंद सलनि फारसे थानाय लोरबांथिखौ खुगा धुनलाइ बुधुमगिरि आरो सासे राफोद बर’ लिरगिरि सुकुमार बसुमतारियाबो दबथायनानै दोननो हायाखै। 1974 मायथायाव ओंखारनाय बिथानि सुंद सल बिजाबा जाबाय “मिनिझी”। बर’ हारिनि समाजारि सावगारि आरो दुखु-दाहाफोरखौ बिथाछा गावनि सलफोरनि गेजेरजों बेरखांहोनो नाजादों।

बर’ थुनलायाव सिगां आथालाव गोजौवाव मखनाय लिरगिरिफोरनि अनगायैबो गोबाछानो लाइसि, बिसम्बिफोराव मैखोम बिबानि सुंद सल सोरजिदों। बिजाब महरै फोसावाखैब्लाबो गोजौ धाखोनि सुंद सल लिरगिरिफोरनि गेजेराव मखजाथावफोरा जाबाय -- लीला ब्रह्म, प्रमीला ब्रह्म, सिकेन ब्रह्म, लीलावती ब्रह्म, दानीराम बसुमतारि, रन्जित कुमार बरगयारि, हरेश्वर बसुमतारि, अरुन कुमार बरगयारि, प्रसेनजित ब्रह्म, जगदीश ब्रह्म, बन्धुराम बसुमतारी, गुनेश्वर मौसाहारि आरो गोवां।

1970 मायथाइनिफ्राय 1980 सिम मोनसेल जिथाय एबा जोबोद गुसुं समब्लाबो बे समनि गेजेरावनो बर’ सुंद सलवा गुन आरो बिसान मोननैबो बिधिडाव मेगनाव मोनाडै जौगादों। लिरगिरिफोरनि सल फोरमायनाय आरो लिरनायनि आदबफोराबो जोबोद बाखनायथावमोन। बे जिथायनि लिरगिरि आरो सुंद सलफोरनि थुलुंगाजों उन आथालनि लिरगिरिफोरा सुंद सल लिरनो बोलो मोन्दों आरो बर’

धुनलाइनि बाख्रिखौबो गोगोमै फोगोमदों। बे जिथायनिनो मुंदांखा सुंद सल लिरगिरि नीलकमल ब्रह्मवा बॉसिन सुंद सल बर' धुनलायाव बिहोमा होनानै बर' सुंद सलनि सम्राट जानो हादों।

बिजाब महरै फोसावजायाखैब्लाबो वैजि औथायनि स्नि जिथायाव लाइसि आरो बिसम्बिफोरनि बिलायाव ओंखारनाय सुंद सलफोरा जाबाय 1978 मायथायाव ओंखारनाय परमेश्वर ब्रह्मनि "खाफाल"। जनिल कुमार ब्रह्मनि "बिजली बरुवा" आरो "अरगें" आ ओंखारो 1977 मायथायाव। बिथानि सुंद सलफोराव बर'फोरनि गामियारि जिबनि गेबें सावगारि एरखानाय तुनो मोनो।

द जिथायनि जोबनायफारसे सल लिरजेननाय बिनय कुमार ब्रह्मनि "जिव आरो हांमाया" ओंखारो 1965 मायथायाव। बिथानि गुबुन गुबुन सुंद सलफोरा जाबाय 'फैमाल', मोदेंनि महर' (1960), 'गोदान जिउ' (1972)।

द जिथायनि जोबनायफारसे सुंद सल लिरनाय गुबुन सासेबाव मखजाथाव लिरगिरिया जाबाय बन्दुराम बसुमतारि। बिथानि मखजाथाव सुंद सलफोरा जाबाय 'मनग्रा' (1968), 'माइनाव गाथोननि देंखो' (1978) बायदि बायदि। मुंदांखा खन्थायगिरि आरो थुवफावथायगिरि सुरथ नारजारिनि 'आं सोरखौ गोसोधोनायमोन' मुनि सुंद सलवा ओंखारो 1968 मायथायाव।

स्नि जिथायाव ओंखारनाय बर' सुंद सलफोरनि सोमोन्दै ड० अनिल बर'वा बुंदों -- ".... सल लिरनार्यानि अनजिमाया बाडो। बेनि जखायै गुननि बिधिडाव जौगा माननि सल जोनोम मोन्दों होनानै बुनो हायो। सल लिरनार्यानि आदव अगें आंगिका जौगा सारिनि जानो हयो।"

हरेश्वर बसुमतारिनि सुंद सल बिजाबफोरा जाबाय 1968 मायथायाव ओंखारनाय 'अनाधिनि लामायाव', 'मोननै मोखों', 'गोदान हायना' (1977), 'दावखा खामप्लाइ' (1978), 'गोसो थोनाय' (1980), 'गोरोवलय' (1970), 'दोबैलानाय सान' (1968) बायदि बायदि।

S.A.Q.

सॉलु : बर 'नि गिबिसिन सुंद सल बिजाबनि मुडा मा ? (सारिसेजों फिन)

.....

सॉलु : नीलकमल ब्रह्मनि सुंद सल बिजाबफोरनि मुंखौ लिर । (20 सी सोदोबजों)

.....

.....

.....

1.6 गेजेर खलबनि सुंद सलफोर (1980-90) :

बर 'नि गिबि सुंद सल बिजाब दिहुनगिरि चित्तरन्जन मोसाहारिया ' फैमाल मिजिं' आरो ' थालिम 'नि उनाव 1980 मायथायाव ' थानानै थानायनि थाखाय ' मुनि गांसे सुंद सल बिजाब फोसावबावो । मखजाथावदि स्नि जिथायनि गोबां सुंद सल लिरगिरिफोरा गोदान मिजिं आरो धुलुंगाजों दायन जिथायावबो गोबां बिबांनि सुंद सल सोरजिनानै बर ' धुनलायाव सुंद सलनि बाखिखौ आबुं खालामदौ । 1980 मायथायाव ओंखारनाय सुंद सल बिजाबफोरा जाबाय नरेन्द्रलाल बर ' आरो सतीश बसुमतारिनि ' दुखुनि देखो', राजेन्द्रनाथ ब्रह्मनि ' गांसे डिटेक्टिभ नभेलनि प्लट', परमेश्वर ब्रह्मनि ' पियारी', हरिभुषण ब्रह्मनि ' श्रीमती दुर्लाइ', दानोराम बसुमतारिनि ' दैयानि सिमां', गुणेश्वर मोसाहारिनि ' बारहुंखा' । बिथामोननि सुंद सलफोराव समाजनि सावगारि आरो मोजां मोनलायनायाव सोमजिनाय दुखु- दाहा एबा हांमा हांसाफोरा बेरखांदौ ।

सुंद सल बिजाब ' श्रीमती दुर्लाइजों' गावखौनौ सासे राफोद सल लिरगिरि महरै सिनायथि होनाय हरिभुषण ब्रह्मनि सलफोरा सोंखारिलु आखुनि । बिथानि नैथि सुंद सल बिजाब ' रोनाव फारला'या ओंखारो 1985 मायथायाव । वे बिजाबाव सोंखारिनाय आरो फेस्ता आखुनि सलफोर दं । बिथाइ गावनि सलफोरनि गेजेरजों

बर' हारियाव नुजानाय इनाय आरो अगेनफोरखौ सोंखारिनायजों लोगोसे फेस्ता आखुफोरनि गेजेरजों फोसाबनो नाजादों।

खन्थायगिरि बानेश्वर बसुमतारिनि सुंद सल बिजाब' अन्नाय' आ ओंखारो 1985 मायथायाव। बिथानि सलवाव सुबुनि जिवाव नुजानाय रोंखान्थियारि अलखद, सोरखारि मावखुलिफोरनि गुबुंले थासारि आरो सानबोलावरिजों सोरजिनाय सेंग्रा सिख्ताफोरनि मोजां मोनलायनायनि सावगारिया बेरखांदों।

नीलकमल ब्रह्मनि गांधाम सुंद सल बिजाबफोर 'सिलंखार' (1984), 'सिरिनाय मान्दार' (1985) आरो 'साखन्दा' (1987) फोरा दायन जिथायाव फोसावजादोंमोन। बिथानि सलफोरनि सोमोन्दै सिगांनि आयदा (1.5)याव गुवारि सावरायनाय जादों।

बे जिथायाव सानैसो लिरगिरिफोरा गावन्ना गावनि सलफोरखौ जथायनाय बिजाब महरै दिहु-दोंब्लाबो गोबाडनो बिजाब महरै दिहुननो हायाखें।

दायन जिथायाव ओंखारनाय परमेश्वर ब्रह्मनि सलफोरा जाबाय 'अब', 'आसखान्दा' (1980) आरो 'बर'नि मोदाय' (1982) बायदि बायदि। बिनय कुमार ब्रह्मनि 'हाथासि खाफाला' ओंखारो 1983 मायथायाव। बे जिथायावनो ओंखारनाय बन्दुराम बसुमतारिनि सलफोरा जाबाय 'थाइगिरि बिबारनि मोदै' (1982), 'अननायनि बेगर' (1982) आरो 'सासे गिखनि आन्दायनाय' (1983)। 1982 मायथायाव ओंखारनाय सुरथ नारजारिनि सुंद सलफोरा जाबाय 'सिमांनि मोदै' (1982), 'हरनि उनाव' आरो 'हाबानि उनाव' (1982)। दायन जिथायाव फोसावजानाय गुबुन गुबुन लिरगिरिफोरनि सलवा जाबाय गुणेश्वर मोसाहारिनि 'बारहुंखा', कमलेश्वर बसुमतारिनि 'बारगांनि बिसार', अनिल कुमार ब्रह्मनि 'दन्दर', हांमानि 'आनरनि जिव दिडा', जाराफालानि 'बिसनि लैथो', देबेन्द्र बर'नि 'बैसागीनि सिमां', हेरम्ब नारजारिनि 'बुसारामनि संसार', खोरमाय बिबारनि 'लुसुंनि बिखायाव', अबिनास इस्लारिनि 'सोरजिनाय', लबीन खारीनि 'जुवा', बेनुधर बसुमतारिनि 'गेवलाडै:बिबार', कातिन्द्र सर्गीथारिनि 'कलेज उडक', बानेश्वर बसुमतारिनि 'अननाय', बरुन बर'नि 'गुनजेर', डा' लिपेन्द्र सिंनि 'हांमा', 'हाबया सोरजों', हेरम्ब नारजारिनि 'लान्दा-खान्दा', रंशत नारायन ब्रह्मनि 'हर समेनि

सल', नन्देश्वर दैमारिनि 'थानायनि दावहा' मोसा मोखेब मोसाहारिनि 'सिबाय', रत्नेश्वर नारजारिनि 'उरसिहायै इनजुरनि फिन सोदोब' ।

दाइन जिथायनि सासे गोजो इयुन गोनां सुंद सल लिरगिरिया जादो कातिन्द्र सर्गीयारि । बिधाछ लोगोसेयैनो खन्थायगिरि, सलमा लिरगिरि, थुनफावथायगिरि मेथाइ लिरगिरि, रायश्राइगिरि, सुजुगिरि । समाजनि जेना जेसि एबा बर 'फोरनि समाजारि जिवनि सावगारिखौ एरखांनाय सलफोरनि जथाय 'राजा लामा'या ओंखारो 1986 मायथायाव ।

आबारिनिफ्राय जागायजेननायै 1980 सिम आरो 1980 निफ्राय 1990 मायथाइनिस्मिनि सुंद सलफोरनि गेजेराव जो एसे फाराग नुनो मोनो । उननि बाहागोनि सुंद सल लिरगिरिफोरनि सलवाव गोदान-गोदान आयदानि सायाव आनजाद नायनायखौबो नुनो मोनो । जेरे बे मुगानि लिरगिरिफोरा गावारि जेना जेसिफोरखौ मोगथाडारि नोजोरजो एरखांदो । नाथाय कन्टेमपरारि समाजनि सावगारिखौ एरखांनाय सलफोरखौ गासैवो मुगायावनो नुनो मोनो ।

S.A.Q.

सोलु : 1980निफ्राय 1990 सिमनि सुंद सल लिरगिरिफोरनि मोनसे फारिलाइ बानाय । (25 सो सोदोबजो)

.....
.....
.....

1.7 आधिखाल मुगानि सुंद सल (1990- दासिम) :

नेजि जौथायनि जोबथा जिथायाव बर ' सुंद सलनि नुजानाय बिसाना सिगानि जिथायफोरनि रुजुनायाव चांसिनबावदो । गुबनफारसे सुंद सलनि आयदा सायखनाय, लिरनायनि आदब आरो हामगुजुवाबो थोजासे जौगादो ।

गोदान मुगायाव गावखौनो सासे सांघ्रां सुंद सल लिरगिरि महरे फसंनो हानाय

लिरगिरिया जाबाय नन्देश्वर दैमारि। बिथाइ दांसम गंधाम सुंद सल बिजाब सोरजिबाय। बेफोरो जादों 'धांनयनि दावहा', 'बक्स' (1993) आरो 'अवे नेनाय दालाइ बायग्रेबनायसो' (2002)। बिथानि सल बिजाब बक्सिड बर' धुनलाइ आफादनि समेश्वरो बान्थाखौबो देरहासारनो हादों। दैमारिनि सलफोरख समाजारि सावगारि, समाजनि गुबुले थासाफोरखौ गोखौ रावजों सोखारिनाथ जिव खुंनयाव सुबुं माहारिया सहायतांनय दुखु-दाहा, ओखाल, दोहोनफोरजो गोरिब सुबुंफोरा नासयजानाय बायदि बायदि सावगारिया बरखांडों।

नैजि जौथायनि जोबथा जिथायनि सासे मखजाथाव सुंद सल लिरगिरिया जादों कातिन्द्र स्वर्गीयारि। बिथाइ गुबैयै सासे सलमा लिरगिरि, धुनफावथायगिरि, खन्थाइगिरि आरो मेथाइ लिरगिरि। 1995 मायथायाव ओखारनाय बिथानि सुंद सल बिजाब हंला पण्डित-आ बर' धुनलाइ आफादनि समेश्वरो बान्थाखौ देरहासारनो हादोंमोन। समाज सांग्रांथि सानसिजों लिरनाय बिथानि सुंद सलफोरख जों सोनो बडलेण्ड सोमावसारनाय समनि थासारि, सेंग्रा-सिखलाफोरनि गोसोनि हाबिनायखौ एरखानो नाजानाय सावगारि आरो गोबां। बिथानि थामाथ सुंद सल बिजाब 'जाउरिखानायनि गिबि आयदा' (2000)।

1995 मायथायाव ओखारनाय 'आंनि मोजां मोननायनि डावेरी' सुंद सलानि लिरगिरि इन्द्रमालती नारजारीयाबा गावखौनो सासे राफोद सुंद सल लिरगिरि म्हाई सिनायथि होयो। बिथानि नैथि सुंद सल बिजाब 'गावदा' आ ओखारो 2007 मायथायाव। नारजारिनि सलफोरख सेंग्रा सिखलानि मोजां मोननाय, दाहोन रुवाथिफोरनि दुखुथिया जिव, समाजारि सावगारि आरो सुबुंनि जिवखौ बिजिरनो नाजानाय आयदाफोरखौ नुनो मोनो।

बर' धुनलायाव सुंद सल लिरनाने मैखोम बिहोमा होनाय सासेबाव लिरगिरिया जाबाय तबीन मल्ल बर'। बिथाइ सलमा, दावबायारि सलमा आरो धुनलाइ बिजिरनायावबो गोखौ आखाय होदों। बर'नि गिबि सुंद सल बिजाब 'गोसो फान्जारिनि बिबारा ओखारो 1996 मायथायाव। बिथानि 2003 मायथायाव ओखारनाय 'हादान' सुंद सल बिजाबा बर' धुनलाइ आफादनि समेश्वरो बान्थाखौ देरहासारनो हादों। बिथानि सुंद सलफोरख गोदान थावनिनि मोन्नांथि, 'मांथमाथारि

समायना नुधाय, नखर आरो समाजारि सावगारि, हादानाव जिव खुनाय बर 'फोरनि
थासारि आरो र'मान्टिक सानबोलावरिनि आबहावायाव गोजोमनाय सेंश
सिख्लाफोरनि दुंलोब गोसोनि बाश्नाफोरा बेरखांदों।

साहित्य अकाडेमी बान्था मोननाय खन्थाइगिरि, थुनफावथाइगिरि ड^० मंगलसिं
हाजवारीयाबो सुंद सल लिरनायाव आखाय होदों। बिधानि मखजाथाव सुंद
सल बिजाब 'फैसालि आन्दोनि सलवा ओंखारो 1996 मायथायाव। बिधानि
सलफोराव समाजारि सावगारिफोर आरो फेस्ला रावजों फोरमायनाय आदबफोरखौ
नुनो मोनो।

हरिनारायन खाल्लारियाबो बर' सुंद सलनि बाखियाव आन्थोरजयै बिहोमा
होगासिनो दं। 1995 मायथायाव ओंखारनाय बिधानि सुंद सल बिजाब 'रेसुमै
देरा'याव संगालिनि सं दाननाय एवा डिटेक्टभ रोखोमनि सल मोनो। समाजारि
सावगारि, आथिखाल बर' समाज आरो हारि, जेना जेंसि बायदिफोरनि सायाव
बिथा खालामनानै लिरनाय। दैसा दैमारिनि 'गोजाम आरो गोदान बेराम' सुंद सल
बिजाब ओंखारदों 1990 मायथायाव।

साहित्य अकाडेमीनि 'भाषा सम्मान' बान्था मोनगिरि मधुराम बर'नि सुंद
सल बिजाब 'गरसे फैसा'या 1996 मायथायाव ओंखारो। बे बिजाबव दोंदाइन
सुंद सलफोर दं। बिधानि सलफोराव लिरगिरिनि गावनि जिवनि बाश्ना, समाजनि
सावगारि बायदिफोरा बेरखांदों।

बर' सुंद सलनि बाखियाव आन्थोरजयै बिहोमा होनाय सासे मखजाथाव
लिरगिरिया जादों जनील कुमार ब्रह्म। बर' थुनलायाव बिधानि मुड अरायवो
जोनानै थागोन, मानोना सुंद सल लिरनानै बिथाडा गिबिसिन साहित्य अकाडेमी
बान्थाखौ देरहासारदों। बिधानि बान्था देरहासारनाय बिजाब जादों 2005 मायथायाव
फोसाव जानाय 'दुमफावनि फिथा'। 'दुमफावनि फिथा' मुनि सुंद सलवा 1988
मायथायाववो अदालगुरिनि बिशेवर बसुमतारिया सुजुनाय 'जुगामि' मुनि लार्हासयाव
नुजादोंमोन। बिधानि नैथि सुंद सल बिजाब 'मैदेर मुहुनी'- आ ओंखारो 2007
मायथायाव। बिधानि सुंद सलफोराव बर' हारिनि गामियारि समाजनि गोरलै आयबु,
हारिखौ रांखान्थियारियै माबोरै सांघां खालामनो हायो, समाजारि सावगारि

बायदिफोरा रोखायै बेरखांदों।

गागि खन्थाइगिरि अरबिन्द उजीरा सुजुनाय 'सुंद सलनि थखा' मुनि बिजाब ओंखारो 1999 मायथायाव। बे बिजाबाव बिहोमा होनाय लिरगिरिफोरा जाबाव अरबिन्द उजीर, मगेश नार्जी बर', दालसिं बसुमतारी, उत्तम चन्द्र ब्रह्म, गोजोन खुंगुर, प्रेमानन्द मोसाहारि, रितुराज बसुमतारि, राजाराम बसुमतारि, हरेश्वर बसुमतारि आरो बिसेश्वर बसुमतारि। बे बिजाबाव ओंखारनाय 'अखाफोरनि न' सलजों अरबिन्द उजीरा बर' सुंद सलवाव मोनसे गोदान बिथिं सोरजिदों। गोजौवाव मखनाय लिरगिरिफोरनि गेरेमसा लिटारेरी गिल्डा फोसावनाय गुवुन गांसेबाव सुंद सल बिजाबा जादों मगेश नार्जी बर' आरो दालसिं बसुमतारिया सुजुनाय 'जोंनि सल' (2001)। अदेबानि बे बिजाबाव कातिन्द्र स्वर्गीयारि आरो भुपेन चन्द्र नार्जारीनिचों सल दं।

बर' सुंद सलनि बाखियाव शणितपुर हादाबसा बर' लिरगिरि आफाद बो मैखोम बिहोमा होदों। आफादा फोसावनाय आरो गागि खन्थाइगिरि बिजय बाग्लारीया सुजुनाय गांधाम सुंद सल बिजाबफोरा जादों 'जखायथाम दोंधाम सल' (2001), 'खाथाखसे सल' (2002) आरो 'सल बिबार' (2003)। बे सल बिजाबफोराव सुबुंनि हांमा हांसानि बाभ्रा, समाजारि सावगारि आरो दोंफा-दोंनै सलफोराव डिटेक्टिभ आखुथाइ बेरखांदों।

मोनसे समनि सांग्रं फरायसा दैदेनगिरि उखाव गोरा ब्रह्मनि सुंद सल बिजाब 'अम्बासिनि फुं' आ ओंखारो 2001 मायथायाव। बिथानि सलफोराव सोलायस्तु बर' हारिनि बायदि बायदि बिथिंनि बाथाफोरा बेरखांदों।

उमेश बर 'नि गिबि सुंद सल बिजाब 'जायखलं सिमां' आ ओंखारो 2004 मायथायाव। बिथानि सलफोरनि सोमोन्दै बिजय बाग्लारिया बुंदों -- "मोनफ्रोमबो सलनि गेजेरजों गोरिब आरो दोहोनि, गामियारि आरो नोगोरारि सुबुंनि गेजेराव नुजानाय फाराग, जिव खांनायनि लामायाव नुजानाय बेले बेजे सावगारिखौं मोगथं महरै बेरखांनाय नुनो मोनो।"

प्रमथेश बसुमतारिनि 'उदां बोधोरनि जावलिना बर' बिजाबाबो 2004 मायथायाव ओंखारदों। बिथानि सलफोरनि बिथाया बांसिनानो अथिखाल गामिनि

थासारि आरो सुबुंनि साननाय-हनाय, मावनाय-दांनायफोरखौ लानानै लिरनाय ।

समेश्वरी बान्था देरहासारनाय गागि सलमा लिरगिरि तीरेन बर 'नि सुंद सल बिजाब 'जससे माल्दां'-आबो बे जिथायावनो ओंखारदों । बिधानि सलवाव बडलेण्ड सोमावसारनाय समनि गोथां सावगारिजों लोगोसे बर 'समाजनि सावगारिफोरा बेरखांदों ।

1997 मायथायाव ओंखारनाय जेड. डि. बसुमतारि (जुमाइ दाला)नि ' आं फैफिनगोन ' बिजाबा बर ' सुंद सलनि बाखियाव गांसे बेसेनगोसा सोरजि । बिधानि सुंद सलफोराव मोनो बडलेण्ड सोमावसारनाय, बर 'फोरनि बिदा-फंवायनि दाडबाजि, बर '-सावतालनि गेजेराव जानाय हारियारि दाडबाजिफोरनि गोथां सावगारि । बिधानि समेश्वरी बान्था देरहानाय सुंद सल बिजाबा 'मिष्टार हाइब्रिडनि गोलोमदै आरो मोदै' (2005) ।

बर 'थुनलाइ आफादनि सासे सांग्रां दैदेनगिरि तरेन बर 'खौबो सुंद सल सोरजिनायाव आखाय होनाय नुनो मोन्दों । बर 'समाजनि सावगारिजों आबुं बिधानि सुंद सल बिजाब 'माल ड़ाइभार'-आ ओंखारो 2006 मायथायाव ।

धीरेश्वर बर 'नार्जीयाबो सासे राफोद सुंद सल लिरगिरि । बिधानि सुंद सल बिजाबफोरा जादों 2002 मायथायाव ओंखारनाय 'मान्दार बिबार' आरो 2007 मायथायाव फोसावजानाय 'रिनि रि' । बिधानि सुंद सलफोराव आयजोफोरनि गोसो आरो दुखु-दाहाफोरखौ बिजिरनाय, मोगथां मुलुगनि जेंना-जेंसि आरो समाजारि सावगारिफोरखौ रोखायै नुनो मोनो ।

उन गोदानथियारि थिअरि एबा थादेरसा (elements)-फोरखौ ब्राहायफुनो नाजानानै लिरनाय सुनिल फुकन बसुमतारिनि 'पष्ट मडानति प्लट सं दानानै' मुंनि सुंद सल बिजाबा ओंखारो 2003 मायथायाव । बिधानि शिबि सुंद सल बिजाब 'बाजै सीमथि'आ ओंखारदों 2000 मायथायाव ।

बर 'थुनलाइ आफादनि बारग' नेहाथारि गबिन्द बसुमतारिनि 'हारावांन साइकेल' मुनि सुंद सल बिजाबा ओंखारो 2006 मायथायाव । बिधानि बांमिन सलफोराव सुबुं समाजनि गोजौ गाहाय थाखो राननाय, इनाय उदखारि, हारि

दोहोरुम सायखनाय, समाजनि गुबुंले थासरिफोरनि बरेखायै खुद्रिनायखौ फेस्ता रावजौ फोरमायनाय नुनो भोनो ।

सतीन्द्र नाथ बसुमतारिनि 'किदनेप' सुंद सल बिजाब ओंखारो 1996 मायथायाव । पलाश बसुमतारिनि 1999 मायथायाव ओंखारनाय 'बुमेरां' सुंद सल बिजाबाबो बर' धुनलाइनि बाख्रियाव मोनसे गोदान दाजाबदेरथाय । हरगविन्द गयारिनि 'आंनि सलवाव मनालिसा'-ओ ओंखारो 2003 मायथायाव । धनेन्द्र ब्रह्मनि 'फागुननि सानसेखालि' बिजाबा ओंखारदों 2002 मायथायाव । 2003 आव ओंखारनाय गांसे मखजाथाव सुंद सल बिजाबा जादों मुकूट प्रसाद बर'नि 'गारबोनाय सानफोरखौ नागिरनानै' । गुवाहाटी जिल्ला बर' धुनलाइ आफादा फोसावनाय आरो किशर कुमार बर'वा सुजुनाय 'जखायनै दोंनै सल' बिजाबा ओंखारदों 2003 मायथायाव । धनुराम बसुमतारिनि 'बाख्रुन्दानि गोदान फरमुला' आरो फनीधर बसुमतारिनि 'जाम्बि सिख्ला' बिजाबा ओंखारदों 2005 मायथायाव । 2007 मायथायाव ओंखारनाय सुंद सल बिजाबफोरा जाबाय रविन नाजोरिनि 'बिहामजो हाइब्रिड' आरो बिनय मोसाहारिनि 'रेजा रानी' । गोगोम ब्रह्म कलारोनि 'सियालनि हाबा' बिजाबा ओंखारदों 1999 आव । सुनिलाल बसुमतारिनि 'पेविलियन' -आ 2004 मायथायाव आरो लाउदुमनि 'लाउदुम सनमनानि जलंगा' बिजाबा 2005 मायथायाव ओंखारदों । मुंखलंसा खुंगुर बर'नि 'समनि रेजा-ना' -आ 2004 मायथायाव ओंखारदों । धीरेन चन्द्र बर'नि 'सानजौफुनि बारहुंका' सुंद सल बिजाबा नुजायो 2008-आव ।

1990 मायथाइनिफ्राय आथिखालसिम बर' सुंद सलनि फोसावनाय बिसाना गोजोनथावै बांदों । गोजाम आरो गोदान लिरगिरिफोरा थियै नाथाबननै सुंद सल सोरजिगासिनो दं । बिथाखो एबा मानदान्दानि बेलायावबो बर' सुंद सलफोरा थोजासे जौगादों । बर' सुंद सल सोरजिनायाव मुखब गोदान आथलनि लिरगिरिफोरा जादों - भारत दैमारि, कृष्ण गपाल बसुमतारि, मिष्टरञ्जन ब्रह्म, बिरलां नारजारि, सर्गेश्वर ब्रह्म (सावखं), इन्द्रजीत ब्रह्म, बोहेसाय ब्रह्म, दिपनणि बर', सानसुमा खुंगुर ब्रह्म, भुपेन्द्र नारायन बसुमतारि, दुस्तेन बसुमतारि, उत्पल बर' आरो गोबां ।

S.A.Q.

सोंलु : बर' सुंद सल लिरनानै गिबिसिन साहित्य अकाडेमी देरहासारनाय लिरगिरिया सोर आरो मा बिजाब ? (सारिसजों फिन हो)

.....

सोंलु : बे जिथायाव ओंखारनाय सुंद सलफोरनि मोननै आखुथाय लिर । (20 सो सोदोबजों फिन)

.....

.....

1.8 बर' सुंद सलवाव आयजो लिरगिरिफोरनि बिहोमा :

बर' थुनलायाव आयजो लिरगिरिफोरनि अनजिमाया दाबो थोजासे बाडाखै । दासिम फोसावजानाय आयजो लिरगिरिफोरनि सुंद सलफोरा जाबाय लीलाबती ब्रह्मनि 'बहुल जानाय' (1959), प्रमिला ब्रह्मनि 'लाजिगैयै' (1970), 'फैमाल' (1980), बिडथि बसुमतारनि 'बावनो हायो गडिया सेरनि देंखो' (1980), अनजुनि 'खाफाल' (1970), जयमति ब्रह्मनि 'खोमसि' (1970) ।

आयजो लिरगिरिनि अनजिमाया जैरे गेसें बेबादिनो बिथांमोननि सुंद सलनि नुजानायाबो गेसें । धीज्यु ज्योतिया 2000 मायथायाव ओंखारनाय 'नं वान थारटिन फाइल' सुंद सल बिजाबजों गावखौं सासे सल लिरगिरि महरै सिनायथि होबाय । डिटेक्टिभ आदबजों बिथाडा सुंद सल लिरदों । आन्थोरजयै सुंद सल लिरग्रा सासे आयजो लिरगिरिया जादों रुपाली सोरगियारि । बिथानि 'हांमानि दैमा सेराव' मुनि बिजाबा ओंखारो 2003 मायथायाव । बिथानि सलफोराव माहारि जिबनि बायदि बिथिनि सावगारि बेरखांदों । प्रमिला बर 'नि 'हाबिलास' सुंद सल बिजाबा ओंखारो 2007 मायथायाव । सम सम लाइसिफोराव सुंद सल बिहोमा होबोनाय आयजो लिरगिरिफोरा जादों रिता बर', प्रणिता ब्रह्म, सुनीता नार्जारी, धनश्री, राणी हेलेन औंवारी आरो गोबों ।

1.9 फोजोबनाय :

इसान चन्द्र मोसाहारिनि ' आबारि ' निफ्राय जागायजेनाने दिनेसिम जेसेबां सुंद सल फोसावजाबाय बेयो बर' धुनलाइनि थाखाय गोजोरथाव । बर' सुंद सलफोराव समाज जिवनि मोगथां सावगारि बेरखांनायजो लोगोसे मान्वासे लिरगिरिफोरा बहुम आरो जिवनि गुबुन गुबुन बिधिंफोरखौ लानानैबो गोदान गोदान आनजाद नायदो । बर' सुंद सलनि बोहैथि दाहार आरो मोनफ्रोमवो जिथायफोरनि सुंद सल एवा जारिमिनखौ दासिमवो गुवारै बिजिरनाय जावाखै । धुनलाइ बिजिरगिरिफोरा बेफोरनि सायाव मेबेडै आखाय होनांगौनि गोनांथि दंसे ।

1.10 जानो हाथाव सौलुफोर (Probable Questions) :

1. लाइसियाव ओंखारनाय सुंद सलफोरनि सोमोन्दै लिर ।
2. अलंबार मुगायाव फोसावजानाय सुंद सलफोरनि सायाव बिजिरनानै लिर ।
3. 1970-निफ्राय 1980-सिमाव ओंखारनाय बर' सलफोरनि सोमोन्दै लिर ।
4. 1980-निफ्राय 1990-सिमनि सुंद सलनि जारिमिनखौ लिर ।
5. 1990-निफ्राय आधिखालसिमनि सुंद सलनि जारिमिनखौ लिर ।
6. बर' धुनलायाव आयजो सुंद सल लिरगिरिफोरनि बिहोमाखौ लिर ।
7. बर' सुंद सलनि बोहैथि दाहारखौ लिर ।

1.11 फरयनो गोनां बिजाबफोर (References and Suggested Readings) :

1. बर', मधुराम : हिष्टरी अब बर' लिटारेसार, प्रीयदीनि पाब्लिकेशनस्, 1991, हाज', आसाम ।
2. लाहारी, मनरन्जन : बर' धुनलाइनि जारिमिन, आलाभारन पाब्लिसर्स, कक्राझार, 1991 ।
3. बर', ड' अनिल : गोदान बर' धुनलाइ, अनसुमै लाइब्रेरी, कक्राझार, 2003 ।
4. बसुमतारि, उधिसार खुंगुर : गोदान नोजोर आरो गोदान मोन्दोधि, अखिं प्रिन्टर्स एण्ड पाब्लिसर्स, कक्राझार, 2001 ।

खोन्दो-2 (Unit - 2)

श्रीमति दुर्लाइ आरो नारखो

खोन्दोनि महर :

- 2.1 बेखेवनाय (Introduction):
- 2.2 थांखि (Objectives) :
- 2.3 सुंद सल लिरगिरि महरै हरिभुषन ब्रह्म :
- 2.4 "श्रीमति दुर्लाइ" सुंद सलनि सल :
- 2.5 "श्रीमति दुर्लाइ" सुंद सलवाव बेरखांनाय सावगारि :
- 2.6 "नारखो" सुंद सलनि सल :
- 2.7 "नारखो" सुंद सलवाव बेरखांनाय सावगारि :
- 2.8 "श्रीमति दुर्लाइ" आरो "नारखो" सलनि आखु सोलौंनाय :
- 2.9 फोजोवनाय :
- 2.10 जानो हाथाव सोलुफोर (Probable Questions) :
- 2.11 फरायनो गोनां बिजाबफोर (References and Suggested Readings):

2.1 बेखेवनाय (Introduction) :

"श्रीमति दुर्लाइ" सुंद सल बिजाबा हरिभुषन ब्रह्मनि गांसे बेसेन गोसा सोरजि ।
बेनो बिथानि गिबिसिन सुंद सल बिजाबब्लाबो सल खिन्थायाव आदब, मानदान्दा

आरो धुनलायारि बेसेना जोबोद गोजी थाखीनि । समाज सांग्रं लिरगिनि ब्रह्मवा गावनि सुंद सलफोरनि गेजेरजो समाजाव जायगा आवग्रिनाय गाजि आखल आखु एवा आवहावाफोरखौ गेवेडे एरखादों । फेस्ता रावजो समाजनि अगेन हावा, एवा आखल आखुफोरखौ फोरमायदोब्रतावो खेंसालियायै बेफोरखौ बिधाड गोखों रावजों सोखारिदोंसो । अदेवानि बिधाड समाजाव जायगा आवग्रिनाय गाजि बिधिफोरखौ आसि थुना दिन्धिनयाजों लोगेसे समाज एवा माहारिखौ सांग्रं जानो थागिदासो होदों । सुंदयै बुनो थाडेबला सांग्रं जानो थागिदासो होदों । सुंदयै बुनो थाडेबला ब्रह्मनि सुंद सल बिजाव " श्रीमति दुलाड " आ गांमे जाफुंसार सोरजि । बे आयदायाव नोंथांमोननो हरिभुपन ब्रह्मनि " श्रीमति दुलाड " सुंद सल बिजावनिफ्राय दोंने सल फरायनो होनाय जादों, बेफोर जादों " श्रीमति दुलाड " आरो " नारखो " । श्रीमति दुलाड-आ नखर आरो समाजनि सिमाखौ बारगा सासे सोमोनांथाव आखुनि सिखला । बिनि आखल आखुफ्रा समाजनि नोजोराव लाजिथाव एवा अगेन । नारखोया सासे दुगा आरो देलायमांग्र सेंगामोन । नखर बेनाय आरो संसार जानायनि जेबो गियात गैयै नारखोया बिफ्रानि गासै दोहोनखौ सिलिंखार खालामनानै गावनो उनाव आलाय-सिलाय जानाडे । बे अंधराखौ फरायनानै नोंथांमोना हरिभुपन ब्रह्मनि सुंद सिनायधिखौ मिथिनायजों लोगेसे बिश्रानि सलफोराव बेरखानाय गुबुन बिधिफोरखौ मिथिनो मोनगोन । बे आयदायाव ब्रह्मनि सल लिरनाय आदबनि सोमोन्दै एसे गियात होनो नाजानायजों लोगेसे ब्रह्मनि सलफोराव थानाय आखुफोरखौबो सुंदयै बिजिरनानै मिथिहोनो नाजानाय जादों ।

2.2. थांखि (Objectives) :

बे आयदाखौ फरायखानायनि उनाव माहायाव होनाय गुबुन गुबुन बिधिफोरनि सोमोन्दै गुवारै मिथिनो हागोन -

- (क) सुंद सल लिरगिरि हरिभुपन ब्रह्मनि सुंद सिनायधि
- (ख) " श्रीमति दुलाड " आरो " नारखो " सलवाव बेरखानाय गुबुन गुबुन बिधिफोर,
- (ग) लिरगिरिनि सल लिरनायनि आदव, आरो
- (घ) सुंद सल दोंनेनि आखु बिजिरनायनि सोमोन्दै ।

2.3 सुंद सल लिरगिरि महरै हरिभुषन ब्रह्म :

हरिभुषन ब्रह्मनि जोनोमा आधिखालनि ककराझर जिल्लानि गसाइगाव खाथियाव जादोंभोन । बिथाइ गसाइगाव जौमा फरायसालिनि रांखान्थि आयदानि बिबुंगिरिमोन । थुनलाइ सोरजिनि अनगायैबो बिथाइ सासे आखा-फाखा मुसुखा दानखगिरि एवा महरगिरि (स्काल्पटर) । सासे रांखान्थि आयदानि फोरोंगिरिबलाबो बिथाइ "श्रीमति दुर्लाइ" सुंद सल बिजाबखौ 1985 मायथायाव फोसावनायनि उनाव गावखौनो सासे आखा-फाखा थुनलाइगिरि महरै सिनायथि होबाय । थुनलाइ बिजरगिरि मनरन्जन लाहारीनि बावदिब्ला -- "हरिभुषन ब्रह्मवा श्रीमति दुर्लाइखौ दिहुननाय लोगो-लोगो सासे राफोद सुंद सल लिरगिरि हिसाबै गावखौनो सिनायथि होयो ।" बे बिजाबनि दोंफ्रोमबो सलफोरा समाजनि गात्रि आखुखौ खेंसालियावै सोंखारिनाय आरो फोसावनायनिबो इसारा होदों ।

बिथानि गुबुन गांसेबाव सुंद सलनि जथाइ बिजाबा जादों 1985 मायथायावनो फोसावजानाय "रोनाव फागला" । बे बिजाबाव ओंखारनाय सुंदसलफोरनि मेजेरजोंबो समाजनि फारसे थानाव बिबान आरो समाज फोसाबलु नोजोरनि हाबिलासा बेरखादों ।

ब्रह्मनि गांनैबो बिजाबनि सलफोरनि जाथाया समाजाव जाथावनो गोजाम जाथायबलाबो बिथानि सल खिन्थानाय आदब आरो गहेनाफोरा गोदान जाय बिथांखौ गोरलैयैनो सासे आखा-फाखा सल लिरगिरि महरै सिनायथि होदों ।

आनजाद लानाय (CYP)

सोंलु 1 : सुंद सल लिरगिरि हरिभुषन ब्रह्मनि सुंद सिनायथि हो ।

सोंलु 2 : हरिभुषन ब्रह्मनि फोसावजानाय सुंद सल बिजाबफोरा मा मा ?

2.4 "श्रीमति दुर्लाइ" सुंद सलनि सल :

बे सलवाव लिरगिरि हरिभुषन ब्रह्मवा दुर्लाइनि गावगोनां जिवनि जिवखौरांखौ मेवेडे खिनथादों । दुर्लाइ आ गोमोथाव आखलनि सासे सिख्ला । बिनि आखल आखुफोरा गुबुन बर' सिख्लाफोरनिखुइ बारग सिननाय । जेरावखि थाल बिनि महर

मोखाड बयनिबो नोजोराव गोरलैयें गोरलैयो । बिनि महरा सोनाबनिफ्राय सानजा खरसिम बरफोर जाग्रा हाथायफोरावबोदि सार्थफबा बेयाव जेबो सन्देह गैया ।

दुर्लाइनि महर मोखां, थावायनाय, रायक्लायनाय बेफोर मासैखौबो नोजोर होजोबनानै बिनि मुनि सिगाडाव श्रीमति बिमुंखौ होनाय जादो नडब्ला भाव मोनसे थालानाय बादि मोनो । जैरे गियानि सुबंफोरनि मुनि सिगाडाव पण्डित फजनाय जायो । श्रीमति दुर्लाइनि फुनफबनायखौ नायोब्ला आरो दखना एवा गाव एरनाय फासाखौ गानाब्ला बर' होनना सिनायनायानो गोब्राव जायो । अदेबानि गन्धइ एसे थवसा, गुस्थिया एसे लद्राय आरो खावलाय मेगन गेजेरनि बेगें थसेया जौद्रायनायखाय बर' हिन्जाव होननानै सिनायो ।

श्रीमति दुर्लाइ आ हास्ता बांगालफोरनि राव रायक्लायनायावबो आखा फरवथार । औरैनो बुनाय आरो थगायनायफोरखौ गोरलैयैनो फिन होनो हायो । जायखौ खाथियाव थनाय बर' सेंग्राफोरा नुफ्लांवा गल नायगोमायो आरो बर' हिन्जावफोरावो बेवादि गोरों-गोरा दंसी होनना साननो गोनां जायो ।

हाथाय बाजाराव थाब्ला श्रीमति दुर्लाइ आ अमा बेदर फानग्राथिबो खनसे आगान खोखलैहैथारो । अमा फानग्रा खाथियाव खावथं जनानै जौ फानबायग्रा बर' हिन्जावफोरखौबो आब, मादे बायदि बायदि सोमोन्दो लानानै गार्बाइहैयो । बिनि देलायनाय आरो गानफब-जोमफबखौ नुनानै अमा फानग्राफोरा नायगोमोफ्लाङ्गे सोमोन्दो लाजानाय जौ फानग्रा हिन्जावफोरावो श्रीमति दुर्लाइखौ नुग्रो मोना खुंसे जासिहरो । दुर्लाइ आबो नेवसिनो हायैयाव सान्दुंगोसाब्लाबो आजावनानै लोखें नाथाय श्रीमति दुर्लाइ आ जिखि मावा सिमा लाखिनानैसो मावो । लौनानै फेना लामा-सामा बखिलाबाया । सोरबाफोर लौनानै हुस गैयै जनाय लोगो मोनफ्लांदाब्ला रावजाववगोन्सो ।

हाथाय जाखांनारथनि उतनि हावाफारिया जाबाय सिनेमा नायनाय । बेयावबो श्रीमति दुर्लाइखौ सिनायै रावबो गैया बयबो काउन्टरसिम थानो थावाय लामा हगारनानै होखायो । सोरबाफोरा हेंथा होफ्लांदाब्ला फिननायखौबो थियै मोनखायो । सावशुन एवा सिनेमा नायनायाव बुजिगेरों आरो गोसो गेरोबनाय लोगो नगौ । बेनिखायनो बर' सिक्लाफोरखौ जेबो बुजिना होनना मिथिखानाय श्रीमति दुर्लाइ आ हास्ता सेंग्राफोरनि खाथियावसो जायग्राखौ लायो ।

सावथुना जोबनायनि उनाव खोमसि जाथो, शेवब्लाबो श्रीमति दुर्लाइहा गिनांगी जेबो गैया। मानोना टाठनावबो बेखीं सिनाथै राबबो गैया। खैफोदनि समाव हेफाजाव खालामग्रा मानसिनिबो आंखाल गैया। गोसो जायोब्ला श्रीमति दुर्लाइ-आ रो गरसेबो खरसा खालामाब्लासिनो मुंदांखा हटेलाव नडब्ला गावजो गोसो गोरोबनाय सोरबा सासेनि नवाव थानानै गोसो गोरबोनि बाध्रा रायज्जायनायनि लामायाबो बिहा दं। श्रीमति दुर्लाइ-आ नवाव फैयाखै होनना सोरबा जिंगा सिदोब्ला गोरोन्थिसो जागोन मानोना बिबो खैफोदनिफ्राय उदां जायगायावसो आलो-गोजोनै उन्दुना दं।

देलायनाय, बेरायनाय, गुबुन गुबुन रावजो रायज्जायनायावबो आखा-फाखा दुर्लाया सानसेखालि नखरनि रावबोबो खिन्थायाब्लासिनो हिन्दी रावारि सुबुंफोरजो धुटाननि मेला नायनो थांफानायसे। बिसोरबायदि सिनाय-खानाय मानसिफोरजो थांफानायखीनो साबसिन होननाबो सानखायो श्रीमति दुर्लाया। बेनिखायनो ट्राकजो मेलाफरसे थानाय समाव गुबुननि पागुरोखी खरवाव लानानै गाबखीनो दोनखुमादोमोनबो दुर्लाया।

बेनि उनाव श्रीमति दुर्लाया नवाव सफैफिनाखिसै। खायसेनि बादिब्ला हिन्दी रावारि सुबुंफोरा पान्जाबसिम लांफाबाय आरो खायसेनि बादिब्ला दुर्लाया मेलाधिलियावनो महर मोखां आरो आखल आखुजो गोरोबनाय नखर गंसेयाव थाबाय।

महर मोखां आरो आखल आखुयै बयनिबो मेगनाव गोग्लैसनजाग्रा श्रीमति दुर्लाइनि बिमा-बफाया सोरमोन आरो दुर्लाया लिरनो फरायनो रोडेना रोडमोन बेफोरखै मिथिनायनि जेबो खाबुबो गैयामोन।

S.A.Q.

सॉलु : सुंद सलनि जोबनायाव श्रीमति दुर्लाया मा जादोमोन ? (30 सो सोदोबजो फिन)

.....

.....

.....

.....

2.5 "श्रीमति दुर्गाई" सुंद सलवाव बेरखांनाय सावगारि :

सुंद सल लिरगिरि हरिभुषन ब्रह्मवा "श्रीमति दुर्गाई" सुंद सलनि गेजेरजो दुर्गाई मुनि सासे बर' सिख्लानि आखल आखुखी गेबेडैफोरमायनो नाजार्दो। आश्रिखलान दुर्गाईबादि बर' सिख्लाना समाजाव गोबां दंमारसे। दुर्गाईनि आखल आखु आरो महर मोखाड बयनिबो नोजोराव गोरलैयैनो गोरलैयो। बेनिखायनो बिनि मुनि रिगाडव "श्रीमति" खौ होदेरनाया दुर्गाईखौ मोजाडै बेरखां होनायाव मदद खालामदो। बिनि आखल आखु आरो महर मोखां बयखौबो सोमो नां होनायनि अनगायैबो लिरगिरिखौ सोमो नां होनो हानायाव श्रीमति दुर्गाईनि आखल आखुवा दै लोमसावनायबादि लांब लोब बोहैलांनो खाबु मोन्दो। सल लिरगिरिया श्रीमति दुर्गाईनि जिवखौरांखी लिरनायनि मोनथाम गाहाय जाहोन दं। जैरे : (1) दुर्गाईनि आखल आखुवा सोमोनांथाव, (2) दुर्गाई सिख्लानि महर मोखाडबो सोमोनांथाव, आरो (3) श्रीमति दुर्गाईनि जिव खौरांखी फोसावनो नाजानाय।

"श्रीमति दुर्गाई" सुंद सलवाव दुर्गाया समाजनि गोरा इन्जुरखी बारनाने वायजो मुलुगाव गावनि उदांसिखी आबुडैरंजानो नाजानायबावदि तुनो मोनो। सलवाव दुर्गाया गासै खामानिफोरखी गावनि गोसोबायदि खालामदो। मोजां गाबि बिजिरनायाबो गावनि आखायावनो। अदेवानि श्रीमति दुर्गाईनि बिमा बिफा आरो समाजाबो बिनि हावा हुखायाव हेंथा होयाखै, गोबां जायगायाव लामा हगारनानैसो होबावदो। सुंदवै वुनो थांब्ला, श्रीमति दुर्गाया गावनि गोसो आरो देहाया जेराव थार गोजोननायखी मोनगोन बैफोर गासै खामानिफोरखी उदाडै मावजोबदो।

"श्रीमति दुर्गाई" सुंद सलनि मोनसे मखजाथाव बिथिड जावाव सुंद सल लिरगिरि हरिभुषन ब्रह्मवा दुर्गाईनि आखल आखु आरो महर मोखांखी जेसेवां वाखनायनानै लिरदो बेनि उल्था एवा निगेटिथ ओथिसो फोरमायदो, बिथाड दुर्गाईनि आखलखी खेंसालियायै सोंखरिदोसो। जैरे - "श्रीमति दुर्गाई" नि सोखो मोखो गोमोथाव आखल आखुखी बर' हरिनि गुबुन सिखलाफोर सोलोडंमोनव्ला हरिया दाहालागै जौगा नायगोदावलायनाय जागौमोन होननानै मानथावे" अदेवानि श्रीमति दुर्गाईबादि आखलनि सिखला थावावोमोनव्ला मालाय हरिजो मुगैजानायसे जासिगौमोन। बे सुंद सलनि गेजेरजो श्रीमति दुर्गाईबादि रंखांराखा सिखलाफोरा गुबुनजो श्रायजायवदि थियारि जानो थागिदा होनायनि इसाराखी मोनो।

बर' समाजावबो आधिखालाव श्रीमति दुर्लाइबादि बर', हारसा गोरो सिख्नाफोर दा हाथाय-बाजार, सिनेमा, थियेटार, जौनि महलाव हावग्रा एबा बेरायथिंग्रा दंसे। श्रीमति दुर्लाइ नडाब्लाबो दुर्लाइबादि फोलेरनि सिमा बारनाय, नेमखान्थि जोगारनाई उदाडैबेरायनाई जाग्राफोरनि दिन्थियाबो दंसे। लिरगिरिया निलाम्बरनि मुंजो धास्लिमनाई आरो खँसालियायै सौखारिनायनि सुरै आखलनि सिमा बारनाय दुर्लाइबादि माखासे हिन्जावफोरखी खँसालियायै सावरायनाई मोजां लामाजो धाब्रायनो मेगन थिफायदो। "श्रीमति दुर्लाइ" सलखौ फरायनायनि उनाव लिरगिरिया बे सलखौ सोरनि धाखाय आरो मानो लिरदो बोखौ गोरलैयैनो हमनो हायो। श्रीमति दुर्लाइनि गाबगोनां जिवखौरांखौ आबुडैखिन्थाजोवाखँब्लाबो बिनि सोमोनांथाव सुंथाव-सुंथाव जाथायफोरखी लिरगिरिया गावनि आखा-फाखा नेरेटिभ आर्टजो फोरमायदो।

"श्रीमति दुर्लाइ"आ दोंसे आखु गाहाय सुंद सल। बे सलवाव दुर्लाइनि आखल आखु एबा बिनि हाबा हुखाखौ खनथुम-खनथुम फोरमायलानायावनो बे सुंद सलवा जोनोम जादो होनना बुंनो हायो। दुर्लाइनि देलायनाय, रायज्जायनाय आरो आखल आखुखौ नायोब्ला लिरगिरिया बिनि खुगायाव होनाय बाध्राफोर गोरोबफलेदो। नाथाय, दुर्लाइखौ सिनायै रावबो गैया, जेरावखि थाड बिखौ माथो होग्रा सुबुं दं, लामा हगारग्रा आरो हेफाजाव होग्रा सुबुंबो दं, थेवब्लाबो बिनि नखर एबा फरायनाय-लिरनायनि सोमोन्दै रावबो जेबो मिथिरोड।

जायखि जाया, "श्रीमति दुर्लाइ"-आ लिरगिरिनि दोंसे जाफुंसार सुंद सल। लिरगिरिया जाय धांखिजो सुंद सलखौ सोरजिदो बे धांखिया जाफुंसारदो होनना बुंनो हायो। सलनि गेजेरजो लिरगिरिनि गोखो नोजोर आरो बिबुंथियाबो बेरखांदो।

S.A.Q.

सोलु: श्रीमति दुर्लायनि आखला मानो सोमोनांथाव? (30 सो सोदोबजो फिन)

.....

.....

.....

.....

2.6 नारखो सुंद सलनि सल :

नारखोया बिफानि नायल-जाल फिसा हीवा । मावथि नारखो बिफाहा बाजि बिधा गायग्रा हा आरो सिन बिधासो बारि बागान दंमोन । नारखो बिफाया सारु जेबोद अनसुला सुबुं । नखरनि सुबुंफोरजो लोगोसे बिथाइ दाहोना रुवाथि ब्यखौबो गवनि सुबुंबादि अनोमोन । अननाय होनाय आरो खामानियाव बाथायनाय मोननैथावबो नारखो बिफाया गोरेंथारमोन । खामानि मावग्रा मानसिफोरनो बोलो जाखारहोनोब्ला मा जाहोनांगौ बेनि फारसेबो गियान दं बिहा । सानसेखालि मोदोमनिखुइ खरनि हारा बेदरखौ बांसिन लांनायनि थाखाय बिसिजो रायजागलुंदो ।

नारखो बिफाया फिसाखौ लेखा गोरें खालामनो जेबोद गोसो । नारखोखौ फरायसालियाव हगारहरनायजो लोगोसे फरायसालिनि फोरेंगिरिफोरनायबो बिनि फरायनायनि सोमोन्दै सुलाद लाबाय थायोमोन । नारखोयाबो सानसेखालि गाभनि फरायसालिनिफ्राय उथिनानै बिफानि गोसोखौ रंजाखांहोनायसै । लेखां फोरेंनायनि गोखौ गोसोनि बिफायाबो नारखोनि गोसोखौ सुफुंहोनो नाजादो । माइनार फरायसालियाव दोनहैजेनब्ला गाहाइ फोरेंगिरिया बुंहरनाय बाथाखौ ("फिसानो गोनां लेखा, गाननाय जोमनायफोरखौ बिब्लानो होनांगौ माहाजोन") गोसोबाव गो सोना लानानै फालिनो नाजादोमोन नारखो बिफाया ।

नारखोयाबो बेबादिनो नांनायनिबो नाडैनिबो रं बिरननानै लांग्रा जानायसै । गोसोवाव खें मोनब्लाबो फिसायाल रेंथो साननानै हरदोमोन बिफायाबो । बबेशा मोजां एबा गाजि बेखौ सानसनो हायाखिसै नारखो बिफाया ।

बिफानि बांद्राय अननाय आरो रं रुपा मोननानै नारखोनि गोसोया फरायनायनिखुइ, देलायनाय, गाननाय जोमनाय, बेरायनाय, जानाय-लौनाय, सिनेमा नायनाय बायदिनि फारसेसो गेलेमलांनायसै । बिनि बिनाया बबे मोजां बबेशा गाजि बेखौ सानसनो हायैलाय हेडमाष्टरा बुंनाय बाथाखौल गोसोवाव गो लाना फिसायाल रेंथो साननानै बिनायमानिखौ हरनो नाजादो बिफायाबो ।

सिगाइव जालांनाय बाथा आरो बिफानि अनथाव बाथाव जाय्वा महर मोखाइ नारखोनि गोसोयाव दाबो जाखफियो । बिफानि खुधार खुधार खावलायनायव नारखोखौ थाखो सिनिफ्राय दाइन थाखोसिम देखानायबो जादो । बेनि उनाय नाथाय नाजाब्लाबो

हायाखिसै। सानसेखालि हेडमाष्टार बिफाखौ बुनाथ बाध्राखौ नारखोहा दाबो गोसोयाव दं -- "नोंधाङ्ग फिसानि थाखाय बुडबालानो गावनि थाखाय बुडे मोनक्ला दाहालागै पास खालामनानै होसिगौ आं, मानोना लेखा फरायनायनि गोसोया नोंधांहासो दं-नोंधांनि गथहा गैया।" अब्लासो नारखो बिफाया गासै बाध्राखौ बुजिदोंमोन- गावहानो गोसो गैखायाब्ला मालाया थुखोनानै जेबो जाया। बेफोर बाध्राखौ गोसोखांब्ला नारखोया दुखु मोनो। नाथाय बै समाव नारखोहा लाजिनायबो गैलामोन। मानोना बियो क्लासाव हान्खु खरायनाडो, बेन्साव गाखोनाडो, खोमा खेबजायो बायदि बायदि। नारखोहा लाजिनाय दंमोनक्लाबो गुबुन रोखोमैसो। बाजाराव ओंखारजेननाय गोदान लंपेन्ड गस्लाफोरखौ गानग्रोनो हायाब्ला, लोगोफोरनि सिगाडव बबेबा सिनेमानि बाध्राखौ सावरायफानो हायाब्लासो लाजिनाय मोनोमोन नारखोया।

बिफाया लेखायाव थालानाय फिसाक्ला नारखोखौ नखरखौ थियै बेहोनायनि बाध्रा सानदोंमोन। नाथाय फिसाक्लानो थाव हाबा होनायनि बाध्राखौ सानथवाखीमोन। जैरे साननाय बेबादि मोनसेबो जायाखिसै, नारखोया फरायसालि गारनानै थानाय बोसोरनि उनावनो बिफाया क्सांरि जायो। बिफा थैनाय समाव नारखोया दुखु खालामदोंमोनक्लावो नारखोया देरहानाय बादिसो मोनदोंमोन। गोदो गाव फरायसालियाव फरायनाय समाव गोसोथोखुमानाय सासे सिखलाखौ गामिनि रायजोफोरखौ सोंनो थिनहरनानै हाबानि खालार थि खालामनायसै।

गामिनि मानसिफोरनि खोथा लानानै नारखोया हाबाखौ गोगोमै खुंमारनायसै। थैनोसै समाव बिफाया गथायलानाय रोजावा रांखौ बाहायसे बाहायनानै टाउनांनि सासे खाया हारसानाव बिगाबा हाखौ बन्दक होबावनायसै। हाबायाव फेरा साफ्रोमबोनि गोसोया गोजोनमारदोंबो। जेनिबो आंखाल गैया नारखोनि हाबायाव। हाबायाव जाखानाय एसे राज हाबानि उनाव हिन्जाव गोदान नायनायनि मुडव फेनाय आलासिफोरखौ सिबिनायावनो स्लिम थांबाय। हा बन्दक होनानैब्लाबो गोगोमै हाबा खुनानै बिफानि मुंखौ लाखिमारबाय नारखोया।

हाबाया जोबखानायनि उनावबो नारखोनो गोवां रनि गोनांथि जाबावबाथ। हिन्जाव गोदाननो सना-रुपा होनांगौ। गोसोखौ मोंजां मोनहोनो थाखाव हिन्जावखौ लानानै धुबुरी, गुवाहाटीफोराव बेरायहैनांगौ। बेफोराव थानोब्ला गाननाय जोमनायफोरायो

मेगनाव गौनां जानांगी । बेनिखायनो नारखोया गावनि गोसोन हास्थायनायखौ मुकुंनो
थाखाय खाया हारसा माहाजोननो गावनि हाखौनो बन्दकाव गथायबावनानै रं
लायबावबाय । खाया माहाजोना नारखोनिफ्राय गोजा बहियाव सागानल लखियो,
बहीयाव गुबुन बाथाफोर लिरनाया गावनि गोसोबायदि । नारखोनि थाखायबो बेफोर
गिदिर बाधा नड रंल मोनब्लानो जाये ।

नारखोनि नखरनिफ्राय आधिखालाव मायनावा खारबाय । नारखोनि हाफोरा
लासै-लासै बन्दकाव थांजोबमारबाय । बिगासेबो हा बियो सुखफेरनो हाखाखै । दाहोना,
रुवाथि लानानै एसे सोलिसाबदोंमोनब्लानो थिये बेंनो रोडैयाव बेबो फेलें । गावहानो
ओजों ओजा बेरायनानै सम गैखाया । दायो नारखोनि खैफोद आफोदनि धार लोंगोया
जाबाय खाया हारसा । रं नांगौब्लानो बिनि सेराव थाडेब्लानो चारि बागानखौ होनाय
समाव एसे थाबथानानै दंमोन । अदेबनि खाया हारसाया नारखोखौ एसे सांघां खालामनानै
होदोंमोनदि -- बिथाखौ लानांगौब्ला थाया नखौ सिफायनानै हाखौ होनांगोन होनना ।
मानोना गावहाबो माय दै नायनो न लुनांगी । नों सुखनो हायोब्ला आं नोंनि हाखौ
हगारनानै होफिनगोन । नाथाय नारखोहा बेफोरखौ खालामनायनि जेबो राहा गैखाला ।
नारखोया गावनि बिसि-फिसानि रानसाव गुस्थिखौ गोसोखानानै थाया बिथाखौ बन्दक
होनानै रंखौ नाजाबो ।

बिथाखौ हगारनांनानै नारखोनि नखरा न-बां गैजायै बिवायारि जानाजें । बहा
थागोन, बहा मागोन जानायाव गामिनि गावबुराया पि डब्लिड.डि.नि लामा सेराव न
लुनानै थाहैनो खिन्थाहरदों । मोनसे समाव राजखुंगुखायदि जिव खुनाय नारखोया दा
सिमांबादि सासे लामानि बिवायारि जानानै जिव खुनांदों । बिसि आरे तथ गथायफोरा
बिफानि उन उन थांफानांदों ।

मोनसे समनि सनानि समफोरखौ दिनै नारखोया गोसोखांफिनदों । गावनि बिफानि
अनसुला महर मोखां, हाबा जानायनि सिगां समनि गावनि बिफानि अनथाव महराबो
रोमै-रोमै जाखांफेदों । गावनि जिवनि आगुनि बाथाफोरखौ गोसोखानानै नारखोया दिनै
उनदाहा खालामदों ।

S.A.Q.

सॉलू : नारखो मुख माबोरै जानाय लिर । (20 सो सोजोबजों फिन)

.....

.....

.....

2.7 "नारखो" सुंद सलवाव बेरखांनाय सावगारि :

"नारखो" सुंद सलवा हरिभुषण ब्रह्मनि "श्रीमति दुर्लाइ" सुंद सल बिजाबाव धानाय दोसे खहाब गोतां सुंद सल । बे सलनि मेजेरजों लिरगिरिया गावनि मावनायनि फिथायखौं माबोरै मोनजानाखे बेखौं समायनायै बेरखांहोदों । सलवाव नारखो बिफाया सासे मावथि आरो अनसुला सुबुं । नखराव जेनिबो आंखाल गैया । दाहोना-स्वाथि ग्रोम ग्रोम लानानै आबाद मावो, बोसोरफ्रोमवो बाखि थिब-थिब चुंजासे माय मोनो । नखर सालायनाय आरो दाहोना-स्वाथि, आबादथिलि सानलायनायाववो आखा-फाखा । गाव रोझब्लावो सासेल फिसाज्ता नारखोखौं लेखा गोरो खालामनो जोबोद गोसो । हानायसिबांखौं नाजादोंमोनवो नारखो बिफाया । नाथाय नारखोया बिफानि सिमां आरो मिजिं गासैखौंवो थेर-बेथेर खालामजोबदों । सिगांसादि मोजाडैनो फरायनायै बिफानि गोसोखौं गोजोनहोदोंमोनब्लावो उनाव-नि बायजोयाव धानानै बायजोनि बरहावाजों गोजावदोंमोन नारखोया । फिसानि मावनाय-दानायनि मोजां गात्रिखौं अदेवनि बिफायावो सायखनो रोझखैमोन । फरायसालिनि गाहाय फोरोंगिरिफोरा होनाय गोरोन्धि बोसोनखौं गोसोयाव गो सोना लानानै फिसा नारखोनो बिब्लानो हरदोंमोन धोजासे रों । नाथाय बिफानि साननाय-हनाय, सिमां मिजिं बेफोरखौं नारखोया एसेवो हमदानोवो नाजायाखिसै । नखर सालायनाय आरी संसार जानायनि मोजां गियाव गैयै नारखोया बिफा थैखांनायनि उनावनो फारिये अलखदाव गोगलैनो गोनां जायो । हिन्जावखौं देलायहोनाय, बेरावहोनायनि थाखायनो सानफा एफा हाफोरखौं खाया हारसा महाजोननो बन्दकाव हगारनो गोनां जायो । जोबथारनायाव बिमि फिसानि उखैहावनय सानखांनाय गुरिथिखौं नायनायै थाग्र बिथाखौंवो बन्दकाव हगारनायै पि.डब्लिउ डि नि लाना सेराव गालगाव न लुनानै थाहैनो गोनां जायो । बे समावस्ते नारखोया गावनि बिफा आरो

आगुनि बाध्नाफोरखौ गोसोखांनानै उनदाहा खालामो ।

नारखो बिफाया सासे मावथि सुबुंमोनखायनो विनि समाव नखरावो धीम-
गोममोन, जेनिवो आंखाल गैयामोन । गुबुनफारसे फिसाज्ला नारखोया गगाव- सगाव,
दुगा देखायनानै बिफानि आरो ननि गामै दोहोनफोरखौ लाथिख खालामदों ।

“नारखो” सुंद सलनि प्लटखौ लिरगिरिया समाजनिफायनो खनखांदों ।
गोबां माहाजोन समाजाव नारखोबादि आलो- आलो देरबोनाय आलादवा गधफोर दं
जायफोर गावखौ देलानाय आरो दुगा दिन्थिनायजों बिमा-बिफानि दोहोनखौ सिलिंखार
खालामो । बे सुंद सलनि गेजेरजों लिरगिरिया बिफा थैनायनि उनाव नारखोया
हालावबो थाड-लेखायावबो खावनिया जानानै संसार सालायनो रोडैयाव बिफानि
दोहोनखौ सिलिंखार खालामजोबनानै माबोरै निखावरि जानांखो बेजोंनो दिथदों ।
बिफाबादि मावथि आखलखौ सोलौंनायमोनक्ला नारखोया बेबादि जानांनय नडमोनबे
जानांगी ।

लिरगिरिफोरा गाव-गावनि माहारिखौ मोजां मोनो । मोजां मोनोखायनो समाजाव
माबाफोर गात्रि आखुफोर नुक्ला एबा खोनाक्ला लिरगिरिफोरनि मोदोमाव
नाडे । बिथांमोना गावसोरनि थुनलायारि सोरजिनि गेजेरजों समाजखौ फोसावनो
नाजायो । “नारखो” सुंद सलवावबो लिरगिरिया फेस्ला आरो खेंसालियायै सौंखरिनाय
रावफोर बाहायनानै समाजखौ सांग्रां खालामनानै होनो नाजानाय नुनो मोनो । “नारखो”
सलवाव थासारि सोरजिनायाव थोजासे सांग्रां जानाय नुनो मोनो । धासारि दानयावनो
लिरगिरिनि आर्टबो बेरखांदों । बिथाड जाथायनि सायाव समायना गाव होनानै गोसोयाव
नांथाव खालामनायाव बांसिन गोसो होदों । सलनि बिथा, आखुफोरखौ सगायनारै
बेरखांहोनायजों लोगोसे सलनि बाध्ना फोरमायनायावबो बिथाड आखा फाखा । नारखो
सलवावबो लिरगिरिया बाध्नाफोरखौ गेवेडै बाहायदों । फेस्ला एबा मिनिथाव राव
बाहायनायावो बिथानि सलफोरनि मोनसे आखुथाय । “नारखो” सलवाव नारखोनि
हाबानि समाव हावा जाग्राफोरनि खुगायाव ओंखारनाय रावफोरा मोगथाडरिक्लावो
मिनिथाव आरो सलजों खाव जाप्लेथारनाय । जेरै - - “आयी, सौंदावलायसैसो,
नुथाखै आं आदा ।” बेबादिनो लिरगिरि ब्रह्मवा सलनि जाथायखौ गोसोयाव नांथाव
खालामदों ।

आनजाद लानाय (CYP)

सौलु 1 : नारखोया बिफानि दोहोनखौ माबादि सिलिंखार खालामदोमोन लिर ।

सौलु 2 : "नारखो" सुंद सलवाव बेरखानाय गुबुन गुबुन बिधिंफोरखौ सावराय ।

2.8 "श्रीमति दुर्लाइ" आरो "नारखो" सलनि आखुफोर :

(क) श्रीमति दुर्लाइ : सुंद सल बिजाव "श्रीमति दुर्लाइ" आव श्रीमति दुर्लाइनि सासेल आखुवा जाबाय श्रीमति दुर्लाइ । दुर्लाइनि आखल आखुवा सलवाव सोमोनांथाव महैर बेरखानो । बिनि आखल आखुनि थाखायनो बिखौ बयबो सिनायोबो । हाथाय बाजार, मेला, सिनेमा नायनो थांनायाव बिखौ राव होग्रा एबा लामा हगारनानै होग्रा सुबुनि आंखालबो गैया । नखर एबा समाजनि बायजोयाव उदाडै जेबो जिंगा गैयाब्लासिनो बेरायधिंग्रा दुर्लाया हारसा, सावताल, बाडली, हिन्दी रावफोरखौ रायज्जलायनायावबो आखा फाखाथार । हाथायफोराव थांबोला आसान फानग्रा, अमा फानग्रा आरो बर' हिन्जावफोरा जौ फाननार्यधिंजाय थांनानै बयखौबो राव होयो आरो एसे एनै बाहागो लाफायो नाथाय माब्लाबाबो सिमा बारफेरा । हाथाय जाखानायनि उनाव बेलासि समाव सिनेमा नायनायाबो सानप्रमबोनि हाबाफारि । सिनेमा नायनायनि उनाव हर जायोब्ला नसिम सहैयाब्लाबो गिनो गोनां जेबो गैया । मानोना हराव, खैफोद-आफोदनि समाव दरजा खेवनानै होग्रा, दुर्लाइनो हेफाजाबनि आखाय फोलावग्रा मानसि गोबां दं । रावनिबो हेंथा गैयाब्लासिनो बिबो ट्राक सालायग्रा हिन्दी राचारिफोरजोबो महर सोलायनानै मेला नायनो थांनो हायो ।

दुर्लाइनि आखल आखु आरो फावफोरखौ बरनायनायावनो श्रीमति दुर्लाइ सुंद सलवाव जोनोम मोन्दो । सलवाव दुर्लाया रावनिबो हेंथा गैयाब्लासिनो नखर आरो समाजनि इनजुरखौ बारलानानै उदाडै गावनि हाबाफारिखौ मावफुलांदो । दुर्लाइखौ अदेबानि जेबो दाय गैयैबादिबो नुयो, मानोना सलवाव दुर्लाइनि हाबा हुखानि हेंथायै नखर एबा समाजा हेंथा होनाय नुनो मोना । नखर आरो समाजानो लाय होदो एबा उदांसिखौ होदो । नाथाय लिरगिरि हरिभुषण ब्रह्मवा सलवाव दुर्लाइखौ बाखनायनाय राव लिरदोब्लाबो थार ओंधियाव समाजाव नुनो मोननाय दुर्लाइबादि सिख्लाफोरखौ खैसालियायै सांखारिदोसो ।

(ख) नारखो : श्रीमति दुर्लाइ सुंद मल बिजाबाव थानाय नारखो सुंद सलनि गाहाइ आखुवा नारखो । उन्दै समाव उदैया एसे लरग बुटांखायनो बिफाया अननायजो आफा नारखो बेदा कुंनयायनो मुझबो नारखो जायो । सलबाव नारखोनि आखला देलायमांग्रा, दुगा, ग्लाव ग्लाव रां बाहायग्रा सेंग्रा महरै बेरखांदें । सांसेल फिसाक्ला नारखोखौ बिफाया लेखा फोरौनानै गोरौ सुबुं खालामनो जौबोद गोमोमोन । उन्दै समाव नारखोयाबो बिफानि गोसोखौं गोजोनग्लायहोदोमोन । नाथाय उनाव गमिनि फरायसालिखौं नागारनानै बायजोनि फरायसालियाव फरायहैनाय समाव नारखोया दूम सोलायो । फरायनायनि फारसे गोसो होयाक्लासिनो बिफानिफराय रां बिखला लानानै बाहायगारनायावसो मुखुव जाहैनायसै । फरायसालियाव हायैनि थाखाय, हान्यु खरायनानाय, खोमा खेबजानाय, बेन्साव गाखोनांनयफोराव बिहा एसेबो लाजिनाय गैयामोन । नाथाय बिहा लाजिनाय दंमोन हाथायाव ओंखारनाय गोदान ट्रेसफोरखौं गाननो मोनाक्ला एबा लोगोफोरजो बबेबा सिनेमानि बाथायखौं सावरायदेरनो हायाक्ला । बिफा थानाय समाव नारखोहा जेनिबो जिंगा गैयामोन । नाथाय बिफा धैखानायनि उनाव गाव गोसोधोनाय सिखलाखौं हाबा खालामनानै कक्काझार, धुबुरी, गुक्हाटी बेरायथिंबायनानै रांफोरखौं खरसा खालामगारनायसै । बिमिनि देलायनाय गहेना बायनायाव हाफोरखौं बन्दक होयै-होयै लाथिख खालामनानै लायो । उनाव थाग्रा बिथाखौंबो बन्दकाव होनानै पि.डब्लिउ.डि. लामा सेरावसो न लुनानै थाहैनायसै । बिफा मावांथिनि फिसाक्लामोनक्लाबो बिफानि आखलाखौं लाखिनो हायाखिसै । नखर सालायनाय आरो संसार जानायनि मोजां गियांन गैयैनि थाखायनो नारखोया बिफानि रोहो-रोहो दोहोनखौं सिलिंखार खालामजोबनानै लायो । थाग्रा बिथाखौंबो जोबथरनायाव बन्दक होनारै पि.डब्लिउ.डि. लामा सेराव बिबायारि महरै न लुना जिव खुंनगौ जायो । नारखो आखुनि लिरगिरिया समाजाव थानाय नारखोबादि आखुनि सनसिफोरखौं सेंग्रादिदें आरो सांग्रों जानो थागिदा होदें ।

S.A.Q.

सोलु 1 : श्रीमति दुर्लाइनि आखुखौं बिजिर । (30 से मोदोबजें फिन)

.....

.....

.....

.....

सौलु 2 : नारखोनि आखुखौ गावनि रावजो बिजिर । (30 सो सोदोबजो फिन)

2.9 फोजोबनाय :

लिरगिरिनि गिबि नाजानायानो " श्रीमति दुर्लाइ " । लिरगिरिनि सल लिरनाय थांखिया मोगथाडव जाफुंसारदो होनना बुनो हायो । गावनि सलफोराव लिरगिरि ब्रह्मनि अबजाभेशना गेबेडे बेरखांदो । " श्रीमति दुर्लाइ " सुंद सलनि गेजेरजो लिरगिरिया निलाम्बर मुंजो थास्लिमनाने सोंखारिनाय सुराव आखलनि सिमा बारनाय दुर्लाइबादि माखासे हिन्जावफोरखौ खँसालियायै सोंखारिनाने मोजां लामाजो धाबायनो मेगन थिफायदो । बेबादिनो " नारखो " सलनि गेजेरजो सासे अलसिया, दुगामारा संग्राया गावनि खाफालखौ गावनो माबारे सिलिंखार खालामनाने लायो बेनि सोमोन्दे फेरमायदो । बिथानि सलफोरा सोंखारिनाय महरनिब्लाबो बेयाव हिउमार, जंखायनाय, मेगन मोखेबनाय बायदि बायदिफोर दं ।

2.10 जानो हाथाव सौलुफोर (Probable Questions) :

1. दुर्लाइ मुनि सिगाडव " श्रीमति " खौ मानो फजदो ?
2. दुर्लाइ मुनि सिगाडव " श्रीमति " बिमुं फजदेरनाया गोरुबदो नो गोरुबाखे ?
3. " श्रीमति दुर्लाइ " सलखौ लिरगिरि हरिधुषण ब्रह्मवा मा लाखोमानाय मुंजो लिरदो ?
4. " श्रीमति दुर्लाइ " सलवाव बेरखांताय जाथायफोरखौ बिजिरनाने लिर ।
5. नारखोनि उन्दै समनि जाथायखौ लिर ।
6. नारखोया देरनाने मा जादोमोन ।
7. बिफा थैखांनयनि उनाव नारखोया माबादि जिव खुंदोमोन लिर ।
8. नारखोया गावनि हाबाखौ माबादि खुंदोमोन लिर ।
9. नारखो सलवाव बेरखांताय जाथायफोरखौ बिजिरनाने लिर ।

2.11 फरायनो गोनां बिजाबफोर (References and Suggested Readings):

- क) ब्रह्म, हरिभुषण : श्रीमति दुर्गाइ, बड' पाब्लिकेशन बर्ड, बड' साहित्य सभा 1985।
- ख) बसुमतारि, उध्रिसार खुंगुर : गोदान नोजोर आरो गोदान मोन्दाधि, अरगिब प्रिन्टर्स एण्ड पाब्लिसर्स, कक्राझार 2001।
- ग) बर', ड^० अनिल : गोदान बर' धुनलाइ, गुवाहाटी

खोन्दो-3 (Unit - 3) हांलानि सावरि आरो लाइनबास

खोन्दोनि महर :

- 3.1 वेखेवनाय (Introduction):
- 3.2 थांखि (Objectives) :
- 3.3 लिरगिरिनि सुंद सिनायथि :
- 3.4.1 सलनि गुबै बाथा (हंलानि सावरि) :
- 3.4.2 सलनि गुबै बाथा (लाइन बास) :
- 3.5.1 सलनि सायाव बिजिरनाय (हंलानि सावरि) :
- 3.5.2 सलनि सायाव बिजिरनाय (लाइन बास) :
- 3.6 आखु बिजिरनाय :
- 3.7 सारबाहागो (Summing Up):
- 3.8 जानो हाथाव सॉलुफोर (Probable Questions):
- 3.9 फरायनो गोनां बिजाबफोर (References and Suggested Readings):

3.1 वेखेवनाय (Introduction) :

बर' थुनलाइनि फोथाराव खनथाइ, रायथाइ, सलमाफोरा जेरै बांबोदों थिग बेबादिनो सुंद सलवाबो। आथिखालाव, मुखुव जिवनि बोहेथि दाहारजों लोगोसे गामें सुबुडनो एसेल समनि गेजेरावनो थुनलाइनि अंगुबै बिदैखी मोननो लुबैयो। बेनिखायनो गुबुन गुबुन निखुइ सुंद सलवा बयनिबो अननायखी

बांसिन मोननो हादों। नाथाय, बिदि होनना खनथाइ फावथाइ आरो सलमानि गोनाथियाबो जोबना थाडाखें। इजान मोसाहारिनि 'आब्रारि' सलखौ हमजेननानै आथिखालाव जों गोबां सुंद सल मोननो हायो। बेफोरनि मादाव 1970 मायथायाव ओंखारनाय चित्तरन्जन मोसाहारिनि 'फैमाल मिजिं', 1979 ओंखारनाय घरनिघर औवारिनि 'गान्दु सिनि लाइजाम' रहिनि कुमार ब्रह्मनि 'मिल्लिलाव' (1981), नन्देश्वर दैमारिनि 'धानायनि दावहा' (1985), नीलकमल ब्रह्मनि 'हाया गुदुनि मै' (1972), सिलिंखार (1984), मेम दावदै (1995), नन्देश्वर दैमारिनि 'बक्सिं' (1993), इन्द्रमालती नारजारीनि 'गावदां' (2003) आरो जिनिल कुमार ब्रह्मनि 'दुमफावनि फिथा' (2005) सल बिजाबफोरा मखजाथाव। अदेबानि बिथांगोननि अनगायैबो गोदान आथालनि गोबां सल लिरगिरि ओंखारगासिनो दहा।

S.A.Q.

सौलु : गोजौवाव मखबोनाय लिरगिरिफोरनि अनगायैबो मखजाथाव सुंद सल लिरगिरिफोरनि मुं सानखां।
(15 सोदोबजों फिन)

सुंद सलवाबो धुनलाइनि मोनसे एंगारनो हायि बाहागो। बेवहाय, सुंदस्तायो सुदुं जिवनि धार सावगारि, समाजखान्थि, रांखान्थि आरो राजखान्थिनि सवगारिखौ लिरगिरिया रोखा रोखा बेसखां होयो। समाजनि मौजांखौ आजचना गाजिखौ नेवसिनो थाखायबो लिरगिरिया आसि धुनानै समाजखौ मौजां लामाजों अगामसुरजा बिथोन होनायखौबो जों सुंद सलनि गैजेरजों तागिरना मोनो।

धुनलाइनि दाथायारि नोजेरजों नायोब्ला सुंद सलवाव मखजासे थावेरसाफेर नूनो मोनो। बेफोर जावाय

सलबिथा (Plot) आखु दानाय (Characterisation), रायजलाकनाय

(Dialogue), बुज्जि दानाय (Creation of situation) आरु लिरगिरिनि जिव
सानथौ (Philosophy of Life of the writer) ।

आनजाद लानाय (CYP)

सौलु : सुंद सल जानोवा मा मा आखुथायफोर धानांगौ ?

3.2 धांखि (Objectives) :

हंलानि सावरि फराखौ फरायनायनि उनाव नोंथांमोना-

- * बर'नि रायजो जानायनि सोमोन्दै मिथिनो मोनगोन ।
- * हाबा उखायाव हेफाजाब होलायनाय आरु ज-ज सावरि बादालि
जानायखौ नुनो मोनगोन ।
- * बर' समाजाव जौनि बाहायनायखौ नुनो मोनगोन ।
- * मडेल बर' फोरोंगिरिनि आखुखौ मिथिनो मोनगोन ।
- * जौ आरु रंजों बुरखाय जानाय फरायसालि नायगिदिंगिरिनि
आखु नुनो मोनगोन ।

लाइन बास फराखौ फरायनायनि उनाव नोंथांमोना --

- * गामियारि ओनसोलाव सादा-सिदायै संसार जानायखौ मिथिनो
मोनगोन ।
- * समाजनि गेना-गोरोन्धिफोरखौ गोखोडै थोंजों एबा खेंसालिया
रावजों सोंखारिनागै फेनो नाजानायखौ नुनो मोनगोन ।
- * बिहाव-बिखुनजोया बिजामादैखौ अननायनि नेरसोन नुनो
मोनगोन ।
- * जौ आरु नाफामनि गौनांथिखौ मिथिनो मोनगोन ।

3.3 लिरगिरिनि सुंद सिनायथि :

'हंलानि सावरि' आरु 'लाइन बास' सुंदसलनि लिरगिरिया जाबय

हरिभुषण ब्रह्म । बिथाइ 1936 मायथाइनि मार्च दाननि । खालराव टिप्काइनि दुलगावाव जोनोम जायो । बिथांनि बिफानि मुझ अचिना ब्रह्म आरो बिमार्नि मुझ देयास्वरी ब्रह्म । दुलगाव गुदि फरायसालियाव फरायजेनाने सापटग्राम एमालगामे टेड एकाडेमीनिफ्राय 1956 मायथायाव बिथां ब्रह्मवा मेट्रिक आनजाइखौ उश्चियो । 1964 मायथायाव गुवाहादी मुलुग सोलीं सालिनिफ्राय रांखान्थि आयदायाव एम. ए. खौ उश्चियो । सापटग्राम एमालगामे टेड एकाडेमीयाव फोरोंगिरिनि हाबा मावजेननाय ब्रह्मवा 1971 मायथायाव गसाइगाव कलेजनि बिबुंगिरि, दान्दिसे समनि थाखाय गोरायुं जानाने 1996 मायथायाव साख्रिनिफ्राय जिरायो ।

गुबुन गुबुन लाइसियाव सुंद सल फोसावबोनाय हरिभुषण ब्रह्मवा सुंद सलनि गांने बिजाव दिहुनदों । बे बिजाव गांनेया जाबाय - 1981 मायथायाव ओंखारनाय, 'श्रीमती दुर्लाइ' आरो गुबुन गांसेय जाबाय 1985 मायथायाव ओंखारनाय 'रोनाव फाला' । 1997 मायथायाव बिथां ब्रह्मवा थुनलायारि पेन्सन मोनो आरो 1999-2000 मायथाइनि 39 थि वर 'थुनलाइ आफादनि जथुम्मायाव 'श्रीमती दुर्लाइ' सुंद सल बिजावनि थाखाय रांसार थुनलायारि बान्था मोनो । बेबादिनो, बिथां ब्रह्मवा लंथाइखुलिनि सासे रिगुदामसा महेर गावनि हाबानि थाखाय 1997 मायथायाव सेरफांगुरियाव जानाय बड' फेस्ताभेलाव 'हिरिम्बापुर क्राउन' मान होजायो । थारैनो, बिथां ब्रह्मवा सासे राफोद 'फेस्ता' (Humorous) थुनलाइगिरि, गोगो सावगारि दानगिरि आरो मुं गोनां आरिमुगिरि (Noted artist)

3.4.1 सलनि गुबै बाश्ना(हंलानि सावरि) :

'हंलानि सावरि' सलखौ सानसेनि थाखै हंलानि नखराव सावरि जानाय, गुदि फरायसालिनि पानोया माष्टार आरो फरायसालि नायगिदिंघ्रा नगेन इन्सपेकरखौ लानने लिंरनाय जादों ।

हंलाखौ गामिनि देरसिन माहाजोन होननाने बयबो मिथिगौ । वाखि थेवलय कुंजासे जायाव्लावो जानो थोनाने महननेसो फाननो हायो आरो एफा-एने मायर सोलाव हरनो हायो ।

हंलाहा दिने उखुम ओलाबनायनि सावरि । सावरि जाशाफ्रायो मिथिखायाव दाबखा थायने दं होननाने । दावावो खानाने दोनखानाय गेदेर गेदेर माने । खालफा

खामि सैदों, सोरबाबा जिगाव सारखोदों आरो सोरबाबा उखुमाव गाखोनानै खाफ्रानो लागै हमदों। हंलाया गिदिं गिदिं नायदों आरो बोरै खालामब्ला मोजां जागोन सावराय होलांदों। बै सामावनो, हंलामोननि गामिनि गुदि फरायसालिनि फोरोंगिरि टिलापारानि पानीया माष्टारा फरायसालियाव फैयो। बिखौबो हंलाया दा लिंहेबा फैनांगोन होनना बुंहरो। पानीया माष्टारा हंलानि खाबलायनायखौ मोनना उसु-खुधु, गथफोर फोरोंनायाव गोसोया जवा जायो।

'ऐ मोखाफोर, मोसौनि फिसा मोसौफोर मा दावराव-दावसि बेलाय, सिरि-सिरि फराय गावबा गाव' - बेनो जाबाय पानीया माष्टारनि सिगां हाबा। बिनि उनाव सोरखौबा दुम-दुम, सोरखौबा दाम-दाम, सोरखौबा 'तिलडाउन सोरखौबा ष्टेण्डआप'। मोजां माष्टार जानायनि बेखिनि फावरखौ पानीया माष्टारा रींखागौ। औरैहाय, लामायाव हंलामाहाजोननि निमन्ध्रनखौ मोनखानानै गोसोयाबो जधेरा जादों। गथफोरखौ रायदों आरो लामाधिं खरै नायहरदों। बारा गोबाव थानाडखँसै। हंलाया फिसाज्ला देख्लाखौ लिंनो थिनहरनायसै। 'गावबा गाव फराया थिक खालामना दोन फैनानै हमफैगोन आं होनना पानीया माष्टारा हंलामोननियाव सावरनि जौ लींनो धाडो। एसे गोबाव जौ लींनायनि उनाव पानीया माष्टारा बाजेद बाथेद फरायसालियाव हाबफैफिननायावनो खामसालि खनानि दंफाडव सौदाव फैयो। लुन बुनाय खाफालाव आखाइ हमनानै लासै लासै सिडव हाबफैयो आरो गथफोरखौ बेन्स गंधाम जावनो होनानै गावहा उन्दुयो, गथफोरखौ फाला-फाला खरवाव दै लुनो होयो।

बर' राबनि स्कुलफोरनि थाखाय इन्सपेक्टर जानानै थाफैनाय कामरुपनि नगेन इन्सपेक्टरा गमणमेन्टनि हुकुम बादियै 'राष्ट्रपति बान्धा'नि थाखाय माष्टार सायखनो पानीयानि स्कुलाव थानो फरायसालिनि नेहाथारि हंला माहाजोनखौ लिंफैयो। सानैबो फरायसालियाव मोनहैब्ला पानीया माष्टारा बेन्साव उन्दुना थानाय आरो गथफोरा दै लुबाय थानायखौ नुहैयो। न सिडव हाबग्रीन मोना इन्सपेक्टरा मिथिनो मोनबाय मा जादों, गन्धजौनो हमजोवनो हाबाय। हंलाया नाथाय, दोनखोमानो सानदोंमोन, गेजेर-गेजेर बुंखावो 'माष्टारा स्कुलखौल' मिथिथारगौ, लोमजाबा साजाब्लाबो स्कुलाव फैनायखौनो नागारथारा, दाखिलनिफ्रायनो लोमजाहां मोन्दों होनबाय थादोंमोन। इन्सपेक्टरा सिंजों सिं मोथो मोथो रागाल जोडो, खुगायाव

जेव्हा बेरखां होया। 'सेक्रेटारी बाबु नोंधांनि नवावनो रिपर्टखौ लिखेंदति थु' सानैजों
सैं-सैं ओंखारबोयो।

मुगैथाव आखलनि पानीया माष्टारनि रिपर्टखौ बोरें लिख्वावगौ बेन्डीनो
इन्सपेक्टरा दान्दिसे मोथो मोथो सानहाबो आरो रागा जोडे पानीया माष्टारनि
सायाव। हंला माहाजोना दाबखा गंनैनिफ्राय दिहुननानै दोननाय गोमो गोमो दिग्गिसे,
लोगोयाव रद-रद बेदर खुरैसेखौ जानानै आरो खुरैने लोनायसिम पानीया माष्टारनि
सायाव रागाया साखूला-साखूलि दंबावोमोन। जेव्हा थाम खुरैखौ सोहरो अब्हा
रागाया गैया जायो। इन्सपेक्टरा रिपर्टखौ लिरो साहेबनि रावजों। सेराव दंबलाबो
हंलाया नुवा मा लिखदों। सानसेखालि डि, आइ अफिसाव गुबुन माष्टारफ्रा
खोनानायखौ बर' रावै बुडोव्हा ओरें -- 'दिनै आं 1976 सन मार्च दानाव 249 नं
फाथैबारी एल, पि स्कुलखौ मानिनां शिक्षा मन्त्रीनि हुकुमखौ फालितानै हरखाव
नायनाय जाबाय। नायनाय समाव स्कुलनि माष्टार पानीया रामखौ बेन्स गंधाम
सायाव फुथुनानै फरायसाफोरखौ माष्टारनि खरवाव दै लुबाय थानाय नुयो। स्कुलनि
सेक्रेटारीनिफ्राय मिथिनानै मोननाय जायोदि पानीया माष्टारा सानथाम आगौल-
निफ्राय लोमजागासिनो दंमोन। गावनि देहानिखुइ स्कुलखौ सार्बासन मोनया आरो
गोसो होनानै गथफोरखौ फोरोंगा पानीया माष्टारा दिनैबो लोमजानाय देहाखौ
लानानै फैयो आरो हरखाव खर साजानायलाय उन्दुसोनानै थानाडो। आं गोसो
सिनिफ्राय बुंनो लुबैयो-आरो थुखो हरनो सानो पानीयाबादि सामे माष्टारा राष्ट्रपति
बान्थाया मा बिनि देरसिन बान्था दडव्हा मोननो सावगौ।

लिखदेरबावनाय जायोदि दानि भारत हादोरनि गाहाइ मन्त्रीनि 'जौ गारनाय'
गोनां आरो देरसिन थॉखिखौ पानीया माष्टारा रोखारोखा मानियो; गावबो मोनामजानो
हाया, मालाय लोनायखौबो सैया।'

रिपर्ट लिख्वांनाय उनाव नगेन बाबुवा हंला माहाजोननि निफ्राय बिदाय
लाना थडो थिल-थाल। ओजोंहाय, सावरारिफोरनि खामानियाबो जोबो। जोबनायनि
खुरैफा-खुरैफा लोना सावरारिफ्रा ओंखाम जायो। जाफुनाय गेजेराव सारो बाबगर
सॅग्रादबा बुंजेनो - 'माथो हालेवखांबलाबो हाथर थरसेयाने ओंखाराब्रा, अनदला
बिगाबखौ सोलानोनो एसेबां गु-गु गा-गा भावनायसै जों ? गैत्राथाव गैया जायालां,
दिखलि बिमा गुरहैनाय नायानो दंखायो आंहा होननानै दुफु सिखरनायसै। लोगोयाव

माखासेफ्राबो 'नंगौवानोथब्रा' होननानै सिखारनायसै आरो ज-ज ओंखारलानायसै । हंलाया माबा बुनो खुगाब्लां सिबाय बायदोमोन एसे समाव सावरि जाप्राफ्रा लांगोना बारग हैबाय ।

आनजाद लानाय (CYP)

सौलु : हंलाया सोरमोन ?

सौलु : पानीया माष्टारा फरायसालियाव मानो उन्दु दोमोन ?

सौलु : नगेन इन्सपेक्टरनि रागाया माबोरि जोबनाय ?

3.4.2 सलनि गुबै बाधा (लाइन बास) :

'लाइन बास' सलखौ बिजामादै गोदाननियाव थानो ओंखारनाय गावजु मोन्दा आरो गाब्लांगाखौ लानानै लिरनाय जादों ।

मास मोननैनि उनाव हागुंपारानि बिजामादै गोदाननियाव आलासि जाहैनो ओंखारदों गावजु आरो गाब्लांगाया । गावजुवा नाफाम आरो जौ मोननैजों मोनसेज थपलाखौ बनानै आरो गाब्लांगायां गायखेर दाखाखौ लाये । माइल जखायनैसो बास गाखोनानै माइल मोननैसो थाबायब्लासो बिजामादैनि नखौ मोनो । फुजा-सानजा ओंखारो, बिजामादैनि नवाव थाब सौहैनानै फुनि ओंखामखौ मोनजाहैनयनि । दान्दिसे उनाव गावनि सम बादि मटराबो सौफैयो । नाथाय, मटरनि सेहारखौनो नुहां-नुवाहां जेन मानसिनिसो गांसो रजबाय मटरनाव । शेवबो गाखोथरनांगौ गावजु आरो गाब्लांगाया । आगदा आखायजों गायखेर दाखाखौ हमदों, आगसिजों मटर हेपडेलखौ हमहरनो नाजादों । बुरैखौबो बुंखानानै दोनदों - 'आनियाव गोरा हमथा, नडब्ला थालांगोनबो ।' बोराया गस्लाबो गानाखै, लांथिया । बेखायनो बुरैया उनधिं शेबहरनाय सारामायखौनो मोननानै थि हमथानायसै । मटर गाखोग्राफ्रा उला-माखा । बे बेखौ नारो बे बेखौ नारो । बोराया आलो आलो लाखिनो नाजादोमोन गायखेर दाखाखौ । हायाखैसै औरै नारलाय औरै नारलाय उनहालागै फुस पुबुवासै । हान्थुसिम माननाय बोरायनि मारकिन गायसाया धिंघिंसिनायसै । ओजोहाय, बोराया एसे असुबिदायाब गोरलैनायसै । बोरायनि सारामाय फारसेधिं गाव थावाय आरो फारसेधिं बुरैया थि हमथाबाय । गेजेराव मटर गाखोनो नाजनाय होंगो दोंगो मानसि । गामिखौबो

सरजावनानै नयोब्ला बुरैजो आरो बोरायजो दुस्रो बोनाय वदायलायनाय बादिसो नुलाय लांबाय। ओरैहाय, मानसिनि होंगे दोंगोयावनो, बुरैनि थफलाखौ नारसिननायावनो जौनि ब्लादारा जियो आरो नाफामाव नोंलाजोखो। बुरैजो लोंगोसे गारि गंसेयानो मोनाम जोबो।

मटरनिफ्राय ओंखारनानै गोदान बिजामादेनि नसिम नायलानै ससे थावायनांगौ। लामायावनो गावजु मोन्दानि बिमा-बिफानि नखौबो मोनलाडे। दा बिमा-बिफा गैलिया। बेरामि बिदा सासेल दंसै बिसिफिसाजो थेर थेर रायजो जाना। लामा सेराव अखा हादै ज जानानै थानाय दैस्तुडव गाब्लांगाय गाननाय जियाव नांनाय गायखेर दाखाखौ सुम्नानै लानायसै। बुरैयाबो वानाय थफलाखौ गिसि गिसि आमथा-आमथा मोनखानानै एंगारनायसै। लांथावादोनथावा दैस्तुडव नाफामखौ गारहरनायसै आरो जौ विदेखांबो स-स लखवनानै गारनायसै। सिबाय, बोराया लोंनो बिबायबायदोंमोन-होजायाखै 'खुरमागोदाननाव धाजेननायावनो जौ लोंनानै थाडे नामा होननानै।

बिजामादैया बिसि गोदानखौ लानानै बिमायनाव आलासि जानो थानाया दिनेजो सानथाम जाहैबाय। नवाव ओंखाम गैदैजो जाबजो बिसि गोदानखौ लानानै बायहायाव साननैसो गिदिंगार हैनो ओंखार लाडे गाब्लांग बिजामादैया। बिनि उनाव बिहावनाव थांगोन। बिजोमायजोल दं नवाव। बिबियाथाबो खाथिनि गामिसि माहाजोननाव थांदों माय दाहार बिहैनो। आलासि गोदानखौ नुधो मोना खर सुबाव मोनखाडे, नवाव मायरं गरसे गैया। अब्लाबो, बेफोरखौ गोसोयाव दोनखोमाना आलासि गोदानखौ खुलुमनो थाडे। बिबियाइनिथिं थाब्ला गायखेर दाखा आरो बिजोमायनिथिं थाब्ला जौ थाड नाफाम थाड मोनामनाय मोनबाय। मोनामनायखौ मोननानै बिजोमायजोया रागा जोंखानायसै सिरि-सिरि बिदानि नवाव होबो जोबदों साननानै। बिजोमायजोयाबो गाव ओंखाम जाहोनो गनार्यानि लफ्फाखौ नागिरनाकरै। बेनिखायनो सिगां-सिगां बुधोबायो "हाबाव जामायजो लामा ससेयाव हाबन्नानै जाखाबोया लाबानो थोंजो फेब्ला हामगौमोनलाव। फेब्लाबो ओंखाम कोथिसेखौनो मोनजानायसो गालिया दा। हामदोंबो जामायजो, बिसोरहा मालाय मेला गायखेर मोनो। गायखेर दाखाखौनोबा हाथायाव फानहंगाचिनो होननाथ खोनयो। दाखालि दावनाय नखौबो बुरजा मोनदों होननाय खोनदों। बेखौनो नाफाम मोनानै दोनाखैमोन

बि। हामदों बियाइ जाखाबोनायानो। ना-बेदर गैया आंनाव ओंखाम गोजामो
जानांगौमोन। बिजोमायजोया आलासिखौ बुंस्ताबहोया जासेनो गावल हं हं बुंलाडे।
गावजु मोन्दा आरो गाब्लांगायाबो हमस्ताबनो हायाखैसै। बिजोमायजोया आरोबाव
बुंबावो - गथफोर दंभोनब्ला हरसो थाजागौमोनलाय।

ओजों ओंखाम उखैनायजों जाबजों गाब्लांगानि रागाया हामधारलिया।
'नाड जामायजों, मा हर थालायनांगी देनांफोर थाफैगोन 'थांदिनि दे होननानै
थांफिननो सिखारो। ओजोंहाय बिजोमायजोया 'हैदथोर दानो थांधारनोसै'
होनफ्लानानै थानायसै। लामा थारै बुरैया बोरायखौ रायबोयो माबादि नखराव
फिसा हिन्जाव हरदों होनना। ओंखाम उखैनायजों - जाबजों बिदानियाव जाबोंनो
होनना हाबोब्ला मानसिफ्राने गायखेर, नाफाम मोनामफबनायखौ नुनानै बिदाया
दु-दु हाव-हाव बूडे- 'आंनोबो एसे लाबोफाब्ला हामगौमोनलाय।' बिदा जन्नानि
बिदि बुंनायाव गावजु मोना जेबो बुंफिननो हायाखैसै। उनाव बिदानिफ्राय बिदाय
लाना सानैबो फैनायसै।

'सुनि वानि, नाफाम थफला आरो गायखेर दाखायानो रसा नांहोबाय।
बिदि मिथिब्ला लाबोधारामोन आं। फागला बोराया नौनो जादों आरजाधरैफोरखौ
लानो थिननानै। बुरैया बुदु बुंदु, खारें-खारें हारसिं बुंलाडे। विसोर 'वास प्तेन्ड'
- आब फैनानै मिथिफैनाय मोनाबिलि 6 बाजिनि सिगां जेबो मटर गैलिया। दामो
सानजौफुनि। बाजिदों। बुरैया लाजिखांबायबो गावनि नाफाम मोनामनाय मोदोमखौ
लानानै गारि गाखोनो, बोरायाबो लाजिखांबाय। बेनिखायनो सानैबो न होनना
थाबाय लाडे। जिरायहोलां थांहोलां सानैबो सान रोमो-रोमोयाव नवाव सौहैयो।
आथिं आखाय सुना इसिडव हाबहैना खुरै गाद्रासे फसरना बुरैया बोरेफनो होनायसै।
सानैबो बाध्रा दानथे बिदानथे जालाये। बुरैया मॅनाय उखैनायजों उनुना थानायसै।
बोरायाबो उखैदोब्लाबो संना जानो वाना उन्दुना थाहैनायसै।

आनजाद लानाय (CYP)

सौलु : गावजु आरो गाब्लांगाया बिजामादे गोदाननि तवाव
आलासि जाहैनो थांना मा जादोंमोन ?

सौलु : बिजोमायजोया गावजु आरो गाब्लांगाखौ मा-मा
बुडामोन आरो मानो ?

3.5.1 सलनि सायाव बिजिरनाय (हंलानि सावरि) :

'हंलानि सावरि' सलवा 'श्रीमती दुलांड' सुंद सल बिजावनि दोसे गोजी माननि 'जावनाय' 'जंखायनाय' आरो 'फेस्ला' बिदैजों आवुं दोसे सल। वेवहाय पानीया माष्टार नगेन इन्स्पेक्टर आरो हंला माहाजोनमोननि आखुनि गेजेरजों सलखौ थांखि गोनां खालामदों। टिलापारनि पानीया माष्टारा 249 नं फाथेवारि एल. पि. स्कुलाव फोरोंगिरि खामानि मावो। 'ऐ मोखाफोर, मोसौनि फिमा मोसौफोर, मा दावराव दावसि बेलाय, सिरि-सिरि फराय गाववा गाव' - बेनो जावनाय पानीया माष्टारनि सिगां हाबा। बिनि उनाव सोरखौवा दुम दुम सोरखौवा दाम-दम सोरखौवा 'निलडाउन' सोरखौवा 'ष्टेण्ड-आप'। बेबादिनो पानीया माष्टारा फरायसाफोरखौ बेनायाव गोखों-गोरा होननानै मिधिगौब्लाबो फरायसाफोर बिखौ जौसाइ मादा एबा जौ फागला होननानै मिधिगौ। बर' रावनि स्कुलाफोरनि थाखें इन्स्पेक्टर जानानै धाफेनाय कामरुपनि नगेन इन्स्पेक्टर बाबुवाबो पानीया माष्टारनि एसेबो बाडाइ नछ। जौबादि रावनिबो आयथिं सिडव थाया, बेनि इस्तराफोरखौ हंलानि सावरियाव हाबा मावग्रा सावरारिफोर, पानीया माष्टार आरो विसोरनि फरायसालि नायदिंगिरि नगेन बाबु मोनहानो। बेनि गुदि दायनिगिरियातो जौ आरो सोलेंथाइ मोनैनि फिथाइ। जौनि समाजाबोदि जोबोद दायनिगिरि, बेयो 'हंलानि सावरि' सलनि गेजेरजों रोखा बेरखांदों।

पानीया माष्टारा गावनि फरायसालिनिनो सेक्रेटारी हंला माहाजोननाय सावरिनि जौ लोंना फैना दोही जाखानाय देयाव नाव जावनाय बादि होगलां होथं फैनानै हमथानो हास्ताबैयाव फरायसालिनि खामसालि खनायाव थाताय दकादाव सौदाव फैयो। लुन बुनाय खाफालाव आखाय हमनानै लारै लारै सिडव हावो आरो बुडो - 'ऐ गथफोर बै खाथिनि दैखनिफ्राय दै बालथिंसे ल्यायथां, गिलास गंसे बिनानै लाबोफा। ऐ जगेन बलेन बे ब्रेसि गंधाम जावदे, आं खर सानय मोनदों, दै लाबोब्ला दा खरवाव लु दे, फाला-फाला' होननानै पानीया माष्टारा उन्दुनारसै गोलाव जानानै जावनाय बेन्स गंधामनि सायाव। बेफोर जाथेइरडे नगेन इन्स्पेक्टर गावनि मेगनजों नुसेयावबो जौनि थाखेंनो पानीया माष्टारखौ साजा हीनो नागारना राष्ट्रपति ब्राश्वानि थाखेंसो रिपर्ट लिरो। विसोर बादिनि थाखायनो इयुनि फरायसाफोर गावसोरनि जिवखौ फोजोबसालांदों बेनि मो-दांथिय फेस्लावैनो फोरमाउजादोंब्लाबो

एसेल गेदेर बाधा नड्ड। लोगोसे आधिखालनि सोलौंथाइ मुलुगाव सोमजिनाय वारहावा आरो अफिसफोरव माबोरै गुनजेर अरनो हमलांदों बेनि दायनिगिरियाबो समाजानो। थारैनो बे सलनि गेजेराव सल लिरगिरिनि बुंनो लुबैनाया, धामहिनबा बिथां ब्रह्मनि मोन्दांथिया फेस्लायैब्लाबो गोजौनि बाधाफोरवको सोद-सोदे बेरखांदों।

S.A.Q.

सौलु : गुदि फरायसालिनि फोरोंगिरिनि आखुवा माबादि
बेरखांदों लि। (30 सो सोदोबजों फिन)

वे सलवाव समाजनि गेना-गोरोन्थिफोरखौ गोखोडै थोंजों एबा खेंसालिया रावजों सौंखारिनानै फेनो नाजानायनि सावगारिया रोखा बेरखांदों। हंला माहाजोननियाव सावरारिफोरा न फाहामनायनि खामानि मावनाय आरो दाबखानि सेरगिदिं जिरायना सावरिनि खहाबनायखौ लानायनि सावगारिया समायनायै बेरखांदों। हंलानि न सेरजों फरायसालियाव फेनाय पानीया माष्टारा हंलानि निमनंत्रनखौ मोनखानानै फरायसालियाव हाबफेनानैबो उसु-खुधु जायो। उनाव फरायसालियाव हाबहैना हंलानि फिसाज्ला देखलाया लिहैयो। पानीया माष्टारा फरायसाफोरखौ "गावबा गाव फराया धिग खालामनानै दोन, फेनानै हमफैगोन आं" होनना सावरारिफोरजों हंलानि सिलहायाव दाबखानि सेराव जिराय हैयो। बिनो रोखोमसे मडेल टिसारनि मोनसे गोगगो सावगारि। बेल नड्ड, बर' बिजोंनि गुदि फरायसालिखौ नायगिदिंनो कामरुपनिफ्राय फेनाय नगेन इन्सपेक्टराबो रां आरो जौनि लुबैनायखौ सामलायनो हायिनि थाखाय जौ फाग्ला पानीया माष्टारखौ बाखनायनानै राष्ट्रपति बान्थानि थाखाय रिपटं लिरनायखौबो जों बे सलवाव नुनो मोनो। थारैनो, 'हंलानि सावरि' सलवाव सोलौंथाइ बिधिडव माबादि गुन अरदों आरो बेनि थाखाय इन्सपेक्टर, फोरोंगिरि स्कूल सेक्रेटारी आरो गामिनि रावजोफोरनि, समाजनि सांग्रां

नडि सावगारिया रोखा बेरखांदो ।

आनजाद लानाय (CYP)

सॉलु : सलवाव समाजनि मा सावगारि बेरखांदो लिर ?

सॉलु : पानीया माघारनि फरायसाफोरखी सोलोश्रद
होनाया मा बादिमोन ?

सॉलु : नगेन इन्स्पेक्टरनि खामानिया मामोन ?

3.5.2 सलनि सायाव बिजिरनाय (लाइन बास) :

'लाइन बास' सुंद सलवा हरिभुषण ब्रह्मनि 'श्रीमती दुर्गाइ सुंद सल बिजाबनि जोबधारनाय सल । बे सलवाव सानै बोराय बुरै गावजु मोन्दा आरो गाब्लांगाया हागुंपारा गामियाव बिजामादै गोदाननियाव गिबि खेव आलासि जातो थांनायाव गावसोर लांफानाय गाइखेर दाखा, नाफाम, जौब्लादार गुब्रुनाय आरो बिसिया फिसाइनि सारामायाव हमथाना नै मटर गाखोनायनिफ्राय जागायनानै बिबियायनिफ्राय माबोरै उदै खालियै गिदिबोफिननांदो बेनिनो जाथाइ । फुडव खाररा आरो मोनाबिलियाव सफैरा फाथै जाबनायबादि मानसिब्लाबो बिजामादै गोदाननियाव थांधारनायनि आसायाव बोराय बुरैया लाइन बासाव गाखोयो । बुरैया नाफाम आरो जौनि ब्लादारखी आरो बोराया गाइखेर दाखाखी जोथोनै लासेयावबो गाइखेर दाखाया गुब्रुनानै बोरायनि गामसायाव नांलायो । फारसेथिं आलो आलो लानाय बुरैनि नाफाम आरो जौवा गेब्लेनानै मोनामग्लुडे । बेफोर जाबाय, बर फोरा आदुवा, जौ सेरेव लोखुबनाय आरो नाफाम जाखुबनायनि इसारा । बिहाव बिखुनजोया बिजामादैखी माबादि अने बेनिनो नेरसोन । गावजु आरो गाब्लांगाया बिजामादैनि नवाव सौहैमारनो बिजोमायजोया गाइखेर दाखा आरो नाफाम मोदोमनाय मोतो । नाथाय बिसोरनि लोगोयाव नाफाम आरो गाइखेर दाखाखी नुयियाव लामा ससेयाव मोनग्रोनाय बिजोमायजोनि बिदानाव होबोजोबदो सातनानै गोसोजो खुद्रितानै जाहोनाय लोहोनायनिफ्राय एरायनानै थानो नाजानानै सोलो गोजाडेसिगां सिगां बुंगोबायदोमोन 'हाबाव जामायजो लामा ससेयाव हाबब्रनानै जाखाबोयालावानो थोजो फैब्ला हामगौमोनलाय । फैब्लाबो ओंखाम बोथिसेखीनो मोनजानायसो नलिया दा । हामदोबो

जामायजो, बिसोरहा मालाय मेला गाइखेर मोनो । गाइखेर दाखाखौनोबा हाथायाव फानहैगासिनो होननाय खोनायो । दाखलै दावनाय नाखौबो बुरजामोनदों होननाय खोनादों । बेखौनो नाफाम सौनानै दोनाखैमोन बे । हामदों बियाय जाखाबोनायानो । ना गैया बेदर गैया आंनाव, ओखामगोजासो जानांगीमोन ।" बेवहाय थों गोथोडे फेस्ला रावजों सोंखारिनाया रोखा बेरखांदों । फारसेथिं, समाजनि गेजेराव थानाय माखासे अगेन आखुखौबो सल लिरगिरिया फेस्ला राव सोंखारिनाय आदब बाहायनानै फोसाबनो नाजानायखौबो नुनो मोनो ।

S.A.Q

सॉलु : बिजोमायजोया गावजू आरो गाब्लांगाखौ मा-मा बुडामोन ?
(25 सोदोबजों फिन)

बे सलवाव बर' समाजनि रायजो जानाय, आरो बिहाव बिखुनजोया बिजामादै खौ अननायनि सावगाया रोखा बेरखांदों । बिजामादै गोदाननि नवाव आलासि जानो थानायनि थाखै गावजू आरो गाब्लांगाया बेसेबा आगोलनिफ्रायनो लाहार-फाहार जायो । फिसाय गाब्लांगाया ओरै थाहां ओरै फैहां जागासिनो थायो । गोदान बिजामादैनो मा लानो मा दोननो फिद-फिद गोसो खांदों । बिसि गावजूखौ बुंनानै दोनखायो - 'गुबुनखौ बावब्लाबो दाखिल सौनाय नाफामखौ लानो दाबाव, हासुनिफ्राय एरननानै थस लायाव थप्लासे खाथबनानै ला । जावैसोनो जा बिदैया बलनि ब्लादारावनो सौनानै लायो बानो मोजां जागोन ।' बिनिफ्राय लाइन बास हमनो माइल मोनसे ससे लामाखौ सानैबो थाबायलाडे । गावनि सम बादियै गारिया फाथै जाबनाय बादि मानसिफोरखौ लानानै लामा हगारदो होनना गावनि जायगायाव दोम थाफैयो । नाथाय, सिगाड्डव मानसि, गोजौवाव मानसि, साखाथियाव मानसि, हां थोनो-थोनो मोननानै मटरा जेन गाव खरखौल एसे गोलाव फोलावनानै थमेन नुजाहोदों - खल्था सिनिफ्राय खरखौल थमेन-नुजाहोनाय खुसुंबादि । गावनि

लिरनायनि आदबजौं लिरगिरिया गारिनि सावगारिखौं समायनायै बेरखां होनाया जोबोद बाखनायथाव जादौं । गारियाव जायना नैयाब्लाबो गावजु आरो गब्लांगाया गारियाव गाखोथारो गाइखेर दाख आरो नाफाम, जौखौं जोथोनै लानानै । चरवा गारिखौबो बावनो हायो, नाथाय जौ आरो नाफामखौ बावनो हाय । बेरिखायनोध बिजामादै गोदाननो गावजुबाबो नाफाम आरो जौखौं लायो । बेवहाय, बिजामादैखौ बिखुनजोया अननायनि सावगारिया रोखा बेरखांदौं ।

आनजाद लानाय (CYP)

सौलु : सलवाव समाजनि मा सावगारि बेरखांदौं ?

सौलु : बे सल लिरनायनि आदबनि सोमोन्दै लिर ।

3.7 आखु बिजिरनाय :

'हंलानि सावरि' सलवाव गाहायै हंला माहाजोन, पानीया माष्टार आरो नगेन इन्सपेक्टरनि आखुखौंनो मखनो हायो ।

हंलाया गामिनि देरसिन माहाजोन होनना बुंनो हायो । बाखि थेक्याय बुंजासे जायाब्लाबो जानो थोनानै महननैसो फाननो हायो आरो एफा एनै माइर सोलाव हरनो हालायो हंलाया । गावसोरनि गामिनिनो गुदि फरायसालिनि नेहाथारि हंला माहाजोना । ननि खामानिखौ नवाव मावजोबनो हायाब्ला सावरि लिंनानैब्लाबो सावरारिफोरखौ जाहो-लौहोयै न-बांखौं फोसाबना लायो हंलाया । फारसेथिं, गावनि थामहिन्बा गावसोरनि गामिनि गुदि फरायसालिनि फोरोगिरि पानीया माष्टारखौबो गावसोरनियाव लिंहरनो माब्लाबाबो बावामोन बियो । बै सानखालिबो गावनि नवाव सावरारिफोरजौं ज जौ लौंनो फरायसालियाव फैनाय पानीया माष्टारखौं लिंहरे । पानीया माष्टाराबो फरायसाफोरखौ दोनथना हंलानि नवाव जौ लौंहैयो । द-दसे लौंखानायनि उनाव होरलां-होथां फरायसाफोरखौ फोरौंनो फरायसालियाव शौंफनो । फरायसाफोरखौ बेन्स गंधाम जाबनो होना गावहा उन्दुयो आरो गावनि खरकाव फालाफाला दै लुनो होयो । बै समावनो फरायसालि नायदिंया नगेन इन्सपेक्टर फरायसालिनि नेहाथारि हंलाखौं लाना पानीया माष्टारनि फरायसालियाव हावहैयो । हंलाया पानीया माष्टारनि बिदि अबस्थाखौं दोनखोमाने थारखौं नगेन इन्सपेक्टरनि

सिगाडव बुझे- "माष्टार स्कूलखौल मिथिधारगौ, लोमजाबा-साजाब्लाबो स्कूलाव फेनायखौनो नागारधारा दाखालिनिफ्रायनो लोमजाहां मोन्दों होनबाय प्रादोंमोन ।" हंलामाहाजोननि बेबादि आखुवाव समाजाव, हंला-माहाजोनादि सोलौथायनि फारसे सांग्रां नडव बेबाध्या रोखा बेरखांदों । औरैहाय, बेवहाय हंलानि आखुजों सोलौथायनि बेलायाव सांग्रांधि नडै समाजनि, माहारिनि बाध्याखौनो लिरगिरिया रोखा बेरखां-होदों ।

नैथियाव, जों रायखांनो हाथो पानीया माष्टारनि आखुखौ । टिलापारानि पानीया माष्टारा 249 नं फाधैबारि गुदि फरायसालिनि फोरोंगिरि । फरायसालियाव हाबनाय लोगो-लोगो पानीया माष्टारनि गिबि हाबायानो जाबाय- 'ऐ मोखाफोर, मोसौनि फिसा मोसौफोर । मा दावराव-दावसि बेलाय, सिरि-सिरि फराय गावबा-गाव ।' बिनि उनाव सोरखौबा दुम-दुम, सोरखौबा दाम-दाम, सोरखौबा 'निलडाउन' सोरखौबा फ्रेण्ड-आप' । फरायसाफोरखौ बेनायाव पानीया माष्टारा गोखौं गोराब्लाबो फरायसाफोरा बिखौ जौसाय फागला होनना मिथिगौ । पानीया माष्टारा फरायसाफोरखौ "गावबा गाव फराया थिग खालामनानै दोन, फेनानै हमफैगोन आं" होनना हंला माहाजोननाव जौ लोंनो धाडो । दान्दिसे लोंखांनयनि उनाव होरलां-होथां फरायसालियाव हाबहैयो । फरायसाफोरखौ बेन्स गंधाम जाबनोहोना गावहा उन्दुयो आरो फरायसाफोरखौ गावनि खरवाव फाला-फाला दै लुनो होयो । बेवहाय जौ फागला माष्टारफोरनि आखला गाबादि बेखौ पानीया माष्टारनि आखुजों रोखा दिन्धिदों ।

थामथियाव, जों रायखांनो हाथो - नगेन इन्सपेक्टरखौ । कामरुपनि नगेन इन्सपेक्टरा बर' रावनि फरायसालिफोरखौ नायगिदिनो हंलामोननि औनसोलधिं थाफेनाया बोसोरनैसो जाबाय । गभर्णमेन्टनि हुकुम बादियै 'राष्ट्रपति बान्थानि' थाखाय माष्टार बासिनानै हरनांगौ जानायलाय 249 नं फाधैबारि गुदि फरायसालिनि नेहाथारि हंला माहाजोननाव नगेन इन्सपेक्टरा नुजाहैयो । उनाव हंलाखौ लाना फरायसालियाव थांगोयो । बै समाव, एसे आगोलसो फरायसाफोरखौ दोनथना हंलामोननियाव जौ लोंना फेनाय पानीया माष्टारखौ लोगो मोनहैयो - बेन्स गंधाम जाबना उन्दुना थानाय आरो फरायसाफोरा फाला-फाला खरवाव दै लुना होनाय । पानीया माष्टारनि बेफोर बादि हालसालखौ दोनखोमानो थाखाय स्कूल सेक्रेटारी

हंलाया इन्सपेक्टर नगेन बाबुनि सिगाडव बुडे - "माष्टारा स्कुलखोल मिथिथारगौ लोमजाब्ला साजाब्लाबो स्कुलाव फेनायखी नागारथारा दाखालि निप्रायनो लोमजाहां मोन्दों होनबाय थादोंमोन। नाथाय न सिडाव हाबग्रोन मोना नगेन सन्सपेक्टरा गसिबो जाथाइखी गन्थंजों हमनो हाजोबखादों। इन्सपेक्टरा सिंजींसिं मोथो- मोथो रागाल जोडे, खुगायाव जेबो बेरखांहोया।" सेक्रेटारो बाबु नोंथानि नवावनो रिपर्टखी लिरहैदिनि थु" होननानै सानैजों ओंखारबोयो।

मुगैथाव आखलनि पानीया माष्टारनि रिपर्टखी बोरै लिरथावगौ बेखीनो गोसोजों गोसो उलथांलाय फालथांलाय सानबाय थानाय नगेन इन्सपेक्टरा हंलानि नवाव मेंगा होग्राखी खुरै थाम सौहरनायावनो साहेबनि राव, इंराजीजों लिरनायाव आखा-फाखा आखायजों रिंमिनदुलुन लाडे पानीया माष्टारखी राष्ट्रपति बान्था मोनहोनो रिपर्ट लिरनाया। नगेन, सन्सपेक्टरा रिपर्ट-आव फोरमायदों - "गावनि देहानिखूइ स्कुलखी साबसिन मोजां मोनग्रा आरो गोसो होनानै गथ फोरखी फोरोंग्रा पानीया माष्टारा दिनैबो लोमजानाय देहाखी लानानै फेयो आरो हरखाव खर साजानायलाय उन्दुसोनानै थानाडे। आं गोसो सिंनिफ्रायनो बुंनो लुबैयो आरो थुखो हरनो सानो पानीया बादि सासे माष्टारा राष्ट्रपति बान्थाया मा बेनि देरसिन बान्था दडब्ला मोननो साबगौ।"

लिरदेर बावनाय जायोदि दानि भारत हादोरनि गाहाइ मन्त्रीनि 'जौ गारनाय' गोनां आरो देरसिन थांखिखी पानीया माष्टारा रोखा-रोखा मानियो, गावबो मोनाम जानो हाया, मालाय लौनायखीबो सैया। "थारैनो, सोलेंथाइनि बिथिडन्व गुन अरसेयावबो, गावनि मेगनजों नुसेयावबो नगेन बादि इन्सपेक्टरफोरनि सांग्रां नडि आखुखी समाजनि गेजेराव थिफायसनलांदों सल लिरगिरिया।

'लाइन बास' सलवाव गाहायै जरासे बोराय बुरै गावजू आरो गाब्लांगायानो गाहाय। फारसेथिं, गोदान बिजामादैनि बिमा थामहिन्वा बिजोमायजोया बे सलखी दावगा होनायाव मदद होदों।

गामियाव गोरलैयै जिव खुंग्रा गावजू आरो गाब्लांगाया सानैबो सासेया सासेखी मानिलायो। जेराव थाडे सानैबो ज थाडे। गारि-मटरनि आंखाल जायगायाव थानानैबो बिजामादै गोदाननियाव थानो थारखे थफलाथाफिल-गाइखेर दाखा, नाफाम आरो जौ लाना होंगोदोंगो मानसिब्लाबो सानैबो गारियाव गाखेथारो। गारियाव

गाखोनाय समाव बोराया बुरैखौ बुडे - 'आनियाव गोरा हमथा, नडाब्ला थालांगोनबो ।' नाथाय, बुरैया आख-फाख जायो । बोराया गस्लाबो गानाखें, लांथिया । राहागैथरनि बुरैया बोराइनि उनाथिं थेबहरनाय सारामायाव हमो । नाथाय, बोरायासो आख-फाखवाव गोप्लेयो । मानोना बोरायनि सारामाया फारसेथिं आरो गावफारसेथिं थायो । गेजेराव गारि गाखोनाय होंगो-दोंगो मानसि । गासिखौबो सरजाबनानै नायोब्ला बुरैजों आरो बोरायजों दुरुं बोनाय बादायलायनाय बादिसो नुलायलाडे । गारियाव होंगो-दोंगो मानसिनिथाखेंनो गाइखेर दाखाया गेबुसारो आरो नाफाम आरो जौवा मोननैजों मोनसे जायो । बोराया गाइखेर दाखा आरो बुरैया नाफाम-जौ मोनामो । लांजायिनि गारहरनानै उनाव आखाय गोजायै बिजामादैनि नवाव नुजा हैयो ।

बोराय बुरै सानैबो बिजामादैनि नवाव सौहैमारनो बिजोमायजोया गाइखेर दाखा आरो नाफाम मोदोमब्लाबो बेफोरनि मोखां नुयैयाव लामा ससेयाव बिजोमायजोनि बिदानाव होबोजोबदों साननानै गोसोजों खुद्रिनानै जाहोनाय लोंहोनायनिफ्राय एरायनानै थानो नाजानानै सोलो गोनाडैसिगां-सिगां बुंगोबायदोंमोन- 'हाबाव जामायजौ लामा ससेयाव हाबन्न नानै जाखाबोयालाबानो थोंजों फैब्ला हामगौमोनलाय । फैब्लाबो ओंखाम बोथिसेखौनो मोनजानायसो नलियादा । हामदोंबो जामायजो, बिसोरहा मालाय मेला गाइखेर मोनो । गाइखेर दाखाखौनोबा हाथायाव फानहै गासिनो होननाय खोनायो । दाखलै दावनाय नाखौनो बुरजा मोनदों होननाय खोनादों । बेखौनो नाफाम सौनानै दोनाखेमोन बि । हामदों बियाय जाखाबोनाथानो । ना गैया बेदर गैया आंनाव ओंखाम गोजासो जानांगौमोन । धरैनो, गोजौनि बाधनि गेजेरजों बोराय बुरैनि बिजोमायजोया गावसोरनि आंखालखौ दोनखोगानो नाजानाय आरो आलासिनि सिगाडव गावनि मानखौ लाखिनो नाजानायनि इसाराखौ नुनो मोनो ।

3.7 सारबाहागो (Summing Up) :

बर' सुंद सलनि फोथाराव जा जा सुंद सल सोरजिनानै हरिभुषण ब्रह्मवा सलनि फोथारखौ एरहोबाय बेयो जोबोद बाखनायथाव । गुबुन-गुबुन सुंद सलगिरिफोरनि सल फोरमायनाय आदबनि रुजुनायाव बिथां ब्रह्मनि सल फोरमायनाय आदबा एसे गुबुन । बे बिथिडोव बिथाड मोंनसे आलादा मासि आवग्रिनानै लाखादों । बिथानि सलफोराव मोखथानि जाथाव समाजनि साबगरिया रोखा बेरखादों । बिथां ब्रह्मवा

सलनि प्ल 'टखौं सादा सिदा संसार जानाय बर' समाजनिप्रलयनो खनखांना लादों । गहेना होयै-होयै बाहायनाय बाधा, खहाव गोनां बाधा रायक्तायनायनि आदब, गेना गोरोन्धिफोरखौं दान्दा गोलावजों सौंखारिनाय आदबफोरो बिथानि जाफुंसारनायखौं दिन्धिदों । बिथां ब्रह्मनि सलफ्राव माखासे एखुथा आदब नुनो मोनो । जैरे समाजनि गेना गोरोन्धिफोरखौं गोखोडै थोंजों एवा खेंमालिया रावजों सौंखारिनानै फेनो नजानाय आरजाथाव सोदोव आरो बाधा बाहायनानै सलखौं दौल गोनाडै फोरमायनाय, सल बिथाखौं नांनय बादियै बुब्लि सोरजिनानै फोरमायनाय आरो राबनि गोखों नोजोरजों मावेबा मोनसे बाधाखौं गुबुन बाधाजों रुजुनानै थिफायसन होनाय । थारैने, बिथां ब्रह्मवा सासे राफोद 'फेस्ता' सल लिरांगिरि ।

3.8 जानो हाथाव सौलुफोर (Probable Questions) :

1. 'हंलानि सावरि' सलनि गेजेरजों बर 'फोरनि जिव खुंनय आरो साननाय हनाया माबादि बेरखांदों लिर ।
2. बे सुंद सलवाव बर 'फोरनि सोलौंथाइनि आबहावाया माबादि बेरखांदों ?
3. हंला माहाजोननि सोमोन्दै लिर ।
4. बे सुंद सलनि सल बिथानि सायाव लिर ।
5. नगेन इन्सपेक्टरनि सोमोन्दै लिर ।
6. सासे फोरोंगिरि बादियै पानीया माष्टारनि फोरोंनाया माबादि मोन ?
7. 'लाइन बाल' सलवाव फेस्ता आरो सौंखारिनाया माबादि बेरखांदों ?
8. बे सलवाव गावजु आरो गाब्लांगाया बिजामादै गोदाननि नवाव आलासि जाहैने ओंखारलानानै मा-मा जाहैनाय ?
9. बिजोमायजोया गावजु आरो गाब्लांगाखी मा-मा बुडामेन आरो माने ?
10. हरिभुषण ब्रह्मनि सल लिरनायनि आदबनि सोमोन्दै लिर ।
11. बिथानि बान्था मोननो हानाय सोरजिथाइ आरो बान्थानि सायाव फोरमायना लिर ।

3.9 फ्तायनो गोनां बिजावफोर (References and Suggested Readings):

1. श्रीमती दुर्लाइ (सल बिजाव) - श्री हरिभुषण ब्रह्म
2. धुनलाइ विजिननाय - राखाव बसुमतारी
3. धुनलाइ सुजु बिजाव - एन. एल. पाब्लिकेसलस ।
(Advance Bode)

खोन्दो- 4 (Unit - 4)

सिलिंखार, उद्रायनाय आरो बुलि

खोन्दोनि महर :

- 4.1 बेखेवनाय (Introduction) :
- 4.2 धांखि (Objectives) :
- 4.3 सुंद सल लिरगिरि महरै नीकमल ब्रह्म :
- 4.4 सिलिंखार सलनि गुबै बाध्रा :
 - 4.4.1 सिलिंखार सलवाव बेरखांनाय नोगोर मोखाडारि सावगारि :
- 4.5 उद्रायनाय सलनि गुबै बाध्रा :
 - 4.5.1 उद्रायनाय सलवाव बेरखांनाय समाजारि सावगारि :
- 4.6 बुलि सलनि गुबै बाध्रा :
- 4.7 नीलकमल ब्रह्मानि सल फोरमायनाय आदब :
- 4.8 सारबाहागो (Summing Up):
- 4.9 जानो हाथाव सॉलुफोर (Probable Questions) :
- 4.10 फरायनो गोनां बिजाबफोर (References and Suggested Readings) :

4.1 बेखेवनाय (Introduction) :

बे खोन्दोसायाव नोंथांमोना नीलकमल ब्रह्मनि 'सिलिंखार' 'उद्रायनाय' आरो 'बुलि' सुंद सलनि सोमोन्दै फरायनो मोनगोन । बेखी फरायोबला नोंथांमोना सुंद सल लिरगिरि महरै नीलकमल ब्रह्मखी सिनायनो हागोन, त्रिथाडल लिरनायाव बाहायनाय सल फोरमायनाय आदब, बाध्रा रायज्जायनाय आदब बाहायनाय बेनि

बार्गे मिथिनो मोनगोन । बेफोरनि अनगायैबो सलनि सोमोन्दै फरायलांनानै नोंथाइ बुजिखौ, ना बुजियाखै बेफोरखौ जखा सुता नायनायनि खाबु मोनगोन । लोगोसे नीलकमल ब्रह्म बिधानि सलफोरनि सावरायलांनानयनि सोमोन्दै फरायना बेफोराव समाजनि माबादि सावगारि आरो माबादि थाखोनि सुबुनि सावगारिया बेरखांदो बेफोरनि सोमोन्दै गुवारै मिथिनो आरो बिजिरना नायनायनि सुबिदा मोनगोन एबा रोखा रोखायै मिथिनो मोनगोन ।

बेफोरनि अनगायैबो बेखौ फरायोब्ला बेफोर सुंद सलफोरनिफाय आनजादाव फेनो हाथाव माखासे सोथफोरनि मोनसे फारिलाइ आरो बेफोरनि बार्गे गुवारै मिथिसिननो थाखाय हेफाजाव लानो हाथाव बिजाबफोरनि सोमोन्दैबो सुंद फारिलाय मोनगोन ।

4.2 थांखि (Objectives) :

बे खोन्दोसायाव 'सिलिंखार', 'उद्रायनाय' आरो 'बुलि' सुंद सलफोरखौ फरायनो होनायनि गुबै थांखिफोरा जादों

- * सुंद सल लिरगिरि महरे नीलकमल ब्रह्मखौ मिथिनो एबा रिनायनो खाबु होनाय ।
- * नीलकमल ब्रह्मनि सल फोरमायनाय आदब आरो बाथा रायज्जायनाय आदब बाहाय नायनि सोमोन्दै मिथि होनाय ।
- * 'बर' समाजनि गेजेराव जानाय नोगोर मोखाइरि सावगारिखौ बेरखां होनाय ।
- * फरायलांनानयजों लोगोसे गावखौनो गाव आनजादनायनायनि गेजेरजों आनजादनि थाखाय बॉरे थियारि जानांगी ब्रेनि बार्गे सांग्रां खालायना होनाय ।
- * 'बर' समाजाव बेरखानाय बायदि सावगारिफोरखौ बिजिरनाय आरो रुजुनानै नायनायनि खाबु होनाय ।

4.3 सुंद सल लिरगिरि महरे नीलकमल ब्रह्म :

बर' धुनलाइ सिबिसुला रायजो राजा बिथामोना बर' सुंद सलनि सम्राट

नीलकमल ब्रह्मखौ सिनायि रावबो गैया। बिथाङ सासे राफोद सुंद सल लिरगिरिमोन। बिथानि जोनोमा ई 1944 मायथायनि 27 आगष्ट खालाराव क'कराझारनि सानजाहा फिसा आबादारि गामियाव जादोंमोन। बिथानि बिफानि मुझ महेन्द्र चन्द्र ब्रह्म आरो बिमानि मुझ मानेश्वरी ब्रह्म।

बिथाङ गामिनियो गुदि फरायसालियाव फरायजेनानै ककराझार गथर्णमेन्ट हायार सेकेण्डारि स्कुलनिफ्राय ई 1965 मायथायाव पि. इउ पास खालामनानै ई 1968 मायथा याव क'कराझार कलेजनिफ्राय बि. ए. खौ अनासं लानानै पास खालामो आरो ई 1971 मायथायाव गुवाहाटी मुलुग सोलोंसालिनिफ्राय राजखान्थि बिगियान (Political Science) आवदायाव एम. ए. खौ बारगयो। बेनिफ्राय बिथाङ ई 1973 मायथायाव क'कराझार हायार सेकेण्डारि स्कुलनि लोगो फोरोंगिरि मावजेननानै ई 1992 मायथायाव भाइस प्रिन्सिपाल आरो ई 1993 मायथायाव प्रिन्सिपाल जायो। नाथाय दुखुनांथाव बाध्रादि बिथाङ प्रिन्सिपाल जानानै थानाय समावनो ई 1998 मायथायनि 24 नवेम्बराव मिथिसवाजासे बिथाङ रेल लामायाव अबथिरायै जिव खोमाना लायो।

थेवब्लावो बिथाङ खम बैसोयावनो अबिथिरायै जिव खोमाना लादोंमोनब्लावो बर' धुनलाइनि फोधाराव गोबां बिहोमा हालांदों आरो गावखौनो सासे धुनलाइगिरि महरै गायसननानै गालानो हादों। मुंथियै नीलकमल ब्रह्म बिथाङ बर' धुनलाइनि फोधाराव गावखौनो सासे सुंद सलनि लिरगिरि महरै गोगोमै गायसननानै गालानो हादों। अदेबानि बिथाङ गावखौनो गाव बर' धुनलाइनि फोधाराव सुंद सलनि सम्राट महरै गायसनलानो एबा सिनायथि होलानो हादों।

बिथाङ गावखौनो गाव सुंद सलनि सम्राट होनना सिनायथि होलानो हानायनि आन्दोयाव दङ बिथानि मेंनो रोडि आखुजों गोबां राफोद सुंद सल सोरजिनाय। बिथानि लिरजानाय सुंद सल बिजाबफोरा जावाय फारिवै - (1) हाग्रा गुदुनि मै (1984)। (2) सिलखार (1984)। (3) सिरिनाय मन्दार बिबार (1984), (4) साखन्द्रा (1987) आरो (5) मेम दावदै () बायदि बिजाबफोरखौ मुंखनो हायो। बेखिनियावनो मुंखनाया मोजादि बिथानो 'सिलखार' सुंद सल बिजाबनि थाखाय ई 1998 मायथायाव बर' धुनलाइ आफादा रंसार बान्थाखौ होयो।

जोबनायाव जों बेखौने बुंनंगोनदि * नीलकमल ब्रह्म बिधाळतो वर' धुनलाइनि फोथाराव बांसिन आरो राफोद सुंद सल बिजाव लिरनानै गालांबाय। बिधांनि लिरलांनय बैफोर सलफोरनि बांसिन सलवावतो दुखुथिया सुबुंनि दुखु दाहा, गांनय उखैनाय, आंखाल अजद, गोखोंथि लोरबांथि, अननाय मुर्गेनाय सुबुंनि बायदिसिना गुन, गेना गोरोंन्थिफोर रोखा रोखायै बेरखाडो। बेफोरनि रोजेरजों सुबुंनि बैफोर गेना गोरोंन्थिफोरखौबो सुन्नानानै लानायनि थाखाय जोखौ आसि दिन्थिनानै होयो।

4.4 सिलिंखार सलनि गुबै बाथा :

रुंसारि नीलकमल ब्रह्मनि 'सिलिंखार' (1984) सुंद सल बिजाव गासै दों जिबा (15) सुंद सलफोर दडब्लावो बेवहाय 'सिलिंखार' सल बिजावनि बिमुं सैल (Title Story) 'सिलिंखार' सलवाव बेरखांनय गुबै बाथाखौल सावरायनाय जागोन।

'सिलिंखार' सलवाव बेरखांनय गाहाइ आखुवा जादों सासे ग्रेजुयेट सेंगारि द्रायभार अबिनाश (बिमलेन्दु) मौसाहारी।

अबिनाशा (बिमलेन्दु) सासे गोरिब एल. पि. स्कुलनि फोरोंगिरिनि फिसाळामोन। बारा नडब्लावो बिहा बिफा फोरोंगिरिनि सनमानखौ लाखिनो हानाय आरो गावनि थाखाय माबा मोनसे मावनानै थाखि थुखि जालानो हानायबादि बि.ए. आनजादखौ पास खालामदोंमोन। बिफा थैखांनयनि उताव नखर सामलायनायनि गिलिर बिबाना अबिनाशनि सायावनो गोर्लैदोंमोन। ओरेंनो बिसोरनि नखरनि हालसाला मौजां नंखायामोन। बेबादि अबस्थायाव नखर सामलायनायनि गिलिर बिबानखौ बानसनाना जायखिजाया फिसा फिमो मोनसे साखि नायगिरबायदोंमोन बियो। साखिखौ मोनाखै नड मोनदोंमोन मोनसे प्राइथेट कम्पेनियाव केरानि। नाथाय दुखुनि बाथाया जाबाय इनाय अतागारिनि बेरखायै सानफ्रौमबो गसंधिया बिनि आखुवानो बिखौ साखिखौ खोमागतै लाफिननो गोनां खालामदोंमोन।

सानसेखालि जेबला गावसोरनि आफिसनि बसा गावनि सेम्बाराव गावनि आफिसनिनो घेन ग्राफार मिस लिंडखौ गोबाखबनाने गावनि इनाय हास्थायनायखौ

सुफुनो नाजागासिनो दंमोन अब्लानो मिस लिंडनि राहागोथे हसिखावनायखौ खोनाना बिखौ रेखा खालामहेनायनि थाखायनो गावनि केरानि साखिखौ खोमानानै लानो गोनां जादोंमोन अबिनाशा । साखिखौ खोमाना लानाना बियो जोबोद हालाय हाफाय जानांदोंमोन । गावनि उदै थायसेनि थाखाय साननांगौ बारा गैयाब्लाबो साननांगौ जादों रान्दि बिमा बुरै, गावनि अनजालि बिसि आरो उजि गोदान गावनि उन्दै गथनि उदैनि थाखायनो । मानोना अबिनाश (बिमलेन्दु) नडाब्लानो बिसोरनि नखराव सानसुवावेनो हर गेजेरनि खोमसि । अबिनाशानो (बिमलेन्दु) बिसोरनि जेनिबो राहानि गुदि ।

अबिनाशा (बिमलेन्दु) केरानि साखिनिफ्राय होखार जाखानानै जायखिजाया गुबुन मोनसे फिसा फिसौ साखिनि थाखाय हालाय हाफाय नायगिरबायो । नाथाय आथिखाल समाव दोहोन दौलत, रां-रूफा गैयाब्ला, मन्त्री, एम. एल.ए. नि बाय बाहागि नडाब्ला साखि मोननाया गोरलै नडा । अबिनाश (बिमलेन्दु) नि जिवावबो बिदिनो जायो । बियो दरखं-दरखं गिदिंबायनानैबो फिन साखि मोनसेनि राहा खालायना लानो हायाखैसै । फारसेथिं अबिनाशा गाजि आखलनि होननानै साखिनिफ्राय होखार जानाय बिन नंखाय रेकडंयाबो बिखौ गुबुन साखि मोनफिननायाव हेंथा होयो ।

गुबुन जेबो साखि मोनफिनाखैसै । उदैनि उखैनायखै सुफुनो थाखाय एखम्बा रिक्सा सालायनो आरो एखम्बा हटेलनि बय जानो सानो । नाथाय गावनि ग्रेजुयेट जानायानो बेनिबो हेंथा जानानै फैयो । उनाव बियो राहा गैयिनि गावनि गासिबो सैथोखौ दोनखोमानानै डिग्रिनि आनजाद होखानानै भकेसनेल इनस्टिटुटनिफ्राय लानाय लाइट भेहिकलनि ट्राइभिं लाइसेन्साव गावनि गुबै मुंखौ जाल खालायना बिमलेन्दु खाखलारी खालायनानै लायो । बेजोंनो बियो इलेक्ट्रनिक इन्डिया प्राइभेट लिमिटेडनि मेनेजिं डिरेक्टर बिप्रकाश काथामनि ट्राइभार साखि मावना जिव खानो नाजायो ।

अखा नायब्लानो बिप्रकाशनि मांगाय हरनानै लाबोनाय लिमसिन गारिखौ हुगारनानै साहाब (बिप्रकाश) नि फिसाजो सुरेखाखौ कलेजसिम दोनहैनांगौ, बेनिफ्राय फैनानै साहाबखौ अफिससिम दोनहैनांगौ फैनाय समसिम अफिसावतो धाफाहैनांगौ । अफिसनिफ्राय फैखानानैबो साहाबा एखम्बा क्लब, एखम्बा पार्टी

आरो एखम्बा कनफारेन्स फोराव बाहागो लाहैयो। बेफोरबावो दोनहैनांगी बिमलेन्दुवा। बेफोरबादि सानफ्रॉमबो अफिसार आरो अफिसारनि फिसाजॉनि थिननाय बादि खामानि भावनांगी जानायाव ग्रेजुयेट बिमलेन्दुनि (अबिनाश) गोसोयाव दिखार सोमजिखाडे आरो गावखौनो सासे नेहाद मानसि होनना सानबायो। एखम्बा गावनि गुबै मुं अबिनाश मोसाहारिखी लाफिनना तंखाय द्रायभार साखिखौ जाव गारनायनि खोथा सानफलाडे। नाथाय राहा गैया। काथामा बिखौ अबिनाश होनना मिथियेक्ता द्राइभार साखिनिफ्रायबो होखारनो हागी। मानोना बियो सिगां जाय कम्पेनीयाव केरानिनि साखि मावदोमोन बैजो इलेक्ट्रनिक्स इन्डिया प्राइभेट लिमिटेड सोमोन्दो दंलायो। ओंखायनो अबिनाशनि सिथिब्राबलायनाय गोसोया (ग्रेजुयेट सानखांधिया) हरखावनो दद्रनानै थाफिननांगी जायो।

बिमलेन्दुखौ काथामनि नखरनि आरो अफिसनि रावबो ग्रेजुयेट होनना मिथिया, मानोना बियो द्राइभारनि साखि लानाय समाव डिग्रिनि फोरमान बिलाइखो होयाखैमोन। बियो थोब्लिद माब्लिदैनो बायदि बायदि साननायनि गेजेरजोंनो बिमरान्दि, अनसुलि बिसि आरो फिसा सासेजों रायजो जालानो नाजादोमोन। नाथाय जोबोर दुखुनि बाथादि सानसेखालि मोनसे रेलवे लेभेल क्रसिडव खारफुनाय एक्सप्रेस ट्रेइनजों हरखावै सौग्रावलायनानै बिमलेन्दु सालायनाय लिमसिन गारिया थेर बेथेर जालाडे आरो द्राइभार (बिमलेन्दुवा) बो जायगायावनो थैयो। लोगो लोगो बिमलेन्दुनि सलवा जोबो। सिबाय बिमलेन्दुवा थैनायनि उनाव बिनि बिसि रान्दिया टाठननि राइस मिलाव माइरं जाउनानै जानांगी जायो आरो फिसाप्लाया बवेबा दाबसे गामियाव मोसी लावखार थानानै जानांगी जायो। बिदिनो सिलिंखार सुंद सलवाव अबिनाश (बिमलेन्दु) नि फिसा नखरा (थेर बेथेर) सिलिंखार जालाडे।

आन्जाद लानाय (CYP)

सौलु : अबिनाशा सोरमोन ?

सौलु : अबिनाशा माबेरें बिमलेन्दु जाखों ?

सौलु : बिमलेन्दुवा मा खालामोन ?

4.4.1 सिलिंखार सलवाव बेरखांनाय नोगोर मोखाडरि सावगारि :

सिलिंखार सलवाव बेरखांनाय नोगोर मोखाडरि सावगारि होननानै बुडोव्ता जों सलनि नैथि खलवाव बेरखांनाय इलेक्ट्रनिक्स इन्डिया प्राइवेट लिमिटेडनि मेनेजिं डिरेक्टर बिप्रकाश काथामनि आखुवाव नुजानाय सावगारिखौनो रायखांनो हायो।

बिथानि आखुवाव सासे डिरेक्टर महरै गोदान मुगानि नोगोर मोखाडरिनि सावगारिया रोखा गेखा बेरखांदों। बिप्रकाश काथामा नोगोरनि सासे सोद्रोम सुबुं महरैनो नुजाथिदों। बिथाल गावनि साखिनि बिबान आरो सोहोरनि बारहावाजों गोरौबफाना थानो थाखायनो गंसे लिमसिन गारिखौं बाहेरनिफ्राय मांगायहरनानै लाबोयो। बिखौ सामलायनो आरो सालायनो थाखाय बिमलेन्दु मुनि सासे दुखुथिया सुबुंखौं द्राइभार महरै लाखिदों। नाथाय बि द्राइभारनि गुबै मुड अविनाश मोसाहारी, मोनसे अफिसनि अफिसारनि इनायनि बेरखायै गसंथिनाय समाव केरानि साखिनिफ्राय होखार जानाय सासे जाखांफुनाय ग्रेजुयेट सेंग्रा। नाथाय बिनि जिवनि दुखुथिया जारिमिन एबा गुबै मुंखौ बिप्रकाश काथाम एबा बिनि नखरनि रावबो सुबुड मिथिया। मिथिनायमोनव्ला जानो हागौ बिमलेन्दुवा गावनि द्राइभार साखिखौंबो खोमानानै लानो गोनं जागौमोन।

बेनिखायनो बिमलेन्दुवा अखा नायव्लानो काथामनि आरो बिनि नखरनि सुबुंफोरनि बायदि बायदि गोदै-गोखा राव खोनासनाडो- 'द्राइभार, गारिया बहन, सुरेखाहा कलेजनि सम जाबाय', आमोखा लाय, आमोखायाव दोनलां बायदि बायदि।

बिमलेन्दुवा सानप्रेमबो फुडव सिखारनानै साहाबनि मांगायहरनानै लाबोनाय लिमसिनखौ हुगारयां बुछियां खालामखांनानै साहाबनि फिसाजो सुरेखाखौ कलेजसिम दोनहैनांगौ। फिसाजोखौ दोनना फेखांना साहाबखौ अफिससिम लानानै थानांगौ। साहाबनि अफिस आवारा जोबजासे अफिसावनो नेनानै थावाय थानांगौ। सानजौफुनि जनायखौ अफिसनि केन्टिनावनो जानायनि बन्दबरथरखौ अफिसारा खालामखानानै होदों। जानायनि खरसाबो कम्पानिनितो। अफिसनिफ्राय फेखांनानैबो साहाबा ओंखारबावो एखम्बा क्लाब, एखम्बा पार्टी आरो एखम्बा कनफारेन्साव बेसिम साहाबखौ दोनलाडो बिमलेन्दु द्राइभारानो।

बेफोरबादि इलेक्ट्रनिक इन्डिया प्राइवेट लिमिटेडनि मेनेजि डिरेक्टर बिप्रकाश काथामनि आखुवाव बेरखांनाय सावगारि गावनि गारि सालायनो थाखाय एखुघायै द्राइभार लाखिनाय, फिसाजोखौ गारिजों कलेजसिम दोनहैनाय, सम सम कलाबाव हाबहैनाय, पार्टि जालायहैनाय आरो कनफारेन्सफोरव बाहागो लाहैनाया गमामायेनो नोगोर मोखाडारि सावगारिया रोखा रोखा बेरखांदों ।

बेनि अनगायैवो ग्रेजुयेट बिमलेन्दु बादि सासे सेंगानि गोसो मिनि दुखु दाहा, बिनि साननाय हनाय आरो नंगुबै रोगथिखौ मिथिनो एबा बुजिनो गाजाथजामो सुरेखा मोनबादि उन्दै बैसोनि सिखलायावो गावनि गोसो बादियै खामानियाव बाहायनाया नोगोरनि भद्र नखरनि, गोरों सुर्बुनि धौले सानखांथिया रोखायै बेरखांदों ।

बेफोरनि अनगायैवो बिमलेन्दु खाखलारीया गाव केरानि अबिनाश मोसहरो जानानै थानाय समाव नोगोरनि गुबुंले चार हावाजों गलायमोनदेर जानानै अफिसनि बसानो गावनि अफिसनिनो स्टेनग्राफार मिस लिंडखौ गावनि सेम्बाराव लेंहरनानै गोबाखबनानै गावनि इनाय हास्थायनायखौ सुफुंनो नाजानाय बेफोर सावगारियावो नोगोर मोखाडारिनिनो नेरसोन ।

आरोबाव द्राइभार बिमलेन्दुवा सानसेखालि मोनसे रेलवै क्रमिडाव खारफुनाय एक्सप्रेस ट्रेडनजों सौग्रावलायनानै थैनायनि उनाव बिनि बिसिया सोहोरनि गंसे राइस मिलाव माइरं जावनानै जाग्रा जानायानो सलवाव बेरखांनाय नोगोर मोखाडारि सावगारि । मानोना आथिखालाव सोहोराव दिंखिजों माइ सौनायनि सोलाय मिलजोंसो सौनाय जासै ।

बेफोरबादिनो सिलिंखार सुंह सलवाव काथाम आरो गंसे अफिसनि बसनि आखुवाव बेरखांनाय सावगारिफोरखौनो नोगोर मोखाडारि सावगारि होन्ननै रायथिनो हायो । अवस्ये सलनि जोबथारनायाव बेरखांनाय बिमलेन्दुनि फिसाजनाया वबेवा दरसे गामियाव मोसौ लावखार जानानै जाहैनाय सावगारिया नंगुबै चर नि गामियादि सावगारिया रोखा रोखायै बेरखांदों ।

S.A.Q.

सॉलु : सलबाब बेरखांनाय नोगोर मोखाडारि आरो गामियारि
सावगारिखौ फोरमाय । (30 सौ सोदोबजों फिन)

4.5 उद्रायनाय सलनि गुवै बाथा :

सुंद सलनि सम्राट नीलकमल ब्रह्मनि 'उद्रायनाय' सुंद सलबा दोसे फोरमायनाय आदबजों लिरनाय थासरि गाहाइ नखरारि (Family based) सुंद सल। बेवहाय लिरगिरि बिथाइ उइभिं सुपरिटेन्डेन्ट बिथां मनिराम बागलारीखौ गावनि इनाय खामानि मावनायनि थाखाय गावनिनो एम. ए पास जानाय हाबा जानो गोनां फिसाजो बनसिया उद्रायनाय खोथाखौ फोरमायदों।

जाथाया औरैबादि, मनिराम बागलारीया उइभिं सुपरिटेन्डेन्टनि साखि मावो। बिहा-बिसि माया राणी बागलारी, एम. ए. पास जानाय फिसाजो बनसि आरो हाबा जानाय फिसा हौवा इन्जिनियार सासे दं। साबा फोलेरनि गंसे फिसा नखर। बिसि मायाराणी बागलारीया गोदान मुगाजों गोरोबफानो नाजानाय आरो (High ambitious) गोजौ मिजिंथिया Ultra modern आयजो। बिति लुबैनायखौ सुफुंनो थाखायनो मनिराम बागलारीया गौहाटीबादि नोगोराव R.C.C. building लुनो गोनां जादों, एम्बासादर गंसे बायबबनो गोनां जादोंमोन। मनिराम बागलारीया बिसिनि लुबैनाय खिनिखौलदि सुफुडे बिदि नडमोन। गावबो सासे गोजौ मिजिं लुबैग्रा (High ambitious) सुबुंमोन। जायनि थाखाय बियो फिसाजो बनसिखौ कनभेन्ट आरो मिसनारी कलेजाव फराय होदोंमोन, फिसाज्लाखौ इन्जिनियारि फरायहोदोंमोन।

सानसे समाव बिमा बिफानि लुबैनायबादिनो फिसाज्लाया इन्जिनियारि पास खालामना सिमलायाव सेन्ट्रल पि. डब्लिड. डि नि इन्जिनियार साखि मावहैयो।

फिसाजो बनसियाबो एम. ए. खौ पास खालामो। थेवब्लाबो बिसि माया राणी बागलारी आरो मनिराम बागलारीनि लुबैनाया जोवनानै थाडखैमोन। बिसि माया राणी बागलारीनि हाबा जानानैबो हाबा जायिबादि बब खाट खानाय लालायनानै बेनारसि कन्विथस्म सारि गाननानै, मोदोम मोखांनि तकल रुकखौ लाखिनो फरेइन कसमेटिक फोनलायनानै अरायबो देलायना थानो लुबैनाय बिसिनि गानाय उखैनाथरखौ सुफुनो आरो एम. ए. पास जानाय फिसाजो बनसिखौ सामे डाक्टरजें गाजा गोमजायै हाबा हरनो मनिराम बागलारीनि गोसोनि लुबैनाया जोवनानै थाडखैमोन। जायनि थाखाय बियो ट्राइबेल साबप्लेननि त्रै लाख रां राननायनि बिबान मोननाय समाव कनट्रेक्टरजें लोगो जानानै दाइनजि हाजार गावनि बैंक एकाउन्टाव बोहैखेलांहोयो। उनाव बेफोर थाखाजोंनो मनिराम बागलारीया फिसाजो बनसिखौ सामे डाक्टरनो हाबा हरनो लाहार फाहार खालामो। हाबायाव फिसाजोने हरनो थाखाय गोदान गोदान फानिसार, सना-हिरानि गहेना, रेडिअ ग्रामफोननि सेट बायदि बायदि बायो।

नाथाय बेसेबां सान बेफोरबादि इनाय हाबाखौ मावखौमावय थानो। गान्दासे मोसौ अरथाराब्ला मोसाया गावनो मोसौजें सिथार जाफिनो होननाय बाथा फंसे दं। बेबादिनो बे खेबनि सुरां खामानियाव मनिराम बागलारीया खारगनो हायाखिसै। बिन 80 रोजा रां हरब खालामनायनि रोखा फोरमान दं। जायनि थाखाय बिखौ साखिनिफ्राय होखारनाय जानायसै।

बेफोरबादिनो मनिराम बागलारीया रियायार जानो बोसोरसेलसो सम थानाय समावनो गावनि इनाय खामानि मावनायनि थाखाय साखिनिफ्राय होखार जाखानायनि उनावनो बिन नखराब खोमसि जोमैया साथिफब फेनायसै। बनसिया बिफाखौ अलखदिनफ्राय बासायना थाखाय खामानि मावनो गावजें हाबा जानो गोनां डाक्टरखौ हाबानि थाखाय गावखौ बोसोरनैसो नेथबावनो थिनदोंमोनं। डाक्टर नाथाय नेथवाखैमोन। बियो गुबुन सिख्लाखौसो हाबा लदोंमोनं। बेनि उनाव बनसिया सिरिकालसार आरो उइभिनि सेक्रेटारीखौ लोगो हमनानै बिफानि साखिखौ लाखिनायनि राहा नायगिरहैदोंमोनं। नाथाय सेक्रेटारी बिथाड राहानि सोलाय 'सरि, सासे नेहाद सुपरिन्टेन्डेननि थाखाय आं डिपार्टमेनखौ जहन्नामाव थोहोतो हाया।'

हौननानैसो थिनहरदोंमोन। बेनि उनाव रहा गैथिनि बिफाखी बासायनो थाखाय गावनि असे बिदा इन्जिनियारखी लोगो लाहैदोंमोन। नाथाय बिदायावो बिखी थाला थुलासो बुंदोंमोन - "आफाया सिखावमोन होन्नानै आंबो सिखाव जानांसिगोन नामा ? आफानि इनायनि साजाखी आं बानसनो हाया।"

बेफोरबादि बिफाखी बासायनो जेबो गुदि राहा नायगिरना मोनैनि बनसिया दुखुवावनो नैथि राहा महरै अफिसनि दरखं दरखं गिदिदोंमोन जायखिजाया मोनसे फिसा-फिसौ साखिनि थाखाय। नाथाय बिफानि बदनामनि थाखाय बियो जेरावबो साखि मोना।

उनावहा जेबो राहा-लामा नायगिरना मोनैनि बनसिया गावनि हाबायाव होनो थाखाय बिफाया बायनाय सना हिरानि गहेनाफोरनि अनगायै न आरो गावनि हाबानि थाखाय बिफाया सोरजिनाय जौथुखफोरखी गसिखीबो गावजोंनो हाबा जानो गोनां डाक्टरनो फानहरनानैब्लाबो दाइनजि रोजा रंखी सरखारनो रिफान्द खालामदोंमोन। थेवब्लाबो बनसिया बिफाखी जेल जानायनिफ्राय बासायनो हायाखिसै।

आन्जाद लानाय (CYP)

सौलु : मनिराम बाग्लारीनि साखिया मानो जोबदोंमोन ?

सौलु : मनिराम बाग्लारीनि बिजिनि आखला माबादिमोन ?

सौलु : बनसिया मानो हाबा जायाखैमोन ?

जेलाव थानायनि दानबासो उनावनो दुखु-दाहा आरो जिंगायाव बिथां मनिराम बाग्लारीया हार्ट फेइल जानानै थैनायसै। बिफा थैनायनि रादाबखी मोननानै सिमलायाव थाहैनाय बिदा इन्जिनियारा गोदो बिफा लुनानै होलानाय गामिन बिफरधैनि नवाव सारादुखी खुंपैनायसै। सारादुखी खुंखानानै बिदा इन्जिनियारा बनसिखी गावजों थांफानो लेंदोंमोन। नाथाय बनसिया बिदाखी बासायनायाव हेफाजाव विना मोनै बिदाजों थांफानो राजि जायाखैमोन। बियो बिमाखी बिदाजों थिनहरदों, लोगोयाव एम्बेसादर गारिखीबो बिमानो हरफादों। नाथाय बिमा बिदामोना सिमलायाव थांखानायनि उनाव गाव बिफरधैमोननि नवावनो दानब्रैसो थानानै खोला भारतनि

बबेबा मोनसे केथलिक चाचीव 'नान' जानानै थाहैयो। सलवाबो बैबादिनो जेबो।

सलवाब बेरखांनाय जाथाय आरो सावगारिखौ नायोबना नीलकमल ब्रह्मनि सल आरो सलनि मुंजो गौरोबफ्लेथारनायखौ तुनो मोनो। मानोना फिसाज्जाया बिफाखौ बासायनो जेबो खामानि मावाखैब्लाबो धैखांनायनि उनाव चारादु खुंफेनानै उद्रायदों, बिफाखौ जेल जानायनिफ्राय बासायनो हायाखैब्लाबो निखावरिफोरनि इनयै थाखा जानाय दाइनजि रोजा रंखौ होफिननानै बनसिया बिफानि आखलखौ उद्रायदों, बिफायाबो गावनि इनय खामानि मावनानै नखरनि सुबुंफोरखौ लाजि फोनांनायनि थाखाय जिउ फोजोवना लानानै उद्रायदों राणी बागलारीया गावनि गोजौ मिजिं लुबैनाय इनय खामानिनि थाखाय फिसायखौ खोमाना लाडाना उद्रायनांदों आरो बेफोर गासिबो जाथाया गावनि थाखायनो जानायनि थाखाय गोबां नाजासेयावबो उदां खालामनो हायि बनसिया जेबो राहा गेदैन हाबा हुखा जाया लासिनो अरायनि थाखाय 'नान' जाना थानानै बिफाजों लोगोसे सलनि गासे जाथायनिनो उद्रायदों।

S.A.Q.

सॉलु : गान्दासे मोसौ अरथारोब्ला मोसाया गावनो मोसौजों सिथार जाफिनो। - खोथाखौ बिजिर। (25 सों सौदोबजों फिन)

4.5.1 उद्रायनाय सलवाब बेरखांनाय समाजारि सावगारि :

सुंद सलनि सम्राट नीलकमल ब्रह्मनि 'उद्रायनाय' सुंद सलवाब बेरखांनाय समाजारि सावगारि होननानै बुडोब्ला सलनि गासै जाथायनो समाजठ जाम्लेबय धांनाय मोनफा मोनफा जाथाय होननानै बुंनांगोन।

मानोना सलवाब नुजाथिनाय मनिराम बागलारी, भाया राणी बागलारी, इन्जिनियार, फिसाजो बनसि बिसेर गेदैंबो समाजनिसे साफा साफा थान्दै। बेवहाय सलनि आखुवाव बर' गुंभे म् होनानै जाथायखौ फोरमायलांदोंब्लाबो

सलवाव बेरखांनाय जाथाया खालि बर नि समाजावल नथेनाथै थायाखै । मनिराम, माया राणी आरो बनसि मोननि जिवाव जानाय जाथाया दुलाराय बहुमनि जायखिजाया माहारिनि सुबुनि जिवाव जानो हाथाव मोनफा गोधां समाजारि सावगारि ।

गोदान मुगानि गोदान समाजनिनो थान्दै माया राणी बागलारीया हावा जानानैबो, फिसा-फिसा थानानैबो हावा जायैबादि देलायमांग्रि खानाइ बब काट लाना, बेनारसी कन्जि भरम शारी आरो मोखांखी नंखाय समायना दिन्थिनो थाखाय फरेइन कस्मेटिक फोननाय, बेफोर जेबो गिदिर बाध्रा नड। मनिराम बागलारी मोनबादि सुपारिन्टेन्डन साखि मावलायनाय सुबुड गोदान मुगानि गोदान समाजजो गोरुबफानानै गावनि फिसाज्ला फिसाजोखी कनभेन्ट आरो मिसनारी कलेजाव फरायहोना डाक्टर इन्जिनियर खालामनो-मिजिंथिनाया जेबो गिदिर बाध्रा नड। नाथाय गावनि बिजिनि गोजी मिजिंथिनायखी सुफुनो आरो गावनि सासेल फिसाजोखी अराय आलो गोजोनै लाखिनो थाखाय उनगोग्लैसोनानै थानाय रोजा-रोजा ट्राइबेल सावप्लेननि बै लाखरंराननायनि बिबान मोननानै दाइनजि रोजा रां गावनि बेंक एकाउन्टाव बोंहैलांहोनायासो साननांगी बाध्रा जादों ।

बै दाइनजि रोजा रंजोनो बियो गावनि सासेल फिसाजो एम. ए. पास जानाय बनसिखी सासे डाक्टरजों गाजा गोमजायै हावा हरनो लाहार फाहार खालामदोंमोन । गोदान मुगानि गोदान समाजजों आलो गोजोनै गोरुबफानानै थलो हानायबादि मनिराम बागलारीया फिसाजोनि थाखाय हाबायाव हरफानो होनना बायदोंमोन गोदान गोदान फानिसार, सना-होरानि गहेना, रेडिअग्राम सेट बायदि बायदि । बेनि आगोलबो गावनि बिजिनि लुबैनायखी सुफुनो थाखाय गौहाटों सोहोराव आर. सि.सि. बिल्डिं लुदोंमोन, एम्बासाडर गारि गंसे बायलाय दोंमोन मावा माबि समाजनि इनाय खामानि मावखोमानानै ।

नाथाय दाइनजि रोजा सरकारी रां हरब खालामखोमानाय बे खेबसेनि दायाव समाजा मनिराम बागलारीखी रैखा खालामाखिसै । फिसाजो बनसिया बेसेबांवा वासायनो नाजासेयावबो बिफाखी रैखा खालामनो हायाखिसै । गावनी हाबायाव होनी होनना बायनाय मुवा जिरादखी गावजोंनो हाव जानो गेनां डाक्टरनो फाननानै न बां फाननानै बिफाया जाखोमानाय सोरखारि रंखी रिफान्ड

खालामब्लाबो बिफाखौ जेल जानायनिफ्राय खारगहोनो हायाखिसै। ओजों बनस्रिया गावनि हाब्राखौबो डाक्टरजों सावरायसेयावबो बिफानि मावनाय इनाय हाबानि थाखाय जाफुंहोनो हायाखिसै आरो गावनिनो असे फिसाज्लायाबो बिफानि मावनाय इनाय खामानिनि थाखाय बनस्रिया बिफाखौ बासायनो नाजानाय खामानियाव मदद होयाखिसै। ओजों बिफाया लाजिनाय, दुखु-दाहा आरो जिंगायावनो जेल सिडावनो दानबासो धानायनि उनाव हार्ट फेइल जानानै थैलानायसै। थैवब्लाबो सिमलायाव थानाय फिसाज्ला इन्जिनियारा बिफा थैनायनि रादाबखौ मोननायनि लोगो लोगो समाजनि नेम लेखा गावनिनो बिफाया लुनानै होलानाय गामिनि बिबथैनि नवाव सारादु खुंफैनानै उद्रायनायसै।

बेफोरबादिनो नीलकमल ब्रह्मनि 'उद्रायनाय' सुंद सलवाव समाजाव थानाय गोजी मिजिं लुबैसुला सुबुडा बांद्राय लुबैसुला जानायनि थाखाय थैनांनाय, समाजाव धानाय एसे रोंफ्रामनाय सुबुंफोरा जाम्बा जाम्बि रायजो राजानि मेगनाव हाद्रि सारनानै फोथायखेबस खालायनो नाजानाय, आइजो माहारिनि आलो गोजोन लुबैनाय आरो बांद्राय खिथिनो नाजानाय (माया राणीनि आखुवाव), आधिखाल समाजाव सोलिबाय थानाय अफिसार सिरिनि साखियावला सुबुंफोरा कन्टेक्टर सिरिनि सुबुंफोरजों आखाय गोरोबनानै गाजिं खामानि मावनाय, बांद्राय गोदानथि (modern) जानो थानानै बबावबा नडा बबावबा सौग्राव हैनानै सिखारनो रोहै जानाय आरो सुबुडा थैयोब्ला सारादु खुंनाय बायदि बायदि समाजारि सावगारिफोरानो रोखा रोखायै बेरखांदों।

S.A.Q.

सौलु : 'उद्रायनाय' सुंद सलवाव बेरखांनाय समाजारि सावगारिफोरखौ सावराय। (25 सो सोदोबजों)

4.6 बुलि सलनि गुबै बाथा :

नीलकमल ब्रह्मनि 'बुलि' सुंद सलवा गाव आंगो सानता फोरसायनाय (Subjective) आदबजों लिरनाय दोसे समाजारि एबा माहारियारि आखु गाहाइ सल। बेवहाय मोनसे समनि धुनलाइनि गोथार सान फालिनायावबो मेगन गोसा हारसा सुबुंफोरनि आरो उदखारि पुलिस, सि.आर.पि. एफ. फोरनि हेंथा मोननांनय बर' समाजनि नंगुबै दुखु गोनां जाथाया रोखायै बेरखांदों। जाय जाथायखौ सलगिरिया खोरोमदाव मुनि सासे मेंो, गिनो रोडैबर' सेंग्रानि आखुवाव बेरखांहोदों। ओंखायोना बेखौ दोसे आखु गाहाइ (character based) सुंद सल होननानैबो बुंनो हायो।

सलवा औरैबादि, खारोमदावा सासे मेंो, गिनो रोडैहारि अनसुला, हारि सिबिसुला मावथि बर' सेंग्रा। नखराव बिमा रान्दिनि अनगायै रावबो थामथि सुबुं गैया। बर' समाजनि बायदि बायदि खामानिफोरजों लोगोसे नखरनि खामानिफोरखौबो गावनो मावनो गोनां जायोमोन। समाजनि खामानिखौ गोसो होसिनना नखरनि खामानिखौ मावनो हायाब्ला बिमा रान्दिजों गुगु गागा रायजानोबो गोनां जायोमोन।

अखानायै जिड नबेम्बर। बर' धुनलाइ आफादनि गोथार जोनोम सान। गुबुन गुबुन बोसोरफोरनि बादि बे बोसोरावबो रायजो राजाफोरा जयै खुंनयनि अनगायैबो सोरखारि फरायसालिफोरनि फरायसाफोराबो आलादायै खुंनो लाहार-फाहार खालामदों। खोरोम दावा गंसे फरायसालिनि जिद नबेम्बर खुंनयनि मावफुं आफादनि नेहाथारि। बे फोरबोयाव गुबुन गुबुन आयदाफोरजों लोगोस बर' रावजों रायथाय लिरनायनि बादायलायनायनि हाबाफारिबो आखायाव लादों। नेहाथारिनि गिलिर बिबानखौ बाननानै गुबुन गुबुन खामानिफोरजों लोगोसे गावबो रायथाय लिरनाय बादायलायनायाव बाहागो लानो रायथाय लिरदों हराव। नाथाय रायथाय लिरनाया आबुं जायियावनो लेनथननि खेरासिना जोबदों। मानोना जिद नबेम्बरनि बायदि हाबायाव नांथाबनानैनो रेसननि कन्टूलाव मोननांगी रेसनखौ लायनो हायाखै।

अखा नायै फुड्कवनो सिखारनानै मोखां सुवा हसिया हराव फोजोबनो हाथि रायथायखौ लिरदों खारोमदावा। नाथाय बे समावनो बिमाया रेसन काई आरो मना गांसे होनानै कन्टूलाव थांनो थिनो। अब्ला खोरोमदावा दग-माग जायो। माबे मोनसेखौ मावजेनगोन। फारसेथिं कन्टूलाव थांनांगी, थाडब्लाबो रसा

नांगोन, मायुरं, खेरसिन, धाव गोथां जेबे गैया नखराव । औजों फरायसालियाव जिद नवेम्बरनि फिरफिला दिखानाय हाबाफारियावो बाइन बजियावना । गाव नेहाथारि जानानै बयनिखुइबो सिगां थानोसो नांगी । गुबुनफारसेधिं गावनि गवथाय लिरनाय खामानियावो जोबाखै । जोबथारनायाव गसिबो साननायखौ मोनसे गोरोबथायाव लाबोनायसै । रेसननि कन्टूला खुलिगौमानि गाव फरायसालियाव धानानै फिरफिला दिखानाय हाबाफारियाव बाहागो लागोन । बेनिफ्राय फिरफिला दिखानाय हाबाफारिया जोबनायनि लोगो लोगो कन्टूलाव धानानै रेसनचौ लानानै नवाव दोनफैगोन । बेनिफ्राय धाफिननानै जिद नवेम्बरनि आफादाव बाहागो लागोन ।

जैरे साननाय और खामानि । दुगैखां लौबखां जिद नवेम्बराव गानतो होननानै सानथामसो आगोलावतो सुनानै दोनखानाय पेन्ट गस्लाखौ साननानै फरायसालिफारसे ओंखारलाडे खोरोमदावा । नाथाय दुखुनि बन्ना । फरायसालि मोनहाल जादो खोरोमदावा । बे समावनो फरायसालिधिनिक्राय मानिबा होखाव हसि जानाय खोनाफैयो । मा जाखो मानि दावराव मिथिनो लुवनायजों दावराव जानाय जायगासिम बियो आगानखौ गोखै होलाडे । अब्ला नुनो मोनबाय गावसेरनि फरायसालिनितो जोलैनि हांगार हारसा गथफोरा बर ' गथफोरखौ फिरफिला दिखानाय हाबाफारियाव हेंथाहोगासिनो दड । फिरफिलाखौ मोनसे समाव हारसा गथफोरा सेखनानै हायाव इनायै आथिजों गाफलेदों । बेखौनो नुनानै हारि अनसुला खोगेनदावनि गोसोया सहायनानै थानो हायाखै । बियो मिथिस्ताबै दावराव दावसनि गेजेराव हाबसनहैनानै फिरफिला सेलायनायनि हाबाफारियाव हाबसन हैदों आरो फिरफिलाखौ होंगो दोंगोनि गेजेरावबो खनखानानै लाहैदों ।

बे समावनो हारिनि उदखारि सि.आर.पि. एफ.फोर फिनानै दावराव दावसिखौ सिलाइन गुलिजों दवथायनो नाजाफैयो । सोरनिवा खुगानिक्राय सि.आर.पि. सोदोब खोनानाय लोगो लोगो खोरमदावावो फारसेधिं गोखां जानानै खारदों फिरफिलाखौ आखायाव लानानै । नाथाय बेबादि अबम्थायाव खोरोमदावखौ सि.आर.पि. एफा बारा गोजनाव खारलानो खानु होयाखैसै । माक्लावानो धिन अहेब सेरजों सि. आर. पि. एफ नि गुलिया हाबलानायाव गोजा दुब्रद थैया स स

बोहैबोदोमोन। खोरोमदावनि देहाया फरायसालिनि बारान्दा सैरावनो लांगाब खुग्लुबसोनानै धाहैदोमोन।

बेबादिनो रान्दि बिमानि नायल जाल सासेल अनसुला फिसाला खोरोमदावनि जिवा बारगलाकेंमोन। थैखांनानै पस्ट-मर्टेम खालामनो लानाय समाव बिनि सिफियाव रेसम कार्डजों खनजावनानै लानाय लेखा बिलाइ गांसे मोननाय जादों। जानो हागौ गाव लिरखांजोवनो हायै आद्रा थानाय रायथायनि उननि बाहागो। जेराव दं --

दिनै बे गोथार सानाव जों बेखौनो समाय लानांगोन - बर' जानो थाखाय जों बर' बिमानि रावजों सोलेंगोन, बर' बिमानि रावखौ मोजां मोनगोन आरो बेनि थाखाय जों नांगौब्ला जीव गारनांगोन। नडाब्ला...

बेफोरबादिनो आद्रायैनो खरारोमदावनि जिवा अबधिरायै गोमानानै धाडे आरो मा जागौमोन बेखौबो सुबुं माहारिया मिथिनो आद्रा थालाडे। बेबादिनो बुलि सलवाबो जोवनानै धाडे।

सलखौ फरायनानै आरो खोरोमदावनि आद्रा थानाय लेखा बिलाइनि लिरनायनिफ्राय जों बे बाथ्राखौनो रोखा जानो हायोदि सलवा बर' समाजनि जारिमिनारि सान 1952 मायथाय बर' धुनलाइ आफाद जोनोम जानायनि उन समनि सल। जाय समाव बर' फोरा असमिया, बेंगलि, रावजों लिरनाय आरो फरायनायखौ नागारनानै गावनि बिमानि राव बर'जोंनो लिरनो आरो फरायनो आखायाव लाजेनदोमोन एबा सोलेंजेनदोमोन, बै समावनो मेगन गोसा उदखारि हारसाफोरा गावसरनि रावजों लिरनो आरो फरायनायखौ नागारनानै बर' रावखौ बोजबना लानायखौ नुनानै मेगन सादोमोन आरो बेखौ नायनानै सिरियै दलरै जनानै थानो हाबाखैमोन। ओंखायनो बरफोरखौ गावसोरनि धुनलाइ सिबिनाय, फोथानाय आरो फेहेरनायाव जेरैनो हेंथा होनांगौ होनना जाय जेरै हागौ और बारसोमदोमोन। बिसोरनि बे खामानियाव नांगौ जायोब्ला बिसोरो पुलिस सि.आर.पि. निबो मदद लादोमोन। बेबादि जाथायनिनो सिकार जानानै सलनि गाहाइ आखु खोरोमदावाबो इतायै 'बुलि' जानादोमोन हारि बेरेखा सि.आर. पि.नि गुलिजों।

S.A.Q.

सॉलु : दिनै बे गोथार सानाव जों बेखौनो समाय लानांगोन बर' जानो थाखाय जों बर' बिमानि रावजों सोलोंगोन, बर' बिमानि रावखौ मोजां मोनगोन आरो बेनि थाखाय जों नांगौब्ला जिव गारनांगोन। नडब्ला खोथाखौ बिजिरा लिर।
(30 सो सोदोबजों फिन)

4.7 नीलकमल ब्रह्मनि सल फोरमायनाय आदब :

सिलिंखार सुंद सल बिजाबाव थानाय 'सिलिंखार', 'उद्रायनाय' आरो 'बुलि' सुंद सल माखासेखौ फरायना नायनायनि उनाव नीलकमल ब्रह्मनि सल फोरमायनाय आदबनि सोमोन्दै एसेब्लाबो हमना मोनो।

गिबियावनो 'सिलिंखार' सलनि बाध्राखौनो सावरायनो हायो। जाय सलवा लिरगिरि बिथानि फोरमायलु (objective) आयदानि दीसे समाजारि सुंद सल। जेराव सलगिरिया सलवाव गाव सासे आखु महै बाहागो लायालासिनो सलफोरखौ गुबुन गुबुन आखु सोरजिनानै गिबिनिफ्राय जोबजासिम फोरमायलांदों फारि फारि।

बिथाड सलवाव बिमलेन्दु मुनि सासे दुखुथिया द्राइभारनि आखु सोरजिदों आरो बिनि जिवाव जानाय बायदि बायदि जाथायफोरखौ फोरमायनोनो आरोबाव बिमलेन्दुवा केरानि साखि मावजेननाय अफिसनि बस, फेन 'ग्राफार मिस लिंड, इलेक्ट्रनिकस इन्डिया प्राइवेट लिमिटेडनि मेनेजिं डिरेक्टर आरो बिनि कलेज फरायनाय फिसानो सुरेखा मोन बायदि आखु सोरजिनानै गाव सलनिफ्राय बायहेराव थानानै जोंनो सलखौ फोरमायलांदों फारि फारि।

बिथाड सलनि जाथायजोंनो जोंनोबो माखासे तंगुबै जाथायनि सोमोन्दै फोरमायलांदों आधिखालाव माबा मोनसे तुवेधाव बिबान मोननोब्ला नासिगौ

सोरबा आखाइ गोलाव गेदेमानि सुफारिस एबा मन्त्री, एम.एल.ए., एम. पि. नि खुरमां बाहागि जानानै उजिनायनि बराथ । दिग्रि एबा क्वालिफिकेसन थाब्लानो साखि मोदायजोया गावनो बिरबोनानै आखायाव जुफिफैनायनि मुगा गैला । सोरबा आखाइ गोलाव अफिसारनि इनायनि बेरेखायै गसंधियोब्लानो गावनि साखिखौबो खोमानानै लानो गोनां जायो । नाथाय गावखौ फोथांना लाखिनो थाखाय सैथोनि मोन्थोरजों आवगाय लांग्रा सुबुडबो उनथाराव सैथोनिफ्राय दोरोदनानै जाल मुं लानानैब्लाबो खामानि मावनांगौ जायो बायदि बायदि ।

बेनि उनाव 'उद्रायनाय' सलखौ नाथोब्ला बेवहाय लिरगिरि बिथां बह्मवा फोरमायलु (objective) एबा फोरमायनाय आदबखौनो लानानै सलखौ फोरमायदों ।

'उद्रायनाय' सलवा दोसे गोदानारि (modernize) समाजारि सुंद सल । जायखौ गामि गफानि गोग्लैसोनानै थानाय जाम्बा जामथा समाजनिफ्राय लानाय जायाखै । बेवहाय गोदान मुगाजों गोरोबफानो नाजानाय उयथिं सुपारिन्टेन्डन मनिराम बांगलारि मोननि नखरनि खावगारि आरो बिनि दुखु गोनां जाथायखौ सलगिरिया सलवाव गाव थोंजों बाहागो लायालासिनो गुबुन गुबुन आखु सोरजिनानै जोंनो फोरमायदों ।

सलवाव मनिराम बांगलारिया ट्राइबेल साबप्लेननि ब्रैलाख रां रानतायनि बिबान मोननाय समाव कन्ट्रेक्टरजों लोगो जानानै दाइनजि रोजा रां हरब खालामनानै साखिनिफ्राय होखार जानाय । बेखौ बासायनो थाखाय गावनिनो एम.ए.पास जानाय फिसाजो बनस्रिया गावनि जाखानो गोनां हाबाखौबो नागारनानै थै थां नाजासेयावबो जाफुंसारै मोनसे दुखुगोनां समाजारि सावगारिखौ जोंनो फोरमायदों ।

बिधाड सलखौ फोरमायनायजों लोगोसे जोंनो बेखौनो फोरोंदों दि जौसे मोसौ जायोब्ला सानसे मोसानिबो मोरोन फैयो । मनिराम बांगलारिनि इनाय खामानि मावनायाबो सिमा बारबायमोन । जायनि थाखाय बियो साखिनिफ्राय होखार जानानै जेल जानाडो आरो उनाव गावनि जिबखौबो फोजोबनानै लानांगौ जादों ।

आन्जाद लानाय (CYP)

सौलु : उद्रायनाय सलवा मा बाहागोनि सल ?

सौलु : बनस्रिया सोरमोन ?

'बुलि' सलखी नायोब्ला बेखी लिरगिरिया बर' समाजनि जारिमिनरि जाथायफोरनिफ्राय खनखानानै लानाय दोसे सल बादि नुयो। जाय समाव बर' हरिया गावनि बिमानि रावजों लिरनो आरो फरायनो लाजेनदोंमोन त्रे 1952 मायथाय बर' थुनलाइ आफाद जोनोम जानायनि उननि समनि सल।

थेवब्लाबो लिरगिरिया बिखी गावनि आंगो सानना फोरमायनाय (Subjective) आदबै सलखी फारि फारि फोरमायलांदों खोरोमदावनि आखनि गेजेरजों। सलवाव सलगिरिया गावनो थोंजोडै बाहागो लानानै फोरमायदों।

बिथानि नोजोराव खोरोमदावा बर' जारिमिनरि बिखायाव जायगा मोननांगौमोन। मानोना खोरोमदावा मेंनाय, जिरायनाय गैया जासे बर' हारि आरो बर' थुनलाइनि फारसे खामानि मावदों। जायनि थाखै सम सम बियो बिमाजों सिन्धाय रायजानो गौनां जादों। खोरोमदावनि बर' हारि आरो थुनलाइ सिचिनायनि नेरसोना मोननै सावगारिनि गेजेरजों रोखासिनै बेरखांदों। मोनसेया जाबाय बर' थुनलाइ आफादनि जोनोम सान फालिनायखी हेंथा हीनाय समाव दावराव शारिसिन गेजेराव हाबसन हैनानै हारसा गथफोरा गापलेनाय फिरफिलाखी खनखानानै लाहैनाय आरो उनाव सि.आर.पि.नि गुलियाव अबधिरायै जिव गारनांनाय आरो धेनायनि उनाव बिनि रेसन कार्डजों जाबजाबना थानाय लिरनाय मोननाय ... दिनेनि वे गोथार सानाव जों बेखीनो समाय लानांगोन - बर' जानो थाखाय जों बर' बिमानि रावजों सोलोगोन, बर' बिमानि रावखी मौजां मोनगोन आरो वेनि थाखुव जों नांगौब्ला जो जिव बारनांगोन। नडाब्ला ...।

खोरोमदावनि जिवाव जानाय जाथाय बर' समाजनि बेलायाव नुजाधिताय गोथां सावगारि। ओंखायनो बेयी दोसे आखु गाहाइ समाजारि एवा महारिस्परि सल।

बेफोरबादिनो नीलकमल ब्रह्मनि सल फोरमायनाय आदबखी नायोब्ला- बिथाड सलवाव गाव थोंजों बाहागो लानाय आरो लायि वे मोननै आदबखीनो बाहायनाय नुनो मोनो। बिथाड एखम्बा सलवाव गाव थोंजोडै बाहागो लायो आगे एखम्बा लाया। थेवब्लाबो बिथाड सलखी वर्गायिनाय आदबजोंनो लिरनायखी रोखा रोखा नुनो मोनो। लोगो बिथाड सलखी समाजनि जायखिजाय

जाथायनिफ्रायनो खनखांना लानायखौ रोखा रोखा नुनो मोनो। एखम्बा बर' समाजनि एखुथा जाथायनि सोमोन्दैबो सल लिरदों। बेफोराव बिथानि नंगुवै हारिनि गोथां सावगारिया रोखा रोखायै बेरखांदों।

4.8 सार बाहागो (Summing Up) :

नीलकमल ब्रह्मनि 'सिलिंखार', 'उद्रायनाय' आरो 'बुलि' सुंद सलनि बे सुंद सावरायनायनिफ्राय सलगिरि महरै नीलकमल ब्रह्मनि सिनायथि, बिथानि सल लिरनायनि आदब बेफोरनि मोनसे सुंद फोरमायथि मोनो। बिथाडा सल लिरनायजों लोगोसे बिथानि सलफोराव समाजनि माबादि सावगारिखौ सलवाव जाखां होदों बेनिबो सिनायथिखौ मोननो धाडो। बिथानि सलफोराव मैखोमै बर' हारिनि गुबुन हारिजों नेवसिजानाय, समाजाव गोनां थाखोनि सुबुंफोरा निखावरि थाखोनि सुबुंफोरखौ माबादि सोबखयो आरो बेंनानै लाखियो बेफोरनि सावगारिखौ फोरमायनाय जादों।

हिनजाव माहारिनि साननाय हनाय आरो लुबैनायखौ जाफुंसार होनो थानायावनो हौवाया माबादि खौफोदाव गोखलैनाडो आरो बेफोरनिफ्राय बारगनायनि थाखाय माबादि खामानि मावनाया मौजां बे सावरायथायनि नेजेरजोंनो मोननो हायो। सिलिंखार सलनि सावरायनायाव बर' समाजनि नोगोराव थाग्रा सुबुंफोरनि थाना थानाय (Life style) आरो बिसोरनि गोसोनि साननाय, बाध्रा बुंनाय आरो हाबा हुखाफोरा आथिखालनि जौगानाय सुबुं समाजजों गोरुबफालानायनि सावगारिखौ एसेब्लाबो बेरखांहोनाय जादों।

बेफोरबादिनो बे सावरायनायाव नीलकमल ब्रह्मनि गासै बिथिंखौ सावरायजोवनो हायाखैब्लाबो सुंद सलनि बिथिंखव बिथाडा होलांनाय भान्दारि (Contribution), बिथानि सल लिरनायनि आदब आरो समाजनि फारसे थानाय बिथानि नोजोर बेफोरबादि गोबां बिथिंनि सोमोन्दै बेवहाय फोरमायनाय जादों।

4.9 जानो हाथाव सॉलुफोर (Probable Questions) :

1. सुंद सल लिरगिरि महरै नीलकमल ब्रह्मखै सावराय ।
2. 'सिलिंखार' सलनि गुबै बाध्नाखी सावराय ।
3. 'उद्रायनाय' सलवाव सोर सौरखी माबौरै उद्रायनायनि खोथा बुंदों सावराय ।
4. 'बुलि' सलवाव मा बुलनि बाध्ना बुंदों? बियो सलनि मुंजों गोरोबदोंना ?
5. सिलिंखार' आरो 'उद्रायनाय' सलवाव बेरखांनाय नीलकमल ब्रह्मनि सल फोरमायनाय आदबखी सावराय ।
6. 'आफाया सिखावमोन होनाँ आंबो सिखाव जानांसिगोन नामा ?'- बेनि गेजेरजों सोर मा बाध्ना फोरमायनो सान्दों सावराय ।

4.10 फरायनो गोनां बिजाबफोर (References and Suggested Readings) :

1. सिलिंखार : - नीलकमल ब्रह्म ।
2. धुनलाइ बिजिरनाय : - गुणश्वर मोसाहारि ।
3. धुनलाइ आरो धुनलाइ : - ब्रजेन्द्र कुमार ब्रह्म ।
4. जथाइ माला : - उमेश बर' ।
5. बर' धुनलाइनि महर : - धरणीधर औवारी ।

खोन्दो-5 (Unit - 5)

सुनि आरो सानसेनि जारिमिन

खोन्दोनि महर :

- 5.1 बेखेवनाय (Introduction):
- 5.2 थांखि (Objectives) :
- 5.3 सुनि सलनि गुबै बाध्ना :
- 5.3.1 सुनि सलवाव बेरखांनाय समाजारि साबगारि :
- 5.4 सानसेनि जारिमिन सलनि गुबै बाध्ना :
- 5.4.1 सानसेनि जारिमिन सलवाव बेरखांनाय समाजारि साबगारि :
- 5.5 नीलकमल ब्रह्मनि आखु एरनाय :
- 5.6 सार बाहागो (Summing Up):
- 5.7 जानो हाथाव सौलुफोर (Probable Questions):
- 5.8 फरायनो गोनं बिजाबफोर (References and Suggested Readings):

5.1 बेखेवनाय (Introduction) :

बे खोन्दोयाव नोंथांमोना नीलकमल ब्रह्मनि 'सिलिखार' सुंद सल बिजाबाव थानाय 'सुनि' आरो 'सानसेनि जारिमिन' सुंद सलनि सोमोन्दै फरायनो मोनगोन । बेखी फरायोब्ला नोंथांथोना 'सुनि' आरो 'सानसेनि जारिमिन' सुंद सलनि गुबै बाध्नाखी मिथिनायजों लोगोसे सुंद सलनि सम्राट नीलकमल ब्रह्मवा सुंद सलनि अनगायैबो थुनलाइनि गुबुन गुबुन आयदायाव होनाय बिहोमानि सोमोन्दै सुंद

फोरमायनाय मोनगोन । बेजों लोगोसेनो सलफोरनि गेजेरजों लिरगिरि बिधाड समाजनि माबादि सावगारिनि सायाव गोसो होयो आगे बेफोरखौ सुझानायनि थाखाय माबादि सानसि फोरमायो बेफोरनि सोमोन्दै फरायनो, गुवारै मिथिनो, साननो आरो बिजिरनो खाबु मोनगोन ।

बेफोरनि अनगायैबो बे लिरबिदांखौ फरायोक्ला बेफोर सल फोरनिफ्राय आनजादाव फैनो हाथाव माखासे सौंथिफोरनि सुंद फारिलाइ आरो बेफोरनि सोमोन्दै गुवारै मिथिसिननो थाखाय फरायनां बिजाबफोरनिबो मोनसे फारिलाइ मोनगोन ।

5.2 थांखि (Objectives) :

बे खोन्दोयाव 'सुनि' आरो 'सानसेनि जारिमिन' सलखौ सोफानाने फरायनो होनायनि गुबै थांखिफोरा जादों :-

- * सुंद सलनि अनगायैबो थुनलाइनि गुबुन गुबुन आयदायाव नीलकमल ब्रह्मनि बिहोमाखौ मिथिनो खाबु होनाय ।
- * सलवाव नीलकमल ब्रह्मनि आखु एरनायनि सोमोन्दै मिथि होनाय ।
- * साना हवा हाबा मावनायनि गेजेरजों माबादि खैफोदाव गोरलैनांगौ जायो बेखौ मोननैबो सुंद सलनि गेजेरजोंनो मिथिनो खाबु होनाय ।
- * फरायलानायनि गेजेरजों गावखौ आनजादिनि थाखाय माबादि थियारि खालामनांगौ बेनि बागै सांग्रां खालामनाय ।

5.3 सुनि सलनि गुबै बाधा :

सुनि सलनि जाथाया जादों फिसाय गारजानाय रनाय मुनि फिसा हिनजाव थानाय सासे आयजोनि गेजेरजों ।

रनाय दहलापारा खाथिनि दाबसे गामियाव गांवखौनो फिसाय गारजालय होनना दुखुथियायै फोरमायथिनायनि गेजेरजों (आस्रय) थानो जायगा नायगिरफैयो । गामिनि मानसिफोरा गिबियाव बिखौ फोथायनो गोबाव मोनदोंमोनक्लाबे बिनि दुखुनि सल आरो बिनि उन्दै फिसा हिनजावनि मोखौखौ नाथनाने गामियाव लाखिनो राजि जायो । बिनिनो फिधाय महरे गावबुराया गावनो गामिनि गोजों

फरायसालिनि गाहाइ फोरोंगिरिनो लुनानै होनाय न खाथियाव रनायनो न गंसे लुनानै होयो।

रनाया गिबि समाव गामिनि रायजो राजानि अननाय आरो फोथायनाय मोननो हायाखैमोनब्लावो उन समाव गावनि आखल आरो महर मोखांजो बयनिबो अननाय आरो फोथायनाय मोननो हादोमोन। उनथाराव लेखा गोरों, हाबाहुखायाव आखा-फाखा, गावनि देहा आरो सोलोजो बयखौबो मदद होप्रा रनायखौ गामिनि बयनोबो नांगो जायो। गामिनि हिनजावफ्रा हाबा-हुखा, मेल मिटिफ्राव रनायनि बाध्राखौ मानियो। थेवब्लावो रनाया मालायनाव प्राय गायफा, सि दाफा खालामनानैसो गावनि उदैनि आदारखौ बुधुमो।

गामिनिनो मायब्रा मुनि सासे बैसो रनाय सेंप्राया रनायखौ बांद्राय अनो। नाथाय बनि अननाया रनायनि थासारिजो गोरोंबनानै नउ, रनायनि नायनानै जामहोने हायै देहानि फारसेसो खुदै गहां गहां नोजोर। जाय आखुनि थाखाय मायब्राया माब्लाबा रनायनि खाथियाव साफिनायनि खावलायाव आखाइ हुब्लिदबो जादो।

बेफोरबादि फिसा-फिसौ जाथायफोरनि गेजेरजोबो रनाया बे गामियावनो थानानै सोलिलानो नाजादो। गोजामबो जाब्राय रनाया बे गामियाव। गामिनि बयबो सुबुनि आंगो जानोबो हादो। बेबादिनो सानसेखालि गामिनिनो सनाथि (समेत-पियननि हिनजाव) मुनि हिनजाव सासेजो रायजोनि देखराव दै लायनो थानाय समाव जानजयाव दैहुखौ दिखहां जाब्लानो हायाव मिथिस्लावा जासे गावनो गाव जालदाव गोग्लैयो। बे रादावखौनो मेसे बोथोरनि बेलासिनि सान हावहां सो सो बार बारनायाव गामिनि खरसाफ्रा गावबुरानि सौरा खामसालियाव जजाफेनाय आरो दुबेन्टि नाइन (मेरेज) तास खेला गेलेबाय धानायफोरनि फारसे गामिनि रुदि फरायसालिनि फोरोंगिरिनि फिसाज्ला दुइसिन रामथेडया हप्रा हप्रा बुनानै तास गेलेनाय जायगाथि खारबोयो। उनाव बयबो जायगामिम थानानै रनायखौ खबर लाहैयो। दान्दिसे उनाव रामथेड बलकनि डाक्टराखौ रनायनि खाथिसिम लानानै फेयो। डाक्टरा रनायखौ नायनानै माबा मुलि लिरनानै होयो। बेखौनो लायनो होवना रामथेड हाखु दाखु जायो। उनाव रायजो राजाफ्रा रामथेडनि खुगानिप्राय मिथिनो मोनो रनायहा माबा 'दानथामनो'।

रामथेडनि बुनाय बे बाध्राखौ खोनानानै रनायखौ खबर लानो फेनाय

बयबो सुबुंफोरा बागदावखाडे। सांखाव बोरायनि धांखु थिंमिथा आखाडनिफाय थल गयो, गावबुराया मिथिगुगुयो गुदि फरायसालिनि फोरोंगिरि बोराया एसे गोजानथिं आनजायलाडे आरो बुरै लाडगिया खेरें मेरें जानाने बुदुं वादां चुडे - 'सिःसिः सिथोर बाथोर ! मुगै सुगै मा रावसै बेफोरलाय ! बुरैनानै थैलाय लांनोसै जेबादिया बेफोर बादिखौ खोनाफेरा नुफेरबोयाखै। दानथामनो र्नायहा ! गामिनिनो सोरबा लांसुनियाया निदानाव मोननानै र्नायखौ बेबादि खालामबाय। गामियाव बेबादि अगेन दाय मावनाय नुनानैबो गावबुराया दाहालागैबो खुगा मुशुनानै दं। सिः सिः थफुवा थफुवा।'' बिब्दि बुंनानै ब्लद ओंखार लाडे बुरै लाडगिया।

र्नायनि बेफोरबादि अबस्थाखौ मिथिनानै गामिनि बयबो सुबुंनि गोसोयाव साननाय सोमजियो- 'सोर जाखो बे लांसुनियाया ? हाराम जादाखौ बेगेखौनो बुखुबनानै होनांगी।' नाथाय बे दायनि थाखाय र्नायखौ बयबो मोजां मोनग्रा आरो फोथायग्रा रायजो राजाफोरा रावबो दायखौ र्नायनि सायाव जाबाखै एवा सन्देह खालामाखै। राहा गोथे र्नायखौ सोरबा जर-जुलुमै सुजुग आदाय खालामदों होनना सानदों। बेनिनो फिथाय महरै गामिनि मायब्रा मुनि सेंग्रा सासेनि एगथुनायाव गामिनिनो गोजी फरायसालियाव गाहाइ फोरोंगिरि मावनाय ग बिन्द मास्तारखौ सन्देह खालामनानै होखार हरनायसै। गामिनिनो सासेल बि. ए. पास जानाय सेंग्रा अबिनाशा गबिन्दखौ मावनायनि जेबो फोरमान गैयाजासे होखार हरनाया हामनाय नड्ड होनदों मोनब्लाबो गामिनि सादा-सिदा सुबुंफोर आरो मायब्रानि र्नायनि देहानि सायाव खुदें गनाने फाव फान्दायनायाव बियो ग बिन्द मास्तारखौ लांखिनी हायाखैमोन।

ग बिन्द मास्तारखौ होखार हरखांनयनि उनाव र्नायनि देहा जोथोन लानायनि थाखै गामिनि बयबो रायजो राजानाव एसे एनै थाखाबो खांनय जादोंमोन मायब्रानि एगथुनायावनो। बेबादिनो लासै लासै र्नायनि देहायाबो मोजां जाबोने हमो। गावबुरायाबो बेफोरबादि समावनो मेसै बोथोरनि बबेबा मोनसे सानाव गावनि फिसाजो लाइमुथिनि हाबाखौ गाजा गोमजायै खुंनो लाहार फाहार खालामदों।

हाबाखालि गामिनि बोराय-बुरै, सेंग्रा सिख्ल, गथ-गथाय बयबो रंजासावदों। बेन्ड पार्टियानो हानजानै, गावोनाबो हरनै। मोसाग्राफोरा मोसादों, गावोन नायग्राफोरा गावोन नायदों, जानायफ्रा जादों, लांनयफ्रा लोंदों जेनिबो

आंखाल गैया। रनायाबो गावनि हामहांनाय देहाजोंनो गिलिर गोसो लानानैरनाबो हाबानि संनाय खावनायाव मदद होफैदों। नाथाय दुखुनि बाध्याया जाबाय-खैफेद गुबैया सफैनायसै जौतुक होनाय समावसो। गावबुराया फिसाजोंनो होनो होननानै सनानि माला दौनै, खेरा जरसे, फिदलाइनि थुरसि गंभ्रै बायनानै दोनफैखादोंमोन। हुम सावखांसि समाव गावबुराया जौतुक होनो होननानै बेफोरखौ दोननाय जायगायाव लायनो थांब्ला बेफोर जेबो गैलामोन। बाकसुनि थालाया गैवनायसो जाना थाबाय। फिसाजोंनो होनो लाबोनाय मोनसेबो बेसादानो गैला। गावबुराया सोमो नाडो, उसु खुधु राहा गोथे जायो। थैवब्लाबो सोलो गोरों गावबुराया जेबो दावराव दावसि खालामाखै। जेबो जायैवादि गासैबो खोथाखौ गोसो सिडववो बोनधुमना दोननानै बेफोर मुवानि सोलायै फिसाजोंनो जौतुक महरै बाजौ थाखासो होनायसै। बेबादिनो हाबायाबो जोबनानै धानायसै।

अखानायैसो गावबुराया सिखाव खावनायनि बाध्याखौ फोरोंगिरि बोराय, सांखाव, मायब्रा आरो बुरै लाउगि-रनाय, सनाथिमोननोबो खिन्थानायसै। बेजों लोगोसेनो सोलो गोरों गावबुराया धानायाव एजाहार गांसेबो होखानानै दोननायसै।

गामिनि गुबुन मानसिफ्रा गावबुरानाव सिखाव जानाय बाध्याखौ उनावसो मिथियो। सानथामसो उनाव मायब्राया माबाफोर उदिस मोनबाय नामा गावबुरानाव सोंफैयो। बेबादि समावनो - 'रनाया फिद जाबावलायबाय, 'सोर बबाव दड - नायनो थांदो माबार।' होननानै रामथेडखौ हखाव हखाव बुनाय खोनानो मोनो। लोगो लोगो गावबुरा, सांखाव, फोरोंगिरि बोराय आरो मायब्रा बयबो रनायनि न सहैयो। जेरैबो गामिनि मानसिफोरनि होंगो-दोंगो, रनायखौ गावनि ननि खामसालियावनो फुधुना दोननानै डाक्टरा इनजेकसन मुहां जादों। बेबादि समावनो पुलिसनि मथर गंसे रनायनि न खाथियाव थाबथा फैयो। फैनानै सानै पुलिसा रनायनि ननि उसुनिफ्राय बाकसु गंसे जावखानानै लायो। रनायखौ खबर लानो ज जाफैनाय गामिनि बयबो मानसिफ्रा सोमो नांजोबो मा जादों, मा मोन्दों जेबो बुजिरोड जायो आरो बयबो जाथायनि सोमोन्दै बुजिनो आरो मिथिनो नाजायो।

बेबादि बुब्लियावनो पुलिस इन्सपेक्टरा कनप्टेबल सानैखौ बाकसुखौ एरखावनो थिनो आरो गावबुराखौ खाथियाव लेंहरनानै गावनि फिसानि हाबायाव होनो लाबोनाय मुवा बेसादफोरखौ दिन्थिनानै होयो। बेनि लोगो लोगो गारि सिडव

पुलिस सानैया बेंनानै लानाय सासे दारि हुमा-हुमि मानसिखौ दिन्थिनानै सिखावा बेनो आरो बेनो रनायनि फिसाय हाननानै फोरमायना होयो। उनाव साबबुरानि गोमानाय मुवा बेसादखौ थानानिफ्राय लायफिनो थिननानै रनायखौबो गारियाव दिखांना लाना पुलिसनि गारिया थाना फारसे होलाडे। अब्नासे गामिनि माक्सिफोरा रनायनि जारिमिननि बाश्नाखौ मिथिना मोनो आरो ग बिन्द मास्तरनि सायाव जाबसिननाय नंखाय दायखौ उथायना लायो आरो बिखौ गामियाव लाबोफिननायनि धांखि लायो। बेयावनो सलवाबो जोबो।

बेफोरबादिनो सुनि सुंद सलवाव रनायखौ गामियाव बेजबना लानाय समनिफ्रायनो सुनि हाबनाय, जाथायफोरा जानाय साबगारिया बेरखांदो दान्दिसे समनि थाखायब्लाबो। उनाव रनायनि फिसाय दाकाइतरखौ हमनो हानायनि लोंगो लोंगो पुलिसनि मददाव गासैबौ जाथाया समाधान जानायाव सलजों सलनि मुंजों गोरोबि बादिसो नुनो मोनदों। थेवब्लाबो सलनि गेजेर खोन्दोसिम सलनि जाथायाव सुनि नांनाय बाश्नाखौनो लिरगिरिया फोरमायनो नाजादों।

S.A.Q.

सॉलु : सुनि सलनि जाथाया सोरखौ लानानै माबेरै जादों ?
(30 सो सोदोबजों फिन)

5.3.1 सुनि सलवाव बेरखांनाय समाजारि सावगारि :

सुनि सलवाव गमामायैनो बर' समाजनि गोखों समाजारि सावगारि बेरखांनायखौ नुनो मोनदों। सरासनसायै बर' समाजनि सुबुंफोरनि सातनाय हनाया थों गोथों, स-सा बेले-बेजे जेथो गोनां तड, गोथों अनमुला-फोथायसुला आखुनि। जायनि थाखाय बिसोरो रनायनि दुखुथियायै बुंनाय बाश्नायावनो फोथायनानै रनायखौ गामियाव थानो जायगा होदों, न लुना होदों बायदि बायदि खेजेदनि समाव मदद होदों आरो हौवा गोमाजानाय आयजो महरै। रनायाबो बर' समाजनिनो बर' सुबुं

महरै बिन आखुवाव रोखायै बेरखांदों। गाव लेखा-फरा गोरों, समायना महर मुस्रि थासेयावबो गावनि सायावनो गुबुन हारिनि सुबुंफोरवादि दुगा खालायालासिनो गामिनि गासिबो सुबुंफोरखौ नांगी समाव मदद होदों। गायनाय समाव गायफादों, दानांगी समाव दांफादों, संनांगी समाव संफादों, मेल मिटिंझव बुंनांगी जादोंबला बुंफादों जायनो जा नांगी गावनि देहा आरो सोलोया थिननाय बादियै समाजनि सुबुंफोरनो होदों। गाव रौनायखौ रोख होननानै हानायखौ हाया होननानै फोलायाखै।

नाथाय बर' समाजाव जेसेबां आंगो जायमानो, जेसेबांनो गोरों, गिदिर जायार्थोमानो बियो समाजखान्थिनि बेरेखा हाबा मावदों होनना मोनधियोबला बिखौ माब्लाबाबो निमाहा होया। जायनि थाखाय रनायनि गोरबोयाव हीवा गैयाजासे दानथाम जानायखौ मिधिनानै बुरै लाउगिया गाब्रि गाब्रि रावजों सौंखारियो आरो बिन दायनिगिरिखौ साजा होनो गावबुराखौ बिजिरना नायनो खावलाय। बिनिनो फिधाय महरै मायब्रानि एरनायाव गामिनि गोजौ फरायसालिनि गाहाइ फोरोंगिरि गविन्द मास्तारखौ रनायजों सन्देह खालामनानै गामिनिफ्राय होखारहरो। बे हावायाव बि. ए. पास जानाय अविनाशनि हेंधा होनायखौ मानियाखैमोन गामिनि लेखा-फरा रोडै-गुबुन सादा बुसा सुबुंफोरा। बे जाथायाव बर' समाजनि लेखा फरा रोडै सुबुंनि अनजिमायादि लेखा फरा रौनाय सुबुंनि अनजिमानिखुरै बारा आरो बिसोरनि साननाय हनायादि जैरैबो खेंखा खेंखि नडै थों गोथों, जायखौ खेबसे नंगी होनना सानना लाबाय बेखौनो फोथायो, फोरमान-सोरमान जेनिबो बिजिरनाय गैया बे बाधायानो रोखा जादों। बेनि अनगायैबो बर' समाजावदि आसारखान्थिनि बेरेखा खामनि मावग्राफोरहा सामाजाव जायगा मोना बेनि रोखा फोरमानखौ होदों।

बेफोरनि अनगायैबो बर' समाजनि सुबुंफोरादि गामियाव खौसेयै गोरोंबलायनानै, अनलायलायनानै रावजो जायो बेनि सावगारिखौ रनायनि फिद जाना गोलैनाय खोननैबो बुज्लियावनो रामथेडानि खुगानिफ्राय मिधिनारयनि लोगो -लोगोनो गामिनि बयबो सुबुंफोरा थानानै खबर लाहैनाय आरो हेफाजाव होनायनि गोजेरजों रोखा जानो हायो। गोजां ब्रोथोरनि समाव ज़ोम-ज़ोम सान्दु सायनाय, बेलासि सानहाबहां समाव मोसा मोसा लायनो सम जाजासिम सोरनिबा नखराव नडाब्ला, दंफानि साया सिंझव जयै जनानै तास गेलेलायनाया बर' समाजनि गोजाम हुदा नडाब्लाबो आधिखालाव मोनसे घेराम बादि नुजाधिबाय। येनिनो सावगारिधा

बेरखांदों गावबुरानि सौरा खामसालियाव ज जाफैनाय गामिनि खरसा सुबुं मायत्रा,
सांखाव बोरायमोना तास गेलेनायनि गेजेरजों ।

बर'नि हाबाब्लाथाय ओंखामनि आलि, बेदरनि आखाय, जौनि फुरिख
होनलाय नायबादि जानाय लोंनाय, रंजानाय बाजानाया सप्ताह खनसेहालागै सेलियो ।
बेनिनो सावगारिया बेरखांदों गामिनि गावबुरानि फिसाजो सेवारिनि हाबायाव
नुजाथिनाय हान्जानै बेन्डपार्टि, हरनै गोजो गावोन दिन्विनाय आरो जेनिबो आंखाल
गैयै जानाय लोंनायनि गेजेरजों ।

आन्जाद लानाय (CYP)

सौलु : रनाया सौरजों दानथाम जादोंमोन ?

सौलु : गाहाइ फोरोंगिरिखौ मानो होखारहरदोंमोन ?

बायदि बायदि जाथायनि गेजेरजोंबोदि बर'नि बिमा बिफाया गावनि
फिसाखौ फिसा बादि सानो, फिसानि खैफोदनि समाव खेचसे अननाय आरो मदद
होनो लुबैया बेनि रोखा सावगारिया बेरखांदों गामिनि सांखाव बोरायनि आखुवाव ।
बियो पुलिसा रनायखौ उदैयाव दानथाम थानाय आरो गले गले फिद जाना गोप्लेनाय
अबस्थायावबो फिसाय सिखावजों लोगोसे गारियाव दिखांना लांनो नागिरनाय
जाथायाव दुखु मोनदों आरो बेखौ पुलिसनो फोरमायदों । गाछि आखुवा
जादों सिखाव खावनाय आरो हीवा गैयि हिनजाव मौजां नुब्ला राहा गोथेनि खाव
लानानै गावनि लुबैनायखौ जाफुंहोनो नाजानाया । बे मोननै आखुवा जादों रनायनि
हीवा सिखाव आरो रनायखौ फिसाय गैयिनि सुजुग लानानै गावनि लुबैनायखौ
जाफुंहोनो नाजानानै रनायजों खावलाय हुन्विदना हरजानाय गामिनि खरसा सुबुं मायत्रा ।

बेफोरबादिनो सुनि सलवाव बर' समाजनि सुबुंफोरनि गोसांनि सान्नाय
हनाय, मावनाय दानाय, बिस्ोरनि आखल आखुनि बाथा आरो सभाजाव थानाय
लेखा रोडै सुबुंनि आंखालजों लोगोसे दुलाराय सुबुं समाजनि गेजेरवा थानाय
सिखाव खावनाय, हाबा फोरबोदाव रंजानाय बाजानाय, हाबायाव बिमा बिफाया
फिसाजोनो होनो गोनां जानाय (जौतुक) जोथोब खांथि बादि समाजारि सावगारिफोरा
रोखा रोखायै बेरखांदों ।

S.A.Q.

सॉलु : सुनि सलवाव वर' समाजनि माबादि सावगारिफोरा
बेरखांनायखौ नुनो मोनो ? (30 सो सोदोबजो फिन)

5.4 सानसेनि जारिमिन सलनि गुबै बाश्चा :

बर्णाइनाय आदबजो लिरनाय 'सानसेनि जारिमिन' सुंद सलवा गाव आंगो सानना फोरमायाय (Subjective) आयदानि दोसे समाजारि सुंद सल। बेवहाय लिरगिरिया गावबो सासे आखु महरै बाहागो लानानै सलनि जाथायखौ फोरमायलांदो।

सलनि जाथाया आसिनि आरो बिनि फिसाय एबा सलगिरि केरानिनि जिवाव जानाय बबेबा सानसे सुनिबारनि। बै सुनिबार सानाव केरानिया जाखां-लोंखां, गानै-जोमै सानफ्रोमबो थांनायबादिनो गावनि दिउथिनि थाखै कटाव थांनो ओंखारो। बे समावनो लांगोना मोनहां जानाय केरानिया फैफिननानै बावगारलांनाय खोलोमखौ बिजिनिफ्राय लानानै गय खान्दिसे जानानै हाखु दाखु ओंखार लाडो। थिंग बे समावनो लांगोना बारहां जाब्ला आसिनिया फिसायखौ उनथिनिफ्राय रावदाव हरो आरो अफिसनिफ्राय फैफिननाय समाव बेदर लाबोफानो मना गांसे जासिहरो। बिजिनि होनाय मनाखौ आखायाव लानानै केरानिया अफिससिम खर होलाखे। जेनेथेनोसो अफिसाव सहैयो बियो एसेबावब्ला एटेन्डन्स रेजिस्टाराव रेड मार्क गोरलैसिगौमोन।

अफिसाव सहैनानै सिलिं एक्टनि जोवनो गैयि होंग दोंगो एमारजेन्सि खामानिफोरखौ मावनो आखायाव लायो। फारसेथिं बस एबा अफिसारनि कमान्ड आरो फारसेथिं पाब्लिकनि प्रेसारनि गेजेराव खामानि मावनांगौ जायो बिसोर। सरकार होननाय दैमानि बोरि फारनै बुरक्रेट आरो पाब्लिकनि दालां बिसोरो। बेफोर जिखियानो जाया मानो फारनैखौबो गोजोन होनायनो बिसोरनि खामानि।

बेबादिनो खामानि मावनो लादो सलनि बिथां केरानियाबो। रेभिन्डि ब्रान्सनि

हेड एसिस्टेन्ट, लिरगिरि आरो सासे टाईपिन्ट बिसोर साथानलजें उकिल, महारि आरो मिलिं एक्टाव हा थांजानाय मक्केलाफोरनि खामानिफोरखौ सोरनिखौ मचग्रोनो सोरनिखौ दौननो जायो। बेबादि अचस्वायाव केरानिफोरनि उजना बाडे। ब्यब्यो गाबनिखौ मावग्रोना हरजानो लुबैथो। नांगी जायोब्ला मावग्रोना हरनायनि थुस्बो होनो राजि जायो बिसोरो। खम बेथन मोनग्रा केरानिफोराबो बे सृजुगखौ नागारनो बायो। उनाव बेबादिनो बिसोरनि आखुवाबो गांजि जालाडो। मनसिनि थें मोनलींदावब्ला मोसा लछाया गुबुन जुनादखौ हीसोनो नागारनानै मानसिखौल होसोग्रा जानायबादि घुस होनाय सुबुंनि खामानिखौलस थाव-थाव मावतानै हरया जायो बिसोर। उनाव माब्लाबा बिनो बिसोरखौ जेयावबो फोना हैयो।

बै सानखालिबो आसिनि फिसाय केरानिया खम रां खामयाखै। उकिल सासेया होनाय थायबा, महारि सासेया होनाय थायबा आरो बबेबा राजान गामिनिफ्राय फैनाय सासे मक्केला गाबनि खामानिखौ थाव मावना हरजानो थाखाय हीनाय थायबा रांनि नट गांनै, गासैजें 20 रां उफ्रा खामायो। बेखनि उफ्रा रां मोनतानै आसिनि फिसाय केरानिया जोबोर खुसि जायो। मानोना बिहा दिनें नवाव आसिनि बिबथैनि फिसाजोला, बिगुमै फँगोन। बे उफ्रा रां खामायनायजोनो बाजारनिफ्राव बेदर लांनानै सानसेबो फैफेरे आलासिखौ बोथिसे थेब्रे जाहोहरनानै मुं खामायगोन। आसिनिया बिबाय धानाय ब्लाउस गांसेखौ बेजोनो बायनानै होफँगोन बायदि बायदि सिमां।

जैरे साननाय अरैरे खामानि। अफिस जोबखानानै केरानिया बाजारसव हाबबोयो आरो बिजिया हरफाखानाय मनायाव आलासिनि थाखै बेदर क्रेजसे लानानै फैयो आरो खामसालियाव नेबाय धानाय बिजि आसिनिनि आखायाव दुगामारा आखुजें गथायनानै आसिनि बिदाखौ फैदोनो फैयखें नाथथिं नयथा खालामनानै मिथिनो नाजायो। उनाव आर्थि आखाइ सुनो होनतानै मिथलाथिं अँखारलांब्ला सिंधिनि खामसालिनि दरखडाव सोरबा जबाव धानायबादि नुयो। उनाव मोजाडै नायना नुयो आलासिया सान्दिनि खुन्दिमो खावगामिनो दं बेखौ मिथिनानै लाजिनाय आरो आसिनिनि सायाव राण जौनायजें आलासिखौने बेबादि खामानि मावहोयोना होनना वादा होनो राव हीहां जाब्लासो आलासिखौ सिनायनायसै, आलासिखौ सिनायनो हानायनि लोगो लोगो केरानि खुगानिफ्राव

गर्हा जानाय रावाबो थाबथानायसै आरो बेबादियैनो बियो ननिफ्राय खारखोमा लानायसै आलासिजों नुजाया मोना। खाफाल मोजांमोन जानांगौ आलासिया गावखौ नुनायनि आवगायनो बियो खारखोमानो हायो।

ननिफ्राय खारखोमा लानानै बियो गोथौवै सानहैयो आलासिनफ्रायनो मानसिया घुस जायोनालै? लाजिनाय आरो मुगैनायजों गावनि सायाव धिक्कार (दुखु) जायो। मानोना अफिसाव जाय मानसिया गावनि पकेताव थायबा रानि नट गांनै सोनानै होदोंमोन ब्रे मक्केलानो आसिनि बिदा केरानिनि बिगुमै। बेफोरखौ सानै सानैनो बियो हर थौब्लाबो, हलनि फरास्ट स सिनेमाया जोबलायलांब्लाबो नवाव थांफिननो गोसो जायाखिसै बै सानखालि। बेवहायनो सलवाबो जोबो।

सानसेनि जारिमिन सलनि गासै बाश्नाखौ नायोब्ला सलगिरिया साननानै लानाय सुनि बार एबा सुनि गोनां बारनि सोलाय बै सानखौ मोजां बार होननानैसो साननायनि बांसिन खाबु दं। मानोना जाय सानाव बियो सानसेयैनो 250 रां दरमहानि सोलाय 20 रां उफ्रा खामायनो हादों बै सानाव बियो आलासिनि थाखाय बेदर लाबोनांगौ, बिजिनि थाखाय ब्लाउस होफैनांगौवा गोबां साननि जेंना जागासिनो दंमोन। बेफोर गासिबो जेंनाखौ बियो खेबसेयैनो मावपुंनायनि खाबु मोनदों। फारसेधिं आसिनि बिदानिफ्राय बियो रांखौ जर जुलुमै बिनानै लायाखै, गावसो गोसो जाना पकेटाव सोना होदों? बेबादि बिथिंखौ नायोब्ला सलगिरिनि थाखाय बेयो मोनसे मोजां बारसो। बेबादि अबस्थायावबो सलगिरिया ननिफ्राय खारखोमा लानायखौ नायोब्ला बेवहाय सलगिरिनि लोरबां बिधिं (weak point) खौ हमना मोनो आरो सलगिरिया आसिनि बिदानि खामानिखौ मावना होनायाव रांखौ गावसो बिदोंमोन हेननानै सानजायो।

S.A.Q.

सौलु : सानसेनि जारिमिन सलवाव माबादि सुनिनि बाश्ना खौ बुंदों बिजिर। (30 सो सोदोबजों फिन)

5.4.1 सानसेनि जारिमिन सलवाव बेरखांनाय समाजारि सावगारि :

लिरगिरिनि गुबुन गुबुन सलफोरबादिनो 'सानसेनि जारिमिन' सुंद सलवाववो माखासे समाजारि सावगारि बेरखांनायखी नुनो मोनो। सोरबा फुडववो जाखां-लोंखां गानै जोमै ननिफ्राय ब्रवाववा थांनो ओंखारोब्ला, आरो वे समावनो ब्रवाववो सौथुयोब्ला एवा मानिबा थाखै उनथिं फावसायनानै फैफिननांगौ जायोब्ला, नडाब्ला सोरबाफोर उनथिंनिफ्राय राव हरोब्ला बै सानाव बिनि दाववायनाया गात्रि (जाश्ना नास्ति) जायो होननानै बर' समाजनि अनगा दुलाराय समाजनि सुबुंफोरनि गेजेराव मोनसे खोमसि फोथायनाय दड। बेबादि खोमसि फोथायनाय मोनसे समाजारि सावगारियावो बेरखांदों 'सानसेनि जारिमिन' सुंद सलवाववो।

जेब्ला आसिनि फिसाय केरानिया फुडववो जाखां-लोंखां, गानै जोमै अफिसाव थांनो ओंखारो अब्ला बियो खोलोमखीं लांनो बावलांनानै ससेनिफ्राय फैफिनना आसिनिफ्राय लानानै बिसिया होनाय गय खान्दिसेखीं खुगायाव सोनानै हाखु-दाखु ओंखार लाडे। वे समावनो बिसि आसिनिया बिरखीं उनथिंनिफ्राय रायदावहरनानै मना गांसे खिन्थिना जासिहरो आरो अफिसनिफ्राय फैफिननाय समाव फैनो गोनां गावनि बिदा आलासिनो बेदर लाबोफानो थिनो। बेफोरबादि मोनसेनि उनाव मोनसे जाथायफोरा दसे समनि गेजेराववो जावाय थानायाव केरानिनि गोसोयाव गिनाय आरो फोथायनाय गैथि सोमजिखाडे आरो गामामायेंनो बै सुनिवार सानखीं सुनिगोनां सान म्हरे सानतो गोनां खालामो। थेवब्लावो सानैसानैनो बियो अफिससिम थाडे आरो खामानि मावनो लायो।

गावबा गावनि मावखानांगौ खामनिखीनो सोरनिबा घुस जानानैसो मावना हरनाय नडाब्ला मावनांगौ समनि आगोलनो मावग्रना हरनाय नडाब्ला घुस मोनजायिनिखीं सम मथै मावना हरै बेयो आथिखाल सोद्रोम समाजनि साखियावला सुबुंफोरनि मोनसे गानो रोडे बेराम। बेयो आथिखाल समाजनि मोनसे गिदर जेंना म्हरे नुजाथिदों। बेफोरबादि साखियावलाफोरा एखम्बा गावसोरनि बे बेरामनि थाखै खैफोदाववो गाब नांनयखींनो नुनो मोनो।

बेबादि मोनसे जाथाय एवा समाजारि सावगारियावो बेरखांदों 'सानसेनि जारिमिन' सुंद सलनि केरानिनि आखुवाव। केरानिया फुडववो जाखां लोंखां जेब्ला अफिससिम थांनो ओंखारो अब्ला खोलोम बावलांनानै ससेनिफ्राय

लायफिननांनय आरो बेनि उनावबो बिजिया उनथिनफ्राय राव होनानै बेदर लाब्रोफानो मना जासिहरनाय गोजोन गैयि सुनिबार साननि साननायखौ लाना अफिससिम थाडे । बियो अब्ला जोबनो रोडिसिलिं एक्टनि खामानिफोरखौ लाना खामानि मावनो लायो । मावखानांगौ खामानिफोरखौ मावनायनि अनगायैबो सोरबा रां एसे पकेटाव सोनानै होयोब्ला थाब थाब मावनानै हरनाया अफिसनि केरानि सिरिनि साखियावलाफोरनि गानो रोडिबेराम । बेबादिनो आसिनि फिसाय केरानियाबो सोलो गोरों पियन-महरिफोरनि दारै नडब्ला सोरबा उकिलफोरनि दारै रां एसे एनै लादों आरो खामानिफोरखौ मावग्रोनानै हरदों । खानु मोननायखौ वुरजा लादों खाबु मोनैफोरखौ खम लादों । जायखिजाया घुस होनायफोरनि खामानिया थाब थाब जादों । बेबादिनो सिलिं एक्टाव हा थांजानाय आसिनि बिदा मक्केलनि खामानियाबो जि (10) रंजोंनो थाब जाना फैदों सासे उकिलनि दारै । नाथाय आसिनि फिसाय केरानिया बे मक्केलानोदि गावसोनाव फैनो गोनां आसिनि बिदा बे. बाश्राखौ मिथिया । जेब्लानो नवाव फैनानै आधिं आखाय सुखानानै आसिनिया आलासिखौ सान्द्रिनि खुन्दि खावहोनायखौ बादो होनो धांहां जायो अब्लासो आलासिखौ सिनायो । अफिसाव जायनिफ्राय सासे उकिलनि दारै जि रां घुस जादोंमोन बे मक्केलानो आसिनि बिदा आलासिया । बिखौ सिनायमोननायनि लोगो-लोगो केरानिया दसेबो थाबाय थायाजासे आलासिया गावखौ सिनायनायनि आवगायनो ननिफ्राय बबावबा खारखोमाना थाहैयो । जायानि थाखाय सिबाया बेसेबांवा खुसिजों लाना फैनाय बेदरखौ सिन्थायनो आलासिजों खौसेयै जना जानो मोनाखिसै । अब्लानो बियो सुनिबार बारनि नंगुबै सुनि गोनां सानखौ गौसो खंथाबनायसै ।

बेफोरनि अनगायैबो आलासिनो बेदर लाबोनाय, सान्द्रिनि खुन्दि खावनाय बेफोरो मोनफा मोनफा बर' समाजनि समाजारि सावगारि । सानसेबो फैफेरै आलासि फैयोब्ला जायखिजाया राहाजों नडब्ला, ननि जायखिजाया जिनि स फाननानैब्लाबो नवाव बेदर गैयाब्ला बाजारनिफ्राय बायनानै लाबोनानैब्लाबो आलासिखौ बोधिसे धेब्रे जाहोहरनाया बर' समाजनि मोनसे आंगो समाजारि सावगारि । आरोवाव बर' समाजनि नखरफ्रोमबो नखराव, दाला, सान्द्रि, जेखाय, खबाय, सेन बेफोर बादि औवानि आयजेंनि गोनांथि आरो बाहायथिया जुगामि । बेबादि बर' समाजनि समाजारि सावगारियानो बेरखांदों आसिनिया गावनि बिबथैनि फिसाज्ला बिदा आलासिखौ

सान्द्रिनि खुन्दि खावहोनायनि गेजेरजों।

बेबादिनो जेबो जेशो गैय थों-गोथों 'सानसेनि जरिमिन' सलवाव 'बर' समाजनि आंगो सावगारि आरो दुलाराय समाजनिनो समाजारि सावगारिफोरा रोखा रोखायै बेरखांदों।

आनजाद लानाय (CYP)

सौलु : शनिबार साना सुनि गोनां बाराइ होनानै नों सानो नामा ?

सौलु : केरानिया आलसिखौ सिनाय हाना मानो खारदोंमोन ?

सौलु : सान्द्रिनि खुन्दि खावनायनि गेजेरजों मा सावगारि बेरखांदों ?

5.5 नीलकमल ब्रह्मनि आखु एरनाय:

नीलकमल ब्रह्मनि आखु एरनाय (characterisation)नि गोमोन्दै बिजिरनायनि सिगांनो जों बेखौ मिथिना लानाया मोजादि सुंद सलवानो जा, सलमायानो जा एबा धुनफावथायानो जा बेफोराव जेरावबो मोनफा सल थायो। एखम्बा मोनफा सलनि सिद्धवनो लेडय सलबो थायो। नाथाय खोथाया जावाय बे सलखौ एबा सलनि जाथायखौ जाफुं होयो आखल एबा आखु माखासेयासो। बेफोर आखु माखासेखौ लिरगिरिफोरा खनखांना लायो दिनेनि मुलुग एब समाजनिफ्राय। लिरगिरिनि सानसुमै गोसोनि साननायनि जखायाव आखु माखासेया फरायग्राफोरनि सिगाडव नुजाधियो आरो बिसोरनि गोसो वोनो नाजायो। बेफोर आखु माखासेया सुबुं समाजनिफ्राय खनखांना लानायखायनो फरायग्राफोरा आखल एबा आखुनि दुखुवाव दुखु मोनफायो आरो सुखुवाव सुखु मोनफायो। मानोना त्रेयां समाजनि जायखिजाया सासे सुबुंनि आखुजों गौरोवफाखायो।

नीलकमल ब्रह्म बिधाडवो मुलुग संसारनि बायदि बायदि जाथायफोरखौ लानानै सल सौरजियो बायदि बायदि आखुफोरनि गेजेरजों। बिधानि बायदि बायदि समनि बायदि बायदि सलफोरखौ मोजाडै गोसो होनानै फरायनानै नायोव्ला नुनो मोनगोन बिधानि सलफोराव 'बर' माहारिनि नंगुबै जिवनि गोनो आरो खोन्दो सावगारि, सुबुंनि दुखु-दाहा, गांनाय-उखैनाय, इनाय-अनगारि, अननाय-मुरौनाय आरो बायदिसिना गेना-गौरोन्धिफोरानो रोखा-रोखायै बेरखांनाय नुनो मोनो। समाजनि

वेफोरबादि सावगारिखौ बेरखांहोने एबा फोरमायने थाखाय बिथाङ सलवाव बायदि बायदि आखु एरनांगौ जाये एबा सोरजिनांगौ जाये ।

'सिलिंखार' सलनि बाथाखौने लायोब्ला अबिनास खाखलारि मुनि सासे सुबुनि संसारा सिलिंखार जालानाय बे जाथायखौने फोरमायने सलगिरिया सलवाव आरोबाव गाव साखि मावजेननाय अफिसनि बस, इलेक्ट्रिक्स इन्डिया प्राइभेट लिमिटेडनि मेनेजि डिरेक्टर बिप्रकाश काथाम आरो सुरेखा मोनबादि आखु सोरजिबावनो गोनां जादों । जेराव सलनि जाथायखौ थादनाय गैया जासे मोनसे थांखिसिम सहैहोने थाखाय अबिनाशनि जायगायावने नैथि आखु बिमलेन्दु सोरजिदेरबावनो गोनां जादों । सलवाव बिथानि बेफोरबादि आखु एरनायखौ नायोब्ला सल गिरिनि आखुनि सायाव बांद्राय गोसो होयाब्लासिनो सलनि सायावसो बांसिन गोसो होनायबादि नुयो । थेवब्लाबो बिथाङ अफिसनि बसा गावनि अफिसनिनो स्टेनग्राफार मिस लिंडखौ गोबाखबनो नाजानाय आखु आरो सुरेखा मोननि नखरा द्राइभार बिमलेन्दुखौ सम सम बाहायनायबादि आखुजों समाजनि गेजेराव धानाय गावनि बिबान आरो गोहोजों खाबु लानानै आइजोफोरनि सायाव बारसिनने नायगिरनाय हाँवा आखु आरो घोन-सम्पथिनि बोलोजों गेदेर उन्दैनि फाराग लाखियैनि बाथाखौने फोरमायदों ।

'उद्रायनाय' सलनि बाथाखौ लायोब्ला 'उद्रायनाय' बे सलनि मुंखौ जाफुंहोनेने जाथाय सोमजिहोनाय आरो बायदि बायदि आखु एरनाय नुनो मोनो । वेयावहाय उद्रायनाया मोननै रोखोमै जानायखौ नुनो मोनो । गिबियाव बिफाया मावनाय गोरोन्थिखौ गाव बानसना लानो राजि जायै आरो बिफाखौ बे दायनिफ्राय बारगनायाव एसेबो मदद होयि उइभं सुपारिन्टेन्डन्ट मनिराम बागलारिनि फिसाज्ला इनजिनियारा बिफा थेखांनायनि उनाव सिमलानिफ्राय फैनानै गामिनि बिबथैनि नवाव 'सारादु' खुंफैनानै उद्रायनाय आरो गावनि हाबानि थाखायने बिफाया सरकारनि रां नसरब खालामनानै साखिनिफ्राय होखार जानाय समाव गावनि हाबाखौ केन्सेल खालामसे खालामनानै, न आरो गावनि हाबानि गासै जौतुकफोरखौ फानजोबनानै बिफा मनिराम बागलारिया जाखोमानाय सरकारि रांखौ रिफान्द खालायसेयावबो बिफाखौ जेल जानायनिफ्राय बासायनायनि सोलाय जिब खोमाना लानानायनि धारकाय एम. ए. पास जालायनाय बतसिया खोला भारतनि बनेबा

केथलिक चार्चव 'नान' जानाने थाना उद्रायनाय ।

सलनि बे मुंखौ गेरोब होंगे थानायावतो बनसि, बिदा इन्जिनियर, मनिराम बागलारि आरो एखुथा आखुनि मायारनि बागलारिनि आखुखौ एरने गोनां जादों । जेराव मनिराम बागलारिनि आखुवाव बिसि मायारनि बागलारिनि बार नांनाय आरो बांद्राय आधुनिक जाने नाजानायनि सावगारि बेरखांदों । दायनि थाखाय खालि मनिराम बागलारिखौल दायनिगिरि सानजाया । बेनि थाखाय समान दायनिगिरि आलट्टा मदार्न आखुनि बिजि मायारनि बागलारियाबो । नाथाय फिसाज्जा इन्जिनियर आरो फिसाजो बनसिनि आखुवाव मोननै गुबुन गुबुन रोखौमनि आखु बेरखांताय नुयो । मोनसेया सैथो फोथायग्रा बिफानि दुखु समावबो । एसेवो मदद हेनो हासि गिख हौवा आखु आरो गुवुन मोनसेया बिफाया मावनाय जायखिजाया दायनि थाखाय गावखौबो दायनिगिरि साननानै बेनिफ्राय बारगनो थाखाय थैथां नाजानाय गिनो रोडि साहसि हिनजाव आखु ।

'सुनि' सुंद सलवाव साना हवा सासे सिनायमोनि आइजोखौ बोजबना लानानै समाजाव सुनि नांनाय जाथायखौ दिन्थिनो थाखाय बायदि बायदि आखु एरदों ।

रनायनि आखुवाव सासे गोदान मुगानि सोलो गोरों गोजौ थाखौनि आइजो आखु महर बेरखांदों । जेराव गाव फिसायजों होखार जानाय होनना दुखुधियार्ये फोर मायनानै गावनि गाजि आखुनि फिसाइखौ फांधेनानै दोननायजों लोंगोसे गाव मोनसे रेखा गोनां जायगायाव धानानै फिसायखौ सिखाव खावनाय हावायाव सोदयै मदद होनाय । बे खामानिखौ जाफुंसार होंगे थाखाय रनाया गाव जात्रादि कस्त जानांगी जादों । सोरखौ संनायाव, सोरखौवा गायनायाव, सोरखौवा दानायाव जायनो जेरें मदद नांगी बि रोखोम मदद हादों । नाथाय खोर्मसिनि सलखौ रावबो मिथिनो मोनाखें । बियो गामिनि मानसिफोरखौ नांगी बादियै मदद होदोंमोन आरो समाजनिफ्राय गावबो अननाय आरो फोथायनाय मोननो हादोंमोन । रनायखौ गोथारें बोजबना लानायाव रावबो सुबुनि एखुथा आखु बेरखाइखेंबलाबो खौसेयै बर' समाजनिनो नोरोंम गोसोनि फोथायसुला आरो अनफावरि आखुवा रोखायै बेरखांदों ।

'बुलि' सुंद सलवाव बर' हारि आरो थुनलाइ सिबिसुला सुबुनि जिवा दुखुधियार्ये जोबलांनया रोखायै बेरखांदों खोरोंमदावनि आखुजों । खोरोंमदावा

सासे थुनलाइ सिबिसुला सेंग्रा बियो हारिनि थुनलायाव नुजाथिफेनाथ जायखिजाया हेंथाखौनो नायनानै थानो मुखुवा। जायनि थाखाय बियो बर' थुनलाइ आफादनि जोनोम सान फालिनायाव हेंथा होनायाव समाव बर' आरो हारसा फरायसाफोरनि गेजेराव हाबसनहैनानै फिर फिलाखौ खनखाहैनाय समाव मेगन गोसा सि.आर.पि. नि गुलियाव दुखुथियायै जिव गारनांगौ जायो।

'सानसेनि जारिमिन' सुंद सलवाव आसिनि फिसाइ कर्टनि केरानिनि जिवाव जानाय सानसेनि जाथाया रोखायै बेरखांदों। सलखौ फरायनानै नायोब्ला सलगिरिया सलवाव जाथाय आरो आखु मोननैखौबो समान गोसो होनायखौ नुनो मोनो। जेराव गाव मावखानांगौ खामानिखौनो धुस जाखोमानानैसो मावना हरनाय केरानिफोरनि आखुवा रोखायै बेरखांदों आसिनि फिसाय केरानिनि आखुजों। जाय आखुनि थाखाय बियो गावसोरनावनो आलासि जानो फेनाय आसिनि बिदा गावनि बिगुमै आलासिनिफ्राय अफिसाव घुस जाखोमानानै तवाव आलासिजों नुजानायनि सोलाय खारखोमानोसो गोनां जादों।

बेफोरबादिनो नीलकमल ब्रह्मनि सलफोरखौ मौजाहै फरायनानै नायोब्ला समाजनि गेजेराव सोलिनाय बायदि बायदि सलवाव बायदि बायदि रोखोमनि आखु एरनानै बेफोरखौ सुबुंनि गेजेराव आसि थुनानै समाजखौ फोसावनो, फोजौनो आरो मदद होनो नाजानायखौ नुयो।

आनजाद लानाय (CYP)

सौलु : नीलकमल ब्रह्मनि आखु एरनाया गाबादि सावराय।

सौलु : सानसेनि जारिमिन सलनि केरानिनि आखुखौ बिजिर।

5.6 सारबाहागो (Summing Up) :

नीलकमल ब्रह्मनि बे 'सुनि' आरो 'सानसेनि जारिमिन' सुंद सल मोननैनि सुंद सावरायनायनिफ्राय सुंद सलनि अनगायैबो गुबुन गुबुन थुनलाइ सोरजिगिरि महरै नीलकमल ब्रह्मनि सुंद फोरनायथि मोनो। लोगोसे बिधानि लिरनाय 'सुनि' आरो 'सानसेनि जारिमिन' सलनि गेजेरजों सुबुं माहारिनि गेजेराव थानाय साना हवा खामानि मावनायनि थाखाय उनाव खौफोदाव गोखौनायनि सावगारिखौ

बेरखां होनाय जादों। बिथांनि लिरनाय सलफोरनि गेजेरजोंनो बायदि बायदि जाथायफोरखौ लानानै बायदि बायदि आखु एरनायनि गेजेरजों समाजनि सावगारिफोरखौनो सुबुं समाजनि गेजेराव फोसावनो नाजानायखौ मोननो थाले।

बे सावरायनायाव मैखोमै नीलकमल ब्रह्मनि आखु एरनाय, सुनि सलनि रनायनि आखुजों बर' हिनजाबनि मोनसे रोखोमनि आखु बेरखांहोनो नाजानायखौ फोरमायदों। जाय आखुवाव रनाया सासे सोलोगोरों बाखनायथाव आइजो आखु महरै फोरमायनाय मोनो। बेनि अनगायैबो' सानसेनि जारिमिन' सुंद सलनि आसिन फिसाय कैरानिनि आखुवाव साना हवा खामानि माबोब्ला माबादि खैफोदनि मोगा मोगि जानांगौ जायो बेनि फोरमायनाय मोनो।

बेफोर बादिनो बे सावरायनायनि गेजेरजों नीलकमल ब्रह्मनि धुनलाइ सोरजि, आखु एरनायनि बागै गुवारै मिथिनो मोनो।

5.7 जानो हाथाव सॉलुफोर (Probable Questions) :

1. 'सिलिखार' सुंद सल बिजाबनि फरायनो होनाय 'सुनि' आरो 'सानसेनि जारिमिन' सुंद सल मोननैनि गेजेरजों मा खोथा बेरखांदों बिजिरना लिर।
2. सोरनि नायनो बानायाव गबिन्द मास्थारा गामिनि मानसिफोरजों दायनिगिरि सानजादोंमोन आरो उनाव बिहा मा जाखो बिजिरना लिर।
3. सनिबार साना सोरनि थाखाय मानो सुनि गोनां जाखो 'सानसेनि जारिमिन' सलनि हेफाजाबाव लिर।
4. 'सुनि' सलनि जाथायनि थाखाय सोरखौ दायनिगिरि होननानै मानो ? जुक्ति होनानै लिर।
5. 'सानसेनि जारिमिन' सलनि जाथायनि थाखाय दायनिगिरिया सोर ? जुक्ति हो।

5.8 फरायनो गोनां बिजाबफोर (References and Suggested Readings):

1. सिलिखार : नीलकमल ब्रह्म
2. जथाइ माला : उमेश बर
3. बर' धुनलाइनि महर : धरणी धर औवारि
4. बर' हारिमु आरो धुनलाइ बिजिरनाय : इन्द्रमालती तारजरी
5. धुनलाइ आरो धुनलाइ : ब्रजेन्द्र कुमार ब्रह्म।

GUIDOL also offers the following programmes :

Master Degree Programme:

M.A. in Assamese, English, Political Science, History, Philosophy, Bodo, Nepali, Bengali, Sanskrit, Education, Communication & Journalism
M.A./M.Sc. in Economics, Mathematics
M.Com

PG Diploma Programme:

Sales & Marketing Management (PGDSMM)
Human Resource Management (PGDHRM)
Journalism & Mass Communication (PGDJMC)
Business Management (PGDBM)
Finance Management (PGDFM)
Banking & Financial Services (PGDBFS)
Insurance & Risk Management (PGDIM)

IT Programme:

M.Sc.-IT, PGDCA

Under Graduate Programme:

B.A.(General), B.Com (General), BCA, B.Sc.-IT



GAUHATI UNIVERSITY
Institute of Distance and Open Learning
Gopinath Bardoloi Nagar, Guwahati - 781014
www.idolgu.in

Bodo-10-V (4)



INSTITUTE OF DISTANCE AND OPEN LEARNING
GAUHATI UNIVERSITY

BODO

Paper V

FICTIONAL PROSE

Block 4

GOPINATH BORDOLOI NAGAR
GUWAHATI-781014 : ASSAM

**Institute of Distance and Open Learning
Gauhati University**

MA in Bodo

सेथि बिलाइ V (Paper V)
सुंद सल

बाहागो - 4 (Block-4)

गेजेरसिरिनि सुंद सलगिरिफोरनि सल

आयदाफारि (Content)

बाहागोनि बेखेबनाय (Block Introduction)

खोन्दो 1 (Unit - 1)

गांसे फालि आरो गयसि

खोन्दो 2 (Unit - 2)

बिमा आरो दानथारु

खोन्दो 3 (Unit - 3)

आंनि मोजां मोननायनि दायरी आरो बैसागु

खोन्दो 4 (Unit - 4)

सानहाबहां आरो फार्लि

Contributor

Maneswar Basumatary Bijni Bandhab H.S. School
Unit - 1 & 2

Birlang Narzary Department of Bodo
Unit - 3 & 4 Gauhati University

Content Editing

Dr. Bhupen Narzaree Department of Bodo
Gauhati University

Cover Page Design

After Ali Rabindra Chapasal
R.G.B. Road, Guwahati-21

© Copyright by IDOL, Gauhati University. All rights reserved. No part of this publication may be reproduced, stored in a retrieval system, or transmitted, in any form or by any means, electronic, mechanical, photocopying, or otherwise.

Published on behalf of the Institute of Distance and Open learning Gauhati University by Prof. Amit Choudhury, Director and Printed under the aegis of GU Press as per procedure laid down for the purpose.

Re-Print : September, 2018

बाहागो (Block) - 3

बाहागोनि बेखेवनाय (Block introduction) :

बे बाहागोयाव गेजेर सिरिनि सुंदसल लिरगिरिफोरनि फरायनो गोनां सुंदसलफोरनि सोमोन्दै सावरायनाय जागोन। बे सिरियाव मन रन्जन लाहारी आरो इन्द्र मालती नारजारीनि सुंद सलफोरखौ जायगा होनाय जादों। फरायनो होनाय सलफोरखौ गुवारै सावरायनायनि थांखियै मोनब्रै खोन्दोयाव बाहागो राननाय जादों।

गिबि खोन्दोयाव गांसेफालि आरो गयसि सल मोननैखौ लानानै गुवारै आरो नांगौबादियै सावरायनाय जादों।

नैथि खोन्दोयाव बिमा आरो दान्थारू सुंद सल मोननैखौ लानानै गुवारै सावरायनाय जादों।

थामथि खोन्दोयाव इन्द्रमालती नारजारी आंनि मोजां मोननायनि दायरी आरो बैसागु सुंद सलनि सोमोन्दै गुवारै सावरायनाय जादों।

ब्रैथि खोन्दोयाव बिथानिनो सानहाबहां आरो फाग्लि सुंद सलखौ जायगा होनाय जादों। बिदिनो मोनब्रै खोन्दो खालामनानै गुवारै सावरायनायजों लोगोसे मोनफ्रोमवो खोन्दोयाव S.A.Q., आन्जाद लानाय, जानो हाथाव सौलुफोर आरो फरायनो गोनां बिजावफोरनि फारिलाइ होफानाय जादों।

बे बाहागोनि खोन्दोफोरा जाबाय :

- | | |
|-------------------------|--------------------------------------|
| खोन्दो - 1 (Unit - 1) : | गांसे फालि आरो गयसि |
| खोन्दो - 2 (Unit - 2) : | बिमा आरो दानथारू |
| खोन्दो - 3 (Unit - 3) : | आंनि मोजां मोननायनि दायरी आरो बैसागु |
| खोन्दो - 4 (Unit - 4) : | सानहाबहां आरो फाग्लि |

खोन्दो-1 (Unit - 1)

गांसे फालि आरो गयसि

गेजेर सिरिनि सुंद सल लिरगिरिफोरनि सुंद सल

खोन्दोनि महर :

- 1.1 बेखवनाय (Introduction) :
- 1.2 थांखि (Objectives) :
- 1.3 सुंद सल गिरि महरै मन 'रन्जन लाहारि :
- 1.4 गांसे फालि सलनि गुबै बाध्रा :
- 1.5 गांसे फालि सलवाव बेरखांनाय समाजारि सावगारि :
- 1.6 गयसि सुंद सलनि गुबै बाध्रा :
- 1.7 गयसि सलवाव बेरखांनाय समाजारि सावगारि :
- 1.8 गांसे फालि आरो गयसि सलवाव सलगिरिनि फोरमायनाय आदव :
- 1.9 फोजोबनाय :
- 1.10 जानो हाथाव सॉलुफोर (Probable Questions) :
- 1.11 फरायनो गौनां बिजाबफोर (References and Suggested Readings) :

1.1 बेखेवनाय (Introduction) :

गेजेर सिरिनि सुंद सल लिरगिरिफोरनि सुंद सल फोरनि मादाव मन 'रन्जन लाहारिनि रनसायनाय आरो सुजुनाय 'सलबिदां' (1978) -आ मखजाथाव। सलबिदां बिजाबाव लिरगिरिया बायदि समाव लिरनाय आरो गोबां लाईसिफोराव

फोसावजाखांनाय सलफोरखौनो ज खालामनानै सुजुनानै दिहुनदों। बे बिजाबाव थानाय सलफोरनि गेजेराव 'गांसे फालि आरो गयसि' दोंनै सुदसलवाव रमान्टिक एबा गोसो गोखो भोजां मोनलायनायनि गुबुन गुबुन बिथिनि सावगारि बेरखांनायखौ नुनो मोनो।

बिबार मुगायावबो बर' सुद सलनि जोनोम जादोंमोनब्लाबो बेयो अलंबार मुगायावसो आबुं महर मोन्दों होनजायो। बर' थुनलाइनि जारिमिनाव इसान मुसाहारिनि 'आबारी' खौनो बर'नि गिबिसिन आबुं महर मोन्नाय सुंदसल बुंनाय जायो। अलंबार मुगानि सुंद सल लिरगिरिफोरखौ गिबिसिरिनि सुद सल लिरगिरि बुंनाय जायो। 1952 ई मायथाइनि 16 नवेम्बराव बर' थुनलाइ आफादखौ दानाय जायो। बर' थुनलाइ आफादनि नाजानायाव बर' रावा सोलोंथाइनि बिजों महरै थिसनजाखांनायनि उनाव जायफोर लिरगिरिया सुंद सल लिरदों बिसोरखौनो गेजेर सिरिनि लिरगिरि होन्नानै मखनाय जादों।

S.A.Q.

सोंलु : मन रन्जन लाहारिखौ मानो गेजेर सिरिनि

सलगिरि बुंनाय जायो (20 सो सोदोबजों फिन)

1.2 थांखि (Objectives) :

बे सुंद सल दोंनैनि गेजेरजों गोथार अनलायनाय आरो भोजां मोनलायनायनि फिथाया माबादि बेखौ मिथिनो हानायनि खाबु दं लोगोसेयैनो (1) गांसे फालि सुंद सलवाव बर'नि दानाय-लुनाय, आगर-आखाइ एरनाय आरो बैसागु रंजानायनि सावगारिबो बेरखांनाय नुनो मोनो। (2) गयसि सुंद सलवाव दानि आलट्टा मडार्न मुगायाव जाखांबोनाय आदाखाबनिया बर' सेंग्रा-सिखला आरो बोराइ-बुरैया मानरै गोजाबनादों बेनि सावगारिखौ दिन्थिनो नाजादों लिरगिरिया। (3) गोथार भोजां मोनलायनाया बेसे गोदै गोथाव, लोगोसे (4) फोथायखेबसनि फिथाया बेसे गोखा बेखौ मिथिनो हागोन।

1.3 सुंद सलगिरि महरै मन 'रन्जन लाहारि :

गसाइगाव बामुनकुरा गामियाव 1936 ई मायथाइनि । फेब्रुवारीयाव मन 'रन्जन लाहारिनि जोनोम । बिफा बसन्त कुमार लाहारि आरो बिमा देवबारीनि गोरबोयाव जोनोम जानाय मन 'रन्जन लाहारिया गुबैयाव सासे खन्थाइगिरिब्लाबो राफोद आखाइनि सलगिरि महरैबो मुंदांखा । सेंग्रा समनिफ्रायनो जिवनि जोबथा समहालागै लाहारिया बर' धुनलाइनि गासैबो बिर्थिनि फारसे बिहोमा होबोदो । बिथाड फारसेनिफ्राय सासे खन्थाइगिरि, सुंद सल, सलमागिरि, धुनफावथायगिरि, बिजिरगिरि आरो रायथाइगिरि । 1954-55 ई मायथायाव 'अखाफोर' मुनि लाइसियाव लाहारिनि सिगां रायथाया ओंखारो । 1977 मायथायाव 'माब्लाबा' खन्थाइ बिजाबा ओंखारो । बिथानि खारलुं, हायना मुलि, रेबेका सलमा बिजाबफोरा गोजौ थाखौनि । बर' राबा बिजो महरै 1963 ई मायथायाव थिसनजायो । अब्लाबो बर' बिजोनि गोबां बिजाब दिहुननांगौ जानानै फेदोमोन । बे बेलायाव कमल कुमार ब्रह्मजो लोकोसे मन 'रन्जन लाहारियाबो बेफोर आंखालखौ सुफुनो नाजादोमोन । बिथाड 'बर' धुनलाइनि जारिमिन' (1990) मुनि बिजाब दिहुनानै बर' रावखौ भुम फरायसालि थाखोयाव सौहेनायनि लामाखौ गेबे खालामनानै होदोमोन । जिवनि बायदि समाव गुबुन गुबुन लाइसिफोराव ओंखारलानाय धुनलाइ बिजिरनायनि रायथाइफोरखौ जथायनानै 'गोदान बर' (1982) आरो 'नोजोर' (1992) मुनि बिजाबफोर ओंखारो ।

मन 'रन्जन लाहारिया बर' सुंद सलखौ मान गोनां आरो राफोद खालामनायाव मदद खालामदो । बिथाड 'सल बिदां' (1978) आरो 'सलनि सल (1985) मुनि गानै जथायनाय सुंद सल बिजाब दिहुन लांदो । बिथानि सुंद सल फोराव बर'नि गामियारि आरो गेजेर थाखो सुंबुंनि सावगारि बेरखानाय नुनो मोनो । आसाम सरखारनि कलागुरु बिष्णु प्रसाद राभा बान्था मोनगिरि मन 'रन्जन लाहारिया 'धुनलाइगिरि पेन्सन मोनगिरिबोमोन ।

1.4 गांसे फालि सलनि गुबै बाथा :

लाउदांगीया बाशीरामनो बैसागुनि सिगां सिगां गांसे फालि होगोन होन्तानै खोथा होखादोमोन । खोथा होमाय बादियैनो लाउदांगीया फालिखौ गावनो बाशीरामनो होफेदोमोन आरो बुंलांदोमोन बियो फालिखौ खावखानानै फेगौ बैसागुवाव

गावजों मोसाफानांगी । बाशीरामाबो लाउदांगीजों मोसाफानायनि दोथा होदोंमोन । लाउदांगी होलांनाय फालिया लावा सुड थेलेबलेब आगर गोनां । फालिनि गाबा लाउदांगीबादि जारां । गोजा खुन्दुंजों दानाय बाहेराव हाजोनि सावगारि, गेजेराव दावथु जरासे । दाबसे खनायाव आगर दिखांनानै लिरनाय दं -- “बाशीराम लाउदांगी’

लाउदांगीया भुटिया पारानि आरो बाशीरामा नाराबारीनि । असमोन सानैजों ककराझार गामीनि लेदेम माहाजोननाव दाहोना रुवाधि थालाइब्ला बैसागु बायब्लानो लाउदांगीया बाशीरामनाव खारसन फैगोन होन्नानै जबान होखादोंमोन ।

लाउदांगी होलांनाय फालिखौ बाशीरामा मोनमारनो खनसे मोनामसुनानै बिखायाव गोबानानै लादोंमोन आरो मोजाडै खन्नानै जोथोनै गावनि गान्दु सिडव दोन्नायसै । संफोर बाशीरामा फालिखौ खावखानानै लाउदांगीजों लोगोसे मोसागोन आरो रंजागोन । जाबान खाखानाय । बेनिखायनो बाशीरामा फालिखौ नायफा नायफा खालामोमौन, गान्दु सिडव दोन्दोमोन । बुंनो हाया सोरबाफोर दुथां सेंग्राया लाउदांगीखौ मोजां मोनखोमानो हागौ आरो फालि हरदों होन्ना खोनानानै खावनानै लांखोमानोबो हागौ ।

बाशीराम गिनाय बादियैनो ऐदिनखालि हराव फालिया बायनो गोमानानै धामारनायसै । फालि गोमानायाव बाशीरामनि गोसोया जोबोद गाञ्जि मोन्नायजों लोगोसे बिखायासो खावसे गानाय बादि मोनबाय । मानोना संफोर बैसागु मागिनायाव बिनि खरवाव गाव हरनाय फालिखौ खावखानाय नुवाब्ला लाउदांगीया बिजों मोसाफानाय नड, बेल नड बिनि गोसोया बेलथायनानै सोरजोंबाफोर खारसन हैनोबो हागौ । बेनिखायनो बियो लाउदांगोनिसिम थानानै बाभ्राखौ बुंहेनो सान्नायसै; नाथाय उनाव सानफिन्नायसै बे दायनि थाखाय लाउदांगीया बिखौ निसाहा होनाय नड । बियो फालिखौ नागिर फिन्नायखौनो थिग खालामनायसै ।

बोसोर गोजामनि जोबधारनाय सान । बे दिनाव गामि गामि सेंग्रा सिख्लाफोर हानजा लायै लायै खायसे हारमनियम, सिफुं, जाबखें, सेरजा, ब्लं ब्लं, गंगोना आरो जथा दामै दामै सोरबाबा मोसादों - मेथाय खनदों । खायसेबा टिन गेग्रेब दामै दामै गोजाम बोसेरखौ बिदाय हरदों । सेंग्रा-सिख्लाल नड बोराय बुरैफोराबो मोसादों रंजाफादों । बाशीरामाबो मोसानो ओंखारलांदों नाथाय, बिनि गोसोया गाञ्जि; मानोना

बिनि खरवाव लाउदांगी हरनाय फालि गैया। लाउदांगीमोनहा मोसायै मोसायै नाराबारीयाव बाशीरामनि नवाव फैनाय सै। लादांगीया फैग्रीन मोना बाशीरामखौ लोगो हमनानै गाव हरनाय फालिखौ मानो खावखायाखै होन्ना अजद दैखानायसै। नाथाय बाशीरामा गावखौनो दायनिगिरि सान्नानै फालि गोमानाय खौरांखौ बुंहां जानायावनो लाउदांगीया सिख्ला हानजाजों लोगो लाहैफिन्नानै बन्द धानायसै। बिसोर नाराबारी गामिखौ बारलानानै ककराझार गामियाव हाबहैनायसै। बाशीरामनि हानजायाबो बिसोरनि उन उन धानायसै; नाथाय एसेयावनो लाउदांगीया बन्ने हानजाजों हाबलांखो बियो नुस्ताबाखिसै।

बाशीरामा गोसो गाझिजों रंजानो गोसो जायाखिसै। बियो जिंगा गोसोयै नवाव फैफिननानै हुरागासे फालिखौ नागिरफैफिन्नायसै। नाथाय गैया मोनफिन्नाखिसै। बे हरखालि बाशीरामहा उन्दुनाय जायाखिसै। सिबाय लाउदांगीया मोजां मोन्नायनि नेरसोन महरै बिनो बैसागु फालिखौ हरदोंमोन। गाबोन अखा नायब्लानो गोदान बोसोरनि रंजानाय बाजानाय, मोसानाय, दामनाय-देनाय, रोजावनाया बांसिन जागोन।

बाशीरामा हरसेमानि बिसोनायाव आइखां-बाइखां खालामनानै अखानायै सोरांफा माफा गावनि दायनि थाखाय निमाहा बिनो लाउदांगीनि साथियाव धांब्ला लाउदांगीया बिखौ नुग्रोन मोना सोमखे खालामनायसै। नाथाय, उनाव लाउदांगीया फालिखौ खोमाबावगोन नामा होन्नानै जबान बिनायाव बाशीरामा समाय खिरा लानायसै। अब्ला लाउदांगीया गावनि जान्जिनिक्राय फालिखौ बखनानै बिनि खरवाव खावखानानै होनायसै।

बाशीरामा सोमो नांबाय; मानोना बेयो बै फालियानो जायखौ सानधानसो आगोलाव लाउदांगीया गावनो हरदोंमोन। बुंनो थाडोब्ला लाउदांगीया बाशीरामनि गोसोखौ आनजाद लानो थाखायसो फालिखौ गावनो खावनानै लांफिनदोंमोन। लाउदांगीया मिनिखैरे मिनिनायसै, बाशीरामाबो फालिखौ खरवव दमामा खावखानानै बैसागु मोसानो ओंखारलानायसै।

S.A.Q.

सॉलु : बाशीराम आरो लाउदांगीया मा मावोमोन ?

(10 सो सोदोबजों फिन)

आन्जाद लानाय (CYP)

सॉलु : फालिखौ खोमानानै बाशीरामनि गोसोया माबादि
जादोंमोन लिर।

सॉलु : फालिखौ सोर खावनाय आरो माबॉरै मोनफिनखो ?

1.5 गांसे फालि सलवाव बेरखांनाय समाजारि सावगारि :

मन 'रन्जन लाहारी लिरनाय 'गांसे फालि' सुंद सलवाव बर' माहारिनि माखासे सावगारि बेरखांनाय नुनो मोनो। बर 'फोरा गुबैयाव हाल मावनानै जाग्रा हारि। दाहोना रुवाथि धानानै गामिनि माहाजोनफोरखौ निदान सुंनायजों लोगोसे हावा मावनाय हारिमुखौ रैखा खालामबोदों। सेंग्रा-सिख्ला बैसोनि दाहोना रुवाथिफोराबोदि गांनाय-उखैनाय, गाबनाय-मिनिनाय, हांमासुंरनाय, मोजां मोन्नाय, बेरेनाय गोसो दं बेनि सावगारिखौ बे सलवाव रोखायै बेरखांनाय नुनो मोनो। गावनि आखाइजों दांमोन दांमोन आगरफालि दानानै लाउदांगोया बाशीरामनो हरदों। फेंगौ रंजालि बैसागुनि मुडै लाउदांगीया बाशीरामनो गावनि मोजां मोन्नायनि नेरसोन महरै हांमा-हांसानि आगर फालि हरनाया बर' माहारिनि गोजों सावगारि। बेनि गेजेरजों दानाय-लुनाय, आगर आखाइ एरनाय हारिमुवा बेरखांदों।

बैसागुवा बर' माहारिनि आमाइ थखल। गोजाम बोसोरखौ बिदाय हरनायजों लोगोसे गोदान बोसोरखौ बरायनाय बैसागु बोथोराव सेंग्रा-सिख्ला, बोराइ-बेनधुफोरा हानजा लायै लायै मोसानाय, मेथाइ खन्नाय, दामनाय देनायजों रंजायो। हानजा लायै लायै मोसार्ये मुसुरै गामि गामि मागिनाय हुदाबो दं। सिख्लाफोरा गाव मोजां मोन्नाय सेंग्रानो हांमा हांसानि आगर फालि हरलायनानै आरो सेंग्राफोरा खरवाव फालि खावखानानै मोसायो रंजायो। गोसोनि बाश्नाफोरखौ बुंफोरलायो। बेदि

सावगारिखौ लाउदांगी आरो बाशीराम मोननि रंजानाय मोसानायनि गेजेरजों बे सलबाव बेरखांहोदों। बर'नि दामाग्रा देग्रा आइजें जेंरे - सेरजा, सिफुं, साम, जथा, धारखावारि गंगोना बाइवि बाइदिखौबो दिन्थिदों।

S.A.Q.

सौलु : दाहोना रुवाधिफोरनि गोसोयाव बैसागो बोथोराव माबादि जायो लिर ? (15 सो सोदोबजों फिन)

1.6 गयसि सुंद सलनि गुबै बाश्ना :

मलानदुवि गामिनि जांगिला गयसि आरो लाउरिपारानि अखन्दा गाजोला मोनहा दिनै थांहां-फैहां, खारनलाय-खारखोलाय सोखो-मोखो जाधारदों। गयसि सिखलाया बेरे फुंजानि दुगैसां-लोबसां खालामनानै जानजि साग्लोबनाय रुबां खानाइखौ खाधबनानै इनजुर खनायाव थेबनानै दोन्नाय आयना गोबायाव गावनि रुकखौ गोसो अहा अहा खनै खनथामसो नायदों हारसिं मिनि खैरैयै। गुसुथि बालेब, गयसि गयसि खानाइ, हाबग्रंयैनो गोगो दोमैलु मेगन, थाइजौ गोमोनबादि जारौ-मारौ खावलाइ थबसियैनो गोलाव गन्थं-बिनि गासैब्रो महर मोखाड आयनायाव जाखाडो। बोसोरनै सिगां दानानै दोन्नाय गरखा गंबानि दखना थावसिखौ ग्लोम गान्दानै आरो थबगां बिबार गोनां आलन सिखौ मोदोमाव साय होननै सान सबाब्नानो जाखां-लौखां दबायाव रांबा गांसे, हिनजाव दाबा गांसे आरो फारौ मेगननि रुमाल गांसे थेबनानै सानजाहा दतमा फारसे हारसिडै दावबायलाडे।

अखन्दा गाजोलायाबो हाल खदाल गारनानै बेरे फुंजानि दुगैसां लोबसां गस्लाबारियाखौ ग्लोम गान्दानै-पायजामा सोनानै, गोदनायाव गलाबान मारिनानै आयनायाव खननै खनथामसो गावनि मुश्रीखौ नायो। खोमा गाबराव, गन्थं दाब्ले, गुसुथि लद्राइ, मिनिस्तु मिनिस्तु मेगन, मागुरसावलिया गावनि महरा आयनायाव बेरखांजोबी।

ओजोंहा लाउदडानि गयाराम सोरखार जालियायाबो हलंगा हलंगि लंपेन्ट सोनानै, इलाम कटखौ ग्लोम गान्दानै, मेगनाव गग्लस थेबनानै आरो मना मोनसे

हरनानै दतमा फारसे ओंखारलाडो ।

समायना-रमायना दुब्रि गांसोजों साग्लोबनानै थानाय दतमा फोरथाराव दिने 'माइनाव मेला' मेलायाव फुनिफ्राय सानश्रोब हौवा हिनजाव दोबै दोबै फेदों आरो थांदों । सेंग्रा-सिख्ला, बोराइ बुरै, खुदिया गथसा बयनिबो गोसोया दिने ना जावरिखांनायबादि जावरिखांदों । हामफे, दुमफे, नासिबेंगि, लावदडागि बुधबारि बुरै मोनहाबो थांहां-फैहां-जादों - बयबो गोसो खुसियै दतमा फारसे आगान सुरदों । रागनाय-बिरगनाय रामे, अमे आरो दैसारि मोनहा मेला सिंखाव सिंखाव थांफै-लांफै खालामदों - सोरबा सेंग्राफोर गावसोरखौ नायसनबायो खोमा सानानै । थेंगोना, थेफा, मेब्ला, गेन्द्रा मोन बादि सेंग्राफोराबो मेलायाव मिनिगाग्लाबनानै टहल होदों ।

दतमानि माइनाव मेलायाव पचिमा बोराया आजों गुंग्राइ नेरनानै आग्राजों मैदा नादों - जेलापि, मिष्टि फानदों । हारसा गलादारजों बर' सिख्लाफोरा गोसो अहायागौमानि आखायाव आसान सोजादों ।

गस्लाबारिया गान्नाय अखन्दा गाजोलाया मेलायाव सोरखौबा नागिरदों । अखन्दाया मोनसे समाव जात्रा गावोनाव पार्ट लायोमोन । गयसि सिख्लाया बेयावनो बिनि पार्ट आरो सेहेराखौ नुनानै मेगन खेबदोंमोन । जात्रा गावोननि सप्ताह खुनसेनि उनाव सानसे बिसोर दतमा फोरथाराव लोगो हमज्जायो आरो गयसिया गावनि गोसोनि खोधाखौ बेखेवनानै होयो । अखन्दायाबो गंगलायो आरो सम आरो बोथोर फैयोब्ला गावनाव खारसनफैनो थिनो । नाथाय बेनि गेजेराव गयसियादि गुरस्लायबाय बेखौ अखन्दाया मिथिया । बुंनो थाडोब्ला अखन्दाया मेला जानो फैयाखौ - गयसिखौ लौंगो हमनानै गोरबोनि बाध्राखौ बुंनोसो फेदों । बेनिखायनो बियो हाथाइ खुनसे सिगांनो रादाव हरदों ।

ओजोंहा गयसि आरो गयाराम सानैजों मेलायाव सें सें फेदों । गयारामा माइनरखौ खनथाम फेल खालामनानै दा गामि गुमग्रा आरो सैनाय गोसो थोबायग्रा होन्नानै बयबो मिथिगौ । नाथाय मिथिया गयसि गाजोलिया । बोसोरसे जाबाय गयाराम आरो गयसिजों मोजां मोनलायनाया । नाथाय बिसोरनि मोजां मोनलायनाया बेसे गोथौ - बेसे आंगो बेखौ रावबो बुंस हाया । गयसि आरो गयारामा मोनसे गलायाव मिनि रंजायै साहा लोंगासिनो दंमोन । बेयावनो अखन्दाया नुसन्नानै

खाथियाव साफिनानै रायलायफैयोव्ला गयस्रिया मोखां सोमखे जानानै सिनायि बादि दिन्थिनायसै। अखन्दाया लाजिनाय जों आरो रागाजों गावनि गोसो रायजोनिफ्राय गयस्रिनि सावगारिखौ हुखोमोरनायसै। बेनि उनाव मेलायाव दसे गिदिं गिदा खालामनानै नफारसे थांफिन्नायसै।

हरजों हर गयाराम आरो गयस्रि मोनहा ऐदिनखालि गयारामनि बिमानैनि नवाव थाहैयो। गयारामनि रेकड-आ मोजां नंखाया। बियो सानै सिख्लाखौ थगायखांबाय। गयस्रिखौबो समाजनि नेमखान्थि बादिसै हावा लानायनि बाश्चा बुंनानै हाथाइ खुनसेनि उनाव फोथाय खेबस खालामनानै हराव खारखोमालांबाय। गयारामा खारखोमा लांनायनि उनाव बिमानैनि नखर आरो गामिनि रायजोफोरा गयस्रिखौ गाञ्जि गाञ्जि रावै सोंखारिनो हमबाय। ओजोंहा गयस्रिनि गौरबोयाव अखाफेर दानसेनि गथ फिसा दं। दाहा, रागा, गिनाय आरो लाजिनायजों गयस्रिया सानसेखालि गयारामनि बिमाइनि नखरनिफ्राय सिखावै ओंखार लांनायसै।

सानसे खालि अखदाया दतमा हाथाइ जानानै मोर्नाससमाव नवाव थांफिन्नायाव लडिया दैसा बारनो नागिरव्ला दैसा सेराव सासे हिनजाव गावखेनानै गोबाबाय थानाय नुसनबाय। खोमसि खायनो बियो हिनजावखौ सिनायनो हायाखैमोन। बियो हिनजावनि खरखौ दैजों दासोम दासोम होनानै लडिया दैसाखौ बारहोयो। उनाव अखन्दाया हिनजावखौ सोर जाखो होन्ना सोंनायाव फिन मोनायसै दि बियो रावबो नड मलान दुबिनि गयस्रि सिख्लासो। गयस्रिया गावनि दायनि थाखाय अखन्दानाव निमाहा बियो। नाथाय अखन्दाया बिनि दायखौ निमाहा होनो हाया होन्नानै गयस्रिखौ जायगायावनो गालानानै बलद थाडो। गयस्रिया लडिया दैसा सेराव गोग्लैसोनानै थायो।

S.A.Q.

सौलु : गयस्रिया निमाहा बिब्ला अखन्दाया मानो होयि ?

(25 सो सोदोबजों फिन)

1.7 गयसि सलवाव बेरखांनाय समाजारि सावगारि :

गयसि सलवाव बर' माहारिनि आधिखाल आलट्टा मडार्णनि सावगारिया बेरखांदों। हाथाइ, फुजा मेलायाव बर' फोरा रंजानाय बाजानायजों इनाइतो मोजेमधारे। आधिखाल आलट्टा मडार्णनि देलायनाय-आइजेंजों जाया गारा गारा गावखौनो समायना खालामनो नाजानाया साफ्रामबो सुबुंनि आखलखा। बे बेलायाव बर' फोराबो उनफिन्नानै थायाखै। दतमा फोथाराव जानाय माइनाव मेलायाव गयसि सिख्ला, अखन्दा गाजोला, गयाराम सौरखार जालिया मोनहा देलायसे देलायनानै खनसे आयनायाव नायफामलायनाया बेनिनो नेरसोन। बेल नड बोराइ-बुरै, गथगथाय, जाम्बा-जाम्बिफोराबो गावखौनो सोखो-मोखो देलाइहोनानै माइनाव मेलायाव आगान सुरल्लानाय सावगारिया इनायनो गोरोबथारदों।

बर' हरिया रावबो फुजा मेलायाव खामायनो रोड, गारोसो, मेलायाव गेसेव-गोफोन मेथायफोरखौ बायनानै जाखुबला बायग्रा बर' हरिया। पचिमा बोराइनि हालदै गाब जालायनाय गामसा गान्नानै आखिजों गुंग्राइ गारनानै आग्दाजों मयदा नानाय, जेलापि गुदुं गुदुं फान्नाय, हारसा हीवाजों गोसो अहाजासे सिख्लाफोरा आखायाव आसान सोजानाय सावगारिया बे सलवाव रोखायै बेरखांदों। बेल नड - 'एरे हारसा बोराइ, एइथा खथ दाम' बायदि जाया गारा गारा हारसा रावै रायज्जालायनाय रावफ्रा जोबोद खहाब गोनां जादों।

गोदान बोसोरनि रंजानाय फोरबो रंजालि बैसागुबादि फुजा मेलायावबो सेंग्रा-सिख्लाफोरा गावसोरनि गोसो गोरोब लायनायखौ लानानै बेरायनाय, साहा गलायाव साहा लौलायनाय आरो नोजोर होलायनाया जायो। गयाराम आरो गयसि सानैजों साहा लौलायनाय, ओजोंहा अखन्दा गाजोलाया नुसनफ्रानाय सावगारिया जोबोद गोथां सावगारि होनजायो।

बर' समाजाव गोथार गोसोयै मोजां मोनलायनानै जुलि जालायनाय आरो खायसे फाव फान्दायनानै अलखदाव खोख्लैनाय आखुनि मानसि जोबनो गैया। अखन्दा आरो गयसि मोननि मोजां मोनलायनाया गोथारमोन। नाथाय गयारामा गेजेराव हाबसननानै गुबुंले खालामो। गयारामनि फाव फान्दायनाय आरो आखल आखुखौं गयसिया मिथि मोना। गयसिनि गोरबोयाव गथसा सोमजिहोनायनि उनाव गयारामा फोथायखेबस खालामनानै बबेयावबा खारखोमालाडो। ओजोंहा

अखन्दायाबो गयमिनि फोथाय खेबस आखलनि थाखाय निमाहा होनो हायाखिसै - जायनि जाहोनाव गयमिनि जिवाव खोमसिया साग्लोबफैयो। बेफोर जाथाया गसिबो सुबुं समाजाव जाफलेबाय धानाय नाथाय, बर' समाजाबो बेनिफ्राय बारागनो हाया।

S.A.Q.

सॉलु 1: अखन्दया गयसिखौ साहा गलायाव सोरजों नुदोंमोन ?
(10 सो सोदोबजों फिन)

सॉलु 2: अखन्दाया माबादि गोसो लानानै माइनाव मेलायाव थांदोंमोन ? (20 सो सोदोबजों फिन)

1.8 गांसे फालि आरो गयमि सलवाव सलगिरिनि फोरमायनाय आदब :

बर' राबनि राफोद धुनलाइगिरि मन रन्जन लाहारिया इंराजी धुनलाइनि गोजौसिन डिग्रि लानानै, बेनि बिदैखौ सोबनो खाबु मोनो। लाहारिनि जेसेबां लिरथायफोर दं, बेफोर बुंनो थाडोब्ला इंराजी धुनलाइनि आदबै सोरजिनाय; अदेबानि बेफोराव बर' हारिनि हारिमु आसारखान्थि आखल आखुफोरा रोखायै बेरखांजोबदों। लाहारिनि सुंद सल 'गांसे फालि' आरो 'गयमि' =आबबो बेनि रोखा दिन्थि नुनो मोनो। सलनि बिथाया गामिनि जाम्बा-जाम्बिफोरनि रायजो जानाय। सलनि जाथायखौ गोरलै आरो सुंथाव रावैनो फोरमायदों। गांसे फालि सलवाव दाहोना रुवाथिनि गेजेराव मोजां मोनलायनानै बैसागु फालिं हरलायनाय आरो लाउदांगी हरनाय फालिया गोमानायाव बाशीरामनि गोसोया माबादि जाथावगौ बेखौ फोरमायनाय आदबा जोबोद मोजां जादों। लोगोसेयैनो गोमानाय फालिखौ मोनफिनामोनब्ला बाशीरामनि रंजानाय मोसानाथा माबादि जागौमोनथाय बे सानायखौ फरायगिरिनो उसु-खुथु खालामहोनो हानाया एसेल बाथा नऊ।

आन्जाद लानाय (CYP)

सौलु : बाशीरामा फालि गोमा जानाँ माबादि जादोंमोन ?

गयमि सुंद सलयाव लिरगिरिया बर 'नि आखल आखुखौ बेखेवनानै होदों। फुजा मेलायाव बर 'फोरा धैसोमलायनाय आखुवा मखजाथाव। दतमानि 'माइनाव मेला'याव सेंग्रानि सेंग्रा, सिख्लानि सिख्ला, बोराइ बुरै, गथ-गथाय बयबो ना' जावरिखानायबादि जावरिखानों। आदा खावनिया आलट्टा मडार्णवाव आगान सुरनाय बर 'फोरा फुजा मेलायाव गावखौनो दिन्धिनो जोबोद मोजां मोनो, जाया गारा गारा हारसा, इराजी रावै रायज्जायो। सलनि बिथाया गुसुं आरो जेब्लाबो जाप्लेबाय थानाय। नाथाय बेखौनो मेहेर गोनाडै लिरगिरिया बेखेवनानै होदों।

सुंद सलवाव सोदोब बाहायनाय बेलायाव लिरगिरिया जोबोद सांग्रां जादों होनजायो। जैरै - "सोमब्रवाय दानिया। लाउदांगीया खमखि रागा जोंसिगोन बि?" लाउदांगी हरनाय फालिखौ मोनामसुब्ला - "लाउदांगी, लाउदांगी मोनामनाय" - बाध्राया जोबोद गोरोबथारदों। अदेबानि बहाबा बहाबा आर जाथावै सोदोबखौबो बाहायनाय नुनो मोनदों। जैरै - "नोंहा पछन्द जायाखिसै"? - बेयाव 'पछन्द' नि बदलै "गोसोथोयाखिसै" सोदोब होयोब्ला साबसिन जागौमोन खोमा।

बेबादिनो गयमि सलवावबो नानाय बादियैनो सोदोबफोरखौ बाहायदों। जैरै फालांगि बुरैया सिलिम म म सोबै सोबै बुंनाय - 'गय खिलि बाय खां हाइ आमि खाइलें खुइलें गब गब।' बेनि गेजेरजों थुनलाइनि मोनगु बिदैनि मोनसे 'खुसि' बिदै या नुजाथिदों। नाथाय गयारामा 'बब्यावबा उदाव' जानाय सोदोबा एसे रोखोम जायै जादों। बेबादिनो गेजेर गेजेर इराजी, बांला, आरो असमीया सोदोब बाहायनाया लाहारिनि मोनसे आलादा बिधिं होनजायो। गयमि सलवाव मोनसे जाथाया एसे गोरोनथि जादों बादि नुनो मोनो। गयाराम आरो गयमिजों सप्ताह खुनसे डियाबारीयाव थालायनायनि उनाव गयारामजों फोथाय खेबस खालामजानाय "गयमिनि गोरबोयाव अखाफोर दानसेनि गथ गयारामनि फिसा बाध्राया रोखोम जायै बादि जादों।

1.9 फोजोबनाय :

मखनाय सुंद सल 'गांसे फालि 'नि गेजेरजों बर' माहारिनि आसार खान्धि, रंजानाय बाजानाय, दानाय लुनाय बायदि हारिमु बेरखांनाय नूनो मोनो । लो गोसेयैने गोथार मोजां मोनलायनायनि फिथाया बेसे गोथाव आरो गोजोन बेखौ मोन्दाइो । फारसेथिं 'गयसि' सलवाव बर 'नि आलट्टा मडार्णाव आगान सुरजेनायाव माबादि सौदाव-सौसि जानांदों बेनि सावगारिखौ लिरगिरिया दिन्धिदों । माइनाव मेलानि मुडै ना जावरिखांनाय बादि संग्रा-सिख्ला, बोराइ बुरै, गथ-गथाय जावरिखांनाय आखुवा नंगुबैथार । अदेबानि मोजां मोनलायनायनि मुडै फोथाय खेवस खालामनायनि फिथाया माबादि गिथाव बाथाव बेखौ लिरगिरिया दिन्धिदों ।

1.10 जानो हाथाव सॉलुफोर (Probable Questions) :

1. बाशीरामा गोमानाय फालिखौ माबोरै मोनफिनदोंमोन ?
2. गांसे फालि सलवाव बैसागु रंजानायनि सावगारिया माबादि बेरखांदों ?
3. लाउदांगीया फालिखौ मानो खावदोंमोन ?
4. लावदांगी बाशीरामनि मोजां मोनलायनाया माबादिमोन ?
5. गांसे फालि सलनि गेजेरजों बर' माहारिनि सावगारिया माबादि बेरखांदों ?
6. गयसि आरो अखन्दाजों माबोरै लो गो मोनजायदोंमोन आरो बिसोर सानैजों माबादि सोमोन्दो दंलायोमोन ?
7. गयसि सलवाव माइनाव मेलानि सावगारिखौ लिरगिरिआ माबादि दिन्धिदों बेखेव ।
8. गयारामा गयसिखौ माबोरै फोथाय खेवस खालामदोंमोन आरो उनाव गयसिया मा जाहैखो ?
9. लिरगिरिनि फोरमायनाय आदबखौ गांसे फालि आरो गयसि सलनि गेजेरजों फोरमाय ।

1.11 फरायनो गोनां बिजाबफोर (References and Suggested Readings):

1. मन रन्जन लाहारी : सल बिदां

खोन्दो- 2 (Unit - 2)

बिमा आरो दानथारु

खोन्दोनि महर :

- 2.1 बेखवनाय (Introduction) :
- 2.2 थांखि (Objectives) :
- 2.3 मनरन्जन लाहारि आरो बिथानि थुनलाइ सोरजि :
- 2.4 बिमा सुंद सलनि सल :
- 2.5 बिमा सुंद सलनि गुबै बाध्रा (Theme) :
- 2.6 दानथारु सुंद सलनि सल :
- 2.7 दानथारु सुंद सलनि गुबै बाध्रा (Theme) :
- 2.8 बिमा आरो दानथारु सलनि आखु सोरजिनाय :
- 2.9 फोजोबनाय :
- 2.10 जानो हाथाव सौलुफोर (Probable Questions) :
- 2.11 फरायनों गोनां बिजाबफोर (References and Suggested Readings) :

2.1 बेखेवनाय (Introduction) :

बर' थुनलाइनि जारिमिनाव मन'रन्जन लाहारिनि सुजुनानै दिहुन्नाय सल बिदाडा (1978) मखजाथाव। गेजेर सिरिनि सल लिरगिरि महरै मन'रन्जन लाहारिया बर' थुनलाइनि फोधाराव गोजौ माननि मासिखौ आवग्रिनानै लानो हादों होनजायो। बिथानि सुंद सल माखासेयाव बायदि बिथिनि सावगारिया बेरखांदों। इराजी थुनलाइनि गोजौसिन डिग्रि लानाय लाहारिया इराजी थुनलाइनि आदबै

रमान्तिक आखुनिफ्राय रमान्ससिम बर' थुनलाइनि फोथाराव लांनो हानाया मखजाथाव। लाहारिनि सुजुनाय 'गांसे फालि' आरो 'गयन्नि' सलवा रमान्तिक आखुनि सल। फारसेथिं 'बिमा' आरो 'दानथारु' सल दौनैया बर' हारिनि बद गैयै आखुखौ नोजोर होनानै सुजुनाय।

2.2 थांखि (Objectives) :

बे दौबै सलनि गेजेरजों मोनै रोखोमनि सावगारि बेरखांनाय बुनो मोनो -
(1) बिमा सलनि गेजेरजों 1979-80 नं मायथायाव दैयां-मेरापानी ओनसोलाव जानाय बर 'फोरनि सायाव नागाफोरनि उदखार आरो (2) दानथारु सलनि गेजेरजों बर' समाजाव जौजों गोजोमनानै माबादि लाय-लथर आरो बारि बिथा खोमानाडे (3) गावनि थांना थानो थाखाय बर 'फोरा बद गैया आरो इयुन खैफोदनि फारसेबो सांग्रांथि गैया। (4) हिनजावफोरा बिमा माहारि जानानै गाव गावनि फिसा, फिसाइफोरखौ हाजासे मोजां लमाजों लांनो नाजानाय आरो रैखाथि होनाय आखुयाबो बेरखांदों। बेफोर बादि जाथायनि गेजेरजों लिरगिरिया बर' हारिखौ बद गोनां हारि महरै सांग्रांथि लाबोनो नाजानायानो गुबै थांखि।

S.A.Q.

सॉलु : बे खोन्दोखौ फरायहोनायनि थांखिफोरा मा मा लिर ?
(30 सो सोदोबजों)

2.3 मन रन्जन लाहारि आरो बिथांनि थुनलाइं सोरजि :

बिफा बसना कुमार लाहारि आरो बिमा देवबारी लाहारिनि गोरबोयाव मन रन्जन लाहारिया 1936 ई मायथाइनि 1 फेब्रुवारी दानाव जोनोम जायो गसाइगाव बामुनकुरा गामियाव। गुवाहाटी इउनिभारसितिनिफ्राय इंराजी आयदायाव एम.ए. पास खालामनानै ककराझार कलेजाव फोरोंगिरि जायो। बेनि उनाव बिथाड

ककराझार Postgraduate Training College नि गोरायुं जानानै बेनिफ्रायनो आजिरा मोनो । आसाम सरकारनिफ्राय 'कलागुरु बिष्णुप्रसाद राभा' बान्था मोनगिरि मन 'रन्जन लाहारिया धुनलाइगिरि पेन्सनारबोमोन । बिथाइ 2008 मायथाइनि 29 जुलाइ खालाराव रंसारि जायो ।

बर' धुनलाइखौ गोजौ थाखोयाव गायसंनायाव जायफोर बिहोमा होबोदों बिसोरनि गेजेराव मन 'रन्जन लाहारियाबो सासे । बिथाइ गोजाम आरो गेदान बर' धुनलाइनि फोथाराव गेजेर सिरियाव थानानै गोदान सोरजिजों बर' धुनलाइनि महरखौ दानो हादों होनजायो । मन 'रन्जन लाहारिया धुनलाइनि गासैबो आयदानि सायाव आखाइ होबोदों । खन्थाइ, सुंद सल, सलमा, धुनफावथाय, बिजिरसं रायथाइ, जारिमिन बायदिफोरा बर' धुनलाइनि मोनफ्रा मोनफा दोहोन । 1954-55 मायथायाव गुवाहाटीनिफ्राय दिहुन्नाय 'अखाफोर' लाइसियाव बिथानि लिरनाय सिगां रायथाइ ओंखारो । 1977 मायथायाव 'माब्लाबा' खन्थाइ बिजाव बेनि उनाव इराजी रावै लिरनाय My Verses खन्थाइबिजाव ओंखारो । बिथानि खारलुं, हायना मुलि, रेबेका सलमा बिजाबफोरा गोदान बिदैनि सलमा । बिथानि 'गोदान बड़' (1982) आरो 'नोजोर' (1992) बिजाव गानैया धुनलाइ बिजिरनायनि जथायनाय रायथाइ बिजाव ।

गुबुन गुबुन लाइसिफोराव नुजानाय सुंद सलफोरखौ जथायनानै 1978 मायथायाव 'सल बिदां' मुडै, दिहुनो । बेनि उनाव 'सलनि सल' (1985) 'बिजाव ओंखारो । मन 'रन्जन लाहारियादि सासे राफोद सुंद सल लिरगिरि बेखौ बे बिजाव गानैनि गेजेरजों मिथिनो हायो ।

S.A.Q.

सॉलु : मनर 'रन्जन लाहारिया मा मा सुंद सल बिजाव लिरदों ?

(10 सो सोदोबजों फिन)

बर' धुनलाइ आफादनि नाजानायाव 1963 ई मायथाइनि 18 मे दानाव बर' रावखौ फरायसालिनि बिजों महरै थिसन्नायनि उनाव गोबां फरा बिजाव आरो

उफेरा बिजाबनि गोनां जानां फ़ैयो। बेफोर आंखालखौं लाहारिया सुफुंनो नजाबोदोमोन। बर' रावा दिनै गुलाहाटी मुलुगसोलोसांलिनि मोनसे बिफान जावाय। बेनि थाखाय नांनाय हेफाजाब बिजाब (Reference Book) फोरखौं जथायनां होनाय बेलायाव लाहारिनि बिहोमाया मखजाथाव। बिथानि सुजुनाय 'बर' थुनलाइनि जारिमिन' (1990), 'धुनलाइ आरो गहेना' (2002) बिजाबा बर' रावखौं जौगा थाखोयाव गायसंननायाव गेबें खालामदों।

आन्जाद लानाय (CYP)

सौलु : सुंद सलनि अनगायै लाहारिया मा मा बिजाब लिन्दों ?

सौलु : मन रन्जन लाहारिनि थुनलायारि बिहोमानि सोमोन्दै लिं।

2.4 बिमा सुंद सलनि सल :

(1979) ई मायथाइनिफ़ाय रोमै रोमै अर जौनाया 1980 ई मायथाइनि 5 जानुवारी खालि रोखा नुजाथियो। बे दिनाव जा जानांगौमोन बेनो जामारनायसै। आसाम नागालेण्ड सिमनायाव थानाय मेरापानि-दैयाडव बर'फोरनि सायाव नागाफोरा उदखार सालामनाया माब्लाबाबो जाफेरै जाथाय होनजायो। बे हरखालि नागाफोरा बर'फोर थानाय 24/25 गामिखौं हरखाब गाग्लोबनां न बां सावजोबो। सिलाइ, सिखा, रुवा, बोरला, जं जाय जैरे मोनो हाथेर लानां बर'फोरनि सायाव गाग्लोबो। थैनि बाना बोहैहोयो, गोथै सहखौं लानां दावखा-सिला, सिगुन, सैमा, सियालफोरा होंगो-दोंगो जायो।

नागाफोरनि गैरेमा नागालेण्ड दानायनि बेयो मोनसे हाबाफारि। नागालेण्ड ओनसोलाव नागा नडै मानसिफोरखौं होखारनां उदां खालायनायानो गुबै थांखि। हायेन आसामनि बर'फोर आरो गुबुन गुबुन जैरे - असमीया, नेपाली, बिहारीफोरा आसाम नागालेण्ड सिमानि दैयां-मेरापानि ओनसोलाव हाबफै नायखौं नागाफोरा सहायनो हायाखै। बेनिखायनो नागाफोरनि बे उदखारा। बे गाग्लोबनायाव बांसिनै बर'फोरानो खहा जादों, न बां सावजादों गावधारजादों, बुथारजादों। बिसोरनि नोजोरा बांसिनै हाँवाफोरनि सायावमोन। बेनि गेजेराव हर समनि हरखाब गाग्लोबनायाव हाँवा-हिनजाव, गथ गथायनि जेबो सिन थायाखै। गोवां

हिनजावफोरानो गथ-गथायजों लोगोसे फिसाइ खोमानानानै रान्दि जानांदों।

बै समनि जाथाया धारैनो जोबोद खाम्नि-बिम्निमोन। बर 'फोरा नागाफोरनि उदखाराव रावबो थावरिनो हायाखैमोन। बाराखी मा बुंनो-हिनजावफोरखी उदैयाव, बिखायाव आरो जानजिनि गाहाय बाहागोयाव सिखाजों-जंजों सुनानै सिथारदों। आहार जानाय गथफोरखी बिमाफोरनि बिखानिफ्राय सिखनानै खुबै खुबै गारथारदों आरो हिनजावफोरखी हाखराव गारफबहरदों। अखानायै सान ओंखारनाय लोगो लोगो नागाफोरा, जाहारबारि, जाहारबारि, हाजो थिखिनि आरो दैखंखुलियाव सोरबाफोर बहाबा थांना थाखोमादों नामा एरद्ला-एरदिल नागिरदों। बेनि गेजेराव सोरबाफोर गावथारजाफ्रामनायफोरा गावसोरनि लोरलाञ्ज देहाखी लानानै बुदुरु बुदुरु खारखोमानो हमो। नाथाय बारा गोजान हान्थिनो हायाखिसै, सोरबाबा बेन्दों बारिफोरावनो थावथानानै जोवथा हां बोनांदों। जायफोरा जिवनि मायाखी लानानै गोहो दाद खालामनानै अरंबारि बोखाव-बोसि खालामनानै सिमा बारनानै आसामाव हाबफैनो हादों बिसोर गावसोरनि जिवखी बासायनो हादों।

मोनसे बर' हिनजावफोरनि सास्नि हानजा आसाम फारसे खारबोदों। बिसोरनि गेजेराव मैनासिया दानब्रै बैसोरनि फिसा हौवा बिखुडाव बादों। फिसाइ गगाया फिसाजोजों लोगोसे न खाथेनानै सावथारजादों। बे हानजायाव दं-देलें, माइसी, गयथी, बुधबारी आरो आवारी। बिसोरनि फिसाइफ्रा सोरबाबा बुथारजाबाय, नडब्ला खामथारजाबाय। बुधबारीया थाबायनो हानाय गथखी लानानै खारो; नाथाय बेजाय दै गांनायाव गाबनायलाय नागाफोरजों खोनाजानो गिनानै दंफां मुरायाव खुबै खुबैबुब्ला गथवा दुब्ला थैयो। माइसीहा अखाफोर दानबानि फिसा दं; नाथाय देलिभारी समाव आहारा रानथाबनायलाय मोसौनि गाइखेर दौनानैसो फिसाखी फोथांदोंमोन। ओजोंहा नागाफोरा हौहा-हौहा हौनानै होसो बोनायाव मा खालामगोन मा खालामा जानानै मैदेरनि खिगोदानखी आखाइजों खेबखानानै फिसाखी बेनि सायाव फुधुनानै गांसे लाइ खोबनानै गारबोयो।

फारसेथिं मैनासिया गथखी बानोबो हाया आरो थाबायहोनोबो हाया जाबाय। लोगोफ्रा नेथनो हायैनि सिगां थांगोबाय। फिसा गैजा रोडै सांग्रेमा देलेख हाथारैनि मैनासिखी फिसालाखी गारनानै खारबोनो थिनबाय। नाथाय मैनासिया देलेंखी बुनायसै - "नौहा जोनोमाव फिसा मोनफेराखै आब', नौ फिसानि मायाखी मा बुजिनो?"

देलेडा बाध्राखी खोनानानै नागाफोरजों गावथारजाथों बियो होन्नानै मैनासिखी गारनानै सिगां फारसे दावलाडे। मैनासिया फिसाखी बामनानै दसे दावलांनो हमो। नाथाय-थाबायै थाबयै मँगिलबाय, फारसेथिं सानाबो सोनाब फारसे दोबैनो बारा गोबाव गैला। सिमा बारनानै लांदांनिफ्राय हाग्रा गुदु मोनफिनबाय जेराव हाग्रानि लखा, गान्दा, मैदेर बायदि बायदि जुनारफोरा होंगो दोंगो थायो। नाथाय अब्लाबो हाग्रानि जुनारनि सोलाइ मैनासिमोनहा गियो नागाफोरखीसो। मोदोम फांधेनो आनथाल सिजोंनो मैनासिया फिसाखी बादों आरो थोया लोमा मोदोमखी फांधेनो गोनां जादों। जेरावनो मोना आरो बेयावनो मुसानि गिनाय बादियैनो हरखाब मैनासिया नागाफोरनि सिलाइ गावनाय सोदोब खोनायो। लोगो लोगो बियो फिसाखी बामखांनानै जेराव दंमोन बेयावनो दोम थादयो। नागाफोरा मैनासिखी ग्रिद बेंखन्नानै सिलाइ फाथियो।

“नों हगार, नडब्ला नोंखीबो बे गथजों लोगोसे गावथारगोन जों।” नागाया मैनासिखी बुडे। नाथाय मैनासिया गथखी बामनायनिफ्राय हगारा। बियो नागाफोरनि खथियाव गावखी बे साजानिफ्राय हगारनो खावलायो। नाथाय उदखारि नागाफोरा बिनि खावलाइनायखी नेवसिगारनोसो हमो। राहा गोथे जानानै मैनासिया बुंबाय “आंनो बे धैनायखीनो नांगै, जाय धैनाया आंनो आरो आंनि गथनो अरायनि थाखाय उदांसि लाबोगोन।”

अन्थाय बिखा नागाया लोगो लोगो मैनासि आरो गथ सानैखीबो सें गुलिजों सोरखिहोयो। एसे गोजानाव आरोबाव सिलाइनि सोदोब खोनाबावो जानो हागौ देलें गयसि मोनहाबो नागाफोरनि आखायाव बयबो अराय समनि थाखाय उदांसि मोनबाय।

S.A.Q.

सॉलु : मैनासिनि फिसा अननाया माबादियै बेरखांदों लिर।

(30 सो सोदोबजों फिन)

2.5 बिमा सुंद सलनि गुबै बाध्रा (Theme) :

बिमा सलवाव लिरगिरिया बर' हारिनि दुखु नांथाव जारिमिनखौ फोरमायदों। खारलुं आखुनि बर'फोरा गवनि न बिथाफोरखौ फानग्लुंला बायनानै आसाम नागालेण्ड बर्दारनि दैयां-मेरापानी ओनसोलाव हादान सिफायनानै थाहैनो हमो। बर'नि अनगायैबो गुबुन हारिफोर, जेरै - असमीया, नेपाली, बिहारीफोराबो लोब लोब बारायनानै हादान सिफायनानै आसामनि सिमा बारनानै नागालेण्डनि सिडव हाबहैयो। ओजोहा उदांमि नागालेण्डनि सिमां नुनाय नागाफोरा गावसोरनि ओनसोलखौ गुबुनारिफोरनि लोब लोब बारायनायखौ सहायनो हायाखै। बिसोर बे साग्लोबनायखौ उदां खालामनो जुनैनो उदखार खालामनो गोनां जादों। नाथाय एसे एनैजों गोसो गोजोननो रोडै- बर' हारिया बांनायनि बारा ओनसोलाव साग्लोबनानै थानो लागै हमनायाव नागाफोरनि नोजोरा बर'नि सायाव बांद्राय गोग्लैयो। जायनि जाउनाव नागाफोरनि उदखारा बर'फोरनि सायाव बांसिन जादों।

फारसेथिं इयुन खैफोदनि फारसे सांग्रां नडै बर'नि आखुवा बे सलवाव रोखायै बोरखांदों। हादान सिफाइग्रा खारलुं आखुनि बर'फोरा बेनिक्राय मा खैफोद जानो हाथावगौ बेथिंजाय सांग्रां नड।

बर' हारियादि गावनि हारिनि अलखद समाव खौसे नड बे आखुयाबो बेरखांदों। खैफोद समाव हौवा हिनजाव जाय जेरै खारदों। गावखौल बासायदों। रावबो खौसेयै गसंथेनांगौनि बाध्राखौ सानाखै। बेल नड, बर' हारिमानि आफादफोरनि दैदेनगिरि, राजखान्थि दैदेनगिरि, मन्त्री, एम. एल. ए फोराबो नागाफोरनि उदखार हांगामाखौ लानानै रावबो खर सायाखै आरो फंसेबो बुडखै बे बाध्राया नोजोर होनो गोनां जादों। बेबादि लोरबां आखु आरो खौसे गैलायै खाबुखौ लानानैनो बे दाड बाजियाव बर'फोरा मैखोमै गाग्लोबजादों होनजायो।

सलनि उन बाहागोयाव नाथाय बर' बिमानि गोखों आखुवा बेरखांदों। साफ्रामबो हिनजाव माहारियानो साफ्र साफा बिमा बादि। गावनि फिसा-फिसाइन थिखाय हिनजाव माहारिया गावनि जिवखौबो बावसोमनो थियारि। नागाफोरनि उदखाराव गोबां हौवा हिनजाव फिसा-फिसा थैनांबाय। सोरबाबा बिसि फिसाफोरखौ गारनानै हयथ नागालेण्डनि सिमा बारनानै आसाम फारसे खारगलानो हाबाय, सोरबाबा गाव-गावनि फिसाइ-फिसाफोर बुथारजानानै रान्दि जानांबाय। मैनासिनि

फिसाइ गगाया फिसाजोर्जो लोगोसे गावथारजाबाय । रान्दि मैनासिया दानब्रै बैसोनि
 फिसा बिखुडाव बानानै खारदोमोन; नाथाय नागाफोरजो बैखनजाबाय । नागाफोरनि
 नोजोरा बांसिनै हौवा मानसिनि सायावमोन । बेनिखायनो नागाफोरा फिसालाखी
 बोखानानै मैनासिखी बासायनो नागिरदोमोन । नाथाय मैनासिया गोखोडै बुंवाय ।
 फिसाखी फोजोबनानै मोन्नाय उदांसिखी बिनो नाड । बेनि सोलाइ गासैखीबो
 फोजोबनानैसो गावनो उदांसि नांगौ । बेबादियैनो मैनासिया गावनि फिसाखी गोबनानै
 अरायनि थाखाय उदांसि मोनबाय । बेयो बर' बिमानि थाखाय फिसानि फारसे
 अन्नायनि गोगो नेरसोन ।

आन्जाद लानाय (CYP)

सौलु : आसाम नागालेण्ड बर्डीराव नागाफोरा बर 'फोरनि सायाव
 मानो उदखार खालामनायमोन ?

सौलु : दैया-मेरापानी ओनसोलाव बर 'फोरनि सायाव नागाफोरनि
 खासि-बिसि गाग्लोबनायनि सावगारिखी फोरमाय ।

2.7 दानथारु सुद सलनि सल :

जारगुरी गामिनि बेदां आरो बिसि माइसि । बेदाड खामला मावनानै जायो,
 नाथाय जौसाय फाग्ला । जौ लोडै लोडै गावनि हा-हु फानजुबनानै दा गाव थानो
 आन्था बिथालसै । सानसेमानि खामला खाथिनानै बांसिन समावनो जौ फेनानै हर
 गेजेरावसो नवाव सौफैयो । एखनब्ला लोगोयाव माइरं केजिसे केजिनै, एखनब्ला
 गांनै गांधाम रं आरो एखनब्ला आखाइ गोजा । फेनानै बिसि माइसिखी दुन
 दाखाल खालामफेनाया बेदानि रुदिन बादि जाबाय । बेल नडा फेनायाव एखनब्ला
 सिखा, एखनब्ला रुवा आरो एखनब्ला फालि थाबोयो । सानाव खुरैब्रै-खुरैबायो
 मोनलोडोब्ला बिनो ओंखाम नांलिया, जौनि बदलैबो खामला खाथियो ।

सानसेखालि बेदाड जौ फेनानै फेनानै गावनि गय खलथानि दरजाखी
 ब्लां नारो । बिसि माइसिया अब्ला खाफालाव आखाइ होतानै अन्दुगासिनो दंमोन ।
 धालोयाव सलथा सुजोमनो आनथाल केरासिन थानाय कुपिया मिरौ जिरौ जौदो ।
 माइसिनि साखाथियाव गथ गथया लाद्रा जानानै उन्दुगासिनो दं । उदै बुंजासे

ओंखाम मोनजायैयाव बिसोरनि महरा सायराब-राब मोलोलौं। बिसोरनि गेजेराव
 हौवासा देरसिना स्नि बोसोरनि, गेजेरा वा बोसोरनि आरो हिनजावसा दइसिना धाम
 बोसोरनि। बिसोरखौ लेखा फोरेंनायनि बाध्रायाथ गोजानाव दोन-दाहोना, लावखार
 आरो बखालि दोन्नायनिसो सिमां नुदों बेदाछ। बिसि माइसिया हाबा जानायनिफ्राय
 दिनैसिम फिसाइनि अन्नाय मोनफेरबोयाखै, बेनि सोलाइ मोनबोदों अराय रागा
 जॉनाय, बुनाय, जोनाय, सोगोमनाय बायदि बायदिसो। दिनैबो बेदाछ बेजाय जौ
 लोबोदों-खरवा दिगोम दागोम। बिनि खुगानिफ्राय स गबोनाय बारजों कुपिनि मोले
 ले जॉनाय अर स्रोब गोमोरो। बियो सकि, इन्जुर आरो रुवालियाव सौग्रावलाबायो।

बेदाछ बाध्रेद बाध्रेद फैना नै बिजिनाव ओंखाम बिफैयो नाथाय माइरं गैयै
 बिसि माइसिया माजों ओंखाम संलायखो ? बेखौ लानानै बिजि फिसाइ सानैजों ग्रें
 ग्रें गुं गुं जालायो। जायस्लाबफोर एबा बिदानाव माइरंखौ सोलाव लायनानै ओंखाम
 सडैनि दायाव बेदाछ बिसिखौ खानायाव हमनानै बैसांनिफ्राय बोख्लायनानै सोबायो,
 जोयो आरो सिधलायाव सध्रेदहरो।

बिदा गंगानि सायाव बेदाछ रागा जोडो। बेदानि बिदा गंगा। बिदा फंबाय
 सानैजों गुबुन जानाया बोसोरद जाबाय। गोदो बिमा-बिफा थानाय समाव जारागुरी
 गामियाव बिसोरहानो बयनिखुरैबो धोनिस्निमोन। गंगाया दाबो बिफानिफ्राय मोनाय
 सम्पतिखौ रैखा खालामनानै ग्रें ग्रें रायजो जगासिनो दं। नाथाय, बेदाछसो-गावनि
 दायावनो गासैबो खोमानानै लाजोबलाय। गावनि गोरोन्थिखौ हमदानो हायै बेदाछ
 बिदा गंगाखौसो मेगन सायो। बियो बैसाडाव आवनायबाय थानानै दुबफुं सिखारो
 आरो उखुमाव थेबनानै दोन्नाय रुवाखौ आखायाव लानानै बिदा गंगाखौ दानसनो
 होन्नानै आवगायलाडो। अब्ला अखाफोर जहाबनाय हर, फेसा दावनि हुदु-हुदु,
 मावजिनि मेउ मेउ सोदोबा हरखौ गिधावसिन खालामदों। बिसि माइसिया माबाफोर
 खैफोद जागोनखौ गिधिखानानै उन उन थांफायो। बे समाव बिदा गंगाया बेजाय
 गरमखाय बारान्दायाव सकि बनानै उन्दुगासिनो दंमोन। खाथियाव राबबो गैया
 सि-साय। बेनो गाहाम सम सानानै बेदाछ गंगा नि गोदोनाखौ नोजोर होनानै रुवा
 दैखानाय लोगो लोगो बिसि माइसिया आखाइ थायसेजों देहायाव जेसेबां बोलो दं
 एसेबां होनानै हमथाबाय। सानैजों नारा नाथार जाबाय। नाथाय बे समाव बेदानाव
 मोसा बागानि खुरैबो बांसिन बोलो। बियो सोरबा सुथुर सानानै रुवाजों बिसि

माइसिनि खरवाव खब होयो । माइसिया 'आइ ऐ' होना नै हायाव जलदब गोलैयो ।
एसेयावनो नखरनि मानसिया मुबुं-मुसि सिखारना नै मा जाखो हमनो हायाखिसै ।
गंगाया माइसिखौ बोखां है गौमानि बेदाडा माब्लाबानो जायगानिफ्राय
खारखोमालांबाय । बारान्दाया धैजो लोमसावजोब्बाय । लाइसिनि जिवा अरायनि
थाखाय गोमोरलांबाय ।

S.A.Q.

सोलु : बेदांनि आखला माबादिमोन लिर ।

(30 सो सोदोबजो फिन)

2.7 दानथारु सुंद सलनि गुबै बाथा (Theme) :

दानथारु सुंद सलवाव बर' माहारिनि गुलाइ-गुजाइ रायजो जानाय
सावगारिया बेरखांदो । जौ बादि फेग्रा बेसादखौ बर' हारिया अनासायनायनिफ्रायनो
बे गुलाइ गुजाया जादो होनजायो । जौजो जायनो गफबदो बिनो फारसेनिफ्राय
गासैखौबो खोमानांदो - हा हु धोन सम्पति खोमानांदो, नखराव दावराव दावसि,
बिजि फिसाफोरजो दुम दाखाल जानायनि गुदियावबो जौवानो ।

जारागुरी गामिनि बेदां मोनहा बिमा-बिफा थानाय समाव गामिनि गेजेराव
बयनि खुरैबो धोनिसिनमोन । नाथाय बिदा गंगार्जो गुबुन जानायनि उनाव बेदांहा
फारसेनिफ्राय हा हु, धोन सम्पति खोमानांदो- जौजो गफबनायनि जुनै । दिनै
बेदाड खामला मावनानै जानो गोनां जादो । नखरनि बिसि-फिसाफोर रसा नांनदो ।
फिसाफोरखौ दाहोना, लावखार आरो बखालि दोन्नायनि बाथा सान्ना गोनां जादो ।
जौ लोना नै बेदाड बिसि माइसिखौ दुम दाखाल खालामफैयो ।

गावहा धोन सम्पति फोजोबनानै ग्रें ग्रें रायजो जाबाय गंगाखौ बेदाड
मेगन सादो । बिसि माइसिजो दुम-दाखाल खालामनायनि उनाव बेदाड बिदा

गंगाखीं रुवाजों दानथारनो होसोलाडे हर गेजेराव । नाथाय जौनि निसाजों हमस्लाबनो हायाखिसै बेदाड मा खालामनो नागिरदों । बिदा गंगाखीं दानथारनो रुवाखीं दैखानाय लोगो लोगो उन उन होसोलांनय बिसि माइसिया हमथानायाव नारा बाथार जायो आरो गावनि सुथुर सान्नानै बिसिनि खरवाव रुवाखीं खब होयो । माइसिया दाय गैया फोदो गैया गावनि जिवखीं खोमानाडे । बेदाड दानथारु जानांनयनि गुदियाव जौखींनो बुंनांगोन ।

बे जाथाया बर' माहारिनि थाखाय मेनसे दुखु नांथाव सावगारि होन्नानै बुंजायो । अदेबानि बे सुंद सलनि गेजेरजों लिरगिरिया मोनै बिथिंखीं फोरमायदों । बियो जादों मोजां बिथिं आरो गाज्रि बिथिं । गंगानि गेजेरजों मोजां बिथिं आरो बेदानि गेजेरजों गाज्रि बिथिं । जौनि निसाजों सोमोन्दो गैयै गंगाया ग्रें ग्रें रायजो जादों आरो रावनिबो इनाय खालामफेरै गंगाया बेदानि आखाइजों धैनायनिफ्रायबो बारगदों । फारसेथिं नाड-फाड बिसि माइसिया फिसाइनि आखलनि थाखाय गावनि जिवखीं खोमानांदों ।

S.A.Q.

सौलु : बेदाड दानथारु जानांनयनि गुबै जाहोना मा ?

(30 सो सोदोबजों फिन)

2.8 बिमा आरो दानथारु सलनि आखु सोरजिनाय :

बिमा सलवाव लिरगिरिवा नागाफोरनि उदखारि आखुखीं रोखायै दिन्थिनो हादों । गेदेमा नागालेण्ड दानायनि सिमां नुनाय नागाफोरा गावसोरनि ओनसोलाव गुबुनफोरनि साग्लोबनायखीं सहायनो हायाखै, बेनिखायनो बिसोरखीं होखारनानै लांदां खालामनो थाखाय धिउरियानि महर लानो गोनां जादों । बे सैथावि बाध्राखा । नाथाय बे उदखाराव बर'फोरा बोलि जानांनय जाथायासो दुखु नांथाव जादों ।

आगोल उन सान्नो रोडै खारलुं आखुनि बर'फोरा बुंनो थाडेव्ला जेरावबो

बेबादि बोलि जानांदों। खारलुं आखुनि मानसिफोरा जेरावबो दिदोमै थानो हाया। गोसोया खालि एग्थुबाय थायो। दिनै बेयाव, गाबोन बैयाव खारदिलाबाय थायो आरो हादान सिफायलाबायनानैनेो बिसोर गावसोरनि गोसोखौ गोजोन होयो। दिदोमधि गैयै गोसोनि मानसिया आगोल उन जेबो बाध्राखौनो गोथौवै सान्नो हाखाया। खारलुं गोसोनि मानसिफोरा गावजों गाव माब्लाबाबो खौसेयै शालायनो आरो गसंथेनो हालाया।

जोहोलाव दैमालु होलांनाय साव -- "गावनि हारिनि जोहोलावफोरखौ सिनायनो रोडैयाव आरो खौसे गैलायैयाव बर 'फोरा जोबसांगोन'" होन्नाय बादियैनेो बर 'फोरा बेबादि जेरावबो उदखारिफोरनि आखायाव हालाइ हाफाइ जानांदों। देलें, माइसि, गयाधि, बुधबारी आरो आबारी मोननि गेजेरजों बर 'आइजोनि आखुवा बेरखांदों। मैनासिया सासे जादगुबै बर 'हिनजाव। बियो गावनि जिवखौ बावनानैबो बिखुडव बानाय दानत्रै फिसाज्लाखौ बासायनो नारा-नाथार नाजादों। नाथाय हायाखिसै। उदखारि नागाफोरनि आखायाव बिमा-फिसा सानैबोनि जिवा उदांसि मोनबाय।

दानथारु सलनि गेजेरजों लिरगिरिया बर 'नि गुलाइ-गुजाइ संसार जानाय आखुखौ दिन्थिनो नाजादों। जीवा बर 'फोरनि एंगारनो हायै बेसाद। नाथाय जौनि फेनायजों बिसोर नारसिनजायो। बर 'ल नड, जायफोर जौजों नारसिन जादों-बिसोरनि नखरानो गुलाइ-गुजाइ जानाय बाध्राया थार।

जौजों गोजौ जायो। जौ फेयोब्ला मावथावै खामानिखौबो मावनो हाजोबो। बेदाड जौजों गफबनानै नखरनि फारसे नोजोर होनो हायाखै; जायनि जाहोनाव नखराव गुलाइ-गुजाइ सोमजिदों। नखरनि धोन सम्पत्ति, हा हु जोबसांदों, खामला मावनांदों। फिसाफोरखौ दाहोना, लावखार, बखालि दोन्नायनि बाध्रा सान्नांदों। नखराव बिसि-फिसाफोरा उदै ब्रुंजासे ओंखाय मोनजाथा। बेल नड जौजों गोजौ जानानै बेदाड गावनि बिदा गंगाखौ दानथारनो होसोलांदों। नाथाय जौनि निसाजों हमस्ताबनो हायैलाय गावनि बिसि माइसिखौनो सुथुर सान्नानै खरवाव खब दानगारो। बिसि माइसिया जायगायावनो जलदब गोम्लैनानै थायो। बेफोरबादि खासि-बिसि हाबा फोरखौबो जौनि निसाजों बेदाड मावक्रांदों।

S.A.Q.

सॉलु : बेदाङ्ग मानो खामब्ला मावनांदोंमोन ?

(20 सो सोदोबजों फिन)

सुंद सलवाव जाशायनि थासारिफोरखौ फोरमायजोबनाया गोरलै बाध्रा नङ्ग। मानोना बेयाव समनि आवथाया जोबोद बाङ्गइ। थेवब्लाबो लिरगिरि मन रन्जन लाहारिया जोंनि माहारिनि गेजेराव थानाय आखुनि माखासे बिधिंखौ बे दोंनै सुंद सलनि गेजेरजों दिन्थिनो हादों होनजायो।

2.9 फोजोबनाय :

मख बोनाय सुंद सल दोंनैनि गेजेरजों बिमा माहारिनि गावनि जिवखौ ब्रावसोमनाय अखला बेरखांदों। 'बिमा' सुंद सलवाव मैनासिया गावनि फिसाखौ बुधारनानै गावनि जिवखौ रेखा खालामनो हागौमोन। नाथाय बियो गावनि जिवनिखुरैबो फिसानि जिवा देरसिन होन्नानै फिसाखौ बिखानिफ्राय बोखायाखै। जाहोनाव नागाफोरनि आखायाव फिसाजों लोगोसे गावनि जिवखौबो मैनासिया खोमानानै लानांबाय। बेयो फिसानि फारसे बिमानि गोगो अन्नायनि नेरसोन।

फारसेथिं 'दानथारु' सलवाव जौसायफाग्ला फिसाय बेदानि आखलखौ सहायनो हायाब्लाबो सहायनो गोनां जादों बिसि माइसिया। जेवो लाय लथर गैजारोङ्गे बेदानि नखर बिसि माइसिया फिसा साथामखौ लानानै बेंनो गोनां जादों। जौजोंनो जेब्लाबो गफबनानै थानाय बेदाङ्ग सानसेखालि हराव बिदा गंगाखौ दानथारनो धांदों। बिसि माइसिया इयुन खैफोदखौ नुहरखानानै उन उन थांनानै हमथा हैनायाव गावनि जिवखौसो खोमानांदों। बेबादियेनो बिमा माहारिनि मोनै बिधिंखौ लिरगिरिया बे दोंनै सलनि गेजेरजों दिन्थिदों।

2.10 जानो हाथाव सॉलुफोर (Probable Questions) :

- सॉलु : 1. बेदांनि आखुवा माबादि आरो बियो मा मावनानै जायो ?
2. बेदांनि बिफानि समाव नखरा माबादिमोन; उनाव मा जाहैखो ?
3. नॉनि नोजोरजों माइसिनि आखलखौ बिजिर।
4. 'दानथारु' सलवाव दानथारुवा सोर ? बियो मानो बे लामाखौ लानो गोनां जाखो ?
5. 'बिमा' आरो 'दानथारु' सुंद सलनि गेजेरजों लिरगिरिया बर' माहारिनि माबादि सावगारि बेरखांहोदों लिर।
6. 'बिमा' आरो 'दानथारु' सलनि गेजेरजों बिमा माहारिनि आखला माबादियै बेरखांदों ?
3. मैनासि मोननि हानजायाव सोर सोर दंमोन ? बिसोर मानो आसाम फारसे खारबोदोंमोन ?
4. मैनारिनि गोरबोयाव बिमा माहारिनि आखुवा माबादि बेरखांदों ? उनाव बिहा मा जाहैखो फोरमाय।
5. बे सुंद सलनि गेजेरजों बर' हारिनि आखल आखुवा माबादि बेरखांदों।

2.11 फरायनो गोनां बिजाबफोर (References and Suggested Readings) :

1. सल' बिदां - मन 'रन्जन लाहारि सुजुनाय (1978)
2. बर' धुनलाइनि जारिमिन - मन 'रन्जन लाहारि।
3. सल' बिहुं (सेथि खोन्दो) - बर', धुनलाइ आफाद (2008)

०००००

खोन्दो-3 (Unit - 3)

आंनि मोजां मोननायनि दायरी आरो बैसागु

खोन्दोनि महर :

- 3.1 बेखेवनाय (Introduction) :
- 3.2 थांखि (Objectives) :
- 3.3 सुंद सल लिरगिरि महरै इन्द्रमालती नारजारी :
- 3.4 "आंनि मोजां मोननायनि दायरी" नि सल :
- 3.5 आंनि मोजां मोननायनि दायरीयाव बेरखांनाय समाजारि सावगारि :
- 3.6 बैसागु सुंद सलनि सल :
- 3.7 बैसागु सुंद सलवाव बेरखांनाय समाजारि सावगारि :
- 3.8 इन्द्रमालती नारजारीनि सल फोरमायनाय आदब :
- 3.9 इन्द्रमालती नारजारीनि सलवाव बाश्चा रायलायनाय :
- 3.10 फोजोबनाय :
- 3.11 जानो हाथाव सॉलुफोर (Probable Questions) :
- 3.12 फरायनो गोनं बिजाबफोर (References and Suggested Readings):

3.1 बेखेवनाय (Introduction) :

बे खोन्दोयाव इन्द्रमालती नारजारीनि दोनै सुंद सलफोरनि सायाव सावरायनो लानाय जागोन । जों मिथिगौ सुंद सलवा जिगुजौ माइथायावसो मुलुगनि जेरावबो

गोसारनो हमो। बेनि सिगां जायफोर सलखौ जों मिथिबोदों बैफोरो सल बाथासोमोन। मखजायोदि सुंद सल आरो सलबाथाफोरनि गेजेराव गोबां फाराग नुनो मोननाय जायो। बेफोरनि सोमोन्दै जों गुबुन आयदायाव सावरायनाय जागोन। जायखि जाया, - सुंद सलवा जाबाय सुबुं समाजनि गोदान मुगानि गोदान जाथाइफोरनि गोदान सल फोरमायनाय मोनसे गोदान बिजोनि सोरजि। बेबादि गोदान सोरजिखी सोनाबारि लिरगिरिफोरा मोगथानि थार जाथाइ माखासेखी लानानैनो गोदान सल लिरनो हमो। बिथानिमोननि गेजेराव सेखभ, दुरगेनिभ, म 'पासौं आरो समारसेटमोनहा मखजाथाव। बवेखानि बर' सुंद सलवा नैजि जौथायावसो जोनोम मोनजेनो। अब्लाबो, बर' सुंद सलफोरा फरायग्राफोरजों बोजबजाबोदों, अनसायजाबोदों जाहोना जाबाय एसेल समनि गेजेराव बिदै सोबनो हानाय बिजोफोरनि मादाव सुंद सलवाबो मोनसे।

3.2 थांखि (Objectives) :

सोर लिरगिरिनि सलखौ सावरायनाय जागोन बेखौ गोजौवाव बुंबोखाबाय। दानिया बे फराखौ फरायनि थांखि महरै गाहायाव होनाय बाथाफोरखौ मिथिनो हानाय जागोन।

- (क) सुंद सल लिरगिरि महरै इन्द्रमालती नारजारीखौ सिनायगोन।
- (ख) बिथानि दोंनै सलवाव बेरखानाय समाजारि सावगारिनि सोमोन्दै मिथिगोन।
- (ग) सलगिरिनि सल फोरमायनाय आदब आरो बाथा रायलायनायनि सोमोन्दै मिथिगोन।
- (घ) मखनाय दोंनै सलनि गुबै बाथानि सोमोन्दै मोजाडै मिथिगोन।
- (ङ) बर सुंद सलवाव इन्द्रमालती नारजारीनि बिहोमानि सोमोन्दै मिथिगोन।
- (च) सलगिरिनि दोंनै सलनिप्राय समाजनो छेनाय रादाव (Message)नि सोमोन्दै मिथिगोन।

3.3 सुंद सलगिरि महरै इन्द्रमालती नारजारी :

इन्द्रमालती नारजारीया बर सुंद सल लिरगिरिफोरनि गेजेर आथालनि सासे राफोद सलगिरि। बिथानि जोनोमा आथिखालनि सिरां (गोदोनि बड्डईगाव) जिलानि

बिजनी नोगोरनि एसे खोलोहा दहलाफारा गामियाव 1960 मायथायाव जादोंमोन । बिथानि बिफा आरो बिमानि मुडा फारियै बासिराम नारजारी आरो खबसि नारजारी । मखजायोदि भुपेन नारजारीनि लाखोमानाय मुडा इन्द्रमालती नारजारी । बिथानि गिबि बर सुंद सल बिजाबानो जाबाय “आनि मोजां मोननायनि दायरी” (1995) । बेनि उनाव बिथाड “गावदां” (2005) मुनि गांसे बर’ सुंद सल बिजाव दिहुनबावो । “आनि मोजां मोननायनि दायरी” सल बिजाबाव गासै दों दाइन (8) सल दं आरो “गावदां” सल बिजाबाव गासै दों जिनै (12) सल दं । बे गांनै सलफोरखौ नायोब्ला बिथाडादि बर’ सुंद सलवाव मोनसे गोदान आगान खोखनैनो नाजादों बेखौ मिथिनो हायो । सरासनसा सुंद सल फोरमायनाय आदबा सलगिरिफोरनि सायावनो सोनारो । नारजारी बिथानि सलफोरखौ गावनो गाव फोरमायनाय (subjective narration) आदबजोंनो बांसिन सलखौ फोरमायनाय नुयो । बिथानि सलवावबो फिसा फिसा जाथायावनो माहारियारि सानखांधि, माहारि मोजां मोननाय, दुखु-हांमानि रोमै रोमै रादाब नुनो मोनो । समाजनि नंगुबै जाथायफोर आरो बै जाथायफोरनि गेजेरजों हान्थिनायाव सुबुं समाजा उन सिगां सानस्लाबनो हानाय आरो हायैनि जाहोनाव माबोरै दुखुगोनां देंखो बोनाडो बेफोरनिबो सावगारि नुनो मोनो नारजारीनि सलफोराव । बेनि अनगायैबो समाजनि नोजोराव गाहाय थाखोनि सुबुंफोरा माबादि आंखालजों नाखेबजायो बेनि इसारा नुनो मोनो । नाथाय आंखालजों नाखेबजाब्लाबो बिसोरनि गोसोयाव इनाय हाबाया बासा बोया बबेखानि बिसोरबादि सुबुंनि गोरबोया गोजों दैबादि गोथार मैला गैयै सानसिजों नारा नाथा धांना थानो नाजानायनि गोथां सावगारि नुनो मोनो नारजारीनि बांसिन सलवाव । समाजनि मोगथां सावगारि एरखांतायावदि बिथाड उन जानानै थायाखै बे बाश्राखौ जों गनायनांगोन ।

S.A.Q.

सौलु : सुंद सलफोरखौ फरायग्राफोरा मानो बोजबदों एवा

अनसाय बोदों ? (25 सो सोदोबजों फिन)

.....

.....

.....

सोंलु : इन्द्रमालती नारजारीया गांबेसे सुंद सल लिरखी आरो
मा मा ? (25 सो सोदोबजों फिन)

.....
.....
.....

3.4 “आंनि मोजां मोननायनि दायरी”नि सल :

“आंनि मोजां मोननायनि दायरी” सलखीं गाहायाव गुसुडै फोरमायनाय जाबाय । बेनि अनगायैबो हेफाजाव बिजाबनि फारिलायाव होनाय (मखनाय) गुबे सल बिजाबाव थानाय सलखींबो आबुडै मिथिनो थाखाय फरायनो हागोन ।

बे सलनि गाहाय आखुफोरा जाबाय रिखां नारजारी, बिमल ब्रह्म, मौसुमी बरगयारी आरो मालती ब्रह्म । रिखां आरो बिमल सानैबो मुलुग सोलोंसालियाव फरायो आरो सानैबो बे सोलोंसालिनि हस्टेल आर.सि.सि.याव थायो । औरैहाय मौसुमी आरो मालतीमोना कटन कलेजाव फरायो । साफ्रोमबो गामिनिफ्राय गुवाहाटीनि बिखायाव थानाय सोलोंसालिफोराव गोजै सोलोंथाइ लानायनि थरफा थरफा मिजिं लानानै फेदों आरो बे थांखिखीं जाकुंहोनोनो बिसोर नाजादों ।

रिखां नारजारीया गाबनि फरायनायजों लोगोसे मैथाइ आरो खन्थाइ लिरनाया बिनि हुदा एबा हबि । बेल नड्ड बर' माहारिखीं लानानै बायदि बायदि लिरबिदांबो लिरो । बर' हारिमुखीं बियो जोबोर मोजां मोनो । बर' हारिनि खेराइ मोसानायखीं बियो गोसो गोरबोजों मोजां मोनफ्लेथारो आरो बेनि मौसानायखीं नायनो लुबैयो । लाइमोन बैसोयाव मा सानो मा हास्थायो रावबो बुंसहाया । बेनि नेजेरावनो गोरबनाय बोथोर सफैबावोब्ला सोमोनांथाव सिनबाव । सानसेखांलि सैत्र दाननि सान हाबहां हाबहां मोनाबिलि समाव बिमल आरो सलगिरि सानैबो हाजो सेरनि दैसा गाथोनाव जनानै माबा माबि सानखांदोंमोन । बे समाव सलगिरिया बैसागो बोथोर सफैनायनि सिगां सिगां मिथिंगानि महर लानायनि सोमोन्दै फोरमायो । आरोबाव बैसागो बोथोरादि सफैथारनो बारा गोबाव गैलिया बे बाश्नाखींबो बिमलनो खिन्थायो - सानैबो बे

बोसोरनि बैसागोया माबोरै जागोन बेखींनो सानो आरो रायलायो। बेबादि सानबाय थानाय समावनो फँगौ रंजालि बैसागोयाव मोनसे “मेधाइ आवरायनाय” (संगीतालख्य) रेडिअ’ सेन्टारनि गेजेरजों फोसाबोब्ला माबोरै जागोन बिमला थावनो गोसोखाडे आरो रिखांनो फोरमायो। रिखाडबो बेखीं मोजां बाश्रा सानखांनाय होनना मदद होफाबाय आरो थाबैनो रेडिअ’ सेन्टाराव धांनानै “लाइमोन आफाद” (Youth Programme) थि खालामनाय जाबाय। वे थांखिखीं जाफुंहोनो रिखांनि हस्टेलावनो रिहार्सेल (Rehearsal) खालामनो थि खालामबाय गुवाहाटीनि कटन कलेजाव फरायफैनाय मौसुमी आरो मालतीमोनखीं लाफानानै। नाथाय मखजाथावदि बिसोर सानैखीं रिहार्सेलनि थाखाय लिंनो लायनो कटन कलेजनि सिख्लाफोर थाग्रा हस्टेल मोनहैनायनि सिगांनो लामायाव रिखांमोना लोगो मोनो। सिख्लाफोरा बिमलखीं मोजाडैनो सिनायो - रिखांखींसो सिनाया। बेबादिनो गासैहो जयै रायलायलायो आरो लोगो हमनायनि गोनांथिखीं फोरमायलायो।

S.A.Q.

सौलु : आनि मोजां मोननायनि दायरी सलवा बबे सुंद सल
बिजाबनिफ्राय दैखांनाय ? (10 सो सोदोबजों फिन)

.....

.....

.....

सौलु : लाइमोन आफाद (Youth Programme) खीं
बबेयाव फोसाबनाय जायो ? (15 सो सोदोबजों फिन)

.....

.....

.....

दान्दिसे उनाव गासै साब्रैबो जयैनो “सान फ्लावार” (Sun Flower)

हटेलाव मोजाडै रायलायनो होना थांनायसँ आरो "आमलेट" आरो "कफि" बो बानायनो होनायसँ । बयबो आबुडै सिनायथि लालायो । रिखाड मिधिबाय मौसुमी आरो मालतीया कटन कलेजाव फरायो । आमलेट जायै जायैनो - फोसावनो लानाय प्रग्रामनि मेथायफोरखौ रिखाडनोदि लिरदों बेखौ बयनिबो सिगाडव बुधियो । बेयावनो बरफोरनि खेराइ होनायनि सोमोन्दै बाध्रा ओंखारो लोगोसे बेफोरबादि बबेबा गामि एबा ओनसोलाव खेराइ होनाय जायोब्ला बै जायगायाव रिखाडदि थांना नायहँनो जोबोर हांखुर जादों बाध्राखौबो मौसुमीमोननि सिगाडव बिमला खिन्थायो । बेयावनो गावसोरनि गामियाव खेराइ होनाया जोबोर गाजा गोनजा जाथारो बे बाध्राखौ मौसुमीयाबो बुंफोरना होयो आरो खेराइ होनाय समाव गावसोरनि नवाव रिखांखौ लाना थांथारनो बिमलखौ खावलायो । मखजायोदि बरनि गोरों गोरु सुबुंफोरा हारिमुनि फारसे धार अनसायनाय गैयैनि धाखाय हारिमुवादि खहा एबा जोबलांगासिनो दं बेखौबो मौसुमीया फोरमायो आरो बिमल रिखांमोनबादि लेखा गोरोंफोरा हारिनि हारामुखौ जौगाहोनो नाजाब्ला हारि जौगाखांनायाव मदद होनाय जागोन होनानैबो मिजिंधियो । जायखि जाया, गोबां बाध्रा रायलायनायनि उनाव गावबा गाव जायगा फारसे थांनो ओंखारबाय आरो अखानायैनिफ्रायनो रिहासैल खालामनो थि खालामबाय । जोबनायाव मौसुमीयानो - "गाबोन लोगो मोनफिनगोन आदा (बिलाइ-6) ।" होनानै रिखांमोनखौ बिदाय लायो ।

सिगाडवनो एसे फोरमायखाबोदों लाइमोन बैसोयाव सोरनि गोसोयाव सोर मा सिमां सुजुखोमायो बेखौ हमसहाया । थिग बेबादिनो सलगिरियाबो मौसुमीखौ सिगां एबा गिबि खेब नुजेननायावनो मोथो मोथो मोजां मोनो । आरोबाव बिगो सानो - गाव जैरे नुजेननायावनो मौसुमीखौ मोजां मोनदों बेबादिनो मौसुमीयाबो गावखौ मोजां मोनदों जानांगौ । जायखि जाया थांखिबादिये प्रग्रामा जाफुंबाय रेडिअ' सेन्टाराव रेकरदिं खालामनाय हाबाया आरो सानसेखालि बैसागोनि रंजानाय समाव ब्रडकास्ट (Broadcast) खालामनाय जाबाय । बयनिबो गोसोया उसाव बादाव गावसोरनि मेथायखौ खोनासंनो ।

मौसुमीयाबो नखराव बिफानि सेराव थानानैनो प्रग्रामखौ खोनासंबाय । खोनासंनाय लोगो लोगो रेकरदिं (Recording) बो खालामनानै लाखिनायसँ । खोनासंखांनायनि उनाव गावनि बिफाया मेथायफोरखौ जोबोर मोजां जादों होना

बाख्यायनायखौ मिथियो मौसुमीया आरो बे मेथायखौ सोर लिरनाय मिथिनो लुबैयो मौसुमी बिफाया । जेव्हा बे मेथायखौ मुलुग सोलोंसालियाव फरायनाय रिखां नारजारी मुनि सासे फरायसाया लिरदों होनना मिथियो अब्ला बै फरायसाखौ गावसोरनि नवाव लिनं लाबोनो बिफाया फिसाजोखौ खावलायो । फिसाजो मौसुमीयावो सम आरो खावु मोनब्लानो गावसोरनि नवाव लाबोगोन होनना गनायो ।

बैसागोनि बन्द मोनब्ला रावबो गावबा गावनि नवाव एबा गामियाव थानो लुबैयालाबानो थानो हाया । बेबादि बैसागोनि बनदवाव सलगिरिया बैसागोनि सोमोन्दै बायदि बाध्रा संबिजिरनाय हाबायाव मुखुब थानायनि थाखायनो गुवाहाटीयाव फेफिननायाव गोबाव जादोंमोन । सानसेखालि 11.30 बाजियावसो गुवाहाटी मोनफैनायसै । हस्टेलाव दुगैसां लोबसां जाखांनायनि उनाव हारमनियाम लानानै मेथाय खननो हमो । बे समावनो सोरबा सिख्ला (मौसुमी) हाबखां (दरजा) खौ सोदोब होफैयो । रिखाड खथा सिंनिफ्रायनो सिख्लाखौ हाबहोनायनि इसारा हरो आरो सिख्लाया खथायाव हाबो । मौसुमीखौ नुनानै रिखाड आसुं-आबुं जायो आरो सिख्लाखौ जिराय होना रायलायो । मौसुमीया गावनि बिफाया रिखांखौ नायनो लुबैनाय आरो गावसोरनि नवाव लिनं लांथारनो थिननाय बाध्राखौ रिखांनो फोरमायो । मौसुमी फेखालिसो रिखाडबो गामिनिफ्राय फेदों होनना बुंदोंमोनब्लाबो जोबनायाव रिखाड मौसुमीमोननि नवाव थानो सिमान जाबाय । हस्टेलाव साहाजों गाव ननिफ्राय लाबोनाय नालेंखरनि लारुजों जानायसै । उनाव गावनि बिफानि रेल क्वारटाराव रिखांखौ लिनानै लाबोना बिफानो सिनायथि होनायसै । मौसुमी बिफाया रिखांखौ नुनानै इनायनो गोजोनो आरो गुदि खिथा गासैबो रायलायनायनि उनाव हाजासे बाख्यायो - लेखा गोरों रिखाडदि बर' हारिनि बाध्रा सानो, बर' हारिमुनि जौगानायनि फारसे नोजोर होयो । आरो बेल नड गोमालानो हमनाय हारिनि गेजेराव रिखांनि मावनो लानाय थांखि आरो हाबा मावनायखौ नुनानै इयुन जोलैया थुलुंगा मोनखांगोन बेखौबो सानखांदों मौसुमी बिफाया । रायलायै रायलायै देग्लायनि खेराइ होनायाव मौसुमीमोननि गामियाव रिखाडबो बाहागो लाहैगोन होनना फोरमायो आरो बिसोरनि ननिफ्राय बिदाय लायो ।

नाथाय बिदाय लानानै फेदोंब्लाबो रिखांनि गोसोया नाथाय मौसुमीखौदि धार गोसोर्जों मोजां मोनो बेखौ फोरमायदों । बिसोरनि मोजां मोनलायनाया नाथाय

गुबुनफोरनि बादि हारसिं हारसिं लोगो हमलायनाय नड्ड आरो गले गले रायलायबाय धायाखै। बिसोर खेबथामलसो लोगो मोनलायदों - सेथियाव "सान फ्लावार" हटेलाव, नैथियाव रिहासेल खालामनो फैनायाव आरो थामथियाव बिफानिसिम लिंनो लांनो फैनायाव। बे खेबथाम लोगो मोनलायनायावनो बिसोर माबोरै एसेबां गोथौ मोजां मोनलायखो बुंस हाया। बेखौनो गावनि मोजां मोननायनि दायरी महरै फोरमायदों। सलवा बेवनो जोबो।

S.A.Q.

सौलु : बे सलनि गाहाय आखुफोरा सोर सोर ?

(25 सो सोदोबजों फिन)

.....
.....
.....

सौलु : बे सलवाव बर' हारिनि मा मा रंजाथाइनि बाश्चा ओंखारदों ?

(30 सो सोदोबजों फिन)

.....
.....
.....

3.5 आंनि मोजां मोननायनि दायरी सलवाव बेरखांनाय समाजारि सावगारि:

दानिया जों समाजारि सावगारि माखौ बुझे बेनि सोमोन्दै सावरायनो लानाय जाबाय। समाजारि सावगारि होनोब्ला सरासनन्ना मोनसे समाजनि साननाय हनाय, फोथायनाय, मावनाय-दांनाय, हाबा-हुखा, आसारखान्थिफोरा बे समाजाव गोबाव समनिफ्राय सोलिबोबाय थायो आरो बयजोंबो गनाय जायो बेखौनो मिथिहायो।

मानोना, समाज लानानै समाजारि सावगारिया गुबुन गुबुन महरनि जायो । जैरै - बर 'फोरनि दोहोरोम सिबिनाय आरो असमीयाफोरनि दोहोरोम सिबिनायनि खान्थिफोरा समान नड नाथाय मोननैबो हारिया दोहोरोम सिबियो । बेबादिनो रंजाथाइ, गुबुन गुबुन आसारखान्थि थायोब्ला माब्लाबा माब्लाबा गुबुन गुबुन मोननै मोनथाम एबा मोनसेनि बांसिन हारिफोरा खाथि खाथि थाजाबलायनायनि जाहोनाव, रायजो जालायनायनि थाखाय मोनसे हारिनि आसार खान्थिफोरा गुबुन मोनसे हारिनियाव गोहोम खोलैयो, नडबा हारिमुवा गलायमोनदेरबो जानो हागौ ।

जायखि जाया, बे सलवाव बर' माहारिनि समाजारि सावगारि महरै गाहायाव मखनायखौ नोजोर होनो हायो ।

सिगाडवनो बुंबोखानाय जादों हारि लानानै हारि गावबा गाव आसारखान्थि थायो होनना । बे सलनि बर' समाजनि गुबै सावगारि बेरखांहोनो नाजानाया जावाय बैसागो बोथोराव बर 'फोरनि रंजानाय । बे बोथोराव बर 'फोरा गोसो उसिफावजासे रंजायो । गावबा गावनि गामियाव एबा ओनसोल लाना ओनसोल बर 'फोरनाव बैसागो रंजानाय आरो खेराइ, गारजा होनाय नुनो मोनो । बे सलनि सलगिरिनि गुबै थांखियानो बर' समाजाव गोदोनिफ्राय सोलिबोबाय थानाय - बैसागो रंजानाय, खेराइ होनाय आरो गारजा होनाय खान्थिफोरनि सोमोन्दै इयुन जोलैनो मिथिहोनो नाजानाय नुनो मोनो । लोगोसे सोलौंथाइनि जांखलायाव गाखोनो हमनाय बर' समाजाव बेफोरनि नांसारथिया (Importance) सानफा एफा गोमालांनो हमनायखौ नुनानै जानो हागौ सलगिरिया गोरबोयाव दुखु मोनदों आरो बेनिथाखायनो गावनि हारिनि हारिमुनि फारसे गोथौ मोजां मोननाय दंखायनो बेखौ बिजिरनाय, संदाननाय आरो बेनि गुमुरखौ संबिजिरनानै समाजाव फोसावनायनि गोनांथिखौ सलगिरिया मोनदाडो । बेनिखायनो रेडअ' सेन्टारनि गेजेरजों बर 'नि बैसागो रंजानायजों सोमोन्दो गोनां गुमुर बुकृना होनो हानाय मेथाइ रनसायनानै लोगोसे बेयो बर' माहारिजों माबौरै आंगो सोमोन्दो दं बेफोरखौ फोसावनो राहा लानाया बेनि रोखा फोरमान । सलवा रिखां नारजारी, बिमल ब्रह्म, मौसुमी बरगयारी आरो मालती ब्रह्ममोना जयै बैसागो बोथोराव रिहासैल खालामना अल इण्डिया रेडअ' बर' आफादनि गेजेरजों फोसावनानै बर 'नि गुबै रंजाथाइनि गुमुर होनो नाजादों । सलगिरियादि बर' हारिमुखौ गोरबोजों मोजां मोनो बेखौ मिथियो जेब्ला सान फ्लावाराव जिरायनानै जयै रायलायो

अब्ला रिखाड बिलखी लानाने बबेबा गामियाव खेराड होयोब्ला बे गामियाव थांनो लुबैनायनि बाश्ना फोरमायनाय समाव रिखाड अरि बुडो -- "खेराड मोसानायखौ आं नायनो मोजां मोनो, नायनो लुबैयो।" (बिलाड-5)

बेबादिनो बे सलवाव रिखां बिलमलोना लेखा रीनाय सेंघा जानानेबो बर' हरिमुनि फारसे उनफिननाने थायाखै। बबेखानि इयुन जोलैनो थुलुंगाखांहोनायनि इसारायासो बे सलवाव बेरखांदों।

S.A.Q.

सौलु : समाजारि सावगारि होनोब्ला मा मिथियो ?

(30 सो सोदोबजों फिन)

.....

.....

.....

सौलु : मोनसे हरिनि हरिमुवा माबोरै गुबुन मोनसे हरिनिजों

गोरोवनो एबा गलायमोन्देर जानो हागौ ?

(30 सो सोदोबजों फिन)

.....

.....

.....

3.6 बैसागु सुंद सलनि सल :

सिगाडव जों "आंनि मोजां मोननायनि दायरी" सलनि सोमोन्दै सावरायवाय। बे "आंनि मोजां मोननायनि दायरी" सल बिजाबनिनो "बैसागु" सलनि सलखौ फोरमायनो लानाय जादों।

बे सलवाव नुजादों आइजो आखु मालथी। थपसा आरो फुलसिनि नायल

जाल सासेल फिसाजो। बिसोरनि गामिया दुलानि दैमा सेराव। गोरबोनि सासेल
फिसाखौ लानानै थपसामोना गोबां रंजादों आरो इयुननि रंगिना संगिना रिमां सुजुदों।
बेयो जाबाय साफ्रोमबो बिमा-बिफानि मावनांगौ हाबा।

गसाइनि गेलेहोनायखौ रावबो हमथानो हाया। बिमा-बिफानि अननायखौ
बुरन बुरन मालथीया जेब्ला सिख्ला बैसोयाव आगान सुरो अब्ला गामिनियो सेंग्रा
थेमफ्राया बिनि हाइनारि महराव गबनानै हाबा लानो गोसोयै बिफाखौ ब्रा ब्रा बुंनानै
थपसानि नवाव जौ बिबान लाना थांहोयो। जौ बिबानखौ नुनानै थपसाया सिगां
सिगां हेंथा होखादोंमोन आरो "हाबा होनो हाया" होननानै बुंखादोंमोन। थेवबो
थेमफ्राया खेबनै फैबावथारदोंमोन। थेमफ्रानो हरनो गोसो गैथारामोन थपसा आरो
फुलस्रिया सानैबो। थेवबो फिसाजो मालथीनाव खेबसे सोंबावनानै नायनायसै।
नाथाय मालथीयासो बिमा बिफानिखुइ गोसो गैसिनथारामोन। बेनिखायनो मालथीया
बिमा आरो बिफानो मिथि होबावो - "गावखौ थेमफ्रानो हरमारोब्ला उखुम
मुदायाव फासि नांनो थैगोन होनना।" मालथीनि बे बाध्राखौ मिथिनानै बिमा-
बिफाया थेमफ्रा बिफानि सिगाखव "जानाय नंला" होनना थारला बुंगारना होनायसै।

नाथाय थेमफ्राया सिरियै जनानै थायाखिसै। मालथीखौ जेरैखि जाया सोलोजों
मोननो नाजाखोमाबाय। बेनिखायनो ओनसोलाव मेरगा अजा एबा मेरगा दायना
होननानै मिथि जानाय मेरगानावनो आधिखव हमहैनायसै। मा मा खालामना
हरखोथाय - थेमफ्रानि आखायाव जि गोजाजों बोननाय गय फिथाइजों समान
थपला मोनसे होनानै फोरोंना हरखाबाय। थेमफ्रायाबो बिमाय फोरोंहरनायबादि
खामानिखौ मावबाय। नाथाय गोमोथाव बाध्रा - सानधामनि उनावनो मालथीया न
सिनिफ्राय खारनबायनाय जाबाय। गाव हारसिनो रायलायो मिनिगलाबो
..... आरो गोब्रामलाबायो। मालथीया फागिल जायो। बिमा फुलस्रि आरो थपसाया
गामि खाधिनि मुंदांखा अजा सानैनि हेफाजाबै मालथीखौ फाहामनो नाजादोंमोन
नाथाय फेलें जानादों। फिसानि बाध्रा सानै सानैनो दुखु दाहाजों नाखेबजानानै
फुलस्रिया बे बुहुमनिफ्राय आनज्रायलाखे। गुबुन फारसे गावनि असे बिसि थैनायनि
दुखु दाहाखौ खरवाव रुजुना लानानैबाबो फिसाजो मालथी फागिल जानायखौ
फाहामनो नारा नाथा नाजादों थपसाया।

सानसेखालि फुडखवो थपसाया गावनि फिसानि थाखाय गांने दख्ता आरो

जोमग्रा जि जलंगायाव लानानै सानैबो (थपसा आरो मालथी) गांलाप अजानि सेराव थांनायसै। थांबाय थानाय समाव दै गांनानै लामा ससेयाव फांसे बिफानि साया सिडव जिरायनानै दै लोड्जे। बे समावनो थपसाया सासे सेंग्रा लोगो मोनो। सेंग्रानि मुड्ड बन्दाराम आरो बिनि गामिया बिजनी टाउननि खोलाहा थानाय दुलानि दैमा सेराव। गांलाप अजानि नखौ बन्दारामनिफ्रायनो सोंनानै लानायसै थपसाया। बेबादिनो थपसाया गांलाप अजानि नवाव मालथीखौ दोनना फैफिनो। फैनाय समाव थपसाया-- लामा लामा सानबोबाय थायो मालथीया मोजां जाफिनगोन ना जाया। गोसोयाव फोथायनाय लादों थपसाया मालथीया मोजां जाथारगोन। नवाव सफैनानै थपसाया गावनि हानि पाट्टा आरो बायदिसिना गोनं लेखाफोरखौ गांसे जलंगायाव सोनानै धिग थाग खालामना लानायसै आरो अखानायै फुड्डवनो सबाराम मण्डलखौ लानानै क'कराझारनि कर्ट-आव थांनानै गासिबो सम्पतिखौ फिसाजो मालथीनि मुड्डव "उइल" खालामनानै लाबोनायसै।

औरैहाय मालथीया गांलाप अजानि नवाव दानद जाबाय आरो एसे एसे मोजाडव फैबाय। गांलाप अजानि नाजाथाबनायाव मालथीया मोजां जानायनि लामायाव फैधारबाय। सानसेखालि थपसाया थपला मोननै लानानै गांलाप अजानि नवाव ओंखारहैनायसै आरो अजानो थपलानि सोमोन्दै फोरमायबाय गाव फैफिनागोमानि बे थपलाखौ दाखेवथार होनना। बेबादिनो गांलाप अजानि नवाव मालथीया बोसोरसे आबुं जाबाय आरो दानिया बियो न सिनिफ्राय खारनलाबायलिया, मेथाइबो खनखावलाबायलिया, खालि हारसिं सानबाय थानायल दंसै। उनथाराव गांलाप अजाया फोरमायबाय गाव गोसो गोरोबनाय सोरबा सासे सेंग्राजो हाबा होनो हाब्लानो सिरि सिरि थाखोमाना सानहाबनायफोरा गोमालांजोबगोन।

सानसेखालि बाश्राजो बाश्रा गांलाप अजाया बन्दारामखौ हाबा जादोंना जायाखै होनना सोंनायाव हाबा जायि बाश्राखौ मिथिनायसै। इनाव बन्दारामखौ गांलाप मालथीखौनो हाबा लानो खावलायनायसै। बिसोर सानैनि गेजेराव हाबा जायोब्ला इयुनाव रावबो जेबो इनाय हाबा मावनो हायिबादि थाबसि (थाबिस) होगोन होनना गांलाप अजाया बाश्रा होयो। बेबादिनो बन्दारामाबो गांलाप अजानि बाश्राखौ नेबसिगारनो हायाखिसै फारसेथं मालथीनि जिव जारिमिनखौ मिथिनानैबो मालथीखौ नाड्ड होनना चुंनो गोसो जायाखिसै। बेबादिनो बन्दाराम आरो मालथीनि हाबाया

सानसेखालि बैसागो बोथोरनि अखाफोर गावदां हराव जालाछे । सलवाबो बेयावनो जोबो ।

आन्जाद लानाय (CYP)

सॉलु 1 : मालथीया मानि थाखाय फाग्लि जानांदोंमोन ?

सॉलु 2 : मालथी फाग्लि जानायनि दायनिगिरिया सोर ?

S.A.Q.

सॉलु : मेरगाया सोर आरो बियो मा मा हाबा माबो ?

(30 सो सोदोबजों फिन)

.....

.....

.....

3.7 बैसागु सलवाव बेरखांनाय समाजारि सावगारि :

समाजारि सावगारि माखौ बुछे बेनि सोमोन्दै सिगाडावनो बुंबोखानाय जादों । नाथाय बेयाव दोंसे सल " बैसागु " आव समाजारि सावगारि बेरखांनायनि सोमोन्दै एसे फोरमायनो लानाय जादों ।

बैसागु बे सोदोबानो साफ्रोमबो बर ' सुबुंफोरनि गोसोखौ बोदोर खालामो । गोसोयाव दुंलोब दुंलोब मोनो । बैसागु बोथोरा सफैब्लाथ आरो बुंनोनो नांलिया । सलनि मुझनो ' बैसागु ' । बयनिबो गोसोयाव रंजानायनि आबिर सारफावग्रा बे बैसागुवा गैया रावखौबो मुगैनाय, गेदेर उन्दै साननाय बे बोथोराव । बोथोरजों गोरोबनानै बयबो रंजायो गोदान गोदान सिमां सुजुयो । बेबादिनो सलनि थपसा आरो फुलस्रिनि गोथार जुल्लिनि नेर्सोन मालथीखौ लानानै बिमा बिफाया सुखुनि सिमां रनंसायो । बेबादि रंजालि बैसागुनि आबुं महरखौ सलगिरिया बेरखांहोदों सलनि गिबि फोरमायनायावनो ।

नाथाय अबंलावरिनि गेलेहोनायखौ रावबो हमथा हाया । सोरनिबा हाइनारि सिमांखौ सोरबा मेगन गोसाया धेर बेथेर फेलें खालामनायनिबो समाजाव बिदिन्धि दं । थिग बेबादिनो थपसा आरो फुलमिनि नायल जाल सासेल फिसाजो मालथीखौ गोसो गैयाबाबो गामिनिनो थेमफ्राया हाबा खालामनो नाजायो । नाथाय मालथीया गोसो गैयाथारा बिजो हाबा जानो । थेमफ्राया नाथाय इनाय सोलोजोबाबो मालथीखौ हाबा लानो नाजायो । गावनिनो बिमाय सोमोन्दो जानाय मेरगा अजानि हेफाजावाव मालथीखौ हाबा लानो मोनैनि खिथेर होखारनो सानना मुलि दौनानै फागिल खालामो । बेयो बर' समाजाव हन्था हनथि, खना खनला जाफलेबाय थानाय जाथाथ । बेबादि जाथायानो बे बैसागु सलवाव बेरखांदों । बे सलवाव मालथीया फागिल जानानानै बेसेबा दुखु सहायनांदों । मालथी फागिल जानायनि दुखुवावनो बिमा फुलमियाबो जिव गोमालाडो । नाथाय अबंलावरिया नायफिनोब्ला सानसे बेलसेब्लाबो सुखुनि खेबसे मिनिस्लु मिनिनो हायो । बेबादिनो जेब्ला मालथीया फागिल खालाम जना आलाय सिलाय जायो बे समाव बिफा थपसाया गांलाप अजानि मदद आरो नाजानायाव मालथीखौ फाहामफिननो हायो । उनथाराव गांलाप अजानि बोसोन आरो बिफा थपसानि गनायथियाव मालथीया बिजनि टाउननि खौलोहा थानाय दुलानि दैमा सेर गामिनि बन्दाराम होननाय सेंग्राजो हाबा जानो हायो । बे सलवाव मालथीया फागिल जानानानै दुखु मोननांनानैल' थानाडखै, गावनि जोनोमगिरिखौबो खोमाना लानांगौ जादोंमोन । बेबादिनो बेसेबा दाहा मोननांनानै जोबथारनायाव एसे मिनि फिननो हादों खुसिजो मालथीया । नाथाय मालथीबादि दुखु सहायनांनानै सानथ्रहायि बर' सिख्ना एबा सेंग्राफोरा मुलि दौजानानै फागिल एबा फागला जानानै जिवनि सनाफिथरबादि सिमांफोरा गोमोरलानाय समाजाव खना खनला जाखोमावाय थायो ।

बर'नि हाबा होनना बुडोब्ला (गोदोनि बर' हांवायाव) खाम, सिफुं, जथा दामनानै हाबाथिलियाव नुजानाय राइजोफोरखौ गोसो दुंखांहोनाय नुनो मोनो । बेनो बर'नि नंगुबै हाबा । बेबादि हावायानो बे सलवाव बेरखांदों । बेबादिनो समाजारि सावगारिफोर नुनो मोनो बे सलवाव ।

S.A.Q.

सोंलु : बे सलवाव बेरखांताय बर' समाजनि सावगारिफोरा मा
मा बेरखांदों लिर। (30 सो सोदोबजों फिन)

.....
.....
.....

सोंलु : बर'नि हाबायाव माबोरै रंजायोमोन सलनि हेफाजाबाव लिर।
(30 सो सोदोबजों फिन)

.....
.....
.....
.....

3.8 इन्द्रमालती नारजारीनि सल फोरमायनाय आदब :

सल फोरमायनाया सलगिरिनि राफोद सल आरो मुजिहोनो हानाय आदबफोरनि
मादाव मोनसे। बेबादिनो गोजाम सलगिरि आरो गोदान सलगिरिफोरनि गेजेराव
गोबां बिधिडव फारागथिफोर नुनो मोननाय जायो। गोदोनि सलफोराव सलबाथा
खिन्थानायबादि फारि फारि सलखौ फोरमायोमोन। बेबादि आदबानो समाज
गुरस्तायनायजों लोगोसे समनि बाबेनबोनायाव बायदि सम आरो मुगायाव सलगिरिनि
आखायाव गुबुन गुबुन महर मोनो। सरासनस्रायै सुंद सलवाव सलगिरिया मोनने
महराव सलखौ फोरमायो। बेफोर जाबाय - सेथि सुबुंसाइ फोरमायनाय आदब
आरो थामथि सुबुंसायाव फोरमायनाय आदब। सेथि सुबुंसायाव फोरमायनाय आदबनि
सलवाव सलगिरिया गावनो थाफायो थामहिनबा सलगिरिया गावनो " अं " होनना
सासे आखु महरै नुजायो। गुबुन फारसे खायसे सलगिरिया सलखौ गावखौ दोननानै
गासैबो आखुखौ थामथि सुबुंसायाव फोरमायजोबो। बे रोखोमनि सलखौनो बांसिन

नुनो मोनो । आधिखालाव नाथाय सेधि सुबुंसायाव लिरनाय सलफोराबो खर दैखानो हमदोंसै । बेबादि आदबखौ बिजिरगिरिफोरा गोदान सलफोरमायनाय आदब होनना बुछे । इन्द्रमालती नारजारीनि " आनि मोजां मोननायनि दायरी " आरो " बैसागु " दोंनै सलवा सेधि सुबुं सायावनो फोरमायनाय । बिथांनि बांसिन सलफोरानो बे रोखोमनि । नाथाय मखजायोदि - बेबादि सेधि सुबुंसाइ (subjective) आदबाव लिरनाय सलवाव आरोबाव मोनसे आदब नुनो मोनो । बे जाबाय सलनि गेजेर गेजेर सम सम सलगिरिया फरायगिरिफोरजों सिनायधि लायनानै बाध्रा रायलायो । बेबादि आदब बाहायनाय नुनो मोनो बेखौ सलगिरि । बेबादि आदबखौ जों असमीया सलमागिरि रजनीकान्त बरदलैनि सलमाफोराव बाहायनाय नुनो मोनो । जोंबो नारजारी बिथांखौ बरदलै बिथांनि एबा बिथांबादि गुबुन गुबुन सलगिरिफोरनि थुलुंगा मोननानै बर' सुंद सलवाव बेबादि आदबखौ बाहायनो नाजादों होनना बुंनो हायो । जायखि जाया, बेबादि सल फोरमायनायाव गोबां सल फरायगिरिया सौथुयोबो । जैरै सलगिरिया गावनो फरायग्राफोरजों सोमोन्दो लालायनानै सल फोरमायनायनि धारखाय फरायग्राफोरा एखमबा गोसोयाव उसु खुथु सोमजियो । थेवबो नाथाय बेबादि आदबखौ आधिखालनि गुबुन गुबुन रावनि सलफोरावबो बाहायनाय नुनो मोनसै ।

आन्जाद लानाय (CYP)

सौलु : सल फोरमायनाय आदबा मोनबेसे रोखोमनि दं ?

सौलु : इन्द्रमालती नारजारीनि सलफोरमायनाय आदबखौ फोरमाय ।

3.9 इन्द्रमालती नारजारीनि सलवाव बाध्रा रायलायनाय :

सल फोरमायनायाव सलगिरिया बाध्रा रायलायनायनि हेफाजाब लानांगौ जायो - बेयो सलनि मोनसे एंगारनो हायि बाहागो । नाथाय अब्लाबो धुनलाइनि गुबुन आयदा, जैरै - सलमा आरो धुनफावधिनानि बाध्रा रायलायनाय आरो सुंद सलनि बाध्रा रायलायनायनि गेजेराव गोबां फाराग नुजायो । गुवार आवथा एबा हादाब थानायनि जाहोनाव सलमा एबा धुनफावधिनायाव गोलाव गोलाव बाध्रा रायलायनो हानायनि खाबुया बांसिन । नाथाय एसेल सम एबा गुसुं समनि गेजेराव

सलवा जोबनांगौलाय सुंद सलवाव गुवार एबा गोलाव बाध्रा रायलायनायनि खाबु थाया। थैवबो सलगिरिफोरा सुंधाब सुंधाब बाध्रा रायलायहोनाय सल दावगाहोनायाव मदद खालामनाय नुनो मोनो। सिगाडावनो बुंबोखानाय जादों बे सलगिरिया सम सम नुजानानै फरायग्राफोरजों बाध्रा रायलायो। बेनि अनगायै आखुफोराव गोदान मुगानि गोदान आदबफोर बाहायनो नाजानाय महरे सलगिरिया जाथाथाव गुबुन रावफोरबो बाध्रा रायलायनाय बेरखांहोनाय नुनो मोनो। जैरे - इंराजि राव "Good idea" (बिलाइ-2), contact खालामनाय, Yes, get in please बेफोरबादि राव बाहायनानै सलनि बाध्रा रायलायनायखौ जाकुंहोनायजों लोगोसे सलनि खारथाइखौबो दावगा होनाय नुनो मोनो। अदेबानि बेफोरनि अनगायैबो बेफोरखौ बर' रावाव बुंनो हानायनि एबा रायलायनो हानायनि खाबु गैथि नडा दंमोन होनना साननो हानायनिबो लामा दड।

S.A.Q.

सौलु : सुंद सलनि बाध्रा रायलायनाय आरो सलमा एबा धुनफावधिनानि बाध्रा रायलायनायनि गेजेराव माबा फारागथि दं नामा ? (30 सो सोदोबजों फिन)

.....

.....

.....

S.A.Q.

सौलु : सलगिरिया बर' रावनि अनगायै गुबुन राव बाहायनो हायो ना हाया ? बे सलवाव गुबुन रावफोरनि सोदोबफोर बाहायनाय नुनो मोनो नामा ? (30 सो सोदोबजों फिन)

.....

.....

.....

3.10 फोजोबनाय :

गोजौनि दोनै सलनिफ्राय जौं मिथिनो हायोदि सलगिरि नारजारी बिधाळ बर' थुनलायाव सुंद सलनि फोथाराव माखासे गोदान बिथिं लाबोतो नाजानाय नुनो मोनदों। लोगोसे बर' समाजाव जाफलेबाय थानाय माखासे जाथायफोरनि फारसे उनफिन फाफिन नायबिजिरनो नाजानाय नुनो मोनो। खे दोनै सलखौ नायोब्ला गोसोयाव जाखांफैयो गामि गेजेराव राइजो जानाय बर' समाजनि माखासे बाश्रा, गोबां फिसा-फिसौ जाथाय। सुखु आरो दुखुनि गेजेराव नारा नाथा जुजिनानै राइजो जानानाय बर' सुबुनि मोब्लिब गासे सावगारि। सलगिरिया दोनैबो सलवाव जाफुंसारदों।

3.11 जानो हाथाव सॉलुफोर (Probable Questions) :

1. सुंद सलगिरि महरे इन्द्रमालती नारजारीखौ सिनायथि हो।
2. "आंनि मोजां मोननायनि दायरी" सलनि गुबै बाश्राखौ नॉनि रावजों लिर।
3. "आंनि मोजां मोननायनि दायरी" सलवाव सलगिरिया मा बाश्रा फोरमायनो नागिरदों सलनि हेफाजाबाव बिजिर।
4. "बैसागु" सुंद सलवाव मालथीया फाग्लि जानायनि दायनिगिरिया सोर होनना नों सानो आरो इयुनाव मा जाहैदोंमोन बिजिर।
5. "बैसागु" सलवाव बर' समाजनि मा मा सावगारि बेरखांदों नॉनि रावजों बिजिरनानै लिर।
6. "आंनि मोजां मोननायनि दायरी" सलवा सेंग्रा सिख्लानि मोजां मोनलायनाया माबादि बेरखांदों बिजिरनानै लिर।
7. "आंनि मोजां मोननायनि दायरी" सलवाव बर' हारिमुनि माबा बाश्रा बेरखानाय नुनो मोनो नामा सलनि हेफाजाबाव लिर।
8. "आंनि मोजां मोननायनि दायरी" सलवाव सलगिरिया बेसेबां जाफुंसारदों होनना नों सानो बिजिर।

9. "आंनि मोजां मोननायनि दायरी" सलवाव आखु सौरजिनायनि सोमोन्दै बिजिर।
10. "आंनि मोजां मोननायनि दायरी" सलवा मा बाहागोनि सुंद सल नोनि रावजो बिजिरनाई लिर।
11. "बैसागु" सलनि गेजेरजो सलगिरिया समाजनो माबाफोर रादाव होनो नाजादो नामा सलनि हेफाजाबाव बिजिर।
12. "बैसागु" सलनि गेजेरजो बर'नि हाबानि सावगारिया माबोरै बेरखांदो सलनि हेफाजाबाव लिर।
13. "बैसागु" सलवाव आखु सौरजिनायनि सोमोन्दै लिर।
14. मेरगाया सौर बियो सोरखौ माबोर मदद खालामदो सलनि हेफाजाबाव बिजिर।
15. गांलाप अजाया मालथीखौ मा खालामदोमोन सलनि हेफाजाबाव लिर।
16. मेरगा अजा आरो गांलाप अजानि गेजेराव माबा गोरोबनाय आरो फारागथि दं नामा सलनि हेफाजाबाव लिर।
17. गांलाप अजानि जिव जारिमिननि सोमोन्दै सलनि हेफाजाबाव लिर।
18. बन्दारामा मालथीखौ माबोरै हाबा लानो गोनो जादोमोन सलनि हेफाजाबाव लिर।

3.12 फगयनो गोनो बिजावफोर (References and Suggested Readings):

1. नारजारी, इन्द्रमालता : आंनि मोजां मोननायनि दायरी, गिबि फोसावनाय, 1995, फोसावगा - दिनेश बरगयारी, ककराझार, असम।
2. मोसाहारि, गुनेश्वर : थुनलाइ बिजिरनाय, बर' पब्लिकेशन बर्ड, बर' थुनलाइ आफाद।

3. लाहारि, मनरन्जन : बर' धुनलाइनि जारिमिन, 1991
आलायारन पाब्लिसार्स, ककराझार,
आसाम।
4. बाग्लारि, बिजय : सुंदयै धुनलाइ सावरायनाइ, सानजारै
पाब्लिकेसनस, कसारिसन, सणितपुर
2003।
5. हाडचन, डब्लिउ. एइस. : एन इन्द्रडाकसन टु दि स्टाडि अफ
लिटारेसार, निउ इम्प्रेसन, राधा पाब्लिसिं
हाउस, कलकाता-6।
6. प्रसाद, बि. : ए. बेकग्राउण्ड टु दि स्टाडि अफ इलिस
लिटारेसार, 1998, मेकमिलन इंडिया
लिमिटेड, दिल्ली-2
7. ठाकुरीया, राममल : साहित्य बिचार, लक्ष्मी प्रकाश, गुवाहाटी।
8. दत्त, उदय : चुटि गल्प (नतुन संस्करण, 1995),
स्टुडेन्ट स्टर्स, कलेज हस्तेल र'ड,
गुवाहाटी -1
9. शर्मा दलै, हरिनाथ : साहित्य प्रवेश, तृतीय प्रकाश, 1997,
गलियाहाटी, बरपेटा-781301
10. बरा, महेन्द्र : साहित्य उपक्रमनिका, चतुर्थ संस्करण,
2002, बनलता, डिब्रुगढ़-1

०००००

खोन्दो-4 (Unit - 4) सान हाबहां आरो फाग्लि

खोन्दोनि महर :

- 4.1 बेखेवनाय (Introduction) :
- 4.2 थांखि (Objectives) :
- 4.3 इन्द्रमालती नारजारी आरो बिथानि थुनलाइ सोरजि :
- 4.4 सान हाबहां सुंद सलनि सल :
- 4.5 सान हाबहां सलनि बिजिरनाय :
- 4.6 फाग्लि सुंद सलनि सल :
- 4.7 फाग्लि सलवाव बेरखांनाय समाजारि सावगारि :
- 4.8 सान हाबहां आरो फाग्लि सलनि आखु सोरजिनाय :
- 4.9 सान हाबहां आरो फाग्लि सलवाव बेरखांनाय समाजारि सावगारि :
- 4.10 फोजोबनाय
- 4.11 जानो हाथाव सॉलुफोर (Probable Questions) :
- 4.12 नायनो गौनां बिजाबफोर (References and Suggested Readings):

4.1 बेखेवनाय (Introduction) :

बे खोन्दोयाव इन्द्रमालती नारजारीनि 'सान हाबहां' आरो 'फाग्लि' सलनि

सायाव सावरायनो लानाय जागोन । सुंद सलनि सोमोन्दै जों सिगांनि खोन्दोयाव सावरायबोखाबाय । लोगोसे सुंद सलवा सोनाबारि लिरगिरिफोरनि आखायाव सोरजि जानायनि बाश्चाखौबो मखबोनाय जादों । बबेखानि बर' सुंद सलगिरि महरै ईसान मोसाहारिनि मुंखौनो सिग्रां लागोयो । बिथानि 'आबारी' सलवानो बिथांखौ गिबि बर' सुंद सलगिरि महरै सिनायथि होयो । अब्ना जों बुनो हायो गोजाम बर' धुनलायाव बर' सलवा जोनोम मोनदों । नाथाय गोजाम बर' धुनलायाव सुंद सलनि बिबाड आसि बिजौवाव साननो हानाय । ई 1952 मायथाइनि उननिफ्राय बर' सुंद सलवाव गोदान जावरिनाय फेदों आरो बर' सलनि बिबाड बानायनिफ्राय बांबोनाय नुनो मोनो लोगोसे सलनि हामगुजुवाबो साबखांबोनाय नुनो मोननाय जादों ।

4.2 थांखि (Objectives) :

बबे सलखौ सावरायनाय जागोन बेनि सोमोन्दै गोजौवाव मखबोबाय । गाहायाव फोरमायनाय थांखिफोरखौ नोजोर होनाय सलफोरखौ सावरायनाय जागोन आरो बेफोरखौ गोरलैथै मिथिहोनायानो बे फरानि थांखि ।

- ❖ सलगिरि आरो बिथानि धुनलाइ सोरजिनि सोमोन्दै मिथिगोन ।
- ❖ सान हाबहां आरो फाग्लि दोंनै सुंद सलनि बिजिरनायनि सोमोन्दै मिथिगोन ।
- ❖ बे दोंनै सलवाव बेरखांनाय समाजारि सावगारिफोरनि सोमोन्दै मिथिनो हानाय जागोन ।
- ❖ बे दोंनै सलनि गेजेरजों सलगिरिया फरायग्राफोरनो मा रादाब होनी नाजादों बेनि सोमोन्दै मिथिनो हानाय जागोन ।

4.3 इन्द्रमालती नारजारी आरो बिथानि धुनलाइ, सोरजि :

सल लिरगिरि महरै इन्द्रमालती नारजारीनि सोमोन्दै सिगांनि खोन्दोयाव फोरमाय बोखानाय जाबाय । बेनिखायनो बे खोन्दोयाव बिथानि धुनलाइ सोरजिफोरनि सोमोन्दैल सावरायनाय जागोन ।

इन्द्रमालती नारजारीया सुंद सलगिरिल नडा बिथाड फारियै खन्थाइगिरि,

राइथाईगिरि, धुनलाइ बिजिरगिरि, रावसोलायगिरि आरो धुनलाइ बिजाब सुजुगिरिबो । बिथाड सोरजिनाय गुबुन गुबुन बिजाबफोरनि मुंखौ फारियै मखनाय जाबाय - महाराजा अशक (1994), आनि मोजां मोननायनि दायेरी (1995), गथ' बुरखायनाय मेथाइ (1996), मानसि जाग्रा मोसा (1997), सुजुनाय बिजाब (1997), बिथ'राय (2001), खरदेनि जिव (2002), मिथिंगानि आइजो शकुन्तला (2002), गावदां (2003), लाइसिनि बिखायाव इन्द्रमालती (2003), रंगिना संगिना धुनलाइ (2003), सुंद सलनि माला (2003), मिरि सिख्ला (2004), जिवनि लामायाव (2004), बर' हारिमु आरो धुनलाइ बिजिरनाय (2005), मावरिया (2005), सनानि द्वीप (2005), गियाननि बाख्रि सक्रेटिछ (2005), सुजुनाय बिजाब (2005) । मखजाथावदि गोजौवाब मखनायफोरनि अनगायैबो बिथाड इराजी आरो असमीया रावजों गोबां लिरबिदां लिरबाय ।

S.A.Q.

सोथि : इन्द्रमालती नारजारीनि धुनलाइ सोरजिफोरा मा मा ?
(30 सोदोबनि गेजेराव)

.....
.....
.....

सोथि : बिथाड बर'नि अनगायैबो गुबुन रावजों लिरबिदां
लिरदों नामा ? (30 सोदोबनि गेजेराव)

.....
.....
.....

4.4 सानहाबहां सुंद सलनि सल :

सानहाबहां सुंद सलनि गाहाय फावखुंगुरा सुरेन आरो फावखुंगिया मिलौ । बे सलवाव सुरेननि सुखु दुखु मिथिनाय सासे आंगो लोगो कमलसिंखी नुनो मौनो ।

सलनि फावखुंगुर सुरेना सानसेखालि गाभि खाथिनि दैमा सेराव जनानै मावा माबि सानबाय थादोमोन । बिनि गोसोयाव जाखांफैदो नखरनि बाश्चा गावनि जिव जारिमिननि बाश्चा । बेफोरखौ सानै सानैनो दैसा सेराव जना बहुमनि जिव जुनार आरो मिथिंगा सिख्लानि गाव गावनि हाबा मावनायखौ नुनानैबो सुरेना नवाव फैनो गोसो जायाखै । सान हाबहां समावबो नफारसे थानांसिगौ बे बाश्चाखौ सानपलाडाखै ।

सुरेना बिमा रावाव (Vernacular)-नो अनार्च लाना बि.ए. बारगबाय । मार्क्सफोरबो मोजां । मुलुग सोल्लोसालियाव फरायनो गोसो दं । फरायनोबो मोनगोमोन नाथाय बिमा गदाया नायनो हायियावनो एम. ए. खौ फरायनो मोनाखिसै । बेनिखायनो सुरेना दुखुजो मोगा मोगि जानानैल थानाडे । दानिया बियो खन्थाइ लिरो, मेथाइबो लिरो । गावनि खन्थाइफोरखौबो लाइसिफोराव सेबखांनो हरथारा आरोबाव गाव लिरनाय मेथाइखौबो गुबुननो रोजाबनो होया । बिनि मेथाइनि दैखोया बिलिफां समनि खोमसिहां खोमसिहां बारजोल गोरोबलाडे । बेनिखायनो बिनि मेथाइखौ रावबो खोनासंनो मोना ।

गावनि जिवनि आंगो लोगो कमलसिड बेसेबांवा खुथार खुथार बुंसेयावबो बिनि खन्थाइफोरखौ लाइसिफोराव फोसावनो होहोयाखिसै । मखजायोदि कमलसिनि अनगायै रावबो सुरेननि खन्थाइखौ नुफेराखै आरो फरायनो मोनफेराखै । बेबादिनो गावनि जिवनि आंगो लोगोया खावलायनायखौबो फेल्ले खालामनो फावसया, दुखुबो मोना सुरेना, खावलायथाबनायखौबो खावलायनाय बादि मोना । बांद्राय बुंधाबथारोब्ला औरै होननानैसो बुंगारो -- " थाबायथाधों, देनां जिनानै सेवबायबायोब्ला हासार जागोन ।" होननानै । लोगोसे मानो खन्थाइफोरखौ लाइसिफोराव साफायनो हरा बेनि जाहोनखौबो फोरमाया । गाव मोनसे गेदेर मिजिं थिनानै खन्थाइ लिरो, सल लिरो, सलमा लिरो आरो मेथाय खनो सुरेना -- बेखौ कमलसिडबो मिथिमोना । सुरेना अनसुलि बिमानि सना फिथरमोन । जेब्ला बिमाथा जश्ना जाना एमाव गोग्लैसोनानै थायो अब्ला बिखौ गावनि खाधियाव फजनानै महर मोखाडव गल ल नायबाय थायोमोन । बेयावनो सुरेननि बिमाया सौरगोनि सुखुखौ मोनोमोन । सानसेखालि बेलासि समाव सुरेन बिमाया सुरेनखौ खाधियाव फजना लानानै मोदोम मोखां बिलिरै बिलिरै बिफा हरफानाय (सुरेननि बिबो) सनानि थफ्ला मोनसे बिनि (सुरेन) आखायाव होनानै मोदैजो सिगलाबनाय निजोरा

बोहैहोना हांमा सुरै सुरै औरै बुंदोंमोन -- “फिसा, नों बे दोहोनखौं एरैबादि खामानियाव बाहाय जाय खामानिनि गेजेरजों नोंनि आरो लोगोसे आंनि (बिमा) मुछ बुहुमनि बिखायाव जोंब्लावनानै थायो।” बेबादिनो बुंखांनानै सुरेन बिमाया दुखु दाहाजों बे बुहुमखौं नागारलाझे। वै दिननिफ्रायनो बिमानि बोसोनखौं खरवाव रुजुनना लानानै बिमानि मिजिं जाफुंहोनो जानजि खाफ्रायो सुरेना।

सानसेखालि उदां बोधोरनि बेलासि समाव सुरेना बिफाजों गावनि एम. ए. फरायनायनि सोमोन्दै रायलायो। बिफाया एम. ए. फराय होनो जोबोर गोसो। नाथाय बिहा गदाय बिसिनि गोसोनि उलथायै गुबुन जेबो खामानि मावनो हाया। गुबुनफारसे रुंसारि जालांनाय गिबि बिसिनि (सुरेन बिमा) बुंनाय बाध्राफोरा एगदावफैबाय थायो। बिसि गिबिया बिखौं बुंखालांदोंमोन -- फिसाखौं (सुरेन) फरायहोनाय हाबायाव जेरैबो जेबो हेंधा होनो मोननाय नछ होनना। बेबादि बायदिसिना रायलायबाय थानाय समावनो बिमा गदाया हाबफैनानै मा जादों सोंफोरो। उनाव सुरेन बिफाया बिमा गदाय अनारीनि सौंनायनि फिननायाव -- सुरेननि एम. ए. फराय होनायनि सम सफैनाय बाध्राखौं फोरमायनानै होयो। अनारीया गोसो गैबाडि रावजोंनो फिनो फरायहोनो हायोब्लालाय मोजांमोन। दायोलाय नखरनि खरसाफोरा बांबोबाय धादों - बेबादिखौं जाफुंहोनो हानाय नछ। सोमस्रिया (सुरेन बिमा) बुंलांबानो खामानिया जाफुछ -- बेयो जाबाय अनारीनि राव।

बिमा गदाय अनारीनि रावखौं खोनानानै सुरेननि बिखा बिखलोया सहायनो हाया हाया जाबाय। जानो लोंनो सुखुवा सुखुवा मोनो -- जाया लोडनो जिरि जिरि बोहैलांनाय दैमाखौं नायहाबनानै रुंसारि बिमाखौं गोसो खांनानै दुखु खालामग्रा जाबाय। गोसो सिडव फोरमायो सुरेना -- “नों अनसुलि बिमा गैयैयाव दिनै एम. ए. फरायनायनिफ्राय बेसेबा गोजानाव धानांबाय।”

सोर मिथिनो सुरेननि जिवाव बेबादि जाथाया जागोन होनना। बिखौं एम. ए. फरायहोनो गामिनिनो सानैसो माहाजोन सुबुं ओंखारदोंमोन। नाथाय बिसोरनि हेफाजाव होनो नागिरनायनि आन्दोयाव थांखि मोनफा मोनफा दंमोन - गाव गावनि फिसाजोखौं सुरेनजों हाबा होनो नाजानाय। नाथाय सुरेना बिसोरनि थांखिखौं नाजावनो गोसो जायाखिसै। बेबादि हाबा माबोब्ला रुंसारि बिमाया दुखु मोनगोन बाध्राखौं सानखांना एखमबा हांमा सुरो। लाइमोन समाव बयहाबो खनाफारसेब्लाबो

दसे समब्लाबो सोरबा अनजालिखौ लाना सुखुनि संसार जानायनि सिमां रनसायो । थिग बेबादिनो सुरेनाबो सानसे समाव मिलौखौ लाना इयुनि सिमां सुजुदोंमोन । नाथाय बेबो जाफुडाखिसै । मिलौवाबो सुरेनखौ नागारलाडो । बेनिखायनो सुरेना गोख्रों धांखि लाबाय -- बिमाया होलांनय सनाबिदांखौ फाननानै मोननाय रांजों जौ बायनानै लोंगोन आरो जौ लोडै लोडै अनजालि मिलौखौ गोसो खांना बिखौ लानानैनो खन्थाइ लिरगोन, आरो बैफोर खन्थाइखौ बिमा सोमसिनि मुडै बावगोन । बियो सानबाय बेबादि खालामोब्ला गावनि बिमा आरो अनजालिनि मुडा जोंब्लावखांगोन ।

बेबादिनो सुरेना सानफ्रोमबो जौ लोंग्रा जाबाय, दानिया बियो जौ फातला जाबाय । जौ लोडै लोडै गोलैसोना थानानै अनजालिखौ गोसो खाडै खाडै खन्थाइ लिरो । बिनि मावनांगौ हाबायानो जौ लोंनाय आरो खन्थाइ लिरनाय । जौ बथलजोंनो ननि खथाया आबुं जानानै थायो आरो खन्थाइ लिरनाय लेखा बिलाया नुरजा जायोब्ला जावनानै थाफ्लियाव जसोनानै लायो । दानिया सुरेना दैमा गाथोनाबबो थालिया, थानो गोसो जालिया ।

सानसेखालि सुरेना अनजालिखौ गोसोखांना लासैनो ननिफ्राय दैमा गाथोन फारसे ओंखार लाडो लोगोयाव गाव लिरनाय खन्थाइनि बिलाइ माखासे । बै दैमानिफ्रायनो सुरेना आरो नफारसे फैफिनाखिसै ।

फारसेथिं लोगो कमलसिडाबो सुरेनखौ खुरखाव खुरसि नागिरबाबो नागिरनानै मोनाखिसै । सलवाबो बेयावनो जोबो ।

S.A.Q.

सोथि : बे सलनि फावखुंगुर आरो फावखुंघिया सोर सोर सलनि हेफाजाबाव लिर । (30 सोदोबनि गेजेराव)

.....

.....

.....

सोंधि : सुरेना सोर ? बियो मानो मानि थाखाय एम. ए.
फरायनो हादिया सलनि हेफाजाबाव तिर ।
(30 सोदोबनि गेजेराव)

सोंधि : अनारीया सोर ? बिनि आखुखौ बिजिर ।
(30 सोदोबनि गेजेराव)

4.5 सान हाबहां सलनि बिजिरनाय :

सानहाबहां सलनि गुबै बाश्राया जाबाय गंसे नखरा हिनजाव गदाय लानायनि उनाव सोमजिनाय बेले बेजे एबा जेंनाजों मोगा मोगि जानाय जाथायानो बेरखांदों । हिनजाव गिबि धैखांनाय उनाव एबा गिबि हिनजाव थासेयावबो बायदि जाहोनाव खायसे सुबुछ गदाय हिनजाव लाबावो । बेबादि गदाय लानायफोरनि बांसिन नखरानो दावराव दावसि ग्रें ग्रें गुं गुंजों सुखु गोजोन गैयि राइजो जानाय नुनो मोनो । बेल नछ गिबि हिनजावनि गथ गधाय थालांबायब्ला गदाय बिसिया एसे आलादा गोसोजों मेगन होनायबो नुनो मोनो । साफा सानैयाल समान नोजोर होनो हायो । नाथाय सुरेननि जिवाव बिमा गदायनि नायनो बानाय एबा मोजां साननाय नडिनि थाखायनो बिनि गोजी सोलेंथाय लानो हाबिला खालामनाया फेलें जानाछे । बे बिथिडाव सुरेन बिफाया मदद दंमोनब्लाबो नाथाय गदाय बिसिनि फंसेबो बाश्रा दानगारनो हाया जायो -- बबा महर जाना खोनासंग्राल जानाछे । बिमा गोमाजानाय उनावनो सुरेना हारसिं हारसिं मोनदोंमोनब्लाबो बिमाया बोसोन होलांनाय बादि एम. ए. खौ

बारगनो नाजादोंमोन । नाथाय बिमा गदायनि हेंथा होनायाव बेबो जाफुडाखिसै ।

जैरैबो आगोर मोनैलाय सुरेना जौखौनो आंगो लोगो महरै आजावनायसै । बियो जौ लोडो आरो खन्थाइ लिरो गावनि अनजालि मिलौखौ गोसो खाडै खाडै । नाथाय बेबादि जौ लोडै लोडै बेसे थावरिनो । गोरबोनि दाहा थप्लाखौ रुजुनानै सानसेखालि लासैनो ननिफ्राय ओंखारनानै दैमा गाथोन फारसे आमान सुरो आरो गावनि जिवखौ खोमाना लायो । बेबादिनो बिमा गदायनि गोसो बेरेखानि थाखायनो सुरेना दुखुगोनाडै जोबस्रानाडो । समाजाव सुरेनबादि गोबां जाथाय जाखोमायो, सोरबा सुरेन बादि नडबाबो हिनजावसा जायोब्लाबो बेबादि दुखु दाहा सहायनानै मोदै हुगारनांनाय नुनो मोनो । बेनि गुदि जाहोनानो जाबाय नखराव फोथाय लायनायनि आंखाल ।

S.A.Q.

सोंथि : सान हाबहां सलनि गुबै बाभ्राखौ नौनि रावजों लिर ।

(30 सोदोबनि गेजेराव)

.....

.....

.....

सोंथि : सुरेना मा जाहोननि थाखाय एम. ए. फरायनो

हादिया ? (30 सोदोबनि गेजेराव)

.....

.....

.....

3.6 फागिल सुंद सलनि सल :

सिगाडाव जों सानहाबहां सलनि सोमोन्दै मिथिबाय । दानिया जों "फागिल"

मुनि सलनि सोमोन्दै मिथिनो हानाय जागोन । गाहायाव बे सुंद सलनि जाथायखौ
फोरमायनाय जाबाय ।

बे सलनि गाहाय गाहाय आखुवा जाबाय उषा, प्रेमसिं आरो सनाथि । सुबुड
अबंलावरिनि फेरलेबसे जिव मोननानै बहुमाव बायदि जायख्लं सिमां सुजुयो ।
रंगिना संगिना मिजिं लानानै जिव दावहायाव धांनो थानो जुजियो ।

बेबादिनो समायना मोनसे सिमां रनसायदोमोन उषाया । उषाया गोसो गोरबोजों
मोजां मोनो प्रेमसिंखौ -- नाथाय सिरि सिरि -- बिखायाल गावो खुगाया गेवा ।
गोरबोनि बाश्राखौ स्रा स्रियै प्रेमसिनो फोरमायनो हायाखै । गोसोया जायो उरां
फारां । दानसोरां अखाफोर हर गेजेर समाव एमनि सायाव गोलैसोनानै थायो
उन्दुलाङ्गजासे उषाया । उन्दुतो नागिरब्लाबो उन्दुलानो हाया । सम सम बाइजोयाव
ओंखारनानै दानसोरां हरनि जोंब्लाव अखाफोरखौ नायहरनानै गोसोयाव रंजाखाङ्गे
आरो मिनिखाङ्गे । बेबादि समावनो बबेनिबा दखरसे दुखुथिया खोमसि जोमैया
दुखु दाहाजों नाखेबजानानै खोमसि दरसि महर लानानै गावदां अखाफोरखौ
साग्लोबफैयो -- दानसोरां अखांखौ खोमसि खालाम फैयो । लोगोसे बिनि रंजाखानाय
गोसोयाबो बोथोरजों जाफायो फादुब सोमखे । खथा सिङ्गव हाबफिननानै एम
सायाव गोलैनानै हा-अखां सानबाय थायो बियो । हर गेजेर बारलांबाय । दावथु
फेसायाबो बारि खनायाव विलाइ सिरिनानै लंथं जानाय बिफानि दालायाव बानानै
गावनि गिधाव थाव देंखोजों सारिसे रोजाबलांबाय । थेवबो बेफोरखौ बिहा खोमा
होयाखै । बिंगिबादि थायो । दसे उनाव खरसा सेराव थानाय थेबिल लेमा फलौ फलौ
सोदोब होयो । मोजाई नायोब्ला नुबाय लेमाव केरासिन गैया । खोमोरनांसिगौ बिखौ
बियो सानबाय । थेवबो खोमोरनो ना खोमोरा सानबाय थानायावनो आगसि आखाया
लेम फारसे दावगा लाङ्गे आरो मिथिस्ताबाजासे लेमखौ खोमोरगारो । नाथाय लेम
गोमोरनाय लोगो लोगो अखाफोरनि सोराङ्ग इन्जुर गब्लंजों खोमसिखौ नेवसिनानै
खथा सिङ्गव हाबफैयो । बियो सानबाय गावनि साननायाबो हाजार हेंथा, हाजार
खौफोदखौ नेवसिनानैब्लाबो मोगथाङ्गव जाफुंगोन ना जाफुङ्ग । बुहुमनि साप्रोमबो
सुबुडानो गावबा गावनि गोदें सिमांखौ जाफुंहोनो नाजायो । थिग बेबादिनो उषायाबो
बोलो फोरादों गावनि मोजोमसे साननायखौ मोगथां महर होनो ।

जोंथि अखाफोरा गावनि मावनांगौ हाबाखौ मावलांगासिनो दं । दसे उनाव

उषानि खथायाव हाबफैनाय जोंथि सोरांनि लामायाबो धुंगेयो आरो खथायाव खोमसि जायो । बियो लासैनो उन्दुलाडे । उन्दुनाय समाव वायदिसिना सिमां नुयो बियो -- सिमां नुनायनि जेबो गुदि खिधा गैया । एखमबा सोरखौबा जिग जिग रायो, सोरखौबा बुनो नागिरो आरो सोरखौबा गारां थेरबुं थेरबुं जाजासे गोरबो गोनां (गोसो सिंनि) रावजों मोजोमसे अननाय होदेरफानानै गोजोनै बरायो । विनि रावाव -- सोरखौबा खाथियाव थाबाय थाजानो लुबैयो । एखमबा हारसिनो दुखु दाहानि हांमा सुरहाव सुरहाव गाबो -- मेगन मोदैया सिगलाबो गान्दुवाव । अखानायनि समाव औवा बिजौवाव हरसेनि थाखाय न लुनानै थानाय फेरेंगा दावा गाबो आरो बासानि दावब बुगलाया गांजों गां फोनांजाव फोनांजाव माबा लुबैनानै, माबा नागिरानै, बहाबा माबा मोनगोन मिजिं लानानै सोमखोर नखांजों बिरलाडे बेसेबा गोजानाव । बासानि दावसि दावलाफोरा सिरि मोनो । दावज्ला मासेया गिसिबनाय लोगो लोगो उषायाबो सिरि मोनो ।

बेनि उनाव उषाया उन्दुफिनाखिसै । मोखां सुनानै गावनि खथा सिडव हाबफिननानै बिजाव फरायनो लायो । नाथाय बियो बिजावखौ फरायनो हाया । आरांगायाव जिरायब्लानो जाखांफैयो प्रेमसिंनि गासैबो महर मोखाड । प्रेमसिंनि महर मोखाड बिखौ सानफ्रोमबो एगदावफैबाय थायो । जानाय लोनाय मावनाय दांनाय गासै समावनो जाखांफैयो प्रेमसिंनि मुसुखाया । गोसोजों गोसो सानो आरो सोंधि खालामो -- प्रेमसिड उषानि साननावखौ जाफुं होगोन ना होया ।

गमामायैनो, प्रेमसिंनि अनगायो दान्दिसेबो थानो हाया जाबाय उषाया -- बिखौल मानोबा हास्थायो, अरायबो सेराव थाबाय थानो हास्थायो । एखमबा सानो -- गोरबोनि अननाय मोजां मोननाय आरो सिबिनायखौ फोरमायहरनो । नाथाय मा खालामबा मोजां जागोन सानबाबो सानसहायाखै । गोसो मोनसा मोनसा थक्लं बुनानै लागारनो सानो -- नाथाय लाजिनानै धादफिने । उनधाराव लाइजामनि गेजेरजों गोसोनि बाश्नाखौ फोरमायनाया मोजां जागोन सानना लाइजाम लिरनो हमो । नाथाय लाइजामखौ सिरिनैसो लिरनानैनो लाइजामखौ लिरनो हाया जायो । सानताया दं -- नाथाय राव गैया । खनसे नड, खननै नड बेसेबा नाजाबाय, थेवबो हाथारमाराखिसै बियो लाइजामखौ लिरजोवनो । लाइजाम लिरजोवनो हाथि दुखुजोंनो बियो खर गिलिर मोननानै एम सायाव गोलैसोनानै थायो ।

बोधोरा थाडे बोथोरा फैयो। थामहिनबा गुरस्लायसुलि बहुमाव मोनसेनि उनाव मोनसे बोथोरा नुजाथियो। बेबादिनो बयनिबो रंजानाय उदां बोथोरा सानसे मिनिबाला बाला नुजाफैयो। बयनिबो गोसोया रंजाखाडे -- आरो रेसुमै गारांनि देखो हगारनानै दावखौ औवाबो रंजादों। बेबादि बोथोरजों गोरोबनानै रंजाखांदों प्रेमसिंनि गोसोयाबो। नाथाय सोर मिथिनो -- सोरनिबा रंजानाया सोरनिबा सहायहायै दुखु जानानै फैयो। उदां बोथोरनि बेबादि रंजानाय बोथोरावनो प्रेमसिंनि हाबा सनाथि मुनि सासे समायना सिख्लाजों। हाबायाबो जालांवाय जोबोर गाजा गोमजायै। बिसोरनि (प्रेमसिं आरो सनाथि) जिवाव नुजाफैयो सुखुयै संसार जानायनि सिमां। बेबादिनो प्रेमसिं आरो सनाथिनि जिव दिडया लासै लासै बोहैलाडे सुखुनि गेजेरजों। नाथाय बेबादि बोथोरा गुबुन फारसेधिं उषानि गोसो गोरबोखौ खेब खेब नाखेबो सानफा एफा एफा। उषाया सान्दोंमोन प्रेमसिंखौनो आंगो जिवनि लोगो खालामनो। नाथाय फैमाल उषानि मिजिड मिजिडैनो थानांवाय। धेवबो विनि गोसोया फोथाया। जाइ प्रेमसिंखौ उषाया मोजां मोनो बि प्रेमसिडं बिखौ गारनानै गुबुनखौ हाबा लानो हाया -- बे बाश्नाखौ बियो (उषाया) मिनिगलाबनानै बुडे। बियो फाग्लिबादि जावाय -- गोसोनि बाश्ना आरो गोरबोनि अननायखौ फोरमायनो रोडैनि थाखायनो दिनै बियो उदां बोथोरनि हर गेजेराव जानांवाय फाग्लि। सुंद सलवाबो बेयावनो जोबो।

S.A.Q.

सोंथि : उषाजों लोगोसे प्रेमसिड मा सोंमोन्दो दंमोन फोरमाय।

(30 सोदोब)

.....

.....

.....

सोंधि : उषाबादि आखुनि समाजाव नुनो मोनो ना मोना ?

(30 सोदोब)

.....

.....

.....

4.7 फाग्लि सलवाव बेरखांनाय समाजारि सावगारि :

फाग्लि सलनि गुवै बाध्राखौ गाहायाव सुंदर्यै फोरमायनाय जावाय ।

सुबुं माहारिया समाज दानानै संसार जानो मोजां मोनो । बेयो जोनोमजों फैफाखानाय मोनसे आखु । समजों लोगोसे सुबुंनि साननाय हनाय, मावनाय दांनाय गासिबो सोलायबोयो । उन्दैया, लाइमोनाव, लाइमोना बैसो गोरायाव महर सोलायो । नाथाय मखजाथावदि लाइमोन बैसोयानो बयनिखुइबो साबसिन आरो गिखुंथावसिन सम होनना साननाय जायो । मानोना लाइमोन समानो सासे सुबुंनि इयुननि इसारा होननानै गनायनाय जायो । बे समाव गोसो हमथानानै मोजां थारिख लानानै गसंधानो हायोब्ला इयुननि समफोरखौ मोजाडै मोजां बाबेनहोलांनो हानायनि खाबुया गोरलै जाना फैयो । बेनि उलथा जायोब्ला नाथाय गोब्राव जेंनाजों मोगा मोगि जानांगौ जायो । बेबादिनो लाइमोन बैसोजों मिनिखुसि बराय जानानै उषाया बाइदि जाइखलं सिमां सुजुदोंमोन -- धामहिनबा प्रेमसिं मुंनि सासे सेंग्राजों इधुन जिवखौ दैदेनलांनो मोजोमसे सिमां नुदोंमोन । नाथाय बे सिमां नुनाया उषाया गाव हारसिल ' सिमां नुदों -- प्रेमसिडा जेबो मिथिया । मानोना उषाया गावदि प्रेमसिंखौ मोजां मोनो बे बाध्राखौ माब्लाबाबो फंसेबो प्रेमसिंनि सिगाडव बुंफेराखै -- बुंनो हाफेराखै । बेनिखायनो उषाया "अखा हाखांनानै खफ्रि हमनाय" होननायबादि प्रेमसिड सनाथिजों हाबा जाखांनाय उनाव हारसिं दुखु दाहाजों नाखेबनानैसो दोनजायो । बेनिखायनो जों बुंनो हायो -- बोथोर थानायावनो, थि समावनो खामानिखौ मावाब्ला नेनानै थाबाय थायोब्ला माब्लाबा आन्दायनाडे बे बाध्राखौनो बे सलवाव फोरमायदों उषानि आखुनि गेजेरजों ।

S.A.Q.

सोथि : प्रेमसिद्ध उषाखौ मोजां मोन्दोना मोनाखैमोन ? (30 सोदोब)

.....
.....
.....

सोथि : प्रेमसिद्ध उनाव सोरजों हाबा जादोंमोन ? (30 सोदोब)

.....
.....
.....

4.8 सानहाबहां आरो फाग्लि सलनि आखु सोरजिनाय :

सान हाबहां आरो फाग्लि सलवाव सलगिरिया आखु सोरजिनायनि सोमोन्दै गुसुडै बिजिरनाय जाबाय ।

आखु सोरजिनाया सासे सलगिरिनि मोनफा मोनफा देरहासारनाय । मोनफा सलवाव सासेनि बांसिन आखु जायगा मोननो हागौ । अब्लाबो साथाम साब्रैसोनि बारा आखु सुंद सलवाव गोबां नुनो मोना । मानोना सुंद सलवा गुसुं, एसेल समनि गेजेरवनो फोजोबनो गोनां जानायलाय बेयाव बुरजा आखु गायसननायनि एबा सोरजिनायनि खाबु धाया । गुबुन फारसे नाथाय सलमाफोराव जों धोजासे थामहिनबा बांसिन आखु सोरजिनायनि लामा दं -- मानोना सलमायाव बेरखाडे आबुं जिवनि जाथायफोरा । नाथाय सुंद सलफोराव जिवनि खोन्दोसेल जाथाया बेरखाडे । बेनिखायनो एसेल आखु लोगो मोनो । सरासनमा आखुखौ जों मोननै बाहागोयाव नुयो-हौवा आखु आरो हिनजाव आखु ।

सानहाबहां सलवाव जों मोनो सुरेन, सुरेननि बिफा, सुरेननि बिमा सौमसि (उनाव थैयो), सुरेननि बिमा गदाय अनारी, मिलौ (सुरेना मोजां मोननाय) आरो सुरेननि आंगो लोगो कमलसिं । बे सलवाव सुरेन बिफाया बिसि गदायनि बाश्चा

खोनासंग्रामहरे लोरबां आखुवानो बेरखांदों। गावनि साननायखौं मावफुंनो हाया बिसि गदायनि गनायथि नडब्ला। बेनिथाखायनो गिबि बिसि सोमसि आरो सुरेना गोजौ सोलौंथाइ (एम.ए.) लानो हास्थायनायावबो गदाय बिसिनि हेंथा होनायाव जाफुडाखिसै। गुबुन फारसैथिं सुरेना बिनि (बिमा गदाय) थाखायनो बोलि जानांदों। गावनि गोसोखौं हमथानो हायिनि बिमा रावाव अनार्च लानानै बि.ए. बारगलायनाय सेंग्रायानो जौखौंनो जिवनि जोबथा आंगो महरै गनायो आरो जिवखौं दुखुगोनाडै फोजोबनानै लायो। बेखौं नायोब्ला जों बंनो हायो गुनि गियानि सुबुडाबो एखमबा गोसो हमथानो हायाब्ला खैफोदजों मोगा मोगि जानाडो। बे जाथायानां जादों सुरेनि जिवाव।

गुबुन फारसे बिमा गदायफोरखौं समाजाव मोनसे आलादा नोजोर होनाय नुनो मोनो। बिसोरनि सायाव मोनसे फोथायनाय सोमजियो हाजारखि बुझ मानो गावनि असे थै सोमोन्दोनि फिसा नडब्ला गुबुननि फिसाखौं एसे आलादा नोजोरै लायो थामहिनबा जेसेबां फोथायनानै अननांगौं एसेबां फोथायनाय लाया। बे आखुवानो बेरखांदों अनारी आखुनि गेजेरजों। समाजाव बेबादि जाथाया खना खनला जाखोमायो।

कमलसिद्ध सुरेनि आंगो लोगो। सुरेनि सुखु दुखुनि लोगो। सुरेना जेब्ला जौ लोडैलोडैखन्थाइ आरो मेथाइ तिरनानै दोनो बेफोरखौं बिजाब महरै दिहुनननि फोसावनायनि थांखि लार्दोमोन। नाथाय लोगो महरै बे मिजिंखौं जाफुंहोनो हायाखिसै मानोना सुरेना गोसो हमथा हाथैनि गावनि जोनोमगिरि बिमानि बोसोनखौं बिमा गदायनि नायनो बानाय आखुनि थाखाय जाफुंहोनो हायिनि दुखु दाहाजोंनो दैमायाव बाबुमहैनानै गावखौं फोजोबनानै लायो।

गुबुन मोनसे "फागिल" सलवाव जों नुनो मोनो साथामल' आखु उषा, प्रेमसिं आरो सनाधि। नाथाय बेयाव उषायानो गाहाय हिनजाव आखु। उषाया गाव गोसो गोरबोजों मोजां मोनो प्रेमसिंखौं। नाथाय प्रेमसिद्ध बेनि सोमोन्दै जेबो मिथिया। उषानि मोजां मोननाया सैथो आरो गोथार। नाथाय बिखायाल गावनानै खुगाया गेवाब्ला सोर मिथिनो सोरनि गोसोयाव मा हास्थायदों मा मिजिं थिदों। बेबादिनो -
- उषाया हारसिनो सिरि सिरि मोजां मोनखोमाना गोबाव सम नैबाय थानायावनो

प्रेमसिद्ध सनाथी मुंनि सासे सिख्लाजों हाबा जालाडे । उनाव उषाया गोसो हमथा हायिनि प्रेमसिखौ गोसो खाडै खाडै फाग्लिबादि गोब्रामलायो, हारसिं हारसिं मिनियो । उषाया समाजाव मिथिजायो फाग्लि होनना । सलगिरि इन्द्रमालती नारजारी बिथाड्ड समाजनि गामि सिं सिं खना खनला लाइमोनफोरनि जिवाव हरखाव जेंना महरै नुजानाय फिसा फिसा जाथायफोरखौ समायना महरै आखु एरखांनायाव देरहासार जानो हादों ।

S.A.Q.

सोथि : आखुवा मोनबेसे रोखोमनि थायो ? (30 सोदोब)

.....
.....
.....

सोथि : बे सलनि सलगिरिया आखुफोरखौ बबेनिफ्राय खनखाडे ?
(30 सोदोब)

.....
.....
.....

4.9 सानहाबहां आरो फाग्लि सलवाव बेरखांनाय समाजारि सावगारि :

समाजारि सावगारिनि सोमोन्दै सिगांनि खोन्दोयाव फोरमायखाबोदों । बेयाव नाथाय सलवाव बेरखांनाय समाजारि सावगारिनि बिदिन्थिखौल फोरमायनो नाजानाय जादों ।

सान हाबहां सलवाव बेरखांनाय समाजारि सावगारि महरै जों बिहारि एबा

गदाय बिसि लानायखौ जों मखनो हायो । मोनफा नखराव नखर बिगोमाया गावनि गिबि बिसि थासेयावनो (एखमन्ना बिसि थैखानाय उनाव) बायदि जाहोननि थाखाय गदाय बिसि लायो । जाहोनाव नखरनि बायदि सोरदिथायाव (परिबेशाव) बिसि गदायखौ समाजा आलादा नोजोर होयो । बे सलनि अनारीनि आखुनि सोमोन्दै सिगाडवनो फोरमायबोबाय । बिनि आखुवा समाजाव नुजानाय मोनसे सावगारि । समाजाव फोथायनाय आरो समाजाव जाफलेबाय थानाय जाथायनि थाखायनो बिहारि लानाय हाबाखौ बर' समाजाव गुबुन राइफोरधि होयो । आधिखालाव नाथाय बेबादिखौ समाजा आइननि हेफाजाबजों मोजां नोजोर होनो राहा लानाय नुनो मोनो ।

गुबुन फारसे " फारिल सलवाव बेबादि समाजारि सावगारि रोखायै नुनो मोननाय जाया । नाथाय सलनि गाहाय आखु उषाया गावनि गोरोन्थिनि थाखाय बिखायाल गावना खुगा गेवैनि थाखायनो दुखु दाहा मोननांगौ जायो बेबादि जाथायाबो समाजाव सिरि सिरि जाखोमायो ।

4.10 फोजोबनाय :

बेयाव सावरायनाय दोनै सलनिफ्राय जों मिथिनो हायोदि -- सुबुडा सुबुनि अननाय फोथायनायनि गेजेरजोंसो थांखिखौ जाफुं होनो हायो । अनलायनाय, फोथायनाय आरो गोसो हमथानाय गैयाब्ला जिवाव गोबां दुखु दाहा मोननाडे । जायखिजाया सलगिरिया समाजाव जाफलेबाय थानाय जाथायफोरखौ मोजाडै बेरखां होनो हादों । बिदिब्ला जों बुंनो हायो -- सलनि जाथाया समाजाव इयुन जोलैफोरनि मोनफा मोनफा रादाब । जाय रादाबखौ मिथिनानै समाजा सांग्रां आरो थियारि जानो हायो ।

4.11 जानो हाथाव सौलुफोर (Probable Questions) :

1. सुरेना गावनि मिजिंखौ जाफुंहोनो, हायैनि जाहोना मा होनना नों सानो बिजिरनानै लिर ।
2. सुंद सल लिरगिरि महरै इन्द्रमालती नारजारीखौ बिजिरनानै लिर ।

3. इन्द्रमालती नारजारीनि सलफोराव समाजनि माबदि जाधायफोरा बेरखाडो बिजिरनाई लिर।
4. "फागिल" सलवाव सलगिरिया मा बाश्रा फोरमायनो नागिरदों बिजिरनाई लिर।
5. उषाया मानो फागिल जानांदोंमोन आरो बियो फागिल जानायनि दायनिगिरिया सोर होनना नों सानो बिजिरनाई लिर।
6. "फागिल" सलवा सलनि मुंजों गोरोबदोंना गोरोबाखै बिजिर।
7. उषा आखुनि सोमोन्दै बिजिर।

4.12 फरायनो गोनां बिजाबफोर (References and Suggested Readings) :

फरायनो गोनां बिजाबफोरखौ युनिट-3 आव होनाय बिजाबफोरखौ फरायबानो जागोन।

ooooo

GUIDOL also offers the following programmes

Master Degree Programme:

M.A. in Assamese, English, Political Science, History, Philosophy, Bodo, Nepali, Bengali, Sanskrit, Education, Communication & Journalism

M.A./M.Sc. in Economics, Mathematics

M.Com

PG Diploma Programme:

Sales & Marketing Management (PGDSMM)

Human Resource Management (PGDHRM)

Journalism & Mass Communication (PGDJMC)

Business Management (PGDBM)

Finance Management (PGDFM)

Banking & Financial Services (PGDBFS)

Insurance & Risk Management (PGDIM)

IT Programme:

M.Sc.-IT, PGDCA

Under Graduate Programme:

B.A(General), B.Com (General), BCA, B.Sc.-IT



GAUHATI UNIVERSITY
Institute of Distance and Open Learning
Gopinath Bardoloi Nagar, Guwahati - 781014
www.idolgu.in